

239

ACCVRATA
VNIVERSÆ
PHILOSOPHIÆ
SYNOPSIS.

Tomus Sextus.

SELECTIONES OMNES QVÆTIONES
DE ANIMA
CONTINENS.

Authore P. IACOBO FOVRNENC Presbytero
Congregationis Oratorij D. IESV, Doctore Theologo.



PARISIIS,
Apud Viduam SEBASTIANI HVRE'
ET
SEBASTIANVM HVRE', viâ Iacobzâ, sub signo
Cordis Boni.

M. DC. LV.
Cum Privilegio Regis, & Approbatione.

ACCURATA
REVISE
PHILOSOPHIA
SYNOPSIS

THE
SYNOPSIS
OF
THE
PHILOSOPHY
OF
THE
HUMAN MIND
AS
PRESENTED
IN
THE
LECTURES
OF
MR. J. H. CLARKE
AT
THE
ROYAL INSTITUTE
OF GREAT BRITAIN
AND IRELAND
IN
THE
YEAR
1825



PHILOSOPHY
OF
THE
HUMAN MIND
AS
PRESENTED
IN
THE
LECTURES
OF
MR. J. H. CLARKE
AT
THE
ROYAL INSTITUTE
OF GREAT BRITAIN
AND IRELAND
IN
THE
YEAR
1825

P R O O E M I V M.

TAMETSI nihil sit in uniuerso, cuius contemplatio nobis in ipsum
Diminutatis quasi vestibulum, & antelucanam inspectionem viam
non prepararet, cum à magnitudine speciei & creaturæ cognoscibi- Sap. 14.

liter poterit Creator horum videri: atque ex verum aequalitate, cursu, or-
dine, atque constantia sempiterna Creatoris sapientia, virtus, pulchritudo, at-
que immortalitas non obscure sese prodiderint. Nihilominus, quod nunc ag-
gredimur institutum, multò ceteris efficacius, nostro nos reddit Authori: Eius-
que dum clariùs in nobis explanat imaginem, archetypam propius retexit Ad a-
scensionem: & Diminutatis participande formam, dum imaginis lucamenta dis-
persit, praeber: Hic totius humana sapientia scopus est: ac palmare monumentum.
Ad unum hoc prologium tradit. Quæ totum vniuersa veterum semper collinea-
uit Philosophia: quo quid aliud discas, nisi eo fine vel præcipue philosophan-
dum esse, ut Deum in Te: ac Te ex Deo tandem nosse possis? Hoc autem præ-
sens de anima Tractatus, ut reor, efficiet: eius enim naturam, doctæque omnes
diligenter expendet, quibus perspectis, facile elucescet, quantum ac quale sit ipse
supremi opificis inuentum, quamque immensus ab eo sit cumulatus beneficiis:
quos denique quamque sinceræ illi debeat gratiarum actiones, &c. Idcirco
reliquisse D. Aug. 2. l. de ord. c. 3. docuit, inquit, præcipue in omni Philo-
sophia quaestiones, una de anima, altera de Deo: illa efficit, ut nos ipsos
noñerimus; ista, ut originem nostram. Et Arist. 1. de anima c. 1. hanc vo-
cat notitiam bonorum, & honorabilium, & certorum, & mirabilium, &
denique vilissimorum.

Vide Tull.
1 Tuscul.
Plotin. Ea.
4. l. 3. c. 1
Plat. Alcibi.
1 Lact. 1. 1.
Plinius 1 7
&c.

Interim pauca hæc præfanda suppetunt. Primum vix quidquam esse, de quo
accuratius differrisse Philosophos omnes innemias: & tamen nihil esse, in quo
magis errasse deprehendantur. Esse animam nulli dubitauerunt; quid verò sit,
vemo ferè ante resusum cælestis Euangelij iubar, potuit vnuquam exatò defi-
nire: horrenda illos caligo tennit: ut qui cum nihil nisi animale sapuerint, in-
star brutorum, quoque anima suæ, non intellexerint dignitatem. Ita Homo
cùm in honore esset non intellexit, & ideo, comparatus est iumentis insi-
pientibus. Denique sunt istæ plangende tenebræ, in quibus me latet fa-
cultas mea, quæ in me est, ut animus meus de viribus suis se interrogans,
non facile sibi credendum existimet, quia & quod inest, plerumq; ocul-
tum est. Neque sane hic Platonem excipio: nam licet in hac Philosophia parte
ceteris Philosophis longo semper antestiterit intervallo, ac de animorum nostrò-
rum dignitate detexerit, quidquid humana ratio primigenia lucis irradiatio-
ne potuerit vnuquam indagare, ad eo vultus Cic. hæc de illo non dubitauit
profiteri, A. errare mehercule malo cum Platone, quem eo quanti fa-
cias, scio, & quem ex tuo ore admiror, quam cum istis vera sentire. M.
maeste virtute: ego enim ipse cum eodem non inuitus et traherem: famen in
nonnullis quasi veruginem passus est: animæ naturam apprimè depinxit, ac fa-
dauit originem: esse illam immortalem, spirituales, Deo similem, liberrimo

Psal. 48.

Aug. 1. 10.
Confess. c.
32.

dominiopraditam, & si qua sunt eiusmodi ad excellentiam naturæ rationalis a: nentia perspicacissime nouit, definiit, demonstrauit: ac dum unde in corpus insilit, quous refliat, ulterius inuelligare uoluit, quia non ex apparentibus effectibus, sed ex arcanis Providentiæ Diuinæ decretis id pender, fabulosa commentus est, laudabilior certe futurus, si solum cecutiisset: Hinc in absurda, putidasque Pythagoreorū lacunas incaute prolapsus, metempsychosim si non uerè sensu, saltem docere maluit, animas è cælo lapsas esse in corpora, quæ nimis plura amauissent: stellisque pares, & similia quadam, non approbanda, asseruit: licet quod uerum nescierit, commune id potius Ethnica superstitionis deliquium, quam priuata ignorantia argumentum censeri debeat: mentis enim humane caput superat ortus ille animorum: nec non natura eorumdem euasio. Sate ergo, imo plusquam satis fuit Ethnico ea potuisse demonstrare, quæ docuit. Seruabatur hoc argumentum Christianis: nam, ut merito quidam ex SS. PP. olim scripsit, Multa profecto sunt immortalitatis animæ demonstrationes apud Platonem & alios: sed illæ æquo longiores; & perceptu difficiles sunt: & uix iis, qui scientiis ingruenti sunt, cognitæ: nobis uerò ad demonstrationem immortalitatis ipsius satis superque est diuinorum oraculorū doctrina, quæ in se fidei faciendæ vim habet, ideo quod à Deo inspirata est. Quin & Plato ipsemet hoc agnouit: in Phædone enim post exantlatas omnes suas facundia vires ad hanc immortalitatē suadendam, hæc ait. Hoc enim unum illis in rebus rudiosè est elaborandum, ut aut discamus quomodo hæc se habeant, aut inueniamus: aut si fieri hoc non possit, humanarū salutem rationum: ea quæ melior, firmiorque, id est, quæ minùs refutari possit, delecta ei quasi insideamus: ut illa tanquam rate uectæ, vitæ istius pericula, difficultatesque enauigemus, nisi quis possit certiore, & tutiore modo id est, DIVINO QUODAM VERBO traduci, atque transmitti: & inferius humana intelligentia agnoscens infirmitatem, ait, nihilominus præferam commemoratarum magnitudine, dum etiam humanam infirmitatem hisce explicandis imparem existimo, cogor his plenam adhuc fidem non adhibere.

Secundò principaliter præmonere hic nos oportet obiectum 3. lib. Aristotelis de anima: esse propriè corpus animatum. Cum enim uersa Physica corpus naturæ contempleretur, hunc debuit seruare ordinem: primo corpus illud in genere considerauit in 8. lib. Phys. Deinde corpus caleste, tum corpus elementare: postea mixtum generabile, & corruptibile, abstrahendo à perfectò: Hinc mixtum imperfectum, quo meteora continentur: max mixtum perfectum inanimatum, quo fossibilia, gemma, &c. Denique corpus animatum. Ordo hic sanè optimus: quoniam tamen id quo corpus animatum talè constituitur, & à cæteris distinguitur, est anima: Ideo hæc debuit esse præcipuus scopus huiusce tractatus, quia sciri non potest, quid sit corpus animatum, nisi quæ uires anima natura, & vires fuerint ex ætate ponderata. Adde ulterius, quod cum nihil sit in cæteris animantibus, quod non ab anima rationali exerceatur in nobis: ideo præcipua cura hæc nobis impendere debet, ut de hac potissimum edisseramus: idque tentabimus; quamobrem primum de ipsius essentia dicemus, tum de ipsius uiribus & operationibus, 1. de vegetatiuis. 2. de sensitiuis. 3. de intellectu-
lib. nis.

S. Gregor.
Nyss. l. de
Anima.

CAPVT PRIMVM.

DE ESSENTIA ANIMÆ.

§. I.

Quid sit anima in Genere.

NOTANDVM est primò animæ nomen vsurpari præcipuè concu-
suisse pro principali eius specie, nimirum pro anima ratio-
nali, & insuper pro intelligentiis mouentibus cælos. Ideo
Platonici vix nomen hoc formis brutorum accommodare audent: secus
spiritus omnes, quibus insita est vis primaria sese, necnon corpora mo-
uendi, animas vocant: & sic vocari Deum ipsum, prout mundanam fa-
bricam intus agitat ac moderatur, diximus lib. de Mundo cap. 5. §. r.
Hinc tritum apud illos est planeras dici ætheria animalia: quin & Ari-
stoteles Deum ipsum vocat animal *τὸ ζῷον*. Idque hinc fluxit, quòd
communem hanc notionem animæ omnes amplexi sint: nempe ani-
mam esse id quod primò, & à seipso se mouet: atque inde monendorum cor-
porum origo est, ac principium: vt diximus lib. de mundo cap. 5. §. 2.

Hanc tamen notionem non vsquequaque Aristoteles approbavit: ra-
tus quidquid mouetur, moueri ab alio; nihil verò à seipso. Hoc tamen
proximè concessit, cum dixit animam esse id quo viuimus, mouemur, sen-
timus, ac intelligimus: hoc enim non puto aliud esse, quam sinceram ex-
plicationem mentis Platonis, cum in 1^o de Legibus duplicem morum
distinguit, vnum primarium, secundum quem animæ humanæ, ac cœ-
lestes intelligentiæ non modo mouent, sed & mouentur: alteri secun-
dum, qui naturali corpori est proprius, *Vniuersa*, inquit, *quæ in cælo*
sunt, quæ in terra, quæ in mari, suis motibus anima ducit: quibus nomina
sunt velle, considerare, curare, consultare, opinari, lacrimare, dolere, & cæteris
præterea motibus omnibus, qui horum affines, primique sunt: qui & secundos
corporum motus suscipientes, omnia in augmentum, decrementumque deducunt,
&c. Ita solum Plato voluit animam seipsam mouere motu inten-
tionali, seu operationibus immanentibus, quod non est ab Aristotele
alienum: nam ipse in 2. de anima cap. 5. fatetur animam in sensuum ope-
rationibus moueri, ac pati. Hinc Plato vocauit animam *numeron se*
mouentem: quod quid debeat intelligi, dicetur infra.

Aristoteles Animam secundum se considerans prout omnibus viuem-
tibus conuenit: siue quatenus est principium vitæ in corpore, eam sic
definit; *anima est actus primus corporis organici potentia vitam habentis*.
Hanc definitionem omnes postmodum Peripatetici magno plausu am-
plexi sunt: verum quid nomine actus intellexerit, diu fuit disputatum:

Dubitant tamen Peripatetici, quid nomine corporis naturalis intelli-
gi debeat: Nonnulli enim totum compositum intelligunt, seu mate-
riam primam prout informatam anima secundum gradum substantia-
lem corporis: alij eandem materiam absolute ab anima secundum se co-

tam aduatam, ita ut sensus sit, id quod in composito animato se habet ut actus primus constitutivus, esse animam: quare, inquit, sic anima est actus corporis naturalis; sicut color actus colorati, vel lumen actus perspicui. Alij materiam solam cum dispositionibus vitæ. Alij aliter. Ita in re facili inutiles in immensum difficultates comminiscuntur: nihilque tandem nisi de vocum pugna tedium parturiunt. Prima interpretatio arrisit S. Thome 2. de anima cap. 1. Complutensibus hic, Banne-
fo in 1. p. q. 75, ac defendi potest; si consideres definiti tunc actum constitutum per ipsam constitutionem subiecti, siue per rem constitutam, unde negare poteris formam esse actum corporis, ut à se totaliter distincti: pari quoque subtilitate defendes & secundam: sed vix probabis; nam etiam tertia placuit S. Thoma qu. 1. de spirit. creat. a. 3. ad 2. Ecquid enim obiicias, si mihi placuerit materiam, ut est ab anima informabilis, corpus nuncupare? fatebor in ea significatione non concipi tanquam corpus naturale actu constitutum, sed au non satis eris, si fuerit corpus naturale in potentia?

Platonici sua quoque huc torquent iacula: & dicunt ea definitione solum explicari naturam corporis animati, at ipsius animæ, nequaquam: & cuius sit, non quid: neque inde nos quidquam aliud scire de anima, quam quod sit corpori causa vivendi; in quo sibi satisfactum non esse, forte haud immerito, conqueruntur: quod nulli dubium sit corpus per animam vivere, cum tamen quid anima sit, maxime ignoscitur: neque etiam quid vita sit, explicetur. Ideo & ipsi Platonis subtilitate sublevati ulterius in animæ natura indaganda, & explicanda progredi tentarunt, ut videbimus inferius. Hæc illi.

Interim nescio quid neoterici quidam sibi velint, cum definitionem Aristotelem explodentes, hanc eius loco substituunt, *anima est alius consentivus composui potens elicere actiones vitales*: voces quidem diversas lego: sed sententiam, si non eandem, certe falsam: nam cuilibet potentie vitali conveniet.

Aristoteles aliter animam descripsit hoc modo: *anima est id quo primo vivimus, movemur, sentimus, atque intelligimus*: non quod omnis anima omnia hæc efficiat: sed sensus est, quotiescumque, idemque aliquam ex his operationibus exerceri, primum illud, ac principale principium internum, è quo emanant, esse animam. Ergo per illud *quod primo* exclusit facultates accidentales. Et cum addit, *movemur*, intellexit motum, qui sit ab interno principio versus quaecunque loci differentiam: quæ ratione à sola anima prodit. Ad hunc sensum D. Th. 1. p. q. 75. a. 1. definit animam *principium vite in his, quæ apud nos vivunt*. q. d. omnium vitalium functionum: quæ apud nos exercentur, principium est anima: illæ autem sunt vegetatio, quam *in vivimus* subnotavit Arist. motus spontaneus, de quo supra: sentiendi actus: & denique ratiocinandi, id est, loquendi, disserendi, disputandi, &c.

Ex hac definitione S. Thomas demonstrat animam non esse: *pus* 1. p. q. 75. hoc modo: corpus ut eo *pus* non est principium vitæ: ali quin omne-

Plotin. 1. a.
En. 4.
Procl. in
Tim.

corpus viveret: ergo vivit solum id, quo vivum corpus constituitur: id autem est actus corporis, non verò corpus.

Ex hac item Platonici colligunt naturam corpore; animam naturam & mentem anima superiore esse.

§. 2.

Quid sit anima rationalis, secundum substantiam.

DEFINITIONEM communem animæ hactenus attulimus: sed nihil interim ferme dictum est, quo animæ nostræ natura sit nobis facta perspectior. Ex quo novimus nos esse homines, an non pro comperto habuimus esse in nobis spiritum, qui corpus nostrum in reliquis vitæ functionibus exercendis agitet, ac vigorem imperietur? sed quibus ea notione contentus est? quis se nosse propterea quid sit anima, gloriabitur? Tentandum ergo aliquid amplius: sed prius veterum opiniones breviter referamus: id quod equidem à me non posse commodius fieri reor, quam si verbis ipsis Theodoretici utar: sicut enim ait: *Ceterum ut ingens illorum dissidium deprehendamus, age iterum ostendemus, qualia sint que de anima celeberrimi philosophorum opinati sunt, & quopatto eos inanis gloria, ut Homerus ait pugna contendere suaserit: qua autem Deo duce dicam, ex Plutarchi, & Porphyry, Aëtijque commentariis dicam. Thales igitur animam appellavit immobilem naturam: Alcman verò, eam per seipsam mobilem dixit; Pythagoras numerum esse, qui seipsum moueat: cuius opinionem assensus est & Xenocrates. Plato autem intellectibilem substantiam ex se mobilem. Stagyrites autem dixit corpus organicum: quod aptum sit vitam accipere. Endeletiam verò energiam autem appellavit. At Clearchus quatuor elementorum harmoniam esse ait. Anaximenes & Anaximander, & Anaxagoras, & Archelaus aëriam dixerunt anima naturam. Stoici spirituales quidem, sed quæ calidi plurimum habeat. Parmenides, Hippasus, & Heraclitus, igneam hanc nuncuparunt. Epicurus Neoclis filius, commixtionem quatuor quarundam qualitatum, ignea videlicet, aërea, ac spiritalis, quartaque præterea, quæ nomen non habeat. Empedocles, mixturem ex ætheria, aëriaque substantia. Critias ex sanguine & humido constare. Alij rursus alia, & contraria negati sunt: & infra, Pythagoras, Anaxagoras, Diogenes, Plato, Empedocles, & Xenocrates animam dixerunt incorruptibilem esse. Heraclitus verò animas hominum corporibus liberatas in mundi totius animam concedere ait, ut quæ sit eiusdem generis ac substantia: Stoici eas tunc per ipsas superstities vivere, sed imbecilliores ex igno temporis spatio, validiores usque ad mundi conflagrationem. Democritus, Epicurus, & Aristoteles animam corruptibilem esse liberè asseruere. Et pauld post: Horumque rursus alij animum esse sui Dominum, moderarique affectus, ut velit. Alij vero & necessitatis & sati servum esse dixerunt, atque Parcatum filius, & de cæli rationem, siderumque congressu omnes eius actiones, viresque pendere. Plato autem his contrariam de anima sententiam docuit: liberam enim dixit, dominamque perturbantium affectuum; & sponte sua huc, illucque ferri, suaque*

Grac. affect.
form. s. de
nat. hom.

ipsius

ipsius voluntate vincere, vel succumbere, &c. Hactenus ille subiungens ad hoc probandum multos Platonis textus, quibus euidenter euincit ex eius sententia nos malam naturam sortitos non esse, neque necessitate, aut violentia cogi ad peccandum, neque Parcarum filis agi, neque astrorum congressu ad agendum compelli: sed esse anima cum ipsa certamen, vincendi que habere facultatem, si inclinare ad virtutem velit. Trahereque quidem ad se cupiditatem; strahere & iram ex aduerso: utrum autem pareat necne, liberam esse potestatem, quippe quæ ad auriga partes constituta sit, ut agat ipsa, non ut agatur. Hactenus ille. Ex quibus patet quam difficilis sit ipsius de animæ naturæ veritatis inquisitio, cum tot opinionum sectas pepere-rit: patet insuper quænam fuerit Aristotelis & Platonis opinio: cum quibus sequentia concludam.

CONCLUSIO prima. Anima rationalis non est harmonia. Ita Plato in Phædone: qui ad hoc refutandum triplici vtitur ratione; *primam* eruit ex eo quod anima sit prior corpore: hoc est, prius saltem naturâ per se subsistit, quam corpus, & ab eo separabilis est: at harmonia, (siue consonantia qualitaturn, vel si maius ipsorum elementorum) est posterior corpore, sicut harmonia fidium fidibus ipsis superuenit, & non præit: nec per se subsistit, sed solum per ipsas, & in ipsis est: Ergo anima nostra non est harmonia. *Secunda* ratio est, quia omnis harmonia non est ab iis partibus, ex quibus constat diuersa, sed easdem potius sequitur: atqui animus à corpore diuersus est, ut ex eius viribus, actionibus, & repugnantis cum illo constat. *Tertia*, cum vitium maxima sit animi dissonantia, sequeretur maximam dissonantiâ esse in harmonia, neque hanc per illam dissolui, &c. *Quarta*, omnis harmonia suscipit magis & minus, & vna magis harmonia est, quam alia: id de anima dici nequit. Ergo, &c. *Quinta*, nulla harmonia sibi repugnat, neque organo suo. Atqui animus corpori sæpe aduersatur. Ergo. Vide S. Gregor. Nyss. lib. de anima, qui adductis præcedentibus argumentis addit sequentem: quod etiam in suscipiendis contrariis pars sit substantiæ, & subiectum: harmonia verò sit quantitas, & in subiecto. Hinc patet à fortiori animam non esse temperamentum contra Galenum: id enim probat S. Greg. cit. sic. Si temperamentum corporis sit anima, cum omne corpus saltem mixtum, temperamento sit præditum, sequitur omne mixtum esse animatum. *Secundo*, temperamentum mutatur per ætates: non anima. Ergo. *Tertio*, temperamentum non aduersatur concupiscentiis, imo cooperatur: secus anima. *Quarto*, temperamentum est qualitas, quæ abest & adest sine subiecti interitu; secus anima. *Quinto*, quia ex temperie naturali robur, sanitas, & pulchritudo nascuntur. Ergo si anima sit temperies naturalis, omne viuens semper esset robustum, sanum & pulchrum, &c. Hactenus S. Greg. Nyss. qui deinde pari contentionis ardore definitionem animæ ab Aristotele traditam vellicat, quod corpus vitale, opus anima, animam vocet, seu-
gens ab ea quod rationale est: cum oportuisset, inquit, omnem simul ani-
mam, etiamque humanam accipere, & non ex parte, eaque infirmissima, de-

toto sententiam dicere. Item quod videatur asserere corpus potestate vitam habere in seipso: & tamen oportet corpus vitam habens potestate, prius operatione corpus esse: atqui non potest corpus actu esse, priusquam acceperit formam: multa eiusmodi accumulatur ex Platoniciis aduersus Aristotelem, quæ legi possunt, neque enim vrgere id cupio: solum aduerti periculum illi maximè displicere, quoddam dici solet à Peripateticis, animam non moueri per se, sed solum per accidens: corpus verò ipsum per se: existimat enim verè animam esse substantiam, quæ se primo ex se moueat: ac secundariò corpus: sed de hoc infra.

¶ *CONCLUSIO secunda. Anima non est numerus: ita Platonici omnes quemadmodum & Peripatetici. Probatum euidenter quia numerus est quantitas; est quid discretum: est par aut impar: anima verò nihil horum est. Item anima, inquit cit. Doctor, per se mobilis est, sed numerus determinatus immobilis est; item numerus manens naturæ idem, non variatur qualitatibus: sed anima, cum una sit secundum essentiam, mutat subinde qualitates, ex inscitia, ad scientiam; & ex vitio ad virtutem migrans. Ergo anima non est numerus.*

¶ *CONCLUSIO tertia. Anima simpliciter est substantia per se mobilis apta per se ad corpus actuandum. Ea descriptio eruitur ex dictis: confirmaturque ex iis quæ diximus in lib. de mundo cap. 5. ubi præter motus Physicos, & naturales, diximus dari alium Platoniciis maximè familiarem, qui sit perennis quidam vigor, isque substantificus, à suo principio tantum pendens, & semper prodians: nullique subiecto mancipatus, & cum nullo corpore communicans, eorumque tamen, & accidentalium motionum commune instrumentum existens. Iam alias talem descripsimus vitam ex Alexand. Alenf. in Phys. cap. 14. §. 3. Et licet motum eiusmodi non approbes, inficiari tamen non potes, quin vita in actu secundo sit quædam motio immanens à principio interno essentialiter prodire exigens, atque animæ primo ac per se, corpori verò per animam conueniens. Ex quibus necessariò sequitur animam esse substantiam per se mobilem: vnde à formis non viuentium distinguitur: quod verò additur, apta per se ad corpus actuandum, eam ab Angelis determinat.*

Notes tamen hic velim, hæc descriptione potissimum comprehendì animam rationalem, quia hæc est principaliter, ac per excellentiam anima. Ceterum ne quid desit ad clariorem eius essentia notitiam: ratus sum non fore lectoribus ingratum, si diuersas eius definitiones ex diuersis excerptas huc congererem, sic enim melius innotescet quid sit. Primò à S. August. sic describitur anima est substantia quadam incorporea, rationis particeps, regendo corpori accommodata: à Seneca spiritus intellectus à beati tudinem in se, & in corpore ordinatus: ab Alex. Alenf. Deiforme spiraculum vite: ab authore lib. de spir. & lit. qui Hugoni Victorino adscribitur potius quam S. August. dicitur anima ad similitudinem solis sapientiæ facta, omniumque rerum in se gerere similitudinem: unde & à Philosopho, inquit, definita est omnium similitudo. His variis animæ

respectus explicantur, ac præcipuè illius prærogatiuæ: *primâ* tamen magis essentialis est. *Secunda* propter quid condita sit, declarat, ut nimirum sibi, ac corpori, (in quo differt ab Angelis) æternæ, ac diuinæ beatitudinis dotes ascribat. *Tertiâ* qualem habeat ad diuinum suum exemplar imitaminis rationem, edisserit; simulque modum creationis explanat, alludens ad id quod in Genesis 2. dictum est, *inspirauit in faciem eius spiraculum vite; & faciamus hominem ad imaginem & similitudinem nostram.* Quæ quanta sit eius prærogatiua, mirari quidem possumus, effari nunquam; eo enim *imago Dei est, quo capax eius est, & particeps esse potest*, ut ait D. August. & quidem immèditatè, ipsa inimicum distincta & plena comprehensione, fruitione, possessione, transfiguratione; *ut de S. Bonauent. in 2. d. 16. q. 1. S. Thomam 1. p. q. 93.* Denique quarta definitio amplitudinem, symmetriam, proportionem, & adinuitatem ostendit, quam ipsa cum rebus omnibus habet, velut centrum omnium, compendiamque omniforme: ipsamque diuinæ Sapientiæ artem sigillari quadam, ac miro referens essentia suæ contextu, uti mox ex Platone sumus inspecturi.

ro. de Trin.
cap. 8.

§. 3.

*Quomodo verum sit animam componi ex numeris
harmonicis.*

DISGRESSION PLATONICA.

PLATO in Timæo explicans Pythagoricum de anima symbolum, talem descriptionem adhibuit, quæ ingens Platonici explicandi, Peripateticis, redarguendi negotium facessuit. Sic enim mundi animam depingit: *Sed nos multa tanquam fortuna participes, inconsideratè & temerè loquimur. Ille verò, se mundi opifex tam generatione, quam vni priorè animâ corpore constituit, ut pote quæ obediens corpori esset impositura, ex his videlicet & hoc pallo, Ex ea substantia, quæ indiuidua; & æ semper eadem, similisque est; & ex eâ rursus, quæ circa corpora diuidua sit, tertiam substantia speciem commisit mediam, quæ rursus esset natura IPSIVS EIVSDEM, & natura IPSIVS ALTERIVS particeps: eamque per hac mediam constituit inter indiuiduam substantiam, & eam quæ circa corpus diuiditur. Eam tria sumpsisset, in unam speciem omnia temperavit: ubi naturam eam quæ alterum vocamus, commixtioni repugnantem, cum eo quod idem dicitur, vi quadam conciliavit. Postquam verò illa duo cum ea substantia commiscuit, & ex tribus unum fecit, rursus id totum in ea, quæ decuit membra partitus est: quorum quodlibet ex tribus, eodem, altero, substantiaque constaret. Hactenus animæ substantiam ænigmaticis coloribus innumbrauit: ex quibus alias vires eius delineat. Fuit, inquit, talis illa partitio: unam principii accepit ex vniuerso portionem. Secundam autem, prima duplam. Deinde tertia, quæ secunda esset sesquialtera, prima æ-*

B ij.

„ tripla: cum quartam, secunda duplam: Quintam deinceps, tertia triplam,
 „ Sextam primæ octuplam. Postremo septimam, quæ partibus sex, & viginti
 „ primam excederet. Posthac dupla & tripla internalla repleuit, &c. Enigma
 „ proposuimus: quis nobis Oedipus aderit præsto est. Ipse nimirum om-
 „ nis Philosophiz dux, & Magister, qui mentes humanas arcanis semper
 „ radiis, sicut & quando vult, illustrans, iis non raro dat veritatis lumen
 „ extenebris humanarum ambagum erueret: eo itaque fauente ex inuo-
 „ lucris illis profundissimis sic animæ splendorem, & dignitatem erue-
 „ mus: His enim verbis videtur mihi Plato voluisse significare, animam
 „ rationalem eximia Verbi diuini participatione, atque imagine fuisse ab
 „ autore suo Deo decoratam: & cum diuinitatis participatione gerere
 „ secum miram cum corpore symmetriam: esseque in essentia simplicem:
 „ multiplicem viribus, quas omnes concentu absolutissimo temperat:
 „ omniumque in se se proportionum atque harmoniarum tam intus per-
 „ cipiendum, quàm extrinsecus exprimendum facultatem ex ineffa-
 „ bilis sui archetypi communicatione referre. Talem Plato concepit, ta-
 „ lem adumbravit; talem expressit animæ pulchritudinem. Quomodo,
 „ inquires? en paucis.

„ Recolenda sunt primo quæ diximus in Log. cap. 21. §. 2. in ordine
 „ Diuino esse primo loco ipsum primum & supremum principium om-
 „ nium, quod IPSIVS VNIVS nomine designabant: tum sequi PRIMAM
 „ MENTEM, eamque inparticipatam, quam mundum intelligibilem appel-
 „ labant: in hac quinque 1. genera intelligibilium collocabant: *Essen-*
 „ *tiam*, in qua ideæ omnium effulgere dicebant, *idem, alterum, motum,*
 „ *statum*. His adde quæ diximus in Phys. cap. 3. §. 1. & 2. Hinc enim dis-
 „ ces VNIVS nomine Deum, necnon vniscuiusque Ideam: multitudi-
 „ nis verò, materiam, vel omnem potentialitatem. Præterea constat à
 „ Platone per naturam eandem intelligi diuinam, immortalem, & intelli-
 „ gibilem: per alteram verò, materiale, & corruptibilem. His sup-
 „ positis,

„ Anima dicitur ex substantia indiuisibili, atque vniiformi, itemque ex
 „ diuisibilitatemquam tertia species resultare, horum primorum generum
 „ ipsius eiusdem & ipsius alterius particeps: quia cum sit media inter Deum
 „ & corpora: actu simplicitatem Dei per participationem imitatur; &
 „ virtute corporum multiplicitem per eminentiam continet. Hinc in-
 „ corporea est, atque indiuisibilis in substantia; materialis, & multiformis
 „ in virtute: quatenus diuinam identitatem participat, vires corpo-
 „ rum in reliquis dispersas, imò & in sensibus discrepantes in vnâ adu-
 „ natam essentiam: quatenus verò alteritatem, facultates habet actu distin-
 „ ctas. Paucis ex indiuidua substantia componi dicitur, quatenus, vt me-
 „ rito Plotinus interpretatur, anima vna est, & Deo similis, intelligibilisque
 „ nature; ex diuidua verò, quatenus, corpori alligata, sensibus corporeis utitur:
 „ unde & in parte sensibilem merito potest computari. Ideo quodammodo
 „ diuisibilis euadit, manens interim semper indiuisibilis: Profecto, inquit
 „ Plotinus, natura hac partibilis simpli, atque inpartibilis, quam esse dici-

mus animam, non sic una est; quæ quoddam continuum, aliam partem, aliamque habens, sed partibilis quidem est: quoniam partibus omnibus eius, in quæ est, seipsam communicat: impartibilis autem, quoniam tota est in omnibus, & tota in qualibet eius portione. Hinc Aristander & Numenius animam definiunt numerum ex indiuidua vnitatem, & dualitate diuiduam constitutum. Senerus Geometricum subiectum ex puncto indiuiduo, intervalloque diuiduo. Plutarchus & Atticus, animæ partem rationalem appellant indiuiduam, irrationalem siue sensualem, diuiduam.

Sed quid sibi vult, quod sequitur: *unam accepit ex vniuersa portionem: secundam autem primæ duplam, &c.* His enim animam comparat triangulo ex numeris harmonicis conflato, ita ut vnitatem in apice sursum emineat; hinc verò numeri pares 2. 4. 8. illine impares 3. 9. 27. collocentur sic:

Explicatio difficilis quidem: sed profundissima
 eruditione præpoller: continent enim hi numeri quicquid, proportionum excogitari ab animo
 sapientissimo, vel ei arridere potest, tam in geometricis magnitudinibus, quam in arithmeti-
 cis calculis, aut musicis instrumentis.

His autem potissimum animam mundi adumbrare Plato voluit: & fortè secundario nostras: quoad animam mundi triplicem inuenio apud Platonicos opinionem. Alij per eam intelligunt meram harmoniam, siue symmetriam admirabilem, qua partes omnes vniuersæ secum mutuo ad vnum vndique absolutum opificium conspirant. Ita Serranus in *Timæum* Plat. Fauet Porphyrius, qui prædictorum numerorum rationem soli ordini, siue dispositioni mundanorum corporum attribuit, ita ut quantum est à terra ad lunam intervallum, sit duplum à terra ad solem; (quem utique Plato & Aristoteles immediatè supra lunam collocabant:) & triplum à terra ad Venerem, & ita deinceps. Huic consentiunt quoque *A. Scribanius* 2. in *sonn. Scip.* sed repugnant alij Platonici.

Alij opinati sunt talem mundi animam esse Deum ipsum; prout hunc mundum regit, qua ratione vocatur à nonnullis idea, fontique omnis animæ, quemadmodum idea boni vocatur, prout bonorum omnium author est. Certè quotus quisque est qui passim scriptum non legat, quòd Deus in mundo est, id in corpore nostro esse animam? In hoc enim, inquit S. Bernardus, *gerit anima similitudinem quandam cum Deo, quod non solum est vita, sed etiam viuificans.*

Ita ergo Deo sub notione animæ Plato adhibuit illa quinque genera esse, idem, alterum, &c. & cum his speciem siue ideam animæ, vnam cum vniuersa omnium proportionum origine, in quo enim, omnium proportionum, quæ possunt in perfecto aliquo artificio elucere, primam originem, ac fontale principium quæras, nisi in ipsa principalis opificis arte: artisque principio, quod est anima intelligens formandis corporibus applicata?

Alij intelligunt spiritum creatum, & intelligentem à Deo distinctum, per omnem mundi machinam diffusum, eo modo, quo animus noster nostro corpori adest ubique totus. Hoc Platonici Ethnici communis se-

quuntur: sed Catholici respuunt, & merito vt diximus in ll. de Cælo, c. 5. Hinc autem illi ad animam nostram transferunt, quæcumque hic Plato de anima mundi simpliciter affirmavit. Quos etiam multi e SS. PP. imitati, hanc animæ nostræ definitionem amplexi sunt: *Anima est numerus se mouens*, vt S. Gregor. Nyss. cit. *Pythagorus* certe quiper notum semper comparare & Deum, & omnia numeris solitus erat: etiam animam definiebat numerum seipsum mouentem. Huic etiam Xenocrates adharebat, non quod assensiretur animam esse numerum, sed quod censeret, eam in rebus numerabilibus esse, atque multitudine comprehensam: & quod anima sit, qua res discernit, formas & figuras singulis convenientes attribuens. Hæc enim est, quæ species à speciebus separat, & differentes à se delaras: cum diuersitate generum, tum multitudine numeri, propterea efficiens, vt res numerabiles euadant, unde non vsquequaque à ratione communicandi cum numeris exempta est.

Sed age mysticum illum triangulum numeris harmonicis designatum clariùs explicemus. In primis sese præbet vnitas, deinde numeri pares, & impares: tertio eorum proportio & harmonia; vnitas numerorum principium est, in iisque omnibus, & singulis adest actu, vel potestate ipsaque semper eadem manet. Nam vnitatis non nisi vna ratio est, cùm sint tam multæ numerorum. Ideo principaliter vnitas Deum, ipsaq; prima intelligibilia, siue ideas declarat, vt diximus in Phys. c. 1. §. 1. & 2. per participationem verò, & similitudinem exprimit animam intelligibilem, ac spiritualem, quæ principium est eorum quæ sunt in corpore: eiusque omnibus adest partibus, & c. Trianguli typo representatur, quia vt triangulus ab vno apice in duo latera distinguitur, sic animus ab vna intelligibili, diuinaque natura profluens in corpoream definit, eamque diuisibilem; tum quia vt optimè notat Proclus tria potissimum in anima sunt *essentia, potentia, & operatio*, *ἑνῆς ἔστι, δύναμις, & ἰσχύς*. Numeri autem impares naturam intelligibilem, intelligibile sue notionis designat: quia diuidi nequeunt: pares verò, naturam corpoream, & eius attributa. Enimvero dualitas, quæ prima est vnitatis dissolutio, prima corruptionis radix, & corruptibilium symbolum iure habetur, & quo magis duplicata fuerit, eò maiorem fluxilitatem, ac minorem subsistendi vim arguet. Triplex autem est numerus par: triplexque impar: quia secundum naturam corpoream tria illa superius enumerata, sc. *substantia, potentia, & operatio*, quæ reperiuntur, ac secundum naturam intelligibilem. Nam pars inferior animæ, quæ sensualis nominatur, tenet locum substantiæ corporeæ: huic facultas irrationalis, & operatio. Hæc autem nonne sunt tria sibi inuicem subordinata & proportionata: vt enim quatuor ex duobus; & octo ex quatuor procedunt: sic potentia ex essentia: & operationes ex potentia. Quæ item proportionem 4. sunt ex 2. eadem 8. sunt ex 4. & vt 4. componunt numerum ampliorem, & magis diuisibilem quam 2. & 8. quàm 4. sic quæ proportionem & analogia potentia fluunt ex essentia; eadem operatio ex potentia, & vt potentia plures ex vna essentia, sic ex vna potentia plures operationes e.

grediuntur. Similiter ex parte intelligibilium tria sunt, pars superior animæ, potentia rationalis, operatio. Tres numeri impares 3. 5. 27. sunt indivisibiles, unitate scilicet terminante omnes eorum mediata-tes, ita illa tria indivisibilia sunt, quia incorporea: eadēque inter hæc analogia observatur ac in prioribus. Aliter mystici huius trianguli latera possemus interpretari, si nimirum per unitatem ipsum omnium principium intellexerimus: per pares numeros ordinem corporalium: per impares, spirituum: nam præter supradictā & hoc interuenit, quod vt pares numeri sunt minores imparibus, ita corporea incorpo-reis cedant efficacitate, ac excellentia. In utroque autem ordine tria possumus distinguere, primum, eorum ideas: secundò, naturas parti-cipatas: tertio, vmbres, nempe in ordine corporalium, spectra, imagi-nes intentionales, &c. in ordine incorporeorum entia rationis, species intelligibiles, &c. Iam vt naturæ participatæ sunt vmbre idearum; sic imagines intentionales sunt vmbre naturarum subsistentium, &c.

Sed cur numeri harmonici adhibentur? Certè vt pateat Deum tanta cum industria humanam animam condidisse, vt miro concentu vires eius mutuo concinant. Sed notandum est priùs prædictis 7. numeris, scilicet 1. 2. 3. 4. 8. 9. 27. omne genus proportionum, integramque musicæ harmoniæ consonantiam contineri. Sex enim sunt principales propor-tiones quæ ad concentum pertinent, & quinque symphoniarum, vt ex Ma-crobio & Boëtio constat: prima proportio est *sesquialtera*, cum mino-rem numerum maior semel continet, & tertiam insuper illius partem, vt 4. ad 3. secunda est *sesquialtera*, cum maior minorem continet, & se-mel mediam eius partem vt 3. ad 2. tertia est *dupla* cum maior mino-rem bis continet vt 2. ad 1. seu 4. ad 2. quarta est *trippla*, quando maior minorem ter continet, vt 3. ad 1. quinta est *quadrupla*, quando maior minorem quater habet, vt 4. ad 1. sexta est *sesquiociana*, cum maior numerus minorem continet, & octauam eius partem, vt 9. ad 8. & dic-itur tonus. Ex his 5. symphoniarum, siue consonantiarum constituuntur, pri-ma est diatessaron, quæ ex duobus tonis & semitonio constat & respon-det proportioni sesqui tertiarum, vnde à musicis *tertia* nuncupatur: secunda est diapente quæ ex tribus totis & semitonio, ferturque ad sesquialteram & vocatur *quinta*: tertia diapason quæ constat 6. tonis, nimirum 5. per-fectis, & 2. semitonis, & respondet duplæ: ac vocatur *octaua*: quarta est diapason, & diapente, quæ constat ex *octaua* & *quinta*: i. ex 9. tonis, ac vno semitonio: & respondet triplæ: quinta est disdiapason, quæ ex dua-bus octauis fit, i. ex duodecim tonis, ac respondet quadruplæ: sunt qui-dem adhuc quædam aliarum, vt diapason & diatessaron, quæ continent pro-portionem, superpartientem, qualis est inter 8. & 3. & talis constat octa-ua & tertia, seu 8. tonis & vno semitonio: Item aliarum, sed omnes ad enumeratas referuntur. Ita vides tonum, ex quo resultant symphoniarum, componi ex nouem minutulis intervallis, ideoque non posse diuidi in duas partes æquales: sed in vnam minorem, quæ vocatur à Platone *hypocor-dia*, & à Pythagora *die-sis*: & in alteram maiorem, quæ dicitur *apotome*.

me, unde musicitertiam minorem, & tertiam maiorem distinguunt. Sed hæc sufficiant.

Vt enim ad propositum reuertamur, dicendum est animam his dici constare numeris: *primò*, quia Deus animæ dedit vim conciliandi, & temperandi omnes vires, partesque corporis: licet admodum dissimiles inter se, ac repugnantibus temperamentis, & organis præditas, ita vt præsidente anima, omnis illa facultatum, & temperamentorum varietas in miram harmoniam teminetur: *secundo*, quia eadem anima Deus in seuit & intertexuit primordia, siue rationes innatas omnium proportionum, in quibus potissimum ineffabilis eius sapientia elucescit. Quo fit vt inter omnes animantes solus homo harmonia, proportionibus, & puchritudine delectetur. Et à proportionem quodammodo denominatur, rationalis: proportio enim propriè vocatur *ratio*, vt ratio vnius ad alterum; vel duorum ad tertium, &c. & Græcè quoque λόγος appellatur. Ita ratio nostra tota proportio est: proportio, inquam, non accidentalis, seu quantitativa; sed substantialis, & originalis, vix aliàs quam per proportionem numerorum explicanda. Istud intelligetur clariùs, si repetas ea, quæ diximus in Log. c. 53. §. 3. Item c. 47. §. 4. & in Phys. c. 3. §. 1. Hoc ergo ipsum, quod anima rationalis habeat in essentia sua vim omnem discernendi, amandi, & exprimendi proportionem, est propria differentia. Hominis; hac prærogatiua non modo cæteris supereminet animantibus: sed proximè ad diuini verbi expressionem eleuatur, eiusque Sapientiæ sigillarem, & ectypam imaginem gerit: in nulla enim re magis illa elucescit, quam in fingendis, constituendisque rerum proportionibus, & harmoniis, vt sæpius dictum est.

Notandum est præterea in illis numeris dispositis, vt suprà, hæc quatuor conuenire, *aspectum rectum, reflexionem, duplicem coordinationem, & identitatem*. Ad aspectum rectum est simplex progressio à minori ad maiorem, vt cum dicimus 1. 2. 3. 4. &c. reflexio fit, dum ex vna parte collocaueris pares, & ex altera impares, tunc addita vtriusque unitate, pares reuocabuntur in seriem imparium: & contrà. Adde enim vnum duobus, fient 3. adde vnum tribus fient 4. &c.

Duplex coordinatio parium & imparium constat in superiori figura, in qua hinc pares, inde impares vides esse dispositos. Identitas continet sic: cogita omnes impares aspectu recto positos, v. g. 1. 3. 5. 7. 9. 11. &c. Sume primum quadratum, nempe bis duo, siue quaternarium: Huic adde imparem proximè sequentem, scilicet 5. fient ter tria, qui numerus est quadratus: huic adde proximum quoque imparem, scilicet 7. resultabit pariter quadratus numerus 16. nimirum quater quatuor (numerus enim quadratus vocatur is qui ex se per seipsum multiplicatur:) ita deinceps; hoc in paribus non obseruatur. Ideo in imparibus identitas est, siue vniuersitas ob iugè illam quadrati numeri processionem, quæ symbolum quoque æternitatis, firmitatis, & perfectionis esse potest: in paribus verò diuersitas, seu multi-formitas consideratur, radix ac symbolum corruptibilitatis, infirmitatis, &c.

Hæc autem sic applicari solent : si de Cælo sermo fuerit, ad spectus re-
ctus denotabit *axem*; reflexio, *conuersionem*; duplex coordinatio, *duplicem*
motum, proprium scilicet & raptus; identitas, *regularem primi mobilis mo-*
tum; diuersitas, *Planetarum excursu*. Si verò de anima nostra; tunc ad-
 spectus rectus *intelligentiam*; reflexio, *rationis discursum*; duplex coor-
 dinatio, *vim intelligendi*, & *sentiendi*; identitas *indivisibilem essentiam*; diuer-
 sitas *multiplicem operationum & organorum*. Vide Tolercum, Iauellum,
 D. Thomam, Ficinum, Philoponum, Plutarchum, Chalcidium, Pro-
 clum .&c.

Adde ulterius id quod optinè notat S. Thomas in 1. de anima lect. 7.
 numeros qui sunt ex vna parte maximè congruere cum iis; qui sunt ex
 altera. Nam *primo* ambæ illæ series parium & imparium coniunguntur
 in unitate velut in communi radice : *deinde*, si illis qui sunt in serie im-
 parium addatur unitas, fient pares, & è conuerso, vt per se patet : *ter-*
tio, qui sunt in vna serie habent quādam proportionem cum iis, qui sunt
 in alia, vt 3 ad 2. sequi altera; 4. ad 3. sequi tertiam; 9. ad 8. sequi quartam,
 &c. vnde inferimus *primo*, vires sensuales & intellectuales in unitate
 eiusdem essentia velut in communi radice coniungi : *secundo*, actio-
 nes sensuum ex affinitate, & participatione rationis eleuari quo-
 da modo ad ordinem rerum intellectualium; & contrā, operationes
 intellectus propter communem radicem descendere ad ordinem anima-
 lium, & sensualium; quia homo per operationes sensuum proficit in spi-
 ritualibus; & per operationes intellectus, prouidet sensualibus, &c. *ter-*
tio, potentia atque operationes partis sensitivæ, cum illis partis intelle-
 ctivæ miram seruant proportionem & congruentiam, &c.

Denique quoad numerum septenarium, quo prædicta harmonia con-
 stat, notandum est septem gradus posse in homine distingui secundum
 7. obiecta, quæ potest intelligere : & quorum excellentiam ipse com-
 plectitur : *primo*, sunt elementaræ; 2. mixta imperfecta; 3. mixta perfecta
 inanimata; 4. vegetatiua; 5. sensitiva; 6. spiritalia pura; 7. humana.
Ficinus, *Faxius*, & alij, sic septenarium numerum interpretantur, vt sit
primo, unitas essentia; 2. intelligentia; 3. ratio; 4. voluntas; 5. imagi-
 natio; 6. vis connectendi partes heterogeneas; 7. vis generandi. Alij
 sic, *primo*, inquit, est essentia; 2. infinitas, id est ratio potentia & gene-
 ris; 3. terminus, id est, ratio differentia & actus; 4. alteritas; 5. iden-
 titas; 6. motus; 7. status. Ita ex hisce numeris infinitæ propemodum
 conceptiones erui possunt : omnes quidem maximè conformes Plato-
 nicæ sapientiæ. Sed hæc tenus ista sufficiunt.

CAPVT II

DE ANIMÆ HVMANÆ immortalitate.

§. I.

Errores veterum excluduntur.

SCRIBIT Cicero 1. Tuscul. Pherecydem sycum primum, quod literis extet, dixisse animos hominum esse immortales; vixit autem ille tempore Sernij Tulij: fuitque Pythagoræ magister: sed potuit ipse non legisse antiquiores, cum tamen multo ante Pherecydem Trismegistus idem defenderit: neque vlla vnquam fuit ætas, aut regio, vbi arcano rationis dictamine, vel publico sapientum eloquio insinuatim non fuerit; animas nostras fore corporibus superstites. Nihilominus quemadmodum multi negarunt Deum esse, tamen si Deus ipse interitus in conscientia adytis esse se proclamaret, ita impij nimirum multi fuere, qui manifestam hanc veritatem pessimis tenebris conati sunt obtegere. Hinc malignè Plinius ista effutit: *Omniibus à suprema die, eadem quæ ante primam: nec magis à morte sensus ullus corpori aut anima quam ante natalem; eadem enim vanitas in futurum etiam se propagas, & in mortis quoque tempora ipsa sibi vitam mentitur: aliàs immortalitatem animæ, aliàs transfigurationem, aliàs sensum inferis dando, & manes colendo, Deamque faciendo, qui iam etiam homo esse desierit. Cui verò villo modo spirandi ratio homini à ceteris animalibus distet, aut non diuturnior a multis in vita reperianth, quibus nemo similem diuinat immortalitatem, &c.* Neque illo melior Seneca: nam en quid senserit Ego diu mortem expertus sum, quando, inquis? antequam nascerer. *Mors est non esse: id autem quale sit, iam scio. Hoc erit post me, quod ante me fuit: siquid in hac re tormenti est, necesse est, & fuisse antequam prodiremus in lucem, &c.* Idem quoque & adhuc clariùs repetit in lib. de Consolatione ad Martiam & si quandoque meminit, gaudiorum, quæ post mortem in Cælo bonos manent; & malorum, quæ apud inferos: hæc in citato libro vocat fabulas. *Illæ, inquit, quæ nobis inferos faciunt terribiles, fabula est, & mors nec bonum, nec malum est. Id enim potest aut bonum, aut malum esse, quod aliquid est: quod verò ipsum nihil, & omnia ad nihil redigis, nulli nos fortuna tradit, &c.* En quorandem ducat præsumptuosa illa & arrogans Stoicorum sapientia!

l. 7. s. 15.

Ep. 54.

Idem ex professo docuere Democritus, Lencippus, Epicurus, Lucretius, paucis quoque quotatomos constare omnia dixere. Aristoteles verò hac in

re vafer est, & admodum lubricus. Nusquam de immortalitate animi ex professo egit: nec de ipsius mortalitate, quam de immortalitate pauciora conscripsit, ut merito eum Atticus sapiæ pisci comparauerit, quoddammodo hæc atramento in aquam effuso eam conturbat ne capiatur, sic ipse in hac quæstione sua se ambiguitate tueatur. Quin antiqui fere omnes sic eius interpretati sunt de animo sententiam, ut eum absolutè mortalem faceret. Ita Iustinus martyr in parænesi ad Græcos, Gregor. Nyss. & Theodoretus cit Nemesium in lib. de Nat. hominis, Origenes, & alij. Ex prophanis verò Plutarchus, idem asseruit, Alex. Aphrodisæus nobilissimus Aristotelis Interpres: Iandunus in 3. de anima quæst. 5. Caietanus, &c. idem ipsi ascribunt: Heruæus verò quod lib. 1. q. 11. Scotus in 4 d. 43. dubium eum faciunt. Albertus M. S. Thomas, & alij deinceps affirmant eum asseruisse animam immortalem.

Etenim ex vna parte, quod animam fecerit mortalem patet ex eo quod aliquando dicat animam intellectuam, solùm potentia contineri in semine, quemadmodum & reliquas: *Animam*, inquit, *vegetalem* in seminibus & conceptibus, scilicet nondum separatis, haberi potentia statuendum est, non actum, prius quam eo modo, quo conceptus, qui iam separatur, cibum trahant, & officio eius fungantur. Principio enim hæc omnia vitam stirpis vivere videntur. De anima quoque sensuali pari modo dicendum est, atque etiam de intellectu, omnes enim haberi potentia prius, quam actu necesse est. Quid clarius? Aliquando ait post mortem nullam fore reminiscentiā, quia intellectus passiuus corrumpitur; ubi etiam euidenter distinguit mentem agentem, siue illuminantem ab intellectu discente, siue passiuo, quo intelligimus, & addit mentem agentem esse separatam, (id est, non informantem,) & solam immortalem. Item si intelligere, inquit, est ipsa phantasia, vel non sine phantasia, non contingere animam separari. At constat secundum illum animam nostram nihil posse intelligere sine phantasia. Interdum ait mentem uti & corpus suo quoque semio affici: aliās docet, nihil mortuo residuum boni vel mali remanere; ideoque mortem esse maxime reformidandam: quia est finis omnium. Item voluntatem, seu electionem esse impossibilem, uti immortalitatis. Item nullam post mortem sperandam esse felicitatem, &c.

Aliunde quod animæ immortalitatem asserat hinc patet, primò, quod in 2. de anima à t. 151. ad 155. probat intellectum, neque phantasiā esse, neque aliū ullum sensum: alibi docet mentem de foris aduenire, & eius operationem non communicare cum corpore; alibi laudat Alcmeonem & Anaxagoram, quod dixerint animam esse immortalem: denique in 3. de anima vult intellectum, quo intelligimus esse immixtum cum corpore, impassibilem, diuinum, &c.

At dubium insuper augetur ex eo quodd simile quid de reliquis formis merè naturalibus dixisse inueniatur. Nam 1. Phys. eas diuinas ap-

l. 2. de gener.
anim. 5. 3.

l. 3. de anima
t. 10.

2. Polit.

Ethic. 3. c. 9
& 4.

l. 2. de gener.
anim. 5. 3.

l. 1 de anima.

pellat: 1. de anima, partem sensitivam & vegetativam vocat impatientes, & 2. de gen. anim. c. 3. calorem cum qui in semine fecunditatis est causa, divinum esse, &c. quod Cicero in 1. Tusc. & D. Augustino post illum in 22. de Ciuit. Deitatem dedit asserendi animam intellectiuam è quinta essentia, cœlesti scilicet esse constitutam secundum Aristotelem. Propterea Iandunus cit. putat, id quod equidem lubens crediderim, secundum Aristotelem distinguendam esse mentem intellectuam ab anima informante, ita vt mens sit principium internum intelligendi à corpore, neque loco, neque subiecto distinctum, nequaquam tamen informans, esseque conferens, sed assistens, & vnum in omnibus: vt Piccolominæus, excellens alioquin Peripateticus, multis probat lib. de mente humana. Vnde sequeretur, vt totus homo constitutus foret ex illa, vti ex forma assistente, atq; ex corpore propria, eaque humana forma, quam cogitativam vocat, informato. Id quod Iandunus cit. plurimis textibus probat: ac tandem addit mentem dici immortalem, non verò propriam formam hominis, eam scilicet, quæ dat esse corpori, speciemque humanam: quamque aliquando intellectuam vocat, aliaque aliter, &c. Ita de mente Aristotelis, discipuli eius digladiantur: verum quid ad nos: veritatem inquirimus, non apologias.

At inter Orthodoxos disputatur *primum*, an animæ immortalitas demonstrari possit ratione naturali. Scotus enim, Caietanus, & alij post Iandunum censent sola fide certos nos de hoc fieri: nec posse demonstrari. Hinc *secundo*, quæritur, quatenus de fide sit animas nostras esse immortales: aliqui enim arbitrati sunt fide non esse definitum, quod animæ sint naturâ incorruptibiles. At communiter Philosophi Christiani docent, *primo*, demonstrari posse, quodd anima sit immortalis: *secundo*, etiam de fide esse, quodd sit naturâ suâ immortalis.

C O N C L U S I O: de fide est animam humanam esse immortalem. Hoc omnes fere omnium scriptorum Ecclesiasticorum paginæ resonant. Hic sufficiet egregius ille textus S. Matthæi, vbi Christus Dominus de Resurrectione loquens ait: *De Resurrectione autem mortuorum, non legistis quod dictum est à Deo dicente vobis: Ego sum Deus Abraham, & Deus Isaac, & Deus Iacob? non est Deus mortuorum, sed viventium.* Item, *Qui odit animam suam in vitam æternam custodit eam.* Item: *Animam autem non possunt occidere.* Innumera sunt eiusmodi. Idem definitum fuit in Cōcil. Viennensi sub Clem. V. & in Lateran. sub Leone X. vbi inter alia expressè definitur, quodd anima humana non per se, & essentialiter est forma corporis, sed etiam immortalis. Ex quibus colligere debemus errorem saltem esse dicere, quodd solum ex privilegio, non ex propria natura sit incorruptibilis anima.

Atque hinc assunde refelluntur hæretici, qui detestandas Ethnicorum de mortalitate animi fabulas sequuti sunt: quos citant D. Damasc. in hæres. 90. Castro de anima, hæres. 7. &c.

§ 2.

Rationes pro immortalitate Animæ.

CONCLUSIO, Demonstratione quoque naturali manifestatur hæc veritas. Communis est hæc conclusio inter Doctores Catholicos: ambigitur tamen de argumentis, quibus adstruatur. Verùm hic non censerem immorandũ, nisi ex rationibus infra referendis præclara multa documenta eruerentur. Omnes autem immortalitatem eius ex immaterialitate potissimum inferunt, quia penitus incorporea, & indiuisibilis, & per se subsistens est prius corpore, & sine corpore. Peripatetici id vel maximè conficiunt ex eo quodd hominis Mens reflecti queat in se, suasque operationes, quod naturam corporum omnino se pergreditur: sed cum reflecti lumen, colores, & alia quæ putantur corpora, dicant Democritiani, & Epicurei, forte inde hoc eludent argumentum. Item quoque id inde maximè iuxta doctrinam Aristotelis credunt euincere, quodd mens nostra omnia corpora intelligat: id quod non posset, si esset corpus: quia intus existens prohibet externi perceptionem: sed hoc in sensu interno grauissimas patitur instantias.

Nonnulli moderni totam vim demonstranda huius immortalitatis ponunt in hac cogitatione, qua homo dicit apud se, *Ego cogito*: inde enim sic procedunt: veritas huius pronuntiati *Ego cogito, ergo ego sum, siue existo*, adeo certa & euident est, ut nulla queat fugi ratio dubitandi. Et cum possim fingere cætera non esse: hoc vno excepto, quodd cogitem, & existam, sequitur, inquirunt, hominem esse rem quandam, siue substantiam, cuius tota natura, siue essentia in eo sit, ut cogitet, & quæ, ut existat, non indigeat vlla re naturali: quamobrem necesse erit, ut homo, id est, Mens per quam solam, inquirunt, homo est, sit res à corpore planè distincta. Verùm reponipossit ab Epicureis, hanc cogitationem elici posse ab imaginatione: neque quidquam in illa esse, quodd corporeæ operationis fines supergrediatur, nisi reflectionem, & abstractionem à loco, & tempore. Quamobrem totum huius ratiocinationis robur pendebit ex principiis illis duobus, quæ copiosius & antiquius à Platoniciis, Peripateticisque stabilita iam sunt. Ideo nihil video utilius aut rectius, quam antiqua reuoluere argumenta: eaque potissimum, quæ Plato suggerit: nam quidquid dicant eius oblatatores, hæc in questione palmam semper retulit. Tantamque vim habuit immortalitatem persuadendi, ut Cleombrotus Ambraciota præcipitem se in mare dederit: & Cato Uticensis sibi violentas manus iniecerit, alijque perimulti mortem constantissimè pertulerint, lecto dialogo Phædonis, in quo mirè hoc tractat argumentum; non quodd inducat in sui occisionem; ab hoc enim nos maximè dehortatur, exemplo militis, cui non licet vnaquam è castris fugere iniussu Imperatoris; aut rei, quem nefas putat infringere carcerem, aut exire, nisi post sententiam iudicis: sed

quod talem ac tantam exhibuerit futuræ vitæ felicitatem, ut nihil possit esse optatius. Addam denique SS. Patres maximè consueuisse olim argumentis à Platone desumptis animæ perennitatē statuere. Ideo illa sic breuiter, dilucideque stabilire proposui PRIMVM ergo argumentum eruit ex antiqua opinione, & cōmuni hominum persuasione, qua cuncti natura duce immortalem fesse hominem putant: ab hoc enim ipse suas omnes probationes exorditur: quemadmodum Cic. in 1. Tuscl. 2. Deos esse natura opinamur, qualesque sint, ratione cognoscimus: sic permanere animos arbitramur consensu nationum omnium, &c. patet autem hoc vel maximè ex Mercurio Trismegisto. *Immortalis, inquit, est homo substantialis, cunctorumque arbitrium obinet: cetera vero uiuentia que mortalia sunt, eius fato subiciuntur.* Item ex Valerio Maximo, aliisque historicis, qui quam multa exempla referunt eorum, qui desiderio, & spe immortalitatis mortem generosè oppetierunt. Idem quoque patet ex vniuersa fere omnium gentium conspiratione in decernendis statuis, aliisque monumentis æternitatis: perinde ac si animæ superstites inde maius felicitatis auctora mentum acquirerent. Hinc superstitiosa hominum in Deos translatio & apotheosis, Deorumque penatum & indigetum veneratio sumpsit exordium, quæ nunquam in mentem hominum venisset si extingui morte animas credidissent. Quid dicam de Poëtarum quoad Elysios, vel Tartaros figmentis, quæ tanto cum omnium applausu semper placuerunt? Itaque *consensio omnium gentium lex natura putanda est, ob idque nulla gens tam fera, tam barbara est, cuius mentem non imbueris Deus.* Cic. 1. Tuscul. Confirmatur hoc ex Pontificis iure, & ceremoniis sepulchrorum, quos per omnem antiquitatem maximis ingenijs prædicti, nec tanta cura coluissent, nec violatas tam inexpiabili religione sanxissent, nisi hæssset in eorum mentibus mortem non interitum esse omnia tollentem, atque delentem. Cic. ibid.

SECUNDVM est eiusmodi: cui per se, ac primò conuenit vita, tanquam proprio & adæquato susceptiuo, id reuera est immortale: Sed anima est eiusmodi. Ergo Mai. patet, quia quod ita vitam habet, repugnat habere contrarium vitæ, sicut repugnat ternarium habere contrarium imparitatis, & euadere parem, quia est per se impar. Contrarium autem vitæ est mors: Ergo repugnat animam mori, quia est per se viuens. Minor patet, quia anima definitur per viuendi principium; tum quia nisi animæ vita sic conueniat, nulli conueniet. Denique anima ipsa per essentiam suam, eamque solam, & immediatè participat vitam diuinam: non enim eam participat per corpus, cū tam potius corpori contradat: id quod considerans S. Dionys. 4. de diuin. uom. ait, *animas humanas habere ex bonitate diuina quod sunt intellectuales, & quod habeant substantialem vitam inconsumptibilem: ergo viuunt independentē à corpore: ergo potest viuere sine vnione cum corpore: ergo etiam soluta à corpore.*

Hac ratione vsus est S. Bernardus in Cant. Cantic. *Vita, inquit, anima est, viuens quidem, sed seipsa; & per hoc non tam viuens, quam vita, ut*

proprie de ea loquimur: inde est quod infusa corpori, illud viuificat: ut sis corpus de vite presentia, non vita, sed viuens, &c. Idem habet S. August. seu quisquis est author lib. de spir. & anima c. 39. Vita, inquit, Deus est: vita anima est, similis, & dispar: similis, quod vita, quod seipsa viuens, quod non tantum viuens, sed etiam viuificans, sicut & ille hac omnia est. Dispar quoniam ille Creator est, ista creatura.

Huc etiam reuocari potest ratio D. Thomæ, qua sic argumentatur: *Id* 1. p. qu. 75. quod secundum se conuenit alicui, est inseparabile ab ipso: esse autem per se 1. 6. conuenit forme, qua est actus: ergo, &c. Id autem debet sic intelligi, ut esse nequeat separari ab eo, quod eius est proprium, adæquatum, & immediatum susceptiuium: nam ex quo quid est hoc modo, per se est & subsistit. Ita si semel concessum fuerit animam esse tale susceptiuium vitæ, negari non poterit, quin sit immortalis. Id autem mox euincetur amplius: de formis verò exteriorum viuentium id dici non potest: non enim ipsæ habent vitam, sed totum compositum: nec ipsam vitam perfectè, æque absolutè participant; sed analogicè & imperfectè, & inadæquatè ut dicemus inferiùs: vita enim secundum se est actus nobilissimus, simplicissimus, primæque motio immanens, ex qua pendent reliquæ: ideo per se mentis est propria: Dices, si anima per essentiam est viuens: sicut ternarius est impar: ergo semper fuit viuens, neque potuit neque poterit vnquam non esse viuens. Resp. nego consequentiam, quemadmodum & eam negat Plato in Timæo, asserens animas cælestes sola Dei voluntate subsistere. *Dy Deorum*, (id est, animæ regentes sidera,) *quorum opifex ego, & pater sum, attendite. Quæ à me facta sunt, me ita volente indissolubilia sunt.* Ratio est, quia anima est ens participatum: ideo ut essentiam, sic vitam habet à Deo: sed utique ab eo solo, & non dependenter à corpore.

TERTIVM ARGVMENTVM Plato ducit ex Reminiscencia. In hoc tamem Plato multa ex putidis Pythagoræorum lacunis deprompta, nempe de metempsychosi admiscet; sed qui sincerè, & attentè verba eius pòderauerit, inueniet hoc solùm hinc ab eo intendi, quòd anima existat perse independenter à corpore, & priùs ipso, naturā antetempore, haud refert; vnde sic concludit: *dicitur est animam nostrā sic existere vel priusquam in corpus veniat, ut eius essentia dici queat verā entis, quod existit, appellationem sortiri.* q. d. sermonē de reminiscencia eò solùm tendere, ut palam fieret, quòd anima sit verè ens per se subsistēs. Istud autē inde potest efficacissimè demonstrari sic, quod habet principia operandi independenter à corpore, & priùs illo; per se subsistit indepēdenter à corpore, sed anima humana est eiusmodi. Ergo. Ma. patet, quia principia operandi supponunt principia essendi, ut operatio supponit esse. Mi. etiam efficacissimè patet ex iis, quæ de præcognitionibus, & reminiscencia diximus in Log. c. 415. 5. & c. 45. 52. & 53. Etenim principia intelligendi, & ratiocinandi sunt regulæ quædam inconcussæ, ac immutabiles, principiaque vniuersalia, & æternæ veritatis, quas impossibile est è sensibus hauriri; ut quæ solum à prima veritate anticipatè ante omnem vsum corporeorum

sensuum descendere debeant. Hinc voluit Plato in animo diuino omnia esse à Deo scientiarum omnium inseminata primordia, vt mens per conuersionem ad ideales irradiationes possit disciplinas quasi habitu latentes & sopitas discendo actu excitare: modum vero excitandi ostendit: *Non enim assensior, cum qui res in rationibus contemplatur, in imaginibus aspicere potius, quam qui in operibus inuenerit. Veruntamen hac via iter direxi meum, supponensque rationem semper, quam esse iudico validissimam, quacumque huic consonare videantur, puto equidem tanquam vera: idque ago & circa rerum causas, & circa reliqua omnia. Quæ verò dissonant, vera esse nego.* Huc ergo reuocatur tota vis reminiscentiæ Platonice: per rationem autem intelligit formam intus in animo desuper radiantem, secundum quam iudicamus de veris & approbamus recta; quam esse independentem à corpore constat, quia hæc semper vniformis, & incommutabilis est: cum omne corporeum nusquam idem saltem diu permaneat: atque inde ducitur.

QUARTVM ARGVMENTVM ex similitudine, affinitate, cognatione, atque connexion, quam habet anima cum Deo, ideis, & cum rationibus æternis simplicibus, incorporeis, & incommutabilibus. Sic autem digeri poterit hoc argumentum. Quidquid corruptibile est, ex multis partibus compositum est: ideoque omnis corruptio, solutio est: atqui anima nostra non est quid compositum, sed simplex spiritus. Ergo. Maiorem ne vel ipsi Epicurei negare possint; cum nullum corpus ita simplex admittant: neque est, quod radium solum obiciat: nam quis nescit cum ab illis, & quidquid fingi aliud possit, ex multis corpusculis contexti? Ma. verò probatur ex eo quòd cum sint duo entium genera, vnum spirituale, quod simplex & vniforme est: alterum corporeum, quod compositum & variabile; certum est animam nostram priori similem esse, atque cognatam, vt ex intelligendi eminentia constat: Deum enim cognoscit eiusque sempiterna mylteria & ideas, vnde sic licebit argumentari. Quod est cognatum & quodammodo continuatum enti æterno, simplici, & incommutabile, debet esse aliquid omnino indissolubile, vel propinquum enti omnino indissolubili. (Hæc sunt verba Platonis volentis indicare animas nostras non esse omnino incommutabiles, aut simplices, sicut Deum, & diuina, sed modo quodam imperfectiori.) Atqui anima nostra est eiusmodi: ergo: sed ipsum audiamus. Nam & hoc, inquit Plato, enenire in superioribus dicebamus vt cum anima ad aliquid considerandum socium sibi corpus assumit, vel per visum, vel alium sensum... tunc quidem à corpore trahatur ad ea, quæ nunquam eodem modo sunt, atque ipsa aberret, perturbeturque, &c. At verò, quoties ipse animus per seipsum excogitat, illuc se confert ad purum, sempiternum, immortale, semper eodem modo se habens: & tanquam ipsius cognatus semper inhaeret ipsi, quoties redeat in seipsum, eique liceat: cesseritque aberrare, & circa illa semper secundum eadem, eodem modo se habet: utpote qui iam alia attigerit, &c. aliam item similitudinis rationem affert his verbis: *Quandiu in eodem sunt anima & corpus, hoc quidem seruire, atque subesse natura inbet: hanc verò præesse, at-*

que dominari. Secundum hac rursus utrum tibi videtur simile se diuino, utrum mortali? an non putas diuinum quidem tale esse natura, ut præsit, & ducat: mortale verò, ut subiciatur ac seruiat? &c. Animaduerte iam o Cebes, cum hac ex omnibus quæ dicta sunt, consequantur: videlicet ipsi diuino, immortalis, intelligibili, uniformi, indissolubili, semper eodem modo & secundum eadem seipsum habenti, animam esse simillimam: humano verò, mortali, nec intelligibili, multiformi, dissolubili, &c. simillimum esse corpus. Hinc infert corpore in cineres redeunte, animam ad Deum euolare, &c. Hanc rationem Cic. 2. Tuscul. copiosè admodum prosequitur. Quamobrem bene nouit Plato, ut ait Lactantius, fieri non posse, quin sit immortalis animus humanus, cuius miranda solertia inueniendi, & celeritas cogitandi, & facilitas percipiendi, atque discendi, & memoria prætoriorum, & prouidentia futurorum, & artium plerumque innumerabilium scientia, quæ cetera careant animantes, diuina & celestis appareat: quia & origo animi, qui tanta capiat, tanta contineat, nulla reperiatur in terra: siquidem ex concretione terrena nihil habeat admissum; sed necesse esse in terram resolui, quod est in homine ponderosum & dissolubile: quod autem tenne, atque subtile, id verò esse indiuiduum, ac domicilio corporis velut carcere liberatum, ad celum, & ad naturam suam peruolare. Hac fere Platonis collecta breuiter, quæ apud ipsum late copioseque explicantur. Hactenus Lactantius 7. lib. de præm. diu. cap. 8. post hæc nihil restat nisi ut illud Sap. 2. adiungamus: Deus fecit hominem inextermabilem: ad imaginem suæ similitudinis fecit illum: vocat autem hic animam hominem. Hinc recte Claud. Mamert. de vero homine, inquit, hoc est de hominis anima querimus: non est hæc equalis Deo, sed similis: utique similis, quantum incorporea incorporeo; inferior, quantum creata Creatori: similis, quantum intellectualis lux luci intelligibili: quantum mutabilis creatura, immutabili Creatori dissimilis. Aliud namque est veritas, aliud imago veritatis, &c. lib. 2. de statu animæ.

Ex his possumus sequentes demonstrationes contexere. Prima, omnes naturæ, quæ iisdem principiis constant, & ad eadem obiecta referuntur, tandem quoque habent essendi conditionem: sicut omnes oculi quorumcumque animalium. Atqui anima nostra iisdem constat principiis, eademque obiecta percipit, ac Mentes abstractæ, quæ sine dubio sunt immortales. Ergo, &c. Mi. patet, quia summum quod illis intelligentiis potest competere, est quod intelligendi principium habeant, quod Deum, ideas, vniuersales, & abstractas rerum rationes percipere possint. At hæc conueniunt animo rationali, licet minus perfectè. Ergo, &c.

Secunda, id quod tam in cognoscendi, prouidendi, & reminiscendi nobilitate, quam in potestate dominandi super corpus, eiusque functiones dirigendi, moderandi, ac prohibendi perfectam gerit Dei participationem, & imaginem, debet eum quoque proximè imitari in essendi simplicitate, perfectione, atque independentia à corpore: sed anima nostra est eiusmodi. Ergo.

Tertia, quod est cognatum, affine, & connexum rationibus æternis incorporeis, & simplicissimis, debet esse incorporeum, &c. sed anima nostra est eiusmodi: tum quia inter potentiam cognoscentem, & obiectum semper debet maxima similitudo, necnon sympathia, & commensuratio intercedere: unde cognitio cognatio dicitur: tum quia potentia debet informari ab obiecto vel per propriam eius naturam, vel per eius similitudinem formalem: tum denique quia ut non potest anima corporum qualitates modo corporeo percipere, nisi quatenus organo corporeo affecta est, ita non potest immaterialium abstractions modo incorporeo fingere, nisi prout à corpore exempta est.

Quarta, quod habet modum cognoscendi oppositum modum potentiarum corporearum, non est corporeum: sed anima habet modum cognoscendi eiusmodi: etenim potentia corporea operatur vergens ad exteriora, & à vehementi obiecto læditur, ad exteriorum permutationem fluctuat, & perturbatur: Anima verò dum intelligit intrò se reuocat, à sensualibus omnibus se retrahit: in quiete apud se, & in se videt ea quæ nec sub sensus cadere, neque in exterioribus apparere possunt: nullius obiecti magnitudine læditur, &c. ut ait *Aristot. lib. 3. de anima cap. 4.*

Quinta, quod perficitur per segregationem à corpore, non est corporeum: sed anima nostra perficitur per segregationem à corpore. Ergo, Mai. probatur, quia vnumquodque perficitur per accessum ad principium, ex quo constat. Ergo à contrario, quod perficitur per segregationem à corpore, non constat corpore: ut enim ea quæ aliquotè peramentis constant, eò destruuntur, quòd illo priuentur. v. g. quorum constitutio tota terrena est, ea tantum à naturali sua perfectione degenerant, quantum ab eiusmodi concretionem recedunt: Ita, &c. Mi. patet multis modis; *primo*, quia mens nostra speculando perficitur: speculatio autem prædictam à corpore segregationem exigit: unde Philosophia, mortis imago à Platone est appellata. *Secundo*, quia non contemplatione solum perficitur anima, sed & virtutum exercitiis, quæ corporis ut plurimum voluptates, & perfectiones expugnant: secus in formis reliquis naturalibus exprimitur: quia merè corporeæ sunt, ideo illarum perfectio, & excellentia pendunt à corporis viribus, & abundante curatione. Contrarium autem fit in nobis; qui volunt excolere animum, necesse est, ut attenuent corpus: qui verò curando corpori, ut pecudes vacant, ij etiam animum degeneri corruptela in quandam feritatem deiiciunt.

Sexta, quod ab incorporeis immediatè, per se, ac naturaliter perfici exigit, id incorporeum sit, oportet: etenim perfectibile cum proprio, & connaturali perfectione eiusdem debet esse ordinis, ac sub eodem gradu entis. Sed anima per se sic exigit perfici ab incorporeis, nempe ab vniuersalibus, à Deo, ab ideis, &c.

Septima, quod perficitur per actus incorporeos, & immateriales, id immateriale est, indiuisibile, & incorruptibile. Sed anima est eius-

modi. *Primo*, enim quot elicit actus intellectus, qui nullo modo sub corporis facultatem venire queunt, ut actus credendi, opinandi, discernendi spiritualia à corporeis, iudicandi de rebus abstractis, de mathematicis, de Deo, de intelligentiis, de veritate, & essentis rerum maxime incorporearum, ut ipsius boni, ipsius pulchri, &c. *Secundo*, in voluntate, quot actus eiusmodi? nimirum charitatis erga Deum, Religio- nis, timoris, spei, &c. merito ergo Plato dixit in Theæteto multa intel- ligi à nobis, quæ sine instrumento corporeo cognosci per se exigunt: est igitur incorporea, & consequenter immortalis.

QVINTVM ARGVMENTVM est eiusmodi: quod à seipso se mouet, id sempiternum est; sed anima est eiusmodi: Ergo. Hoc petitur ex 10. de Leg. verum à multis carpitur. Sed nihilominus à Cic. sic probatur: *Solum quod seipsum mouet, quia nunquam deseritur à se, nunquam ne mo- ueri quidem desinit: quin etiam ceteris, quæ mouentur, hic fons, hoc princi- pium est mouendi. Principij autem nulla est origo, nam ex principio oriuntur omnia . . . quod si nunquam moritur, ne occidit quidem unquam, &c. Simi- le quid vrget S. Athanasius sic: si anima corpus mouet, nec ab alio moue- tur; consequens est ipsam à se moueri, & postquam corpus terra inbumatum est, ipsam rursus à se ipsa moueri. Non enim anima est, quæ moritur: sed ob eius discessum corpus moritur: si igitur illa à corpore moueretur, consequens esset, discedente motore ipsam mori: quod si anima mouet corpus, multo magis necessum est sibi seipsam motricem esse: & quia à se mouetur, necessarium est eam post mortem corporis viuere, ac superstitem esse. At S. August. negat animam à se esse, aut à se moueri, sed à Deo: fatetur tamen eandem sua se voluntate mouere; sed hanc voluntatem à Deo illi esse prius traditam. Neque inde multum abluat Plato, cum in 10. de Legib. postquam di- xisset primum omnium motuum, atque antiquissimum, & potentissi- mum eum esse, quo quid seipsum mouet, quippe à quo pendeant reli- qui, exponens postea quis ille sit, enumerat velle, considerare, enrare, con- sultare, &c. ut suprà diximus: vnde sequentes demonstrationes possumus edere.*

*1. Tu scis.
Orat. cont.
idol.*

Prima est huiusmodi: quod habet in se, & ex se sufficiens principium sese mouendi, suam item in se, ac ex se vitam possidet: quid enim vita nisi motus eiusmodi? quod autem tale est, nunquam desinit viuere: quia nunquam deseritur à seipso, atqui anima talis est: etenim ea non mouet corpus, nisi efficacitate ipsius motus, quo ipsa se prius mouet: v. g. non mouetur corpus ad locum nisi prius anima velit moueri: nec videt oculus, nisi anima velit hunc applicare obiecto, &c. Ita motus corporis nihil est aliud, quam quædam resultantia & sequela prioris operationis, ac motus, quo prius seipsa mouet: Ergo anima se sola se mouet, id est independentè à corpore, supposito nimirum influxu primæ causæ. Ergo in genere causæ creatæ sibi suum est per se, ac sufficiens operandi, & consequenter viuendi principium.

Secunda: cui per se conuenit motus antecedenter & independentè à corpore, id per se subsistens est independentè à corpore, quia subsistere

prius est, quam operari: ergo dissoluto corpore non perit: sed anima est eiusmodi. Ergo.

Tertia, cui primus, antiquissimus & potentissimus motus, præcisè soli & quatenus ipsum, convenit, id non habet in corporibus contrarium ullum, à quo destrui queat: sed animæ is convenit. Ergo.

Quarta, cuius actio est causa omnium corporearum actionum, & illis toto genere nobilior, & excellior, id nulla corporea actione destrui potest: sed motus primus, quo anima se movet est eiusmodi actio; est enim motus intellectualis, independens à loco, à tempore, & à materia: cum enim omnis actio corporea ad his essentialiter pendeat, & ab alia priori animæ operatione necessariò dirigatur, & ortum ducat: necesse est hanc ab his eximi, & consequenter esse altioris cuiusdam ordinis: alioquin hæc esset & corporea, uti reliquæ; nec posset esse prima motio: sed priorem supponeret, idque in infinitum, &c. Ergo.

Quinta, quod positis omnibus influxibus omnium causarum corporalium, habet potestatem se determinandi ad propriam suam actionem, vel ad eius oppositum, habet principium operandi superius omni agente corporeo, & independens ab omni eius actione: quod autem tale est, nulla vi corporeorum agentium, neque cælestium, neque elementarium dissolvi potest: sat anima est eiusmodi. Hoc autem est propriè se movere: ideo propriè bruta non se movent, neque se agunt, sed aguntur, &c. Astris non dominantur: sed serviunt: non curant, non considerant, non deliberant, non metiuntur media ex finibus, neque conferunt: neque per æternitatem simplici intelligentiæ motu excurrunt: eam nec actu elicitio expetunt: neque in seipsis pro solo nutu sine villo corporum occursum in se cogitationes reflectunt, &c. Sunt enim hæc animorum propriæ motiones, quæ vim omnem astrorum, & quarumlibet causarum corporalium effugiunt, excedunt, superantque: ipsisque intelligentiis omni adspectabili mundo superioribus conveniunt. Inde scitum est illud Ciceronis de Socrate in lib. de Fato, qui cum naturâ bardus, & libidinofus à Physiognomo notaretur, talem se futurum confessus est, nisi Philosophiæ præceptis didicisset corpori, atque astris omnibus dominari. Hoc ergo est propriè se movere, & quidquid hoc modo se movet, absolutam & perfectam rationem animæ habet; estque immortalis: quidquid secus, id certè neque est, neque nomen animæ meretur, nisi secundum quid, diminutè, ac per modum inæquata participationis, uti dicemus infra de animis brutorum.

Concludo hanc rationem hæc præclarissimis verbis Claudiani Mamerti; *In Phædro*, inquit, *Plato de anima sic nunciat: anima, inquit, immortalis est, quæ semper à seipsa movetur: & alijs causa motus est; corpus autem per se non movetur. Non aut, tantum movet alia, sed alijs causa motus est: animadvertens equidem vir excellentis ingenij fore nonnullas quibus sit moveri proprium, ut sunt lapides, &c. Quidquid enim voluntarie movetur, per se sibi causa motus est: quod autem movetur vel nesciens vel inutrum vel nescientem, vel cogentem, causam motus habet: subdit autè illico prin-*

capalem motionum cardinem in Deo esse. Quoniam idipsum à Deo illi est, vt ipso moueatur, &c.

SEXTVM ARGVMENTVM EST quod in 10. de Rep. pluribus explicat; potestque sic breuiter contrahi; quod corruptibile est, tandem à proprio suo malo corrumpatur, necesse est, quod si eo corrumpi non potest, signum est manifestum istud corruptibile non esse: atqui anima non corrumpitur à proprio suo malo, quantumuis excedente: quandoquidem proprium eius malum, est vitium; eo autem tametsi summo, quis vnquam animus extinctus est?

SEPTIMVM ducitur ex infinita propemodum capacitate animi, cum in cognoscendo, tum vel maximè in appetendo, corporum enim vires omnes angustis terminis limitantur: neque enim à finita molecula, quidquam immensi prodire potest. Sat est si iuxta determinatam corpusculorum mensuram effluxus inde promanantes temperentur: animorum verò vis qualis & quanta? quacunque mole proposita, an non poterit in immensum maiorem cogitare? nullum tam amplum numerum poteris meminisse; quin maiorem fingere valeat: nec tot mundos multiplicare, quin possit plures: ita quolibet audito bono, sublimius adhuc concipit; quid denique memorem ipsam memoriam, & eam infinitam rerum innumerabilium? vt vero in cognoscendo nullus est finis: nullus est quoque in appetendo. Formæ corporeæ, si quid appetant, eo possessio fatiatur; visus lumine, auditus sonis, &c. Sed nulla re corporea satiatur appetitus humanus: allici semper aliunde se sentit, quam ab iis quæ extra se sentit. Immensum nimirum est aliquod bonum, quod nullo sensu percipi potest, à quo tamen arcanis illecebris cor supra omne sensibile bonum rapitur, & effertur. Hinc amor æternitatis, & deiformitatis; itemque beatitudinis purissimæ, plenissimæ, sempiternæ, necnon consortij beatorum & abstractarum mentium, adeoque Dei Optimi Maximi: amor inquam eiusmodi arcano instinctu in corde itidem subnascens, nedum ab obiecto vlllo externo, & præse intellectus, sed vel absentis ac futuri boni apprehensione, vel à præsentis aliquo bono, sed sensum omnem superante, & sine vlla sensatione percepto, atque gustato proripitatus, quid aliud quam naturam æternitatis affinem, & incorpoream arguit? bellæ nihil tale possunt appetere, semper quidem appetunt viuere: sed non appetunt viuere semper: hoc est, quandiu viuunt, viuere appetunt, & refugunt mori, præsentis scilicet vitæ dulcedine, quam experiuntur, delinitæ, aut dolore mortem anteuertente prouocant; sed non cupiunt vitam protogare per totam æternitatem, quam utique præuidere non possunt: neque futuram vitam inquirunt, neque aliam præsentem puriorem, &c. Sed finitus earum appetitus tantulà præsentis boni sensibilis perceptione saturatur; secus appetitus hominis, quippe immensus, &c.

Octauum denique argumentum idem Plato nobis in Phædone suggerit. Finitis enim reliquis demonstrationibus, tandem subdit. *Græue periculum fore putandum est, si quis neglexerit animam: si enim moris totius*

diffolutio esset, nimirum improbi lucrarentur, cum & à corpore, & ab eorum prauitate cum anima liberarentur: nunc autem cum anima immortalis appareat, nulla superest malorum declinatio, nulla salus, nisi ut optima, & prudentissima fiat, &c. q. d. nisi sperare debeamus immortalitatem, pessimè humano generi prospectum fuisse, quatenus soli nefarii homines, & impij sælices censendi essent, quia soli fermè præsentis vitæ commodis potiuntur. dum probi ab iis vel ob virtutem abstinēt: vel malorum circumuentione ablaetantur. Id verò minimè obuenturum, si anima sit immortalis, &c. quia continget quemlibet hinc emigrantem ab eo demomone, quem viuans sortitus fuerat, in locum quendam duci, ubi oporteat omnes una collectos indicari: vt nimirum quisque prout in vita meruerit, iustum vel æternæ felicitatis præmium, vel punitionis supplicium referat, &c.

Serm. 4 de Provident. sue desato. Huc adde illud S. Chrysostomi: Si nihil post hanc vitam est: neque Deus erit. Cur? Quia si Deus est, iustus est, si iustus est, iuxta merita unicuique distribuit: si autem nihil est post hanc vitam, ubi nam accipiunt singuli promeritis suis? sed nunquid in hac vita? haudquaquam: Multi enim, inquit, in hac vita bene habent, & in honore habentur, licet mali, alij affliguntur, licet iusti uiuant. Si igitur posthac nihil est, emigrabunt iusti afflictis iniuria: & iniusti immeritò felicitate potiri. At, inquires, fortè cum Scoto, rationem hanc fundamento admodum dubio nixam esse, quodd scilicet Deus naturaliter agnoscat bonorum remunerator, & vindex malorum: nam

Sap. 3.

Hebr. 11.

& hoc impij negant, qui nesciunt sacramenta Dei, nec mercedem sperauerunt iustitia, nec iudicauerunt honorem animarum sanctorum. Ideo fidei meritum est, non rationis elenchus, quodd accedentes ad Deum credant, quodd Deus est, & inquireribus eum remunerator est.

Contra primò, antiqui Philosophi hac ratiocinatione vsi sunt: ergo vel sola ratio demonstrat Deum esse vindicem malorum, & remuneratorem bonorum. Ant. patet ex Orpheo, & Speusippo & Apuleio, qui non aliunde persuasi sunt animos corrupto corpore permanentes.

Contra secundo: Ratio superior supponit agnitionem Dei: eosque vrget maximè, qui iam, quid Deus sit, quantum humana potest intelligentia naturaliter ex inscitis & primigeniis anticipationibus demonstrare, cognouerunt. Atqui nemo est, qui Deum esse hoc modo comprehenderit, & hunc malorum esse vindicem neget; omnibus ipse iustitiæ suæ sensum nulla obliuione defendum, nullaue iniquitate vincendum inseruit: vnde ista est atheorum apud Cic. exclamatio aduersus eos, qui Deum adstruebant: *Imposuistis in cernicibus nostris sempiternum dominum, quem dies, & noctes timeremus: quis enim non timeat omnia providentem, & cogitantem; & animaduertentem, & omnia ad se pertinere putantem, curiosum, & plenum negotij Deum?* Ad hæc naturaliter demonstrari potest Deum esse, ac moderari vniuersa; esseque omnium Dominum, æquum iudicem, eum & vel inter Ethnicos Philosophos per pauci sint, qui talem eum non agnouerint: si verò secus aliqui sensisse legantur, excessum insipientis hoc arguit, non defectum demonstrationis. Nam sæpe

animus victorum suorum granditate sic obæreatur, ut quidquid est lucis naturalis, extinguat. Hinc Hierocles Pythagoreus: *Non vult, inquit, impius animam suam immortalem, ne ad conspectum illius iudicis aequiperis torquendus adueniat. Itaque seipsum morte potius condemnat, apud Eugub. Steucum l. 9. de peren. Phil. c. 32. Quare cum de vero aliquo demonstrabili agitur, non quid proteruientes respondeant, sed quousque ratio sana consentiat, videndum est: alioquin ad Scepticorum, & Pyrrhioniorum incertitudinem redigenda essent omnia: quia nulla unquam adducta demonstratio est, de qua non extiterit quis, qui dubitarit. His ita cõstitutis audenter pronuncio tam veras, tamque efficaces demonstrationes esse eas, quas hactenus adduximus, ut firmiores in vniuersa Philosophia non sint ullæ.*

Ex his OMNIBVS patet animam esse substantiam incorpoream, & per se subsistentem: nam quæcumque probant eam esse immortalem, talem quoque esse demonstrant, & vtrumque de fide est. Ideo in Concil. 6. Constant. actione 11. dicitur, quod *Verbum diuinum assumpsit carnem & animam rationalem, atque incorpoream. Quod etiam in Concil. Lugdunens. reperitur: item in Conc. Later. 4. c. 1. Natura humana constituitur ex corpore & spiritu, &c. Nihil quoque solemnius est in sacra scriptura, quam quod anima nostra vocetur spiritus, eoque nomine à corpore distinguatur: ut cum Lucæ 14. legitur, Spiritus carnem & ossa non habet. Ideo S. Augustinus Tertullianum exagitat, quod animam corpus esse crediderit. Nec mirum, inquit S. Aug. hunc errorem eum habuisse, qui in tantum errauit, ut assereret etiam ipsum Deum esse corporeum. Nimirum nihil posse per se subsistere crediderit nisi corpus. Ideoque omnem substantiam reuera consistentem corpoream facit.*

Dicitur: contrarium olim fuisse definitum in Synodo septima generali, vbi Ioan. Thessalon. Episcopus præsidens pronunciauit hæc verba: *De Angelis & Archangelis, & eorum potestatibus quibus & nostras animas adiungo, ipsa Catholica Ecclesia sic sentit: esse quidem intelligibiles, sed non omnino corporis expertes & inuisibiles: verum tenui corpore preditas, & aërio sine igneo: & infra, nemo vel Angelos, vel demonas, vel animas dixerit incorporeas. Idem quoque sensisse leguntur plures alij SS. Patres, & reuera non dixisset Ioannes ille, sic sentire Catholicam Ecclesiam, nisi alios bene plures eadem secum persuasionem teneri cognouisset. Denique non est fide definitum, quod Angeli sint incorporei: ergo neque quod anima.*

R. Multa hic esse adnotanda; primo, non fuisse tunc præcipue questionem de Angelorum, vel animarum substantia: sed solum de illorum imaginibus aduersus Iconoclastas defendendis. Has enim hæretici coli sine crimine idololatricæ posse negabant: secus pietati eas oportere, ut nunc facimus, orthodoxi Patres definire. Hoc solum Thessalonis. Episcopus intendebat: hoc Patres vniuersi: quod insuper addidit Angelos & animas corpore circumuestiri; idque sentire Catholicam Ecclesiam, ex suo addidit, non ex Concilij sensu: ideo decipi eum in eo potuisse ni-

S. Athanas.
S. Basil.
S. Damasc.
S. Method.
S. Hieron.

hil vetat, & reuera deceptus est: an verò ita senserint SS. Patres, dicemus infra.

Quoad illud verò de Angelis, R. 1. etsi definitum non sit eos esse incorporeos, tamen id modo cõmuniter in Ecclesia Catholica propugnari: ideoq; non posse contrarium sine temeritate defendi. R. 2. non item esse de Angelis, ac de anima rationali: quia sacra Scriptura, Concilia, & SS. Patres, clarè id de anima definiunt: de Angelis verò, haud quidquam certi determinant.

§. 3.

Soluuntur argumenta opposita.

ADVERSUS supradicta obiici nonnulla possunt, sed quæ reuera nullius sunt roboris.

Ex Sacra Scriptura primum potest adduci quod dicitur Sap. 2. *Fumus enim affatus est vita nostra, & spiritus diffunditur, quasi mollis aer.* Secundo, Eccles. 3. *Unus est interitus hominis, & iumentorum, &c.* Tertio, Iob. 14. *Homo cum emortuus fuerit, & nudatus atque consumptus, ubi quæso est? &c.* Quarto, 1. ad Timoth. 6. Deus dicitur solus habere immortalitatem. Quinto, in Concil. Constantin. A. 11. definitur inuisibilia & intellectualia non habere naturam immortalem, sed per gratiam solum à morte coerceri. R. ad primum, ea esse verba impiorum quos sapiens loquentes inducit, ut constat ex illo exordio, quod initio cap. præponit: *dixerunt enim cogitantes apud se non resiste.* Et concludit sic: *Hac cogitauerunt, & errauerunt: excacauit enim illos malitia eorum: & nescierunt sacramenta Dei, neque mercedem sperauerunt iustitia: nec iudicauerunt honorem animarum sanctarum. Quoniam Deus creauit hominem inextinguibilem, &c.* Hinc etiam R. ad secundum similiter, quod scilicet Ecclesiastes referat verba quæ solent impij effutire: vel certè de vita præsentis, eiusque deliciis, necnon de felicitate loquitur, qualem viri voluptuarij & belluini solum æstimaunt, & perquirunt: quæ tota æquè mortè hominis, ac bruti euanescit. Ad 3. Resp. quod homo mortuus nusquam est secundum totum suppositum: vbi verò quoad animam ignoratur. Denique solum admonet Iob vitam istam præsentem sicut aquam fluij præterlabi: nec ampliùs vitæ restitutum iri, nisi cum sæculi consummatio fiet. Ad 4. Resp. quod solus Deus habet essentialia sua, atque imparticipatè immortalitè: Anima verò à Deo, liberè ac participatè, eam recipit, & quasi precariò ex libero Dei beneplacito sine fine conseruat: quod beneplacitum à Concilio per gratiam intelligi haud indubiè debet.

Secundo, Ex Epicureis & Democriticis, Lucretius 27. obiectiones excerpfit, quas habes fusè relatas apud Petrum Gassendi: sed nullo fundamento innixas: præcipuas hoc vno complectar syllogismo: quod pati-

tur

tur affectiones corporis, est corporeum: ergo solubile: sed mens nostra patitur affectiones corporis. Habet enim senium in decrepitis & pueritiam in infantibus. Læsis item organis vis intelligendi læditur dementia, puerilitate, obliuione, stupore, ab his quoque medicinis curatur: corporeo nexu materiæ tenetur alligata; pendet à temperamento sensibili: efflatur ore, ceu aura prætenuis: idem ac corpus initium habet, & quemadmodum ab eo pendet ut sit: ita quoque necesse est ab eo illam pendere, ut conseruetur. Ergo, &c. Resp. negando Min. ad probationem dico, iis hoc solum effici, quod anima sit forma corporis ad confluendum hominem ordinata, qui ut neque sentire, neque vegetari sine anima: sic neque mente uti nunc potest sine corpore. Quare duo hinc iuferuntur verissima; *primum*, quod intelligendi functio quoad vsum pendeat à corpore, quatenus ob sympathiam mentis ad phantasiam, mutuo sese illæ ad operandum prouocant: neque mens quidquam, nisi à phantasia excitata, cogitare; neque euagari, aut ligari phantasia valet, nisi menti occasionem simile quid patiendi apponat, ideo læsis, vel reparatis organis corporeis, inordinatè, vel rectè suas animus functiones exercet. *Secundum*, quod inferitur est, quod vnio animæ cum corpore pendeat à temperie corporis, at non anima ipsa; neque efflatur instar auræ; sed solum tunc corpus deserit, quando vltimum è corde suspicium trahitur: & licet tunc solum esse incipiat, quando incipit informare: non tamen pendet à corpore, ut simpliciter sit; sed quia ipsa est solum propter compositum, speciemque naturæ rationalis, ideo non debuit prius creari, nec aliter, quam formatio talis, aut talis corporis postulat.

Tertio, possumus ista opponere. *Primum*, inter formam & materiam debet esse proportio, ita ut in vnum aliquid valeant consociari: sed inter merum spiritum, & materiam nulla est eiusmodi proportio. Ergo. *Confirmatur*, quia suprà diximus perfectibile & perfectiuum esse semper eiusdem ordinis; & si quod perficit spirituale sit, tale quoque necessarii esse quod perficitur. Ergo corpus non potest perfici, neque informari à spiritu.

Secundum, de essentia omnis formæ est, ut sit in subiecto formabili, cum quo faciat vnum tertium: sed anima est forma hominis. Ergo. *Ma.* probatur, quia forma est essentialiter id quo totum existit: imo est ipsa ratio, ac species totius ex Arist. ut diximus in Phys. c. 7. Ergo non potest corrumpi totum, quin ipsa pereat. *Confirmatur*, quia forma omnis est propter compositum: Ergo destructo composito, ipsa superflua est.

Tertium, quod per se informans est, id neque per se, neque per accidens potest opposito informationis subiacere, sicuti suprà diximus id quod est per se viuens, non posse vlllo modo obnoxium esse vitæ opposito, scilicet mortis, sed omnis forma est per se informans. Ergo. *Confirmatur*, quia si natura rationalis animæ sit informare: ergo contra naturam eius erit, separatam existere. Cui autem contra naturam est per-

manere, id sane secundum naturam perire exigit, &c.

Quartum, natura sensitiva est per se corruptibilis, sed anima est natura sensitiva. Ergo.

Quintum, Anima nequit esse sine operatione, sed operari non potest sine phantasia. Ergo.

Resp. ad primum, negando Mi. Anima enim nostra continet eminenter omnes proportionibus formatum corporalium: aliunde materia per organizationem illam admirabilem, qua Deo auctore preparatur, ad debitam proportionem eleuatur: paucis, solum, requiritur proportio actus formalis ad potentiam passiuam, hanc autem non repugnat esse inter spiritum & corpus; cum vt corpori, patiendi potentia; sic spiritui, potissimum actuandi, formandi, ac mouendi energia conueniat. In eoque potissimum elucet mirabilis ars conditoris, vt naturas à Deo dispares, corpoream scilicet, ac intellectualem in vnam speciem coalescere fecerit: vnamque ex extremis oppositis, quasi harmoniam concinnarit. *Ad Confirm.* Resp. aliqua posse dici eiusdem ordinis duplicatione: *primò*, quia mutuo ad se referuntur: & sic anima & corpus eiusdem ordinis sunt. *Secundò*, quia sunt in eodem genere abstractionis; & sic se habent potentia, & obiecta, vt patet inductione: non verò forma & materia, saltem necessariò, ac semper: disparitas est quia potentia perficitur ab obiecto, secundum quòd illi cognata est: materia verò à forma, vt turpe à pulchro, &c.

Ad secundum Resp. de essentia formæ vt sic, esse vt sit in subiecto formabili, actu vel potestate. Ideo destructo composito superflua non est; præsertim si sit per se capax operandi, & sic confirmationi occurritur.

Ad tertium, maiorem veram esse de eo quod per se solum est informans actu: aut cui ex natura conuenit actus informandi, tanquam adæquatus actus essentia: falsam verò de eo quod ex natura solum aptitudine informandi officium sibi vindicat. At talis est anima rationalis; ideo negatur prima consequentia subiectæ confirmationis.

Ad quartum Resp. naturam sensitivam prout eminenter continetur in anima rationali, solum esse corpoream virtute, ac eminenter.

Ad quintum Resp. negando Mi. vt constabit inferiùs.

CAPVT III.

DE ANIMÆ RATIONALIS
origine.

§. I.

Errores veterum notantur.

PRIMVS error fuit eorum, qui animam essentia incommutabilem, & æternam dixerunt: eiusmodi certe ipse Aristoteles voluit esse intellectum Agentem, cum velit esse purissimum actum, ita ut eius operatio sit ipsissima eius natura, & essentia, ut patet ex 3. de Anima.

Secundus eorum, qui creatam à Deo; sed ab initio mundi: omnesque simul incepisse. Ita censuisse videtur Plato, idque postea euidenter docuit Origenes, & quotquot sequentes sententias professi sunt. Interim quod Plato voluerit animas intellectivas esse à Deo creatas patet euidenter ex Timæo, ubi tametsi Pythagoreis symbolis, ac Poëtico lepore vsus; euidenter nihilominus ait quod Deus animam mundi procreauit: quodque secundis causis concurrentibus ad corporis humani formationem, ipse solus animam suppeditet. Hinc Plutarch. 1. de Plac. Phil. ait quod Plato facit animam non Deum, sed opus æterni Dei.

Tertius eorum, qui dixerunt animas è cælo in corpora nostra modo demitti, ob peccatum sc. aliquod ab iis in cælo patratum, veluti si cælestis beatitudinis nausæa terrenarum voluptatum desiderio exarsissent. Id multi ex antiquis hæreticis tenuere ut Origenes, Priscillianistæ, Barulitani, &c. Interim Aug. Steucus Eugub. nobis auctor est hanc persuasionem inter Græcos increbuisse quod à Chaldeis didicissent hominem ob præuaricationem è paradiso deiectum fuisse: famamque antiquam fuisse ob magna quædam peccata viuere homines in corpore. Ita peccati originalis nonnihil præcallere: vnde tam sæpe corruptos à natura homines ij conquerebantur: quamquam nec defunt textus Platonis, quibus clarè doceat à Deo animas in corpora inspergi, seu infundi, non has sponte à Deo sese distrahere amore corporum: sic enim ait in Timæo: *fusi & quasi sparsi à Deo animis per singula singulis congrua temporum instrumenta, fore ut nasceretur animal religiosissimum, &c.*

*De Perenn.
philos. l. 3.
c. 1.*

Quartus, dicentium animas è corporibus humanis in belluina. & rusticus ex his in illa perpetuo circuitu commigrare. Id ex Pythagoræ schola desumptum, varias apud Platonicos habet interpretationes: sed hic eo sufficiant, quæ diximus in Logica c. 53 §. 1.

Quintus, eorum qui animas ex substantia Dei, quasi scintillas ex igni erupisse. Is error à nonnullis Platoni, Ciceroni, Philoni, aliisque celeberrimis viris adscribitur; sed infrà hi ab hac calumpnia vindicabuntur. Interim hæreticos multos ita sensisse constat; cuiusmodi fuerunt Carpoerates, Manichæi, Dicitæ, &c. qui omnes docebant animam humanam esse, vel Dei substantiam, vel ex Dei substantia; iique consequenter Deum uti corpus aliquod tenuissimum concipiebant infinitis particulis contextum, iustarumque lucis immensæ, corporæ tamen, ac partibilis.

Sextus fuit eorum, qui dixere animas nostras esse particulas animæ mundi. Hic error attribuitur Platoni propterea quodd in *Timæo* hæc scripserit. *Illius animalis simillimum mundum esse dicamus, cuius animalia cetera, & singulata, & generatim partes sunt.* Verùm miror quomodo sint aliqui tanto in Platonem odio lymphati, ut omnia eius dicta contrà expressam eius interpretationem semper in peiorem sensum detorqueant: nam quæ sequuntur satis declarant quid senserit. *Volens, itaque, inquit, Deus omnium quæ intelligi possunt pulcherrimo & perfectissimo (scilicet exemplari) mundum hunc simillimum reddere, animal unum ipsum effecit ad spectandum animalia cuncta natura sue convenientia intra suum limitem continens.* Hoc autem adhuc clariùs infrà explicat scribens sic: *Sed quia mundus hic nondum animalia omnia intra suum ambitum continebat, ex ea parte deficiebat ad illud exemplar imaginis huius similitudo, Hoc igitur quod deerat, superni illius exemplo Deus explebat: quos igitur, & quales menti ideas, in eo quod est animal, inspicit, toridem & tales hoc mundo contineri oportere excogitavit.* His itaque Plato diuinus diuinè ac mirabiliter explicuit, quomodo species omnes, numerique animantium in hoc mundo degentium, non ex mera necessitate naturæ, ut voluit Aristoteles, neque casu, ut Democritus; sed voluntate sapientissimi opificis, nempe Dei, qui *pulchrum pulcherrimus ipse mundum mente gerens*, ut ait Boëtius, formas, ac præsertim animas in materia procreat æternis suis ideis assimilens, *Similique ab imagine format*: mundum ergo intelligibilem vocat animal diuinum: Nostrates animantes illius partes sunt, quatenus idearum in illo prælucentium participatione fiunt. Quam obrem nihil aliud Plato voluit nisi animas nostras esse participationes quasdam idæ, quam Deus habet animarum, quamque *ἀντοψία* vocat, fontemque animarum, seu ut Procli utar voce, fontem animalis vitæ in quo animarum omnium origo est. Plotinus idem asserit; & alij quam multi, atque hoc modo sequentia Platonis verba interpretantur. *Hæc præfatus Deus, in eodem rursus cratere, in quo mundi totius animam permiscens temperauerat, superioris temperationis reliquias miscendo perfudit: modo quidem eodem: non tamen perfectius similiter, sed & secundo & tertio gradu à primis deficientes.* Per craterem hunc, inquit Plotinus lib. i. de dubiis animæ, Theodorus Aſineus, Proclus, &c. *ἀποψία*, & ipsammet animarum ideam, in Dei mente sitam, ad cuius imaginem animæ omnes singulares fiunt, intellexit. Hunc enim animas genere qui-

dem pares, tamen si perfectionis gradu inæquales processisse docuit quatenus tres differentias animarum agnoui, nimirum cælestium, ætherearum & humanarum: vel forte per animas secundo & tertio gradu à primis deficientes intellexit Angelicos & humanos spiritus suis ideis haud suppare, vel animas brutorum & plantarum ab intellectuabilibus degenerantes. Quidquid sit, simile quid Trismegistus ante illum cecinerat, dum in Pimandro, nomen ac Hieroglyphicum crateris explicans ait eum esse ipsam diuinam Mentem, in qua cunctorum idea collocata sunt: & adhortatur Tatium, ut in illo se cratere contemplando immergat, ut vera Mens fiat cognitionis participatione. Quod vero Platonih aliud velit, vel inde manifestissime constat, quòd Deum & animas vsquequaque defendat omnino ac simpliciter indiuisibiles, indissolubiles, spirituales, & summe simplices, &c. quales ergo particulas diceret inde posse discindi? Paulò rudius scripsisse videntur alij quidam Philosophi, ut Epictetus, Philo, Cicero, &c. Quos tamen sic excusat Augustinus Steucus Eugubinus: *Pergit etiam, inquit, Epictetus, ut qui nunquam Christianus fuit, fuisse ob doctrinæ bonitatem videatur: omnia inquit connexa, atque apta inter se sunt: auditoque quasi imperio Dei cuncta parent, cuncta ciuntur; ac animorum, qui consue sunt connexi, & copulati Deo, ceu sint particula eius, & abscissiones, nonne motum ceu proprium & conuulsum sentiet Deus? tum subdit, Aduertere commodum est hoc loco, hanc copulationem non esse substantialem, quod ipse quoque dixit Epictetus: sunt enim animi, ut Philo quoque disertissime aiebat, vsus eodem nomine, ac Epictetus, animos quoque abscissiones quadam & auulsiones ex Deo. Dico autem abscissiones, non substantiales. sed quales innuit Moses, afflatus, aspirationes; emissiones à seipso occulta. Quod alio clariore nomine Philo declarat ἀναυγά, quatuor scintille, radj ex illa luce diuina auulsi, & abscissi, separatiq. Beneque nouis Trismegistus animos non esse de substantia Dei ad Asclepium. Mens, inquit, non est abscissa ex substantia Dei, sed quasi explicata, vel uti salustius. Hactenus Eugub. Nihilominus quidquid sit de se: su ac mente huiusmodi Philosophorum, fatendum profecto est has loquendi formulas esse omnino vituperandas, & sonare nescioquid et roris & caliginis adhuc in illorum animis adhærescens: quippe quibus nondum plena diuinæ veritatis lux orta fuerat: ideo in illis excusandis haud ita nos decet laborare: solum addiderim huc referri oportere impium Amalrici Dogma, docentis Deum esse ipsammet rerum omnium essentiam ac formam.*

SEPTIMVS error fuit dicentium animam propagari cum semine. Id clarè docuit Aristot. lib. 2. de gen. anim. cap. 3. ut suprà diximus. Sed & perdifficilis semper hæc quæstio visa est: de hac enim audi, quid S. Greg. scribat: *Quæstio de origine anima inter sanctos Patres non parua versata est, sed verum ipsa ab Adam descenderit, an ceteri singulis detur, incertum remansit: eamque insolubilem fassi sunt esse quæstionem. Grauis enim est quæstio, nec valet ab homine comprehendi. Quia si de Adam substantia anima cum carne nascitur, cur non etiam cum carne moriatur? Si vero cum carne non*

l. 7. epist. 55.
ad Secundum.

Epist. 7. 28.
99. 157. & 6.
Epist. 157 &
lib. de har. c.
86 & 87.
naſcitur : cur in ea carne, qua de Adam prolata eſt, obligata peccatis tenetur?
 At S. Auguſtinus quantum in hac diſcutienda ſententia laborauit, quam anceps fuit, quam dubius? teſtantur id epiſtolæ, ſed præcipuè lib. 7. & 10. ſuper Gen. Anceps eadem de re fuit, D. Cyprianus prologo ſerm. de Natiuitate Chr. Anceps Ruſſinus, imo magna Orientalium pars vt teſtatur S. Hieronymus epiſt. 61. Id autem affirmanteſ aſſeruit Tertullianus, audacter proferēs animam rationalem per generationem ex traditione, non per creationem ex nihilo prodire, vt teſtatur S. Auguſt. qui idem quoque aſcribit Luciferianis. Idem quoque recentior Dan. Sennertus Medicus celeberrimus in Academ. Vitembergenſi defendit hypochondriam 4. cap. 10.

§. 2.

Refutatio prædictorum errorum.

Epist. 71.

CONCLUSIO PRIMA. Abominanda hæreſis eſt dicere quod animæ noſtræ ita ſint de ſubſtantia Dei, vt vel eiſdem ſint cum illo natura, vel eiſus portiones. Id ita iam ſæpius definitum eſt ab Eccleſia. *Quam impietatem*, inquit Leo I. ex Philoſophorum quorundam & Manicheorum opinione manantem, Catholica fides damnat, ſciens nullam tam ſublimem, tamque præcipuam eſſe ſacturam, cui Deus ipſe natura ſit. Idem ipſe anathemate damnat in Concil. Tolet. cap. 21. Honorius ſimiliter primus in Conc. Braccarenſi I. ſiquis animas, inquit, humanas, vel Angelos ex Dei credit ſubſtantia exiſtere, ſicut Manichæi & Præſcillianus dixerunt, anathema ſit. Communiter SS. Patres inter quos vide præcipuè S. Chryſoſt. in 2. gen. homil. 13. Iulianum in Colloq. cum Tryph. D. Hieron. epiſt. 18. Bedam in lib. de mundi cœleſt. & terreſtr. conſtitutione. Lactantium de opificio Dei cap. 19. ex quo patebit, quam falſd. Ludouicus Viues ipſi errorem contrarium impoſuerit, quod lib. 2. cap. 13. dixerit hæc: *ſiſco corpore ſpirauit ei animam de vitali fonte ſpiritus ſui, qui eſt perennis.* Sed reuerà his nihil aliud vult, quam Deum eſſe principium efficiens, ac exemplare animæ, cui vitam immortalẽ & ſpiritualem aſſectum æterni ſui Spiritus impertiuit. D. Auguſtinus etiam ſæpiſſimè talem inſaniam aduerſus Manichæos inſectatur, potiſſimum, quod ſi anima pars Dei eſſet, omnino incommutabilis, atque incorruptibilis eſſet, nec deſiceret in deterius; nec proſiceret in melius, &c. Hinc in 7. lib. in Gen. ſuggillat Manichæos, quod non trepidarent Dei ſubſtantiam tam turpiter commutabilem dicere, vt nullum eſſet herbæ, ſeu vermiculi genus, ubi eam non eſſe permixtam, vel quod reuolui non poſſet mirabili opinarentur inſania: vide D. Thomam 1. p. qui adducta ratione S. Auguſt. mox ad originem huius erroris tranſuolat: & duos fontes præcipuè notat, (quidquid contrà dicat Criſpus quidam Gallopolitanus, in Platonem pluſquam furibundus:) primus fuit error eorum, qui Deum fecere corporeum: Secundus eorum, qui vnicam omnium ani-

qu. 90. a. 1.

nam esse dixere: vtrumque autem impossibile est. Ergo. Error porro iste duxit initium ex illo Gen. 2. *Inspirauit Deus in faciem eius spiraculum vite*, quasi Deus ex sua substantia illam eructauerit, quemadmodum homo, dum suspirat aliquid, id de seipso eicit in flatum. Sed Respondet l. 7. in gen. August. animam sic à Deo tanquam rem, quam fecerit, non tanquam c. 2. de natura, cuius ipse est, sine genuerit, sine quoquo modo protulerit. Et pauld pòst subdit: imo verò ex hoc verbo satis apparet ita non esse, cum enim anima sufflat, anima itaque ipsa subiacentem sibi naturam corporis mouet, & de illa non de seipsa flatum facit: at melius pòst, hoc ipsum est sufflare, quod flatum facere, hoc est, animum facere: quare ille flatu intelligendus est, sicut ille de quo Zachar. 12. *Hac dicit Dominus extendens Cælum, & fundans terram, & fingens spiritum hominis in eo.*

CONCLUSIO SECUNDA, animæ nostræ creatæ sunt à Deo immediate: de fide est, *Credimus enim in unum Deum, visibilibus omnium & invisibilium factorem*, vt fert Symbolum primi Concilij, Nicæni: & in Concil. Tolet. cap. 21. de regulis fidei: *animam hominis creaturam dicimus Dei voluntate creatam*: & communiter SS. Patres docent animas nostras conditæ ex nihilo, vt videbimus inferiùs. Cæterum D. Thomas 1. p. demonstrat non potuisse animam aliter fieri nisi per creationem, quia cum sit forma per se subsistens, per se quoque fit: at non ex præexistente materia, neque corporali, quia esset natura corporea: neque spiritali, quia sit substantia spirituales inuicem transmutarentur. Verum hoc infra pauld diffusius examinabitur. Duo textus sacræ Scripturæ supra cit. ex 1. Gen. & 12. Zachariæ id sat manifestè declarant. Præterea istud eximè sic probat D. Bonauent. *Animarum creationem, inquit, Deus sibi in 2. d. 18. solum debuit reservare tum propter earum dignitatem, tum propter earum 1. 1. a. 2. immortalitatem. Propter animarum dignitatem, quia cum anima sit imago Dei, & nata immediate ferri in Deum, & beatificari in ipso, diligendo eum ex toto corde, totum suum esse immediate ab ipso habere debuit, vt ipsum toto corde teneretur diligere. Decuit etiam hoc propter animarum immortalitatem: cum enim solus Deus sit, qui habeat vitam in semetipso, & vitam indeficientem, solus est, qui potest producere principium vite perpetuum.*

CONCLUSIO TERTIA, Animæ non fuerunt omnes simul ab initio creatæ. Imo neque ante corporis formationem: ita vniuersis Ecclesia Catholica sentit: & oppositum omnino proferibit: & quidem quodd non fuerint omnes in cælo conditæ, ac deinceps propriæ voluntatis nutu, aut in pœnam commissi sceleris in corpus demersæ, de fide est: Si quis, inquit Synodus quinta Constant. dicit, aut sentit, hominum animas veluti prius extantes intellectualem mentes, sine naturas, & sanctas virtutes præexistisse, contemplatione verò diuina exsatiatas, atque in deterius prolapsas, & quod in eis charitas Dei refrigerit, indeque luxas, id est, animas quasi refrigeratas nominatas, & pœne gratia in corpora demissas esse, anathematis, &c. Idem assertitur in Concil. Bracar. 1. can. 6. & Constantin. 6. a. 11. &c. Ita communiter SS. Patres, & Theologi. Rationes lege apud D. Th. 1. p. sed potissimum apud Sixtum Senensem 5. biblioth. vbi quam plu- 12. de ciuit.

c. 26. Terribil.
de anim.
Euph. bar.
64. Guil. Pa-
ris. l. de uni-
p. 2. c. 13. &
seq. D. Th. 1.
p. q. 65. a. 2.
C. 6.

1. p. de univ.
p. 2. c. 13.

Epist. ad Tu-
ribium A-
buria. Episc.

1. 5. de decret.
diu cap. de
homine.

ra ex SS. PP. & præcipue ex S. Cyrillo argumenta collegit: sane dum sacra Scriptura testatur fabrefacto humano corpore spiritum à Deo fuisse continuè inspiratum: & animam in hunc mundum venientem ab eodem Deo illuminari, clarè ostendit, non punitionis causa corpus animari; sed hominis potius formandi gratia: neque beneficium Dei foret humana fecunditas, neque prolixior vitæ conseruatio, &c. Ecce denique Deus tam admirabilem humani corporis fabricam effinxisset, si non sanctæ animæ domicilium, sed sceleratæ carcer existeret? Quod si amore corporis peccassent animæ, quomodo viuentes in corpore Deo placere potuissent: & cum testatur Plato hinc Deo spargente animas, istinc causis secundis præparantibus corpora, fore ut animal nascatur omnium maximè diuino cultui deditum, quid aliud indicat, nisi quòd non hac incorporatione Deus punire animas delinquentes; sed veros adoratores sibi formare voluerit? &c. vide Guillelmum Parisensem, qui multis argumentis subtiliter id refellit, quæ vel huc omnia collimant, quòd inclinatio animæ ad suum corpus sit naturalis & consequenter à Deo ipsi inserta: ergo eius impletio quoque erit necessariò naturalis, & à Deo per se intenta: at incorporatio ipsa huiusmodi appetitus impletio est: neque appetitus ille peccato; neque incorporatio pœnæ potest imputari.

Quod verò animæ non sint quoque ante formationem corporum creatæ, licet non ita manifestè definitum sit in Conciliis, certè non minùs asseueranter à SS. Patribus pronunciatum fuit. Nam Leo Papa sic olim rem istam definiuit: *Omnes eos Catholica fides à corpore sue unitatis abscondit, constanter predicans, atque veraciter, quòd anima hominum priusquam suis inspirarentur corporibus, non fuere, nec ab ullo incorporatæ, nisi ab opifice Deo, qui & ipsarum est Creator, & corporum.* Theodoretus, *Animam, inquit, dicimus esse simplicem & ratione præditam, & immortalem, non tamen ante corpus existere.* Magister sent. 2. l. d. 17. *Quidquid de anima primi hominis aestimetur, de alijs certissimè sentiendum est, quòd in corpore creentur: creando enim infundit eas Deus, & infundendo creat.* Beda, *Est autem, inquit, indubitata fidei, nec inde animas nasci, vel creari, vel abunde adduci, sed similiter cum ipso corpore nasci.* Guillelmus Parisiensis cit. hoc ita probat. perfectio naturalis non habet esse, nisi in eo cuius est naturalis perfectio: animas autem vocamus eiusmodi perfectiones: ergo non habent esse naturaliter extra corpora: vide D. Thomam 1. p. q. 90. & Bannesium ibid. Quibus omnibus adde, quòd cum animæ non multiplicentur numero, nisi à corporibus, quibus inmerguntur, & proportionantur, uti demonstraui in Phys. cap. 8. Necessè est eas vel ex primo suæ creationis momento corporibus coaptari; & cum Deus creando animam, hominem principaliter intenderit condere, à quo pro rebus omnibus corporeis coheretur, frustra eam tandiù ante creauisset, quam opus, cuius gratiâ ipsa factâ sit, posset existere. Atque hæc sufficient ad refellendum errorem Origenis, qui asserbat animas initio creatas; & corpora non fuisse condita ex prima Dei intentione, neque proposito diuinæ

diuinæ suæ manifestandæ bonitatis, sed solum vt ergastula, & in supplicium animarum, quæ deliquissent: & ad hoc probandum multis abutebatur sacristextibus, vt illo Psal. 65. *Induxisti nos in laqueum*: & 89. *Domine refugium factus es*, &c. & Ier. 28. *Catenas ligneas contriuxisti*, &c. idem docuit in lib. *dei ap̄st̄or.* tom. 1. in Ioan. in Ephef. 1. &c. & ob id passim eum apud antiquos SS. Patres refutatim inuenies.

Epiph. lib. 2.
Panary.
Theoph. l. 1.
Paschal.
Hier. ep. ad
Pammash.
Cyrill lib.
in Ioan.
Meth Dam.
Gregor. Nyf-
sen. &c.

CONCLUSIO QUARTA, non minus hæreticum, quam ridiculum, & insanum est dicere animas in belluina corpora transmitti. Hoc ita putandum est, vt nullo sic opus argumento ad id repudiandum præter naturalem horrorem, quo cuiusque animus tam foræ commēta exhorrescit, & vix persuaderi me sinam fuisse aliquos olim, qui hoc vt ore, scriptore testabantur, corde sentirent: & si Marsilio Ficino credere volumus, *Proculus una cum communi Platoniorum schola negat intellectualem animam ferino corpori admodum alieno sic accommodari posse, vt ei quandoque in vita communicet: & communicare verò cum brutis aliquando putant in quadam similitudine vite, idque sensisse Platonem.* Et quidni de tanto viro id crediderim, qui certissimè nō signorauit proportionem apprimè exactam, quæ corpus inter, & suam formam requiritur, vnde in Phædro docuit non posse in hominem venire animam bruti: quomodo credidisset posse in brutum animam hominis? quid, quòd tam sæpe docet animas exutas corpore, & à Deo iudicatas ad Deum ipsū reuerti, si bonæ; vel in Tartaros deprimi, seu loca putida, & horrenda, si male extiterint? tamen recole quæ diximus §. 1. hac de re. Cæterum S. Augustinus in 10. de ciuit. Dei cap. 30. ita scribit, *Hanc sententiam Plato doct̄or tenuit, Platonis discipulo Porphyrio tamen iure displicuit, in hominum sane, non sua, quæ dimiserant, sed in alia noua corpora humanas animas redire arbitrari est: p̄dixit scilicet illud credere, ne mater fortasse filium in mulam reuoluta velleret; & non p̄dixit hoc credere, ne reuoluta mater in quellam filio forsitan nuberet.*

§. 3.

Plinius error de propagatione animarum discutitur.

TRIPLEX sensus potissimum dari potest huiusce animarum ex trāduce originis: primus est, quem tangit S. Th. 1. p. q. 90. *Animas hominum præcessisse corpora non secundum actum, sed secundum quandam similitudinem generis, quæ anima cum Angelis conueniunt in intellectuāli natura.* Secundus est, animas in materia corporali secundū quādam rationes seminales prælatitare, quemadmodum animas reliquorum, viuentium. Tertius est, præcedere rationes seminales animarum nostrarum in materia quadam spiritali, quam Deus initio creauerit, quæque deinceps à patribus traducatur in filios: vt sic ab anima genitoris traducatur anima geniti sicut caro ex carne: aut vt quemadmodum ab vna candela mulæ aliz accenduntur, sic ab anima vna per sui multiplicationem

Tomus VI.

F

l. 7. in gen.

absque diminutione viuificentur multa corpora. Primum sensum admittit S. Thomas, nec communis Doctorum opinio improb. b t: Secundum impugnant omnes, quotquot animam rationalem incorpoream adstruunt, inter quos præcipuus est S. Augustinus. In tertio denique ipse hæsit, vixque inde extricare se potuit: en autem quomodo sententiam ipse suam declaret: *Sicut caro, excepto quod iam caro est, in qua natura, vel proficit, ut pulchra; vel deficit, ut deformis sit: habuit etiam materiam, id est, terram, de qua fieret, ut omnino caro esset; sic fortasse potuit & anima antequam ea ipsa natura fieret, quæ anima dicitur, cuius vel pulchritudo virtus, vel deformitas vitium est, habere aliquam materiam pro suo genere spiritalem, quæ nondum esset anima; sicut terra, de qua caro facta est, iam erat aliquid, quamvis non erat caro.* Sed en quanto illico difficultatum turbine agitetur? Sed enim, inquit, iam terra implebat mundi infimam partem, antequam de illa corpus hominis fieret: conferens vniuerso totum suum: ut etiam si nulla ex ea caro fieret animantis cuiusquam, specie tamen sua mundi fabricam, molemque completeret, secundum quam dicitur mundus, cælum, & terra. At verò illa spiritalis materies, si fuit vlla, unde anima fieret; vel si est vlla, unde anima fiunt, quid ipsa est, quod nomen, quam speciem, quem usum in rebus conditi tenet? viuit an non? si viuit, quid agit? quid confert vniuersitatis effectibus? beatamne vitam gerit, an miseram, an neutram? viuificat aliquid, an ab hoc etiam opere vacat, & in quodam secreto vniuersitatis ociosa requiescit, sine vigili sensu, motuque vitali? si enim nulla prorsus adhuc vita erat, quomodo esset vite futura quedam incorporea, nec viua materies? aut falsum est, aut minus later. Si autem iam viuebas nec beatè, nec miserè, quomodo rationalis erat? Quòd si tunc rationalis facta est, cum ex illa materie natura humane anima facta est, irrationalis ergo vita, materies erat anima rationalis, id est, humane, &c. Ita dubietatem exponit suam, nesciens an reuera ex nihilo creetur anima: an verò ex aliqua materia spiritali sobolescat, quæ vltèrius ex anima Adam præmanarit: sicut nostra corpora ex eius corpore pullularunt: & in 10. lib. soluit rationes & authoritates sacras, quæ in vtramque partem adduci possent.

CONCLUSIO QUINTA, Animæ nostræ non sunt ex traduce. Is est communis Ecclesiæ sensus, à quo sine graui errore, & infandæ temeritatis nota discedere debet nemo; probatur autem ex prioribus, quia si anima creetur ex nihilo tunc quando infunditur, certè non propagatur: atqui creatur hoc modo, ut iam constitit: & expressè docet Clem. lib. 8. const. Apost. cap. 16. Hieron. lib. 2. contra Ruffinum, & 2. contra Luciferianos. Chrysost. hom. 13. sup. 6. Gen. Damasc. l. 2. c. 2. de fide Orih. cap. 12. Greg. Nyss. August. lib. de Eccles. Dogmat. cap. 14. &c. Ex Scriptura textus hi solent excerpti: Gen. 2. inspirauit Deus in faciem eius spiraculum vite. Eccles. 12. Reuertatur pulvis ad terram, unde erat, & spiritus redeat ad Deum, qui dedit illum: 2. Machab. 7. neque enim spiritum & animam donauit vobis, sed Deus; Zachar. 12. fingens spiritum hominis in eo. Verum Respondet D. Augustinus solum his probari primam animam immediatè à Deo produisse, cæteras verò ab eodem mediata per

primæ traductionem, quemadmodum corpus nostrum dicitur modo de terra venisse, quia propagatum est ex eo, quod immediatè terra est fabricatum. Denique dici posse quod Deus dederit, aut sinxerit animam, sicut dicitur quod Deus donauit nobis linguam & manum, quod sinxit oculum, &c. Nihilominus hanc explicationem, non ita laudat, quin oppositam quæ magis congruit Conclusioni nostræ, multum esse probandam opinetur: Et merito quidem quia sincerior est, & menti sacrotum Authorum conuenientior: quare cum videamus eam non modo recentium omnium Theologorum calculis approbatâ, sed & pari veterum Patrum consensu roboratam, atque ut orthodoxam apud omnes auduisse, merito nefas esset ab illa discedere.

Rationem hanc reor optimam, quam Alex. Alensis ex Hugone Victorino desumit, quod anima sit substantia simplex, nullo modo diuisibilis in partes eiusdem rationis, alioquin esset corporea, atqui substantia simplex propagationem non facit, quia vel tota in gignente remanet, vel tota transit in genitum: neque augeri, neque multiplicari ea sic potest, ut ex ea portio quædam defluat, quæ in sobolem aliam pululascit. Et sic deinceps: Sic enim videmus carnem ex carne propagari. Ergo impossibile est animam rationalem ex anima gigni: quomodo namque tota in gignente remaneret, si tota in genitum fluere, aut quomodo tota in genitum demeret, si tota in gignente sine defluxione, aut abscissione consisteret? aut omnes animas consubstantiales esse fatendum erit, ita ut natura simplex in propagatione filiorum personaliter multiplicetur, essentialiter interim non diuisa: vel eas esse diuisibiles instar corporum: vel propagari non posse. *Primum* incredibile est, imo & impossibile: *primò*, enim sequeretur vnâ, & eandem essentiam infinitis beatitudinis gradibus; itemque simul damnationis omniumque miseriarum generibus affici, quod quis credat? *secundò*, repugnat vnâ essentiam, quæ tota primum fuit in vno supposito, & deinde in innumeris aliis reprodutitur, non multiplicari numericè, realiter, & intrinsecè propter rationes, quas adduximus contra vniuersale Scotisticum in Log. c. 8. §. 2. Secundum nimirum quod anima non sint diuisibiles instar corporum, demonstratum est suprà, & efficacissimè idem demonstrat S. Aug. in 7. super Genesim: ex eo quod, si sic essent diuisibiles, tribusque dimensionibus contexterentur, nihil possent vel intelligendo capere, nisi eodem dimensionum, quod tamen falsum est, quia lineam sine latitudine, & profunditate; punctumque sine his omnibus percipiunt. Ergo relinquitur tertium, quod non propagentur cum semine.

Dices, non repugnat dari materiam spiritualem: quæ neque quantitatis, qua extendi; neque priuationis, qua induci mutatio valeat, ferax sit, aut origo, sicut materia corporum. Ergo quidni opinio S. Augustini defendi poterit? Antecedens ostenditur auctoritate grauissimorum virorum, qui eam adstruxere. In primis, eam supponit D. Augustinus, neque vllomodo vocat in dubium. Deinde Alex. Alensis cit. supra idem tenet. *Dicendum*, inquit, quod anima humana dicitur com-

positus ex forma & materia intellectualis: nullatenus autem sic habet materiam, & formam, sicut dicuntur corpora habere materiam & formam, siue sint celestia, siue inferiora: materia enim corporalis terminus est magnitudo: spiritualis autem materia non est terminus. Idem tradit de Angelis q. 20. n. 2. Similiter omnino sentit discipulus ipse D. Bonau. sic enim in 2. s. d. 17. q. 2. scribit: Et ideo tertius modus est dicendi, scilicet quod anima rationalis, cum sit hoc aliquid, & per se nata subsistere, & agere, & pati, mouere & moueri: quod habeat intra se fundamentum sue existentie, & principium materiale, à quo habet existere; & formale, à quo habet esse. De brutali autem non oportet hoc dicere cum ipsa fundetur in corpore. Cum igitur principium, à quo est fixa existentia creatura in se sit principium materiale, concedendum est animam humanam materiam habere: illa tamen materia subleuata est supra esse extensionis, & supra esse priuationis, & corruptionis, & ideo dicitur materia spiritualis. Pari quoque ratione talem ipse in Angelis admittit, d. 3. q. 1.

Ita etiam Richardus & alij. Resp. primo, negando consequentiam. quia quod propagatur non quauis materia, sed corporea & diuisibili debet compaginari: talis autem non est materia spiritalis, si detur. R. secundo antecedens solere communiter à Doctoribus negari, vt patet ex D. Thom. in 1. p. q. 75. eiusque interpretibus.

„ Cæterum ne quid dissimulem, crediderim materiam posse dupli-
 „ citer concipi: primo, tanquam commune quoddam subiectum trans-
 „ mutationis, à diuersis formis, successiue informandum: secundo, tan-
 „ quam subiectum informæ rationis specificæ: primo modo est natura
 „ de se informis, apta tamen, vt sine sui multiplicatione reuera in mul-
 „ tis suppositis existat, à diuersis formis utique actuanda: secundo mo-
 „ do solum est gradus substantiæ, secundum quem in eo quod per se
 „ existit, & operatur, ac patitur, concipitur proprium susceptiuum
 „ rationis specificæ, principiumque passiuum ipsius esse, & acciden-
 „ tium, & c. Primo modo certum est materiã etiam spiritualement non re-
 „ periri in animis nostris, neque in Angelis: quia licet radix esset corru-
 „ ptionis, & transmutationis inter illos, quod falsum est. At secundo
 „ modo non ita certum est, qui enim eam adstruunt, considerant nul-
 „ lam esse substantiam, quæ intra gradum substantiæ sit æquè simplex,
 „ ac diuina: vnde Boëtius ait, in omni eo quod est citra primum esse hoc,
 „ & hoc: & D. Dionys. post monadem sequi binarium. Prima autem com-
 „ positio substantialis est ex potentia informi, & actu formante: aliunde
 „ nulla substantia creata, inquirunt, est ipsa sua ratio specificæ: imo ne-
 „ que secundum se totam perfectè illam participat: alioquin secundum
 „ nihil sui, aliæ cum aliis conuenirent, gradumque substantiæ potentia-
 „ lis exprimeret: quare, cur non erit congruum admittere actum essen-
 „ di, qui sit proprius actus idæ specificantis, ipsaue pura eius expres-
 „ sio: & aliud quiddam potentiale proximum nihilo, in quo prior ille
 „ actus recipiatur? quod si concessum fuerit, ille actus vocabitur for-
 „ ma, eique formandi, specificandi, distinguendi, mouendi, atque

agendi principium competet, & differentię gradum suppeditabit:
 illud verò potentiale dicetur materia, eiusque proprium erit forma-
 ri, & perficere: cōmune item erit omnibus substantiis incorporeis, & se-
 cundum illud gradus generis desumetur, & participatio idē limita-
 bitur: & forte propter tale quid etiam in Angelis reperietur multi-
 plicatio indiuiduorum sub eadem specie. Qui sic sentiant haud scio
 an efficaciter à quoquam refelli possē queant: quia tamen singula-
 ris sententia est, paucosque patronos habet, nolo illam tanquam
 certam asserere. Sua cuique sententia sedeat.

Duo solum subdiderim: primum, non posse negari, quin gradus
 entis potentialis, & actus specificantis intra terminos substantię cu-
 iusvis substantientis reperiantur: an verò distinguantur re, an ratione
 sola, dubium: Equidem distinguere mallem: Secundum, utcumque
 hæc sint in anima, tamen eiusmodi ea esse debere, ut constituant so-
 lum substantiam incompletam, aptamque ulterius informandi, non
 quidem materiam spiritalem & inextensam, sed corpulentam, sensi-
 lemque: coque ipsam distinguere ab Angelo. Vtraque tamen hæc crea-
 tura, nimirum Angelica, & rationalis simplex est respectu corporū,
 composita verò, crassa, & limitata respectu Dei: absolute interim
 indiuisibilis. Qui communem sententiam præoptauerit, quæ omnem
 negat eiusmodi materiam spiritalem, legat D. Thomam 1. p. q. 50.
 & 75. eiusque commentatores: nobis enim ad alia properantibus di-
 cta sufficiunt.

Sennertus, de quo supra, aliam viam iniit, finxit enim vi diuinæ
 benedictionis in semine parentum multiplicari animas rationales, & ita
 cum eo ipsas propagari. Idemque de animis brutorum ac plantarum
 astituit: vnde ulterius infert, neque irracionales, neque nostras edu-
 ci è materia: omnesque natura sua æquē mortales esse: nostras tamen
 sola diuina voluntate immortales existere: quod si aduersus hanc ani-
 marum in semine multiplicationem institeris dicens hinc sequi, semen
 humanum in vasis naturalibus efformatum reuera hominem fieri, siqui-
 dem anima rationali sit præditum: & cum natura huiusmodi vasa seu
 organa in utroque parente duplicauerit, plures quoque animas in quo-
 libet esse multiplicandas: item seminis in terra emissionem fore homici-
 dium: quia tunc homo periret, rursus semen in terram diffusum esse il-
 lico baptizandum, ne anima ipsius sine lauacro regenerationis excedens
 è suo corpore, æternæ damnationis pœnas incurreret, &c. Hæc & alia
 ut effugiat Sennertus, cōfinxit animam vi diuinæ benedictionis nō mul-
 tiplicari, nisi in ipso materno utero, cum primum materies illa proli-
 fica Patris & Matris incipit commisceri: sic absurda præfata eludit: ve-
 rùm dum Charibdim fugit, non præcauet Scyllam, in quam miser
 ruit, dum animam nostram facit naturam mortalem, ut cæteras: secundo
 contradictionem sibi cudit insolubilem: duo enim tanquam distincta
 proposuerat: primum, quodd sc. vi benedictionis diuinæ à parentibus ani-
 ma in sobolem propagetur: secundum, quodd in prima conceptione, dum semens

parentum commiscetur, à Deo ipsi quam primum infundatur. Primum defendit ut probabilius & postea dum impugnatur, eo repudiato refugit ad secundum, quamobrem sit tunc solum anima infunditur: Ergo à parentibus non propagatur. Ergo solus Deus animam dat: quæ tamen ipse falsa præterit: Præterea Exodi 21. v. 22. secundum 70. sic continetur: *Si quis percusserit mulierem pregnantem & abortiuum fecerit, si non fuerit formatum multetur pecunia; sin vero secus, reddat animam: & licet vulgata versio diuersa videatur, idem tamen innuit.* Igitur qui simpliciter abortiui causa fuit, non multatur morte, quare? quia supponitur hoc initio non viuere. Id quoque legibus ciuilibus maximè congruit: imo & diuinis, ut constat ex antiqua lege purificationis. Denique sine authoritate ac sine ratione vlla hoc dicitur. Ergo, &c.

§. 4.

Obiecta soluantur.

Is quæ diximus opponi videntur sacra Scriptura & ratio. *In primis,* quod animæ vixerint antequam in corpus venerint, probatur ex illo Sap. 8. *Sortitus sum animam bonam,* inquit Salomon, *& cum essem magis bonus, veni ad corpus incoquinatum.* Secundo, ex illo Iob: *Ecce Beemoth, i. Luciferi, Quem feci tecum,* ergo Iob saltem secundum animam fuit creatus cum Lucifero. *Tertio,* ratione sic probatur: quod incipit in tempore finitur etiam in tempore ex Arist. 1. Cæl. c. vltimo. Ergo si anima inciperet hoc modo, tandem esset aliquando peritura. *Quarto,* animæ non mensurantur tempore, sed æuo, non minùs quam Angeli. Ergo simul debùere cum illis incipere.

Resp. ad primum, secundum S. Aug. posse hunc textum de Christo Domino intelligi. Qui cum ut Dei filius esset bonus, venit in corpus purissimum: aliàs ad litteram intelligitur de ipso Salomone, ut sit sensus, quod initio bonam nactus indolem, hinc in virtute profecerit, & corpus tam sedulo mundauerit, ut ad perfectam munditiem illud tandem reduxerit.

Illud verò Iob non significat associationem quantum ad simultatem durationis, sed conformitatem quandam in participatione rationis, quasi diceret: *feci tecum,* id est, similem tibi.

Ad tertium Resp. negando antecedens, quod probari non potest.

Ad quartum Resp. negando consequentiam, quia quæ mensurantur æuo habent initium, ideo hinc æternitas limitatur, & consequenter non pugnat ex parte principij prius illi, & posterius accidere.

Secundo, quod animæ nostræ ex traduce propagentur, sic probatur, Gen. 46. *Ista sunt anime, quæ egressæ sunt de femore Iacob.* Et ad Hebr. 7. Leui dicitur decimatus in lumbis Abraham, non verò Christus: cum tamen Christus secundum carnem perinde originaliter fuerit in carne Abraham, ac Leui: ergo restat solus iste sensus, quod anima Leui conti-

nebatur seminaliter in lumbis Abraham, non verò anima Christi. *Secundo*, D. Aug. 10. super Gen. 3. & 4. considerans illud, *die septimo requieuit Deus ab omni opere, quod patrarat, hæc ait, de nihilo fieri aliquid consummatis operibus, quibus creauit Deus omnia simul, violentum est velle monstrare, & utrum perspicuis documentis obtineri possit, ignoro.*

Tertio, facilius ita explicabitur quomodo anima ex humana propagatione peccatum originale contrahat.

Quarto, ratione sic: simile generat sibi simile, nisi mancum sit, vt tradit Arist. 2. de anim. c. 4. *animal nimirum animal, planta plantā, vt sint semper hoc pacto, conditionemque subeant, quo ad possunt diuinam.* Ergo homo hominem, & totus totum gignit. Ergo non solum corpus soboli contrahit, sed & nobiliorem insuper partem sc. animam. *Confirmatur primo*, quidquid pertinet ad integritatem humanæ naturæ propagatur per generationem hominis, non minus, quam quidquid spectat ad integritatem naturæ Leoninæ per generationem Leonis: neque enim vis generatiua, quæ tota residet in anima, minus perfecta est in homine, quam in bruto. Atqui anima pertinet ad integritatem naturæ humanæ. Ergo, &c. *Confirmatur secundo*, vbi cumque animæ humanæ operationes ad sunt, ibi ea præfens admitti debet, sed in prima conceptione statim operationes animæ humanæ ad sunt: Ergo, &c. Mi. probatur, quia formatio ipsa corporis humani, nequit esse alterius operatio, quam formæ humanæ: quemadmodum enim ipsa sibi conformat alimenti materiam in nutritione: ita & seminis in conceptione, &c.

R. ad primum synechocicè partem pro toto solere accipi, vt cum Gen. 14. Rex Sodomorum dixit Abrahamo: *Da mihi animas, cetera tolle tibi*, id est, homines. Homines porro egressi sunt ex femore Iacob; ratione corporis. Ad illud ex 7. ad Hebræos. Resp. Neque, animam Leui, neque illam Christi Domini fuisse in lumbis Abraham: discrimenq; omne solum penes corpora esse positum nimirum sic: Leui ratione sui corporis fuit in Abraham, vt ab eo deriuaretur & secundum corpulentam substantiam, & insuper secundum seminalem rationem, per quam peccatum originale contrahitur: & ideo omnes Abraham posteri in eo dicuntur fuisse decimati, id est, præfigurati indigere curatione, quæ est per Christum. Christus verò in eo solum fuit secundum corpulentam substantiam, non quidem vt ea carnis particula, quam à matre sumpsit, verè in Abraham fuerit, sed quod per longam generationum seriem, inde vt à principio actiuo & originali deducta sit. Vide D. Thom. 3. p. q. 31. a. 7. & 10.

Ad 2. Resp. Deum quicquid à creatione nouarum specierum non indiuiduorum: vnde est illud, *Pater meus usque modo operatur: vel quicquid à creatione rerum corporearum: non verò spiritualium.* Et hoc tenetur Senertus confiteri.

Ad tertium Resp. peccatum originale contrahi ab anima, quæ à Deo creatur, quatenus, dum per seminalem propagationem vntur corpori, sit pars naturæ humanæ, quæ fuit in Adamo, dum peccauit, in eo-

que vitiata tunc fuit: sed hoc superat Philosophiæ limites: neque opposita opinio difficultatem exhaurit.

Ad quartum Resp. negando secundam consequentiam: homo quidem hominem generat: sc. præparando materiam, eamque ad vniionem formæ rationalis disponendo, quod sufficit.

Ad confirmationem. R. negando paritatem bruti ad hominem: anima bruti ob imperfectionem suam est propagabilis ex materia parentum: secus anima rationalis ob perfectionem oppositam. Hinc anima bruti potest attingere educationem formæ similis, è materia: non verò anima rationalis: *secundo*, virtus animæ rationalis in eo multò præstantior est, quam cuiuscunque inferioris, quòd disponat materiam ad formam spirituales; eamque exigat: *tertio*, assimilationis effectus non consistit in educatione, sed in vniionem formæ: ideo forma quæ concurret ad vniionem perfectionis formæ, concurret ad perfectius simile. Hoc autem fit in homine. Ergo. *quarto*, qui facit, ut forma vniatur corpori, eam ipsi censetur dare, sicut dum aurifex aurum vnit ligno. Ergo ad hunc etiam modum homo dat proli animam. Denique negari posset operationem, quæ competit imperfectiori, deberi semper perfectiori; sufficitque si quod perfectius est, alias habeat perfectiores operationes. Sic nutritio & generatio sui similis non conveniunt Angelis, qui aliunde possunt generationibus omnibus modo longè nobiliori præsidere. Ergo non mirum, si homo non eodem planè modo sibi simile gignat, sicut bruta. Certè hoc nobilitatem formæ ingenerabilis arguit. & aliunde longè nobiliori modo concurret, dum gignit hominem talem ac tantum, ut partem in eo solus sibi creator aliquam vindicet.

Ad secundam confirmationem R. frustra requiri animæ adminiculum ad corpus tam mirabiliter compingendum: opus est hoc, non formæ amentis, aut stupidæ, sed sapientissimi conditoris ut ostendimus in Phys. c. 16. §. 2. Hoc ergo rectè concludam hisce verbis Trisinegi-

In eo l. qui inscribitur, quod Deus invisibilis, si ex operibus manifestus.
 sti: Cogita, ô fili, hominem in utero compositum, totamque opificij artem diligenter perpende, & discite quis sit opifex, qui hanc hominis pulchram, divinamque imaginem fecerit: quis oculos formaverit, quis naves & aures terebrauerit, quis os aperuerit, quis nervos tetenderit, & ligaverit, quis venas irrigaverit, quis ossa solidaverit, &c. Aspice quot artes vnius materia, quot opera una circumscriptione, cunctaque pulchra, cuncta cum mensura, cuncta seorsum: quis hæc omnia fecit, quæ mater, quis pater, nisi invisibilis Deus, qui sua voluntate cuncta operatus est? At statuam, sine imaginem, sine artificem, aut pictorem, nemo dicit existisse. Hoc ergo opificium fuit sine opifice? deicitatem incredibilem, ô magnam impietatem, ô incredibilem ingrati tudinem!

Quid ergo, inquires? si hoc est, cur tot, ac tam crebri defectus in organizatione, atque formatione corporis obveniunt? an errare posset Deus? an non vel hoc causam secundam præcipuè operantem insinuat?

R. imo quæram ego, si anima defectus parit, quia deficiens, an quia deficit spontè, an natura? si sponte; ergo iam ex tunc liberæ voluntatis est

est compos, quo quid fallacius? si natura, unde habet ut sic deficiat? vel ab efficiente, vel ob materiam circa quam agit; primum quis dicat, nisi Deum culpare non vereatur? ergo secundum. Ac si hoc ita sit, quid prohibet Deum, quando ad præscriptam à se legem operatur in rebus, opem suam iuxta varios apparatus materiæ difformiter applicare? Efformat itaque Deus corpus ut principalis opifex, ancillantibus tamen causis secundis, nimirum cælo per influxus; & parentibus per vim propriam transfusam in materiem prolificam; idque manifestè Plato sic sentit in Timæo, dum ait (spargi à Deo, & feri animas in corpora vi causarum secundarum præparata, ut inde nascatur animal religiosissimum: & licet videatur de Angelis loqui, quasi curam formandorum corporum ipsis Deus mandasset, tamen clarè postea loquitur, cum describens tam in genere, cunctorum animantium, quam in particulari, singulorum membrorum admirabile artificium, id non minùs quam Trismegistus, soli Deo supremo artifice verè attribuit.

§. 5.

De primo momento animationis.

QUÆRES quandonam anima infundi cœperit. Resp. non id plane constare inter Medicos. Diximus suprà Senerto visum, quod infundatur simul ac concipitur eius caro. Idque confirmat ex Macrobio dicente, *conceptionem, quem quisquis ultra 7. horas sustinuerit, esse ad vitam creatum*, & ex Hippocrate testante non à septima die, sed ab ea, qua sperma retentum sit, conceptionis initium esse computandum; & ex S. Greg. Nyss. asserente, *unum & idem esse animam, & corporis constitutionis principium ac quemadmodum terra, si surculum à radice anulsum acceperit, arborem inde efficit; non ipsa vim augendi conferens, sed incrementi duntaxat materiam, atque subsidium imparcens: ita dicimus etiam id quod ab homine anellitur, ad hominis sationem, ipsum quoque aliquo modo animal esse, & ex animato animatum.*

l. i. in somn. Scip. o. 6. l. de genis. de anima & resur. Lege Platonem. l. 5. de Plat. philoe. a. 7. Hippocr. l. de fœtu. Fernel. de hù. procreat.

Alij, ut Thomas quidam Fienus Medicus Louanienfis, volunt animam infundi tertio à conceptione seminis die, ut fœtum, ac membranas conformare valeat, quas experimentis ab Hippocrate, & Galeno factis, constat saltem quarto, vel quinto die perfici: tum quia id tempus sufficit, ut quod à parentibus satum est, misceatur, fermentetur, auctetur, &c.

Alij, & hæc est communis sententia, volunt fœtum vicilem animari die quadragesimo; fœtineum verò, octogesimo duntaxat, quòd ob defectum caloris & imbecillitatem virtutis formatricis tardiùs absoluitur. Cæterum hoc unum mihi certum est, tunc infundi animam rationalem cum primùm corpus organis humanæ proli aptis concinnatum fuerit: quod obtinet etiam dum non est maxima formica grandius, ut asserit Arist. 7. hist. anim. Testaturque Fernel. obseruatum à se fuisse

die quadagesimo electum fœtum prædictæ magnitudinis, cui caput aulane par, & maius, quam pro reliqui corporis ratione: oculi ut cancri exer-
ti: nasus, auricula, brachia, manus, crura, pedes, hisque secreti digiti, &c.
Sed medicis relinquenda hæc controuersia est. Nobisque sufficiat hoc
cum ipsa Ecclesia tenere, quòd fœtus in vtero priùs geletur, quam ani-
metur. Id enim decretis, suis illa voluit inferi. Quod enim dixerat S.

*l. a. de nupt.
& concup.
c. 15.*

Aug. de quorundam coniugû crudelitate, prolem prius interire, quam vi-
uere, aut si in vtero iam vivebat, occidi, antequam nascatur: & informe puer-
perinm, adhuc quodammodo informiter animatum ad homicidium non perti-
nere, quia nondum dici potest anima viua in eo corpore, quod sensu caret. Et
alia multa eiusmodi Doctorum dicta Canonum suorum decretis infe-
ruit & approbavit: nimirum *causa 31. q. 2. c. Aliquando. Quod verò. Si-
cuti.* Adde id quod supra retulimus *ex c. 21. Exodi* iuxta versionem 70.
de abortiuo non formato: quæ versio placuit maxime SS. Patribus vti
D. Aug. quemadmodum constat *ex causa illa 31. q. 2. c. Moses.* Theo-
doreto item 5. de Græc. affect & aliis; qui omnes consentiunt, posse
abortum procurari sine homicidio, tametsi non sine peccato.

Interim non possum hic omittere quod dicunt aliqui fœtum com-
muniter non animari, nisi die quadagesimo quinto, & ita distribuunt
formationis tempora,

*Sex in læte dies, ter sunt in sanguine terni,
Bis seni carnem, ter seni membra figurant.*

Hi autem 45. dies per 6. multiplicati efficiunt 270. qui 9. menses
quoque constituunt, quibus in vtero gestatur fœtus; & tunc motus vi-
talis embrionis primùm percipietur die nonagesimo. Si verò fœtus for-
matus fuerit die 35. incipiet moueri die septuagesimo, & parietur septi-
mo mense. Si formetur die 40. mouebitur 80. parietur 8. mense: si
formetur die 50. mouebitur die 100. & parietur 10. mense. Sed hoc
patitur difficultatem; quia lex antiqua purificationis, secundum quàm
mulier enixa masculum, quadagesimo; fœminam verò, octogesimo
solum die iubebatur partum suum Deo in templo præsentare; videtur
denotare spatium quod in formandis infantibus natura obseruare con-
sueuerit, esse duplo maius in fœminis, quam in masculis, cum tamen
non sit duplo maior dilatio parièdi. Respondent tamen non posse id ex
illa lege coniici: sed aliquid sanctius, atque diuinius à spiritu sancto per
hanc legem insinuatum fuisse, quippe quæ tota ad figuranda Christi
mysteria ordinabatur, licet id non expresserit: quid autem id sit, haud
facile posse declarari. Quidam volunt ea lege notari, quòd peccati,
quo trãsfunditur culpa originalis, rea magis fuerit mulier, quam Adam:
alij alia. Sed ista nos longius abducerent. Ideo solum notauerim quod
ex Vales. *Phyl. sacr. c. 18.* Mater enixa marem per 40. dies purgari solet
ab immunditiis post partum dietim fluentibus: enixa vero fœminam,
per 80. licet Hippocrates quoad huc dierum numerum non plane con-
sentiat. Ita nihil certi potest ea de re definiri.

CAPVT IV.
DE MVLTVTDINE
Animarum.

§. I.

*An sit vnica solum in omnibus hominibus anima
intellectiua.*

FVIT celebris inter Peripateticos opinio, vnicum tantum esse principium intellectuum, omnibus vnitum hominibus, quod iis immediatam exhiberet intelligendi facultatem, & exercitium: fuit hæc Auerrois, & aliorum Peripateticorum sententia, sumptæ ex Aristotelis interpretatione fundamento. Vluere itaque hi mentem esse vnicam: & ab ea hominum intellectionem proficisci, cum cogitativa ipsorum anima per varia phantasmata è sensibus desumpta: huic menti quodammodo continuata euaderet. Vnde quemadmodum ferrum, dum incitè igni adhæret, eius in se suscipit actionem, atque ex eo ac per eum illuminat, rubet, comburit, &c. sic, inquiunt, homo quilibet, dum secundum phantasiam, eumque quem intellectum passibilem vocant, alij cogitativam potentiam, mentis huius immultiplicabilis, & æternæ efficacia repletur, eique connectitur, seu ab illa intimè actuat, intelligendi compos-fit, speculatur vniuersalia, intelligit, ratiocinatur. Hinc diuersas in diuersis hominibus, sicut ab vno & vniformi principio, intellectiones elici ob diuersa illa phantasmata, & multiplices cogitationes testantur: eoque fieri, vt diuersa diuersi sentire: contradictoria dicere: nescire hi, quæ illi discunt, denique ingeniorum omnes dotes, aut defectus experiri valeant: quia nimirum qui nouum de aliquo phantasma è sensibus haurit, is nouam illius intellectionem percipit: qui aliud de alio, aliam; qui nullum, nullam, &c. Simile sane quid diximus ex sententia Platoniorum de connexion, atque vniione mentis nostræ cum Deo, siue Verbo diuino in Moral. c. 7. §. 2. Sed dispar admodum sensus est: *primo*, quia secundum dictos Peripateticos, mens illa Deus non est: *secundo*, præter illam hi non admittunt mentes participatas singulis hominibus proprias: *tertio*, formam propriam hominis voluit esse cogitativam dumtaxat, & non principium illud intellectuum. Contraria verò Platonici docent vt dicemus. Interim ex præsupposito dogmate fluxit ista opinio, quod vnica solum sit in omnibus hominibus anima intellectiua incorporea, immortalis ac per se subsistens. Potissimum huius fundamentum fuit, quod cum Aristote-

les admiserit mundum ab æterno, infinitas debuerit admittere generationes, ergo & infinitæ fuissent huiusmodi admittendæ animæ: quod semper ipse negauit: aliunde in iis quæ separata sunt à materia nusquam Aristot. agnouit multiplicationem numericam; ideo quoties de mente loquitur, semper singulari numero uti solet. Aliqui adhuc vltius progressi sunt, affirmantes in omnibus omnino viuentibus vnicam solum esse animam, quæ singulis prout variè disposita sunt, diuersas vitæ functiones distribuatur, quemadmodum idem ignis aliis solum calorem, ut lapidi calefacto; aliis lumen, ut ferro candenti; aliis formam propriam, ut ligno, imprimit; vnus ipse interim, idemque manens, &c.

CONCLUSIO: Hæreticum, & nugatorium est vnicam tantum in singulis hominibus animam intellectiuam, & immortalem asserere: ad solam hæc rationem prouoco. Nec opus est multis ad probandum id, quod seipso naturaliter demonstratur. Quid enim religioni; quid moribus, quid rationi magis oppositum?

Certè cum anima hominis sit incorporea, indiuisibilisque, ut supra diximus, hinc tria sequi necessum est: *primum*, quod ipsa sit intellectualis, quoniam ex operationibus intellectus potissimum demonstrauimus eam esse incorpoream: *secundum*, quod ea sit forma propria hominis: non minùs, quàm anima bruti, eiusdem forma est: *tertium*, quod sit vna in singulis, quia vel esset admittenda in omnibus omnino corporibus, quod repugnat enti finito: vel diuidenda foret secundum interualla omnia, quibus à sese inuicem distant homines, quod repugnat indiuisibili. Denique separata à corporibus non nisi vnicam, eamque vniuersi operationem exerceret. At qualem quæso? qua beatè, an qua infelicitè viueret? si *primum*, quomodo tandem post mortem punirentur crimina tyrannorum? si *secundum*, quomodo tunc qui modo iustè vixerunt, sed miserè, remunerarentur? Mitto quod anima quælibet, cum sit actus corporis, ei sic debeat coaptari, ut hinc indiuiduationem ipsa suam desumere; & ab ea corpus, proprium esse; denique compositum, omnes suas proprietates mutuari debeat. Addit Plotinus fore, ut si vna in omnibus foret anima vno patiente, ceteri omnes, si non pati similiter, saltem compati naturaliter debuissent, ut in se quisque testis est, dolente vno membro corpus reliquum condolere. Hoc falsum cum sit: ergo & illud.

Interim non est omittendum quod idem Plotinus notat, quod licet animæ seorsim singulæ pro singulis hominibus diuersæ, distinctæque sint, tamen omnes vna quodammodo anima dici queant: idque tribus præcipuè modis: *primo*, quatenus vna illis omnibus præest animarum generalis idea, quæ tota singulis inest: à qua singulæ manant: & *secundum* quam singulæ cuiusdam sympathiæ, atque conformitatis naturalis vinculo colligantur: *secundo*, quia quælibet anima est forma penitus omniformis saltem potestate: licet actu hoc sit vna, quod non est alia: sed tamen quod ab vna prædit expedire, id in omnium potestate deficiat, ac præiacet, quemadmodum & in propositionibus Geometricis

quadantenus euenit: quælibet enim potestate continet præcedentia, per quæ vtiq; sit resolutio; itemque consequentia, quæ inde quodam ordine deducuntur. At quod eiusdem ideæ participatio facit secundum naturam: quanto efficacius id eiusdem diuini Spiritus participatio faciet secundum affectum. Hoc ergo tertio modo omnes animæ pæ sunt *Corvum & anima una*. Audi Augustinum, *Anima tua non est propria tua, sed omnium fratrum, quorum etiam anima, tuæ sunt: vel potius quorum anima cum tua, non anima, sed anima una est Christi unica*. Epist. 38. Porro quæ supra obiecta sunt in confirmationem oppositâ, quam impugnauimus, in sententia quidem Aristotelis solui difficile possunt: sed facillimè secundum nos, qui mundum creatum in tempore credimus: & finitum numerum animarum propugnamus. Quod vero ad illarum indiuiduationē attinet, diximus in Physica quomodo indiuiduentur à corpore: vel ni sufficiat hoc, posse laud incongruè spiritalem illis materiam assigni.

§ 2.

An præter animam intellectuam, sit alia in homine mortalis, & corpora.

Fuit olim hæc opinio celebris, quòd in homine duæ, vel plures essent animæ: vna immortalis, qua intelligeret; alia mortalis, qua sentiret, concupisceret, vegetaretur, &c. & hanc aliqui diuidebant in 7. nimirum in quinque totidem sensibus respondententes, in cogitatricem, & in generatricem: alij solum in duas, nimirum in concupiscentem & irascentem: & hæc attribui solet à quibusdam Platoni: *Plato*, inquit Iustinus, *tripartitam ait, partim rationalem, partim irascibilem, partim concupiscibilem: Aristoteles non tam latè patentem facit, ut qua non complectatur partes corruptibiles, sed solam rationalem*. Theodoretus Pythagoræ & Plato animam, inquit, in partes duas distribuunt, quarum altera sit ratione prædita, ratione altera careat: rursusque hanc posteriorem bifariam secans, namque alteram eius partem iracundiæ tribuunt, alteram libidini & cupiditati. Alcinoüs, *triplicem autem esse animum, eiusque partes secundum facultates, atque rationes, suis locis esse distinctas ex his perspicui potest*, Galenus item ex professo conatur demonstrare has tres animas nō vnā, sed tres verè substantias esse, naturā, sedibusque distinctas, idque secundum Platonem: verum Galenō facile id potuit esse persuasum, quippe qui animam nostram in mera partium corporis harmonia constituerit: eam proinde negans simplicem, ac immentalem. At Plato ipse quid? an non clarè in 4. & 9. de Rep. distinguit hæc tria in homine τὸ λογιστικόν, τὸ θυμικόν, τὸ ἐπιθυμητικόν, nimirum id quod in ipso ratiocinandi, quod irascendi, quod denique concupiscendi facultate est præditum, quæ quidem tria vocat: interdum τὰ τρεῖς εἶδη tres notiones specificas: eaque distinguui vult officiis, & sedibus uti alias diximus in Moral. cap. 17. §.

in Admon.
Gent.

Cap. 17.

§ 6. de
Dier. & Hip-
poc & Plas.

ἡ δὲ ψυχή
μὴ τὰς
ἐν τῷ αἵματι
καί τας ὑπὸ
τοῦ σώματος.

2. Sed pulchrum est quod ipse ait in Timæo, cum officia propria Creatoris, & causarum administratarum, siue secundarum, coelestium maximè, quibus ille ad formanda corpora uti solet, distinxisset, & hoc Creatori elogium attribuisse. *Quodcumque in rebus genitis bene constitutum est ipse fabricavit*: tum subdit quòd cum in mundo immortalia, & mortalia esse voluerit, *Diuinorum ipse est Opifex; mortalium verò rerum generationem facturis*, siue creaturis suis efficiendam demandauit. Ipsa igitur opificem imitantes & ab illo excipientes *primordium immortale anima*, ipsa deinceps corpus mortale circumformarunt, atque in eo aliam animæ speciem, nimirum mortalem insuper fabricauerunt, quæ graues, & necessaria affectiones in se ipsa haberet. Lege ibi cætera: ex quibus aduerte, quæso, quam rectè sentiat: *Primò*, Deum solum facit creatorem & causam immortalium, animarum scilicet nostrarum & Angelorum. *Secundò*, coelestia, eorumque motores Angelos, facit causas administras Dei, quæ nihil omnino agant, nisi iussu & ordinatione Dei. *Tertio*, nihilominus ab ipso Deo effici vult quidquid in rebus rectè sit. *Quarto*, ait causas secundas in operando imitari Deum, quia non nisi participatione virtutis diuinæ, & ad explendum exemplar sempiternum, quod gerit in mente, operantur. *Quinto*, mortale hoc, quod concursu secundarum huiusmodi causarum fit, in corpore formari ait, innuens per hoc nihil aliud à se velle intelligi, quam organa facultatum sentiendi, & appetendi. Neque te moueat, quòd illud vocet speciem animæ, per hoc enim solum innuit diuersam corpus animandi, ac mouendi rationem, ab eiusmodi organis pendentem, ac per illa exercendam. Ideo meritissimè Plotinus, Enn. 4. lib. 3. ex mente Platonis vnica in quolibet homine animam adstruit, quæ sit tota in toto corpore, & tota in singulis partibus; neque peculiaries sibi sedes affectet, nisi ratione suarum facultatum. Ideoque species illas animæ interpretatur de solis eius viribus: atque hanc esse genuinam Platonis sententiam docent *Ficinus lib. 18. Theol. cap. 3. Iac. Carpentarius in 17. cap. Alcinoi: Schaft. Foxius in Timæum*, qui post Iamblicum, & alios per speciem animæ mortalem concursu naturalium agentium connexam animæ immortalis solum intelligi vult connexionem ipsam animæ cum corpore; siue adaptationem corporis talem, quæ vitiis sentiendi, quibus prædita est anima nostra, inseruire valeat. Quamobrem verissimè quoque ipse arbitror id sensisse Platonem: quidquid in contrarium obganniat Ioan. Bapt. Crispinus, in illius doctrinæ profecto non minùs rudis, quam in illam iniquus & atrox.

De Platone
ante legi-
do distr. 2.

i. 2.

Fuit & alia opinio præcedenti multò deterior. Quæ nimirum asserbat duas in homine animas, aliam naturâ bonam: aliam naturâ malam: illamque bonorum omnium; hanc malorum in nobis esse causam: detestanda prorsus, ac insana hæresis, ac diris omnibus exagitanda. Hanc Manichæi, & alij tutati sunt.

Interim priorem illam de duplici anima, intellectiua videlicet, immortali, & sensitiua corruptibili iam pridem abolitam, rursus nunc non sine graui fidei periculo exuscitant ij, qui atomicam Democriti, vel E-

Philos.
Epic.

picuri Philosophiam recudere pruriunt: ita Petrus Gassendi, & alij. At de Aristotele quid? Certum est illi animam, quâ homo passivè intelligit, & qua homo est, quamque intellectum, intellectivam animam, rationalem, seu cogitativam vocitat, non distinguî substantiâ ab anima sentiente ac vegetante, vt constat ex 1. lib. de anima: an verò talis anima sit mortalis, & distinguatur ab immortali mente extrinsecus adueniente, alia quæstio est, ex iis, quæ superius diximus, evoluenda.

CONCLUSIO. Vnica solum in quolibet homine anima est admittenda. Conclusio est de fide, vel fidei proxima: & oppositum, vel reuera Hæresis est, vel proximè in Hæresim inducit.

Probat primum conclusio his verbis octauæ Synodi gener. act. 10. can. 11. *Apparet quosdam id temporis in tantum impietatis venissi, ut duas in homine animas impudenter dogmatizent: quos omnes, & similia sentientes, cum vetus & novum testamentum, & omnes Ecclesia Patres unam animam eamque rationalem in homine assueverint, sancta, & uniuersalis Synodus anathematizat.* Scio Scotum, Paulum Venetum, & alios respondere eò loci solum damnari hæresim Manichæorum, atque illorum sententiam, qui plures animas ratione vtentes admitterent. Verùm interpretatio hæc merè arbitraria est: neque id insinuat à Concilijs & Patribus, qui simpliciter affirmant vnâ in homine animam; eamque rationalem, & non duas absolutè debere admitti: neque id à Manichæis asserebatur: nam per naturâ malam non intelligebant aliam, quam merè sensitivam, quæ sola motuum concupiscentiæ causa est, legemque repugnantem legi mentis sola ex se promittit, ac sequitur. Idem communiter SS. Patres.

Probat secundò sic: vel anima rationalis non est propria forma hominis, vel præter illam nulla datur in homine anima corpus informans: primum est contra fidem vt ostendimus inferius: sequela autem patet ex cap. 17. tom. 5. vbi demonstrauius non posse in vno & eodem simplici composito plures esse formas substantiales. Ergo.

Secundò, eadem est omnino anima, quæ primum & radicale intelligendi, sentiendi, atque concupiscendi principium est. Ergo eadem est intellectiua, & sensitiva: consequentia per sese euident est: quoniam quid per animam sentientem intelligi potest, nisi tale sentiendi principium? Antecedens adducitur ex Aristot. 1. de Anima t. 89. sed expressior est in Platone in 10. de Legib. vbi enumerans proprios motus animi, eos vocat velle, considerare, curare, recte & falsò opinari, letari, gaudere, dolere, audere, metuerè, odisse, diligere, &c. Et in Epinomide ait: duo quedam esse, vnum quidem animam: alterum, corpus: animam verò ita differre à corpore, quod illa mente polleat; hoc verò careat: illa regat, hoc regatur: illa omnium affectionum; hac nullius causa sit. Viden' vt vnicam animâ vni corpori comparat & illi vt intelligendi, sic & appetendi omne principium adscribit. Euidentius adhuc id in Thæreto manifestat & probat: ex eo enim quod mens nostra de omnibus quæ sub sensu cadunt iudicat, eaque mutuo conferat, & in iis deprehendat rationes similitudinis, dissimilitudinis, cõformitatis, disparitatis, identitatis, &c.

S. Aug. 1. de
fide & Sym-
bol. l. 10. sup.
gen. c. 12. l.
de quant.
anim. c. 33.
l. de spir. &
am. c. 6.
l. de degm.
Eccles. c. 15.
Damas. l.
2. c. 12. &c.

quæ nullo corporeo possunt instrumento percipi, duo insert; primum, quòd omnes sensus in vna anima radiceantur: Secundum, quòd eadem illa anima per seipsam, intelligibiles rationes cognoscat; sensibilia verò per sensus. Primum sic enunciat, *Alfurdum profectò esset, mi puer, si plures, quidem in nobis, tanquam in Durijs equis, insiderent, non verò ad vnam quandam formam, seu animam, seu quolibet alio nomine appellandam, omnia hac conferrentur, cuius vi per hac, veluti per instrumenta sentimus omnia, quæ sub sensus cadunt.* Secundum autem sic: *prolixa disputatione me liberaſti, quoniam tibi videtur Animam alia quidem per seipsam considerare; nimirum intelligibilia, & abstracta; alia per corporeas facultates, sc. sensibilia.* Hinc in Alcib. definit hominem animâ vntem corpore, videlicet tanquam instrumento, sibi à naturâ dato ad exercendas operationes sensuum & appetitûs: cuique ipsa det esse, speciem, vitam, & energiam operandi: si autem præter animam rationalem alia esset corporea, falsum esset quòd ipsa corpore vteretur: falsum etiam, quòd corpori vniretur vt forma: neque enim ei vnitur vt intellectiua, sed vt principium sentiendi & vegetandi.

CONFIRMATVR hoc eo quòd anima qua homo sentit, qua concupiscit, qua voluptatibus seruit, &c. ipsamet illa est quæ postquam separata est, ob demerita plectitur: sed hæc est intellectualis. Ergo: Maxime conueniens est principiis fidei nostræ: eamque manifestè docuit Plato in Phædone, vbi multa locutus de anima immortalis & separabili, quæ si à feris & indecoris cupiditatibus, aliisque humanis liberata malis fuerit, ad Deum sit euolutura, tum de eadem hæc subdit: *Quòd si polluta & impura è corpore discesseris, quippe qua strilius corpori adhaeseris, ei que cupiditate seruiueris, ab eo nimirum à voluptatibus corporeis, atque à concupiscentijs fascinata nihil astimaueris, amauerisque, nisi corporea, & crassa illa, qua contingi, videri, bibi, atque voluptates venereas aggerere possunt, &c.* ita perpetuo ipse docet animam nostram, si ab obligationibus corporeis sese auocet, vt diuinis, & æternis inhiat; apud Deum, cum è corpore fugerit, esse remunerandam; sin verò, ab iis victa, intemperanter vixerit, apud Inferos, puniendam. Cuiusnam autem, quæso, est vinci à voluptatibus corporeis, eas amare; &c. nisi animæ sentientis, & concupiscentis?

Adde id quòd constantissimum est apud illum, animam nostram esse indiuisibilem, & indiuisibiliter totam in singulis corporis partibus vt patet ex supra dictis. Ergo falsum est quòd habeat partes, & quòd vna sit in Cerebro, alia in Iecore, &c. solum itaq; ista partitio corporeis organis conuenit, non ipsi animæ: sed Platonem relinquamus.

Ipsa certè veritas Catholica nusquam distinguit eam animam, quæ per Christum in nouam vitam gratiæ regeneratur, ab ea, quæ noxiis concupiscentiis deprauata priùs fuerat: & videtur semper insinuare, eandem legi gratiæ postmodum seruire; quæ prius legi carnis mancipabatur: eandem quoque, quæ meretur gloriam abstinendo à voluptatibus corporeis, vel à vindictâ, liberè posse iisdem indulgere: libertas au-

tem non cadit, nisi in animam rationalem. Ideo si sentiens in homine foret à rationali distincta, appeteret corporea necessaria, & naturaliter, ut volebant Manichæi. Rursum si anima rationalis non est ea, quæ concupiscit corporea illicita: quid meriti acquireret non concupiscendo? in eo enim ipsa par Angelis foret: sed quid de Christo Domino dicam: si animam humanam, & mortalem habuit à rationali distinctam, quæ corpus viuens, & sentiens euasisset. in triduo mortis, quid de illa factum fuit? mansitne in corpore? an rationalem est constituta? an perijt? non primum, quia corpus hoc mansit mortuum: non secundum, quia non est separabilis? non tertium, quia *quod semel persona Verbi assumpsit, nunquam dimisit*: Et non dedit sanctum suum videre corruptionem. Ita quidquid dicas, vix ab hæresi aut impietate te liberabis.

His denique adde sequentia: si anima rationalis, non est principium sentiendi, & appetendi, alio sum homo; alio animal: ergo falsum est, quod homo sit animal. Dices, homo est id totum, quod ex anima rationali, & sensitua, seu cogitativa coalescit. Esto. At animal non est id totum: ergo vnum nequireret affirmari de altero: rursus si sensitua constituit animal, cur sola rationalis, vel sola cogitativa non constitueret hominem? item cur operatio sensus & appetitus impediret operationes intellectus, & contra? Cur nunquam separaretur anima rationalis, sine interitu sentiendi? sub qua specie poneretur illa anima sentiens: siue cogitans, vel quam speciem inderet corpori? in leone enim est forma leonis, eique speciem hanc bruti conciliat; in equo, equi; & in aliis similiter: at in homine quid? si enim esset forma hominis, quid anima rationalis? si non; ergo speciem aliquam bruti ei conferet? quam? ad hæc quid solidi responderi queat, viderint, qui omnem soliditatem à Philosophia, inanum atomorum facilitate sustulere.

Neque aduersus hæc quidquam magni momenti obijci valet quod non sit iam solutum ex dictis: aut certe facile sit soluendum à quolibet: nam quod ex D. Paulo solet adduci, *Caro concupiscit aduersus spiritum, &c.* Gal. 5. item, *ut integer spiritus vester, & anima, & corpus in aduentu Domini nostri Iesu Christi conseruetur, &c.* facile potest dilui: nam ex primo textu solum inferitur animam diuersis facultatibus accingi, ac per harum vnani coniungit rebus æternis, & diuinis; per alteram verò, rebus caducis, & corporeis: ideoque per hanc prouocari ad caduca, contra per illam ad æterna expetenda: ita in anima diuersos, ac repugnantes affectus excitari: sicut voluit Plato in 9. de Rep. Secundus textus dedit occasionem Dydimi & Ioan. Viclef. duas in homine animas ad mittendi: vnā intellectuam quæ vocaretur spiritus; aliam corruptibilem, quæ vocaretur anima: alij SS. Patres nomine spiritus intelligunt spiritum sanctum: sed verior explicatio est, quam dat S. Th. ibidem: quod Apostolus, idem duobus nominibus significet ob diuersas relationes, quæ animæ conueniunt: nam per ordinem ad Deum vocatur spiritus, per ordinem ad corpus, anima.

§. 3.

An saltem successiue anima plures esse queant in eodem.

HÆ quæstio potissimum attinet ad primam sortis formationem, de qua variè solet inter Philosophos disputari, vt videre licet apud *D. Th. 1. p. q. 118. a. 2. ad 2.* eoque tota difficultas reuocatur, an cum sortis initio moueri ab intrinseco, nutrirì, & auferere incipit, animari quoque incipiat. Quadruplex est sententia: *prima*, quod hæ operationes ab anima matris & virtute formatricæ, quæ inest semini, proueniunt. *Secunda*, quod initio fuerit anima vegetatiua, quæ mox virtute Dei, quasi nouo vitæ gradu aucta, euadat sensitiua, & demum rationalis. *Tertia*, quod initio sit anima vegetatiua, deinceps ea percunte succedat sensitiua: 3. eadem similiter euanescente creetur rationalis, cum debitè corpus ipsi apparatus fuerit. *Quarta*, quod initio viuificationis infundatur anima rationalis, quæ tamen corpori prout viuendi solum aptitudine prædita vitam, deinde sensum conferat, donec tandem rationis quoque valeat functionem in eo aliquam exercere. Primam & secundam refellit *D. Th.* & cum eo fere reliqui omnes. Et meritò, quia prima fingit viuens, quod ab extrinseco solum moueatur, quod repugnat. *Secunda* fingit posse substantiam vnã indiuiduam sine corruptione substantiali mutari substantialiter, quia nouam perfectionem substantialem, nouam speciem viuentis acquireret, priori nullà deperdita, quod etiam repugnat: & iam simile quidpiam à nobis tom. 5. cap. 15. §. 2. contra Scaligerum refutatum est.

Tertiam sententiam amplexus *S. Thomas*: item *Toletus*, &c. quam ebreum probabilis est. Notes igitur velim distinguì posse duo genera formarum: sunt enim aliæ per se à natura intentæ, speciem ratam ac stabilem constituentes: aliæ per se ordinatæ ad alias, quæ proinde speciem fluentem, ac præparatoriam constituunt: eiusmodi tom. 5. cap. 15. §. 2. diximus esse formam cadaueris: ad quam classem etiam possumus reuocare formam chyli, glutinis, sanguinis, &c. formæ primi generis constituunt supposita perfecta, quæ vltimò terminant totalem generationem. Formæ secundi generis constituunt supposita imperfecta, quæ solum terminant partiales generationes intermedias, quibus natura progreditur ad speciem completam. Hoc posito dicere possumus tam in genere viuentium & sentientium, quàm in genere inanimorum reperiri formas vtriusque generis: in hoc postremo formæ perfectæ, sunt hæ, quæ constituunt perfectas species mixtorum. Imperfectæ, vt cadaueris, chyli, &c. sic in genere viuentium, perfectæ sunt animæ plantarum: imperfectæ, formæ embryonum incipientium vegetati: similiter in genere sentientium; formæ perfectæ sunt animæ animalium & brutorum: imperfectæ, formæ embryonum iam sentientium: & sicut formæ cadauerum distinctam classem constituunt à mixtis perfectis: neque propriè

aut simpliciter formæ specificæ merentur appellari, sed solum analogice & per similitudinem: sic animæ embryonum ad nullam propriè speciem plantarum, aut brutorum pertinebunt, neque vocari simpliciter animæ, sed solum vitale quidpiam, debebunt: fundamentum huius opinionis sola fere est Aristotelis authoritas, cui semper ut maximè adhæsit S. Thomas: ille autem in 2. de gener. anim. cap. 1. ait fœtum humanum in utero priùs vivere vicâ stirpis, deinde animalis, &c.

Nihilominus quarta sententia modo communis est inter Recentiores: & certè mihi quoque probabilior apparet: quia nulla necessitas est fingendi eiusmodi animas imperfectas & cōmenticias: quamobrem facile possumus progressum generationis sic explicare, ut primum in materia prolifica sint spiritus energiâ Parentum pleni, utpote ab iisdem transfusi. Hi materiam illam pro virtute insita variè agitant: aliamque è substantia matris attrahunt, attractamque confermentant, & coagulant donec sufficiens animæ rationalis receptaculum paratū sit: & tunc ipsa infundatur: ex quo duo consequentur: *primum*, quòd ante infusionem animæ rationalis, nulla propria vitæ actio exerceatur in fœtu, sed agitatio, accretio, & coaptatio partium fiat partim ab huiusmodi spiritu feminali vicariam animæ parentum efficaciam adhibente; partim, & principaliter à Deo ipso primo, & præcipuo formatore. *Secundum*, quòd anima sic infusa non statim sentiendi functiones obeat: sed priùs vitæ duntaxat vegetalis, quemadmodum diu sola sensuum elicit munera, priusquam Rationis usu possit.

Quo verò die animari cœperit, sat multa diximus superiùs. Solum hic addam errare aliquos, qui dicunt fœtum esse partem matris, eique continuari. Verùm licet moraliter id dici queat, cum secundum leges cœviles infans in utero Matris gestatus non reputetur alia persona à Matre, tamen Physicè id falsum est, & repugnat decretis Ecclesiæ, sancientes aliquos in alio materna peculiari Spiritus sancti gratiâ fuisse præsignatos: eosque qui antequam in lucem edantur, moriuntur, æternæ damnationis esse reos, Repugnat id quoque rationi, quia dissectis sæpe Matribus servantur incolumes. Habentque diversos motus, diversa organa, diversas dispositiones. Neque continuantur, nisi specie tentis.

Quæres quomodo anima superior inferiores includat? Respondet Aristoteles, quemadmodum in figuris, sic & in animabus, id quod prius est, ac simplicius potentia in posteriori; ac superiori contineri: & ut in quadrato triangulum; sic vegetativum in sensitivo: illudque similiter in rationali. Hinc quæritur an anima superior inferiores contineat formaliter, an solum eminenter: multa hinc inde disputantur: sed quid opus? ut diatribis? paucis ita vel plusquam abunde rem definimus.

Duo sunt in quolibet animali sensitivo, & similiter in planta: *primum*, natura speciei propriis differentiis, proprietatibusque distincta. *Secundum*, natura generis, prout abstractione præcisa solum denotat principium sentiendi, vel vegetandi: hocposito, certum est animam superiorem continere solum eminenter naturam speciei inferiorum. Neque

lib. 2. de anima: 33.

vide in Log. c. 9. §. 1. dicitur
scilicet ab-
stractionis
præcise à
negativa.

l. 7. in gen.

enim anima hominis est formaliter anima leonis, neque equi, &c. sic neque anima leonis est anima fraxini, aut quercus, &c. neque facit ea, quæ à formis inferioribus sub illa specifica designatione proueniunt. Has tamen eminenter continent, quippe in gradu multo eminentioris perfectionis. At quoad naturam generis, certè superior inferiorem complexatur formaliter: nam anima Rationalis est formaliter principium sentiendi, & vegetandi: licet non soleat, nec debeat simpliciter vocitari sensitiva: quia ut nomine animalis solemus id intell gere, quod adiunctam habet abstractionem negatiuam rationalis, ita qui audit animam sensitiuam, sibi fingit illico genus animæ, quod rationalitatis prærogatiuam excludat: sed tolle hanc expressam negationem, cætera profecto cuncta inuenies: dat namque anima rationalis formalem gradum animalis sensitui; itemque vegetatiui: formalis autem effectus, unde nisi à propria forma pullulat? quid operationes formaliter sensitivas, aut vegetatiuas eliciet, nisi principium formaliter sensituum, aut formaliter vegetatiuum? neque vlla obstat difficultas. Ergo.

CAPVT V.

DE VNIONE ANIMÆ
rationalis cum corpore.

§. 1.

Difficultas exponitur: & quæ sint vehicula Platonis, explicatur.

DVO possunt hic in quætionem vocari: *primum*, an anima rationalis vnatur corpori vt forma informans, an solum vt assistens: *Secundum*, an ipsa corpusculo quodam circumuestiri debeat vt possit corpori organizato immergi.

Quoad primum Platoni adscribitur, quod velit animam rationalem corpori, seu gubernatorem nauis circumdare infidore, quo verò iure, dicitur infra: huc etiam reuocatur opinio Auerrois existimantis animam intellectiuam vniri corpori per speciem intellectualem; quatenus hæc primò recipitur in intellectu possibili, & inde resilit in phantasma; atque ita iste intellectus continuatur corpori huius, vel illius hominis. Quam quidem opinionem vide copiosè discussam apud *August. Niphum in 3. lib. de animar. 5. Socin. 12. met. qu. 23. & seq. D. Thomam 1. p. qu. 76. art. 1. & Carer. ibidem*. Aristoteles verò contrarium sensit, nimirum animam esse proprium actum corporis, eique intinac vitam, esse, speciemque impertiri.

Quoad secundum. Notandum est antiquis Philosophis, præsertim Platonis hanc altè in animo sedisse sententiam, quod animæ omnes

(cuiusmodi etiam intelligentias incorporeas, quas & Angelos vocamus, volebat designari,) quibusdam corporibus tenuissimis, & insensibilibus semper affici debuissent. Quæ doctrina etiam inter antiquiores Ecclesiæ Doctores maximè increbuit, qui, licet Angelos appellarent spirituales, imo aliquando & incorporeos, tamen vt plurimum corpora illis accingebant, rati nihil esse præter Deum, quod tanquam corporeum circumscribi nõ possit. Maccarius hom. 4. *Unūquodque, inquit, natura sua corpus est, Angelus, anima, demon.* Cyrill. Alex. 9. in Ioan. præter Deum circumscribi cætera opinatur, quia corpora sunt. Hilar. in Matth. c. 5. *Nihil est, quod non in substantia sua, & creatione corporeum sit, quia omne, quod creatum est, in quo sit, necesse est.* D. Ambros. 11 de Abraham c. 8. *Nos autem nihil materialis compositionis immune, atque alienum esse putamus, præter illam solam venerandæ Trinitatis substantiam, quæ verè pura, & simplex, sincera, impermixtaque natura est, &c.* Quid autem intelligere solerent, cum spiritus intellectuales, vel rationales incorporeos dicerent, explicat S. Athanasius aduersus eos, qui negabant Christum esse verè hominem, ait enim Angelos dici incorporeos, quia corpore organizzato carent, membrisque corporeis, quibus videri, tangi, & comedere possint: Et Origenes in Proem. 1. de princip. ait, incorporeum vulgari vsu sermonis appellari, quod non est crassum, solidum. palpabile, veluti si quis dicat aërem ipsum incorporeum. Ita Gregor. Nyss. orat. 12. contra Eunom. Ignem cælestem vocat immaterialem *ἀυρον πῦρ*, & ibidem ait, omnem creaturam interuallari quadam extensione protendi, temporeque, & loco coerceri. Multa in hanc sententiam dici possunt de Angelis, sed locus id non postulat, poteritque aliis opportuniùs, atque diffusius pertractari: sufficiat interim ad Eugubinum remittere in Psal. 103. & Petru. 2. tom. dogm. Quæ autem hæcenus attulimus monstrant: antiquitus non solum in Angelis, sed etiam in animis nostris à viris illis diuinissimis, nonnihil fuisse constitutum, quod si non absolutè corpus esset, quale nostrum est ex elementis contextum, saltem aliquam cum eo analogiam haberet. An fortè materiam spirituales excogitarunt? sed hæc extendi non potest, non circumscribi; non tempore, locisque mensurari. Quid ergo? Hæreo. Neque enim ausim illis eam opinionem adscribere, quæ animas facit corporeas, ne mortales forte quis suspicetur, ac sese illorum autoritate tutum putet: aliunde, quæ notauimus ostendunt ipsis animas non videri penitus incorporeas? an forte quædam corpora esse crediderunt incompatibilia, & alterius omnino generis, ordinisque quam nostra, quæ multi putant esse empyreum; atque ex his aut aliis quibusdam eiusmodi fabricata fuisse quædam velut integumenta Angelorum, vel animarum? At quorsum hæc? Ex his certè nihil aliud possum coniecere, nisi quòd hi doctissimi Theologi Platonicos secuti, non potuerint sibi persuadere substantiam illam fuisse, & creatam existere sine aliqua circumscriptiōe loci potuisse, neque corpori diuisibili ad æternum & limitatum spatium applicari, nisi quoddam in seipsis principium huiusmodi li-

mixtae applicabilitatis gererent, quod præter essentiam esset, iisque connectendi se cum corporibus crassioribus, quasi medium quoddam organum esset: idque instar subtilissimi corporis sibi fingeant: quod forte à S. Bonau. Alex. Alensi, Boëtio, Richardo & aliis nomine intellectus materiam fuit designatum. Quidquid sit, prædicti S. S. Doctores in anima nostra, ut & in Angelis aliquid substantiale concipiebant, præter puram eius essentiam quod ei erat principium, quasi materiale sese coextendendi corpori nostro. Tale autem quidpiam Platonicis vocabant animæ vehiculum.

Quamobrem notandum est secundo triplex à Platonicis animorum vehiculum fingi: primum vocant æthereum, in quo animi omnes à Deo facti, omnino intelligibiles sunt, antequam in corpus descendunt: secundum est, in quo iidem spiritum ab elementari æris natura desumunt: tertium denique terrenum, ac sensibile, cum animæ corpora sibi arctissimo vinculo necessitudinis copulāt, iisque immerguntur: Hæc tria vehiculorum genera, tribus partibus animæ solent accommodare sic: prima pars, siue prima vis, & præstantia est ipsa mens, quæ omnino intelligibilis est, Deoque simillima, ideo illi vehiculum æthereum adscribunt: secunda id sensus communis, qui reliquos singulares sensus complectitur, ac secundo vehiculo responder, quia partim materia constat, partim eius expert est: tertia singulares sensus, quibus terrena omnia percipimus, continet; & huic concinit tertium vehiculum: per hæc tria vehicula, sic dicunt animos nostros ad corpora, quasi per gradus delabi. *Primo* enim, cum à Deo creati sunt, purissimi sunt, eique simillimi: *secundo*, cum corporibus illigantur, mortalem quandam, caducamque vitam fortiuntur, & nescio quid crassius adsciscunt, quo in hæc externa & ad spectibilia corpora inclinantur: *tertio*, dum sese penitus totos corporibus ingurgitant, impuram usque adeo vitam agunt ut in pecudes conuersæ esse videantur. Hæc sunt, quæ de vehiculis animarum à Platonicis scripta reperi: quibus addam posse his forte aliud quiddam à nobis indicari: vel enim his Plato voluit nobis tria genera demonum, vel tria genera animorum, vel denique tria genera operationum, ad quas concurrat anima exprimere. Dæmonas enim, i. Angelos agnouit cælestes, æreos, & terrenos, totidemque illis corpora diuersa, & eiusdem cognominationis attribuit. Rursus cum animorum alios diuinos, alios humanos, alios belluinos distinxerit: primis vehiculum æthereum, id est, purum, ac lucidum corporis temperamentum adiudicauit: secundis ærium mediocriterque subtile: tertiis terrenum ac maxime impurum: adhuc eum anima non operetur in corpore, nisi beneficio, & adminiculo spirituum, quo ij puriores fuerint, eò nobiliores illa operationes exercet. Denique his voluit quoque innuere animarum triplicem esse statum; aliasque in cælo degere, & has æthereis vehiculis ferri; alias in crassissimis locis, siue subterraneis, siue alibi scelerum poenas luere; & has terrenis: alias in hoc adhuc seculo, vitalem auram spirare, & has æreis utpote purioribus affici; per vehicu-

la verò, intellige corporis organa, quibus in exercendis vitæ operationibus vitur. Dicitur anima per illa è cælo in corpus humanum descendere, quia ea ex influxibus syderum, sed præcipuè è diuinæ providentiæ decretis pendent.

Hinc ergo quaritur, an anima reuera mediante aliquo corpore subtiliore debeat organizato corpori copulari, an verò mediatè. Distinguendum est autem duplex animæ circa corpus officium: Primum est, quo ipsa corpus informat: secundum, quo mouet, & vegetat. Primum exequitur vt forma; secundum vt anima: primo confertur esse cum specie; secundo confertur vita cum actione. Hinc D. Thom. 1. p. q. 76. a. 7. ait quod si anima corpori vniretur vt motor, etiam per intermedium corpus subtilius illi copularetur; secus si vt forma: quod secundum cum ipse teneat, merito refellit primum. Vnde patet, inquit, falsas esse opiniones eorum, qui posuerunt aliqua corpora esse media inter animam & corpus hominis. Quorum quidam Platonici dixerunt, quod anima intellectiua habet corpus incorruptibile sibi naturaliter vnitum, à quo nunquam separatur, & eo mediante vnitur corpori hominis corruptibili: quidam verò dixerunt, quod vnitur corpori mediante spiritu corporeo: alij vero dixerunt, quod vnitur corpori mediante luce, quam dicunt esse corpus, & de natura quintæ essentie, ita quod anima vegetabilis vnitur corpori mediante luce cæli syderum: anima vero sensibilis mediante luce cæli crystallini; anima vero intellectualis mediante luce cæli empyrei: quod falsissimum & sensibile apparet: tum quia lux non est corpus; tum quia quinta essentia non venit materialiter in compositionem mixti, cum sit inalterabilis, sed virtualiter tantum: tum quia anima immediatè corpori vnitur, vt forma materia.

Ceterum illud quod ait de luce sydereâ explicari solet dupliciter: Primo, de spiritibus verè igneis, lucidisque: secundo, de quadam illustratione metaphorica, quæ solum actum, seu vigorem vitalem significet. Primum optimè S. Bonau. in 2. d. 17. q. 1. declarat, tres opiniones ea de re proferens: primam eorum, qui dicebant naturam cælestem verè ingredi constitutionem corporis humani, eo quod eam ab igni nostrate non distinguere: secundam eorum, qui quintam essentiam incorruptibilem admittentes, dicebant nihilominus eam in constitutionem humani corporis venire, non quidem vt vnum ex elementis, sed vt solum medium ligans omnia elementa & illa concilians: tertiam eorum, qui dicunt naturam cælestem ingredi duntaxat fabricam, & texturam corporis nostri secundum virtutem, & conformitatem, non verò secundum substantiam & veritatem: primam reprobant: secundam probabilem putant: ei tamen tertiam præfert: Primo, quatenus virtus stellarum, & orbium influendo facit elementorum conciliationem, qua veniunt ad humani corporis constitutionem: secundo, quatenus vocatur natura cælestis illud, quod est conforme cælo, & in subtilitate, & in claritate, & in quadam subleuatione à contrarietate. Et per hunc modum spiritus, qui sunt de constitutione corporis viventis, & maxime humani, dicuntur esse natura cælestis propter subtilitatem, & luminositatem. Et propter hoc etiam, quod subleuationem habent à natura contrarietatis, id est, ob subtilitatem non constant contrariis cos

diffoluentibus: dum consurgunt ex commixtione elementorum in quādam harmonia, & consonantia, & quoniam in corpore humano maior est harmonia, quam in aliquo corpore mixto; hinc est quod eius calor & spiritus, & complexio magis conformantur naturae cælesti, &c.

Quod secundum de illustratione, recolendum est, quod diximus in Phil. c. 14. § 2. de actu vitali, quo anima corpus viuificat. Huiusmodi actus substantificus, & vegetalis, ac efficax nomine illuminationis solet à Platoniciis exprimi: primo, quia sicut lumen est à cælo, sic ille actus ab anima: Secundo, sicut lumen licet receptum in materia, vocatur tamen spirituale, consistitque in perenni emanatione à solari suo principio, unde per modum actionis fluentis illuminatio quoque dicitur, sic actus ille, licet in corpore receptus, tamen spiritualis est, ab anima iugiter fluens, sicut actus lucendi à luce ipsa, & ab ea solum pendens: tertio, lumen non habet contrarium, nec successiue producitur: sic actus ille: quarto, quia sicut à lumine dimanat calor viuificus: sic ex actu illo vitali prodit vis generandi, vegetandi, conseruandi, sentiendi, &c. His positis.

§. 2.

Quid secundum veritatem tenendum sit.

Habetur
Clement.
unica de S.
Trinit.

CONCLUSIO PRIMA: Anima intellectiua secundum substantiam suam ac per se vera forma informans est, & non assistens tantum. De fide illam esse inficiari non possumus, cum sic definiatur in Concil. Viennensi sub Clem. V. Porro omnem doctrinam, seu positionem temere afferentem, seu vertentem in dubium, quod substantia anima rationalis, siue intellectiua verè, ac per se, & essentialiter non sit forma humani corporis, tanquam erroneam & inimicam veritati, & Catholica fidei, sacre approbante concilio, reprobauimus. Et mox, qui opposum defendere, vel tenere pertinaciter præsumpserit, tanquam hæreticus censeatur. Hæc definitio rursus in Concil. Lateran. sub Leone X. Sess. 8. relata & confirmata fuit: & prius in alio Concil. Lateran. sub Innoc. III. definitum quoque fuerat naturam humanam constitui ex corpore & spiritu, iuxta id quod in Symbolo S. Athanasij dicitur, sicut anima rationalis, & caro unus est homo, ita Deus & homo unus est Christus.

Probatur item ratione naturali, quam affert D. Thom. 1. p. q. 76. a. 1. Id quo corpus viuic formaliter, vegetatur & formatur, est verè forma corporis. Manifestum est autem quod primum, quo corpus viuic, est anima. Et cum vita manifestetur secundum diuersas operationes in diuersis generibus viuientium, id quo primo operamur vnumquodque horum operum vite, est anima: anima enim est primum, quo nutrimur, & sentimus, & mouemur secundum locum, & similiter, quo primo intelligimus. Hæc ergo principium, quo primo intelligimus, siue dicatur intellectus: siue anima intellectiua, est forma corporis. Hæc est ratio S. Thomæ, quæ si bona est, vt profecto

cto est optima, conuincit etiam ex sententia Platonis animam rationalem & immortalem esse quoque propriam hominis formam: en enim quomodo loquatur ipse in Phædone. *Ecquidnā illud est, quod si in corpore fuerit, corpus viuum efficitur i anima, inquit: nonne id semper ita habet? quidnā, inquit anima ergo quidquid illud sit, quod ipsa complectatur, semper ei ipsa viua offert.* Idem repetit vbique alibi præsertim in 10. de legib. vbi insuper clarè ait animam esse primum illud principium quo mouemur, nutrimur, augemur, sentimus, dolemus, intelligimus, &c. vti iam constat ex alibi dictis, & in Phædro ait *animus & corpus animal vocatur*, loquitur autè de animo in immortal. At in Epinomide sic de homine loquens ait, *hominē animal verissimè dici secundum naturam affirmamus, quum vna animi & corporis constitutio ita in vnum conuenit, & coalescit, ut vnā pariat formam.* Et mox: huiusmodi ergo quidpiam optimè appellatur animal non enim aliud quidquam est quod incorporeum esse queat, & omnino expers coloris, præter diuinissimum illud reuera animi genus. Hoc verò ferè est, cui soli for mandi, necnon & esse atque speciem conferendi ratio competit: (corpori enim proprium ac peculiare, ut formetur, & recipiat esse, & videatur, &c. Denique in decimo de leg. tres modos distinguit, quibus mens possit corpus afficere. *Primum*, quo intimè illud penetrans totum illud vndique circumagat: *Secundum*, quo intrinsecus assistens, per corpus igneum vel aërium, quasi vi quadam externa illud impellat: *Tertium*, quo nuda omni corpore per mirabilem, & arcanā vim suæ naturæ inditam omni corporea facultate sublimiorem, ipsum è vestigio circumducatur. Ex his autem primum animo nostro attribuit. Falsum ergo est, quod illi solet imponi, quod anima nostra sit in corpore, sicut nauta in nauis: figmentum enim istud egregiè Plotinus refutat Enn. 4. lib. 3. c. 21. hac vel maxime ratione: *Si tanquam navigator accipiat, secundum accidens, naderit gubernator, sin autem ut gubernator duntaxat, quomodo id conueniet? Non enim in tota nauis est, sicut anima est in toto corpore: sed nunquid ita dicendum? sicut ars instrumentis inest, velut in gubernaculo; si forte esset gubernaculum animatum; adeo ut gubernatoria virtus intus sit artificiosè mouens: sed in hoc saltem differentia est, quoniam ars eiusmodi ab extrinseco pendet.* Anima ergo ideo peculiaritèr vnitur corpori ut forma, quia fit corpori principium intrinsecum se mouendi, & operandi; vnitum illi per se, ac per essentiam, & cum illo concurrens ad vnum animal cōponendum. Quod enim ita se habet, forma est; anima sic se habet. Ergo. vide D. Thom. q. cit. a. r. vbi probat copiosè duo hæc: *primum*, quod ipse homo reuera sit, qui intelligit: *secundum*, id non dici, nisi animam, qua intelligit, vniatur ut forma corpori ad constitutionem vnius, eiusdemque suppositi, quod est homo, qui intelligit.

OBIECIENS, forma, quæ dat esse corpori; est finis generationis ex Arist. 2. *Phys.* 70. atqui anima rationalis non est eiusmodi: etenim finis generationis ex eodem Arist. 2. *Phys.* 114 est natura: sed ex eod. 1. de part. animalium, anima intellectiua non est natura: Ergo. Resp. ad Ma. formam eiusmodi esse terminum generationis, non simpliciter, ut per se.

est, sed ut unitur: in quo sensu nego Mi. & eius probationem.

CONCLUSIO SECUNDA: Anima ut forma immediatè per suam substantiam unitur corpori sine alio vllò intermedio. Ita D. Thomas, & omnes Theologi. Ratio Diui Th. sufficit. Sic dicitur, inquit, *aliquid unum, quomodo ens: forma autem per seipsam facit rem esse in actu, cuius per essentiam suam sit actus, nec dat esse per aliquod medium: unde unitas rei composita ex materia, & forma est per ipsam formam: qua secundum seipsam unitur materie, ut actus eius: nec est aliquid aliud uniens, nisi agens, quod facit materiam esse actum, ut dicitur in 8. Met.*

Confirmatur primo, ex materia & forma fit vnum per se: ergo, ante formæ unionem nullus alius actus præcedere potest, alioquin is forma propriè diceretur, non subsequens: secundo, materia recipit actus omnes posteriores ordine conueniente, & non perperam. Ergo, id quod est simpliciter primum in actibus, propriè etiam debet recipi in materie: sed anima ut forma, est primum in actibus: Ergo, &c. Eo tamen non excluditur illa illuminatio substantialis, de qua supra: pertinet enim hæc ad effectum formalem talis unionis: siquidem ut ex vñione ignis cum ferro, resultat in eo actus ardendi: sic ex intima coniunctione animæ cum corpore necesse est in eo resultare actum vitalem & animale.

Præterea ex hac vñione immediata inferitur esse in anima quidpiam commensuratum, & affine corpori, quod reuera non est in Angelo, atque inde oriri sympathiam naturalem, quæ animam inter & corpus eius existit, ratione cuius & inclinatur in illud, & eius passionum particeps fit: denique per illud sic connectitur corpori, ut ea connexio verè à causis naturalibus, sydereisque influxibus, ac fato illo, cui cætera subduntur corpora, verè pendeat: ut eleganter quamquam Poëtice Plato docet in Timæo, Phædro, &c. ex quo etiam veteres quidam Zamolixidis, & Zoroastris sectatores occasionem sumpserunt dicendi sicut est apud Platonem in Charmide, omnia siue bona, siue mala in corpus ab anima influere, sicut oculorum qualitas fluit à cerebro, & cerebri à toto corpore: unde ut oculi curari non possunt, nisi curetur cerebrum; neque cerebrum, nisi corpus vniuersum: sic vix corpus totum posse bene valere, nisi anima bene habeat. Sed congruentius Plato in 3. de rep. ait *curandum esse corpus ob eam, quam habet anima cum ipso harmoniam: per corpus enim vivere nobis licet, ac rectè vivere. Quod equidem, si modo ut virum probum decet, intelligatur, rectissimè dictum existimo.* His adde quod tam cerebrum repetit Aristoteles, quod animæ ut plurimum sequantur corporum temperamenta: quam obrem nihil il' à sympathia potest esse compertius. Quod autem illud sit, quo sic anima vergit ad corpus, eique tam amice contentit, paulò explicatu difficilior est: dici tamen potest esse ipsam animæ substantiam, non secundum quod diuino suo exemplari, quod Deus est, congruit; sed secundum quod à perfecta spiritalis substantiæ hypostasi, & constitutione deficit, & diuiduæ, ac corporalis naturæ adhuc qualitatem, vim, & radicalem quandam affectionem gerit. Quod igitur, inquit Plotinus, in Timæo

dicunt, animam essentia quadam indiuidua, & quadam circa corpora, diuisibilis esse compositam, idem est, ac si diceretur, animam essentia quadam constare, partim quidem apud superiores permanente, partim verò ad inferiora vergente: quæ quidem simul, & inde pendeat, & se interim ad hæc usque propaget; non aliter, quam ex ceptivolinea protendatur.

CONCLUSIO TERTIA, Anima rationalis vnitur corpori vt anima, & vt motor mediante corpore subtilissimo. Ita S. Bonau. & Alex. Alensis: estque expressa sancti Augustini sententia: *Non est quidem humane anime natura, nec de terra, nec de aqua, nec de aëre, nec de igne quolibet: sed tamen crassioris corporis sui materiam, hoc est humidam quandam terram, qua in carnis versa est qualitatem, per subtiliorem naturam corporis administrat, id est, per lucem, & aërem: nullus enim sine his duobus, vel sensus in corpore est, vel ab anima spontaneus corporis motus. Anima ergo, quoniam res est incorporea, corpus quod incorporeo vicinum est, sicuti est ignis, vel potius lux & aër, prius agit: & per hæc cætera, quæ crassiora sunt corporis, &c.* Hoc idem confirmatur ex D. Thoma cit. Si anima, inquit, corpori vniretur, vt motor, conueniens esset dicere, quod inter animam hominis, vel cuiuscunque animalis & corpus, aliqua alia corpora interuenirent. Conuenit enim motori aliquid distans per media magis propinqua mouere.

Confirmatur secundo, quoniam ex Arist. 2. de gen. anim. in nobis est calor igneus, & calor cælestis. Ad hæc videmus in cæteris seruatum. Deo hunc fuisse ordinem, vt suprema non vniatur inferioribus nisi per media. Id autem maximè congruit experimento, quo constat nullam ab animis in corpore actionem peragi, nisi administris spiritibus subtilissimis, igneisque necnon & rutilantibus. Ergo. His addæ auctoritatem Aristotelis, qui cum in 2. de Gen. anim. c. 3. ait in semine spiritum, & in spiritu naturam contineri, quæ proportionem respondet elemento stellarum, aperte significat spiritum hunc inter corpus & diuinam illam naturam, quasi commune quoddam vinculum interponi: & Alex. Aphrod. ait hunc spiritum maximè idoneum esse vinculum ad naturas aduersas interiectu suo conciliandas & continendas.

Interim notes hic peruelim, id quod peculiariter animaduertit S. Thom. 1. p. q. 76. a. 1. formam quamlibet quantò nobilior est, tantò magis dominari materię corporeali, ita vt operationes eliciat minus ab ea dependentes: minusque communes, atque plus simpliciter, putitatis, & efficacitatis spiritus participantes: hoc in plantis supra inanimata, in animalibus supra plantas, denique in homine supra animantes euinctur. Verùm id adhuc lubet ex Alex. Alensi paulò manifestius ^{p. 2. q. 64.} illustrare hoc modo: forme omnes sunt elementaris, vegetatiuæ, sensitiuæ, rationalis: discernitur inter illas est huiusmodi: prima perficit materiam suam, eiusque partes singulas eadem, ac homogenea qualitate: quælibet enim pars ignis ex aquo essentialiter ignis est: secunda, nempe vegetatiua non sic: incipit enim hæc heterogeneam inducere perfectiorem: suppellectilem, dicitur non quælibet pars plantæ plantæ est. Idem

quoque sensitiva efficit, sed tamen eo ab illa differt, quod non omnes suas partes ex æquo reddat sentientes, sicut illa omnes ex æquo suas vegetat: singulæ quippe partes arboris viuunt, crescunt, nutriuntur: non omnes verò animalis partes sentiunt, non omnes imaginantur, &c. Adhuc operationes vegetatiuæ naturali quadam necessitate continuantur, neque possunt à planta nunc interponi: aliàs elici, &c. Ac non sic semper sentit animal: nunc videt, mox comedit: quandoque dormit, &c. hæc non liberè, fateor, agit; sed sponte, sed quia sic delectat operari. Anima demum intellectiua cæteris tantò supereminens, quanto spiritus distat à corpore, nullam corporis partem reddit intelligentem: non defectu virtutis, sed prærogatiua dignitatis. Prima omni sua operatione cum omnibus partibus suæ materiæ semperque communicat: secunda, omni quidem communicat & semper, sed non cum omnibus: tertia, omni communicat, sed nec cum omnibus, nec semper: quarta neque cum omnibus, neque semper, neque omni. Esse quidem communicat æqualiter toti, ac partibus, vt forma naturalis; vegetandi actum omnibus, sed non æqualiter, vt anima vegetatrix; vim sentiendi aliquibus vt sentiens; vim intelligendi denique nulli. Propter esse, quod dat, debet esse virtute diuisibilis, nec requiritur vt sit indiuisibilis, propter vim sentiendi, & vegetandi debet esse indiuisibilis actu, & diuisibilis virtute, propter vim intelligendi debet esse actu indiuisibilis, neque requiritur, vt sit virtute diuisibilis,

§. 3.

Quæstiones aliquot expediuntur.

QUÆRES an anima intellectiua sit forma corporis reduplicatiuæ, vt est intellectiua. Magnis hac de re authores contentionibus digladiantur: sed quorsum? Quæstio de nomine est, dum constet eam ipsam animam quæ verè intellectiua est, per suam ipsam substantiam informandi munus implere, quid aliud quærimus? Paucis, hac reduplicacione video designari potissimum principium radicale intelligendi à quo formaliter homo denominatur rationalis & speciem sumit suam: vel principium formale & proximum intelligendi, quo fit actu ratiocinans, vel intelligens: primo modo est forma hominis, quæ hoc modo specificat hominem: secundo modo non est forma, quia significat formaliter potentiam materia superiore, & ab ea penitus independentem.

Dices, non posse in corpore quidquam notari: quod per se deriuatur ab anima quatenus est principium radicale intelligendi. Ergo illa sub hac ratione non informat. *R. Nègo Ant.* quia esse illud specificum rationalis compositi, hinc resultat. Adde locutionem, risum, admirationem, &c. inde quoque emanare. *Instabis*, anima intellectiua, vt sic, est separata à corpore, eiusque capacitatem supergreditur, neque dat esse intellectiuum corpori, quippe cuius recipiendi est incapax. *R. esp.* hæc

esse falsa de intellectu primo generis, vera de secundi: quia intellectiui sunt pro principio radicali, est quidem separabile, sed non separatum: contradit homini, (esto non corpori,) esse rationale: supergreditur naturam corporis prærogatiuâ dignitatis; non informandi potestate. Superior est corpore vt spiritalis: ipsi aliunde proportionata, vt anima.

At inquires, quomodo essentia esse potest actus corporis, eique quodammodo commensurata, si potentia illius nequeant per corpus exerceri? facultas enim qualibet non potest esse abstractior, eleuatio, & spiritalior essentia, cuius est virtus. Resp. hanc obiectionem impetere primam conclusionem potius, quam vltimæ quæstionis decisionem: facile tamen soluitur adnotando non esse imperfectionem in anima, quod possit perficere, atque informare corpus: quia sic eleuat solum corpus ad suum esse: secus defectus non levis est operationi, quod exerceri non possit sine corpore: quia hoc modo foret accidens corporis, & deprimeretur ad esse corporis, sicut omne accidens ad esse subiecti declinare cognoscitur: deinde quod ab aliqua forma possit elici actio merè immaterialis, hoc ex illius excellentia, qua corpus supereminet, prodit: ideo in hoc intellectio non est nobilior, neque abstractior anima: quandoquidem huius immaterialitas radix est, & causa; cur effici ab ea possit actio non dependens à corpore, quodque potentias habeat ab eius legibus omnino exemptas. Paucis, intellectus, & intellectio sunt abstractiones anima, quatenus præcisè est forma corporis, non verò quatenus est spiritus in dependens à corpore.

Quæritur secundo, an esse quod anima dat corpori, aliud sit ab eo, quo ipsa subsistit. Resp. haudquaquam. Etenim non potest multiplex esse per se in eo quod est *unum per se* reperiri: neque aliunde composito substantiali esse contradi, nisi à forma substantiali: vt diximus in Phys. c. 5. §. 2. illatione 3. Quamobrè illud esse, quo existit homo, id ipsum est, quo anima existit in homine, sed hoc ipsi peculiare accidit, quod cū esse in cæteris cōpetat ipsi composito immediatè, ac per se; formæ verò, secundariò ac per compositum: hic secus, esse primò animæ intellectiue, tum eius participatione, composito conuenit, vt diximus suprâ cap. 1. §. 2. arg. 2. ideo ipsa per se subsistens est, ac separabilis.

Quid ergo, an non ipsa humani suppositi pars est? an non in ipso existit? quomodo ergo per se subsistit? si dicas subsistere *vt quo*, contra, an non eodem modo cæteræ formæ. *vt quo* subsistent? an non anima creatur, *vt quod*, cur ergo non subsistet *vt quod*? hoc autem si dixeris, quomodo non erit ipsa suppositum? Resp. hic agitari quæstionem de nomine: quam abunde soluit S. Th. 1. p. q. 75. art. 2. ad 2. & 3. quod dicitur hoc aliquid, siue subsistens, potest accipi dupliciter, uno modo pro quocumque subsistente: alio pro subsistente completo in natura alicuius speciei: primo modo excludit inhaerentiam accidentis, & formæ materialis: secundo modo excludit imperfectionem partii: unde manus posset dici hoc aliquid primo modo, sed non secundo modo. Siquigitur, cum anima humana sit pars speciei humane,

potest dici hoc aliquid primo modo, quasi subsistens, sed non secundo modo: scilicet enim compositum ex anima & corpore dicitur hoc aliquid. Ita vides animam verè perse subsistere, eò quod esse sibi proprio immediatè, ac secundum se verè existat, possitque sola, & extra compositum existere: sed tamen dici solum subsistere, *ut quo*: quandiu est pars compositi, cui soli conuenit, per se, atque *ut quod* subsistere, sicut ei conuenit agere, pati, generari, vel corrumpi *ut quod*. Neque certè sic forma materialis subsistit, *ut quo*, tum quia non habet esse primò, & perse ac sibi proprium: sed secundo, & per compositum: 2. quia illud esse pendet à materia, non solum conditione originis, sed necessitate eductionis: quamobrem existere potius *ut quo*, quam subsistere dici debet: & adhuc existere participatione, non proprietate. Est etiam dicatur anima creari, *ut quod*: quid inde? prius enim naturà creata fuit, quam esset in corpore: & creata item est non ut pars, sed ut totum; non ut vnita, sed ut sola: neque suam creationem communicat corpori, neque eam terminat, ut est in corpore: sicut modo suum esse illi communicat: & suum intelligere in illo exercet: Ideo quod ex hac, & illo constat, verissimè modo dicitur, ut intelligere, sic vel à fortiori, perse subsistere, *ut quod*: at creari, nullo pacto.

QVÆRES tertio, an anima sit in toto corpore. R. affirmatiuè contra Alb. Magn. lib. 2. de anima c. 7. qui existimat animam in sola quadam corporis parte residere, ita ut sicut Rex ex Basilica sua regnum per administratos regit: sic per spiritus animales, aut vitales ipsa totum corpus moueat, vegetetque: *sed contra*: totum corpus viuít, & quidem intrinsecè. Ergo totum corpus intrinsecè animatur: vide D. Thomam 1. p. q. 76. art. 8. Neque valet Alberti obiectio, dicentis fore, ut si partes singulæ intrinsecè animentur, singulæ quoque dici animales debeant. Negamus enim hoc sequi, quoniam hæc appellatio soli cõuenit toti ex corpore organico, & anima conflato. Quod si Aristoteles lib. de motu animal. cap. penultimo videatur dicere animam non in toto corpore, sed in vna solum parte commorari, Resp. eum non de anima, sed de virtute motrice tantum, vel de principali parte intelligi oportere.

Notandum interim hic est, quod ait Plotin. Enn. 4. lib. 3. animam non esse propriè in corpore: quia ei neque ut in vase, neque ut in loco, inest, quia ex hac vnione corpus non animaretur; sicut non animatur ex eo quod Angelus in eo loco localiter sit; neque ut in toto, quia non est pars corporis: neque ut species in materia, quæ videlicet ab ea sit inseparabilis, aut sicut natura in supposito; neque ut gubernator in nauí, quia solum per accidens ei inesset. Omne contentum pendet à continente, vel ut à conseruante, vel ut à determinante, vel ut à sustentante, vel aliter: nihil autem tale anima recipit à corpore, quin illud potius subiet, perficit, actuat, & consequenter continet: quod volens Plato significare dixit in Timæo, Deum tetendisse animam per totum corpus, ita ut illud etiam exterius ambiret. Verùm quia nobis non innotescit anima nisi per actiones corporis, ideo solemus dicere animam esse in

corpore, scilicet sicut inclusum in includente. Propter has rationes oportet etiam dicere in Deo potius esse mundum, quam in mundo Deum.

QVÆRES quarto, an & quomodo anima rationalis naturaliter inclinetur ad vñionem cum corpore. Respondet D. Th. 1. p. qu. 76. ar. 1. ad 6. *Quòd secundum se convenit animæ corpori vñiri: sicut secundum se convenit corpori levi esse sursum. Et sicut corpus leve manet quidem leve, cum à loco proprio fuerit separatum, cum aptitudine tamen & inclinatione ad proprium locum: ita anima humana manet in suo esse, cum fuerit à corpore separata habens aptitudinem, & inclinationem naturalem ad corporis vñionem.* Et merito quidem, diximus enim supra inesse animæ naturalem quandam sympathiam cum corpore, inde ortam, quod ipsa tendat ad componendam cum corpore vñam speciem creaturæ rationalis, ideo ipsa imperfecta effecta est, perficienda scilicet per hanc speciem ad quam naturaliter, imò & essentialiter ordinatur: propterea contemperata fuit corpori regendo, atque vivificando: quamobrem eius essentialis perfectio pendet ab eo statu, in quo ipsa non aptitudine solum, sed in actu secundum humanam conflat speciem, corpusque vivificat: in eoque, ac per illud vires animales & vivificas, quas in ordine ad illud accepit, exercet: Adde si vis, (haud enim refragabor,) naturaliter illam non potuisse species, intellectioni obsecuturas aliunde venari, quam à sensibus: id quod saltem de speciebus singularium, rerumque corporearum verum est, sine quibus vix quidquam animus noscit: Ob hæc igitur inest, proculdubio, animo naturalis ad corpus inclinatio. Ergo, inquires, separata vim patitur, amicum semper corpus exoptans: cuius tamen copulam nullis vspiam naturæ viribus poterit restaurare. Quam inutilis ille tunc esset instans? Cur institutor naturarum Deus vel animam sine hoc affectu non condidit, ut non in æternum vim pateretur; vel corpus illi æternum non coaptavit? Resp. vim pati quidem animam, sed spe recuperandi corpus, quod amisit, deliniri; nullisque, fateor, naturæ viribus corpus illi suum restituatur: sed oportunis aliunde mediis defectum hunc conditoris providentia resarciuit. Hominem enim faceret inexterminabilem: sed sua se culpa mortalem fecit: & quemadmodum, qui manum sibi abscidit, aut oculos exsculpfit, naturali tamen desiderio semper hæc membra postmodum expetit, quæ naturaliter recuperari possunt nunquam: sic non mirum si anima ita semper desideret corporis copulam, tamen si hæc nusquam foret reparanda: reparabitur tamen: sed non sine miraculo: Ideo ut in moralibus diximus naturali noscenni desiderio beatitudinis supernaturaliter solum obtinendæ; ita non incongruum videri debet si dicamus animam corpori semper affectu naturali manere coniunctam, cui solâ Conditoris omnipotentia poterit quoad realem effectum reüniri.

Utrum animarum inaequalitas ex unione ad corpora oriatur.

QUÆSTIO est an omnes animæ secundum substantiam, & intrinsecè sint æqualis perfectionis necne: Grauis hæc sane inter Aucthores concertatio est: & duæ sunt oppositæ sententiæ: prima censet animas omnes secundum se pares esse: neque vnâ dici posse alteri à meliorem, seu nobiliorem, neque per se præstantioribus facultatibus ornatam esse: sed si quid excellentiæ, ac diuersitatis occurrat, vt reuera occurrit plurimum, id omne à varia corporum affectione, diuersisque organorum temperamenti proficisci: secunda secus censet animas omnes pro varia individualium proprietatum diuersitate diuersas quoque perfectionû prærogatiuas, vel defectiones ex prima sui conditione gerere. Parisienses Theologi olim hanc secundam publico decreto confirmarunt: & primam vt erroneam condēnarunt, *Quoniam*, inquit, *aliâ anima Christi non esset perfectior, quam anima Iudæ*. Toletus contrâ, primâ tanto studio amplexus est, vt secundam temerariam & periculosam asseruerit: sed immerito vtraque sententia sic suggillatur. Vtrinq; à grauissimis Doctoribus propugnatur. Multi vtramque probabilem autumant: & verè difficillimum est quidquam certi hac de re persentire. Quin imo de D. Thoma haud clarum est quid nos oporteat existimare: Eiusque discipuli dissident. *Caiet. Bann. in Hanc q. 85. Capr. in 3. d. 32. Ferrar. in lib. contra Gent. c. 3. & alij*, secundam adscribunt S. Doctori, & sequuntur. *Soncini. 1. met. qu. 2. Soto cap. 5. de substant. &c.* contrarium arbitrantur. Quamobrem cuique liberum sino, vt quod sibi lubuerit, eligat: solum quod probabilius mihi visum fuerit, edisseram.

CONCLUSIO: Probabilius mihi videtur, quod animæ quandam ex se perfectionis inæqualitatem habeant. Dico *ex se*; quia, quin aliæ sint aliis perfectiores, vel ob nobiliorem organorum dispositionem, aut ob qualitates acquisitas & similia, nemo est, qui dubitet: solum quæstio est de perfectione intrinseca: an hæc inæqualis sit in diuersis. Id non demonstrari quidem, sed vt probabilius approbari posse conuenienter existimo. Primò id suadet S. Thomæ autoritas, qui q. cit. ait, *vnâ alio potest eam rem melius intelligere, quia est melioris virtutis in intelligendo*. Idem alibi sæpe ait animas ex se commensuratas esse corporibus, & perfectiores etiam ordinari ad nobiliorem materiam: *Secundo*, hæc ratio me multum semper affecit, quod cuiuscumque indiuiduo, ex proprietate differentię individualis necesse sit aliquid boni competere, quod reliquis commune nō sit: ita vt hoc nonnihil de idea suæ speciei participet, quo caret aliud: sic enim infinita diuinæ bonitatis participabilitas melius in creaturis exprimitur. Id autem euidenter apparet in rebus corporeis.

17983 A.7.
in 2. cont.
Gent. c. 18.
in 2. d. 2. &
2. & 6.

poris & manifestis, in stirpibus, in animalibus, in metallis, &c. singulis indiuiduis propria quædam efficacia, efficaxve proprietas competit, quæ necessariò substantialem quandam formarum inæqualitatem sub eadem specie demonstrat: quidni dicemus idem de indiuiduis rerum spiritualium, atque adeo animarum? Atqui omnes perfectiones quæ à Deo proueniunt, quæque ad demonstrandam infinitam bonitatis illius exuberantiam ordinantur, debent sibi mutuo maioris vel minoris perfectionis ordine correcedere, uti de speciebus diximus in Phys. cap. 3. 2. §. 3. sub finem: sic enim multò fecundior, & mirabilior effulgebit communicatio diuinæ bonitatis: sic omnes species, atque indiuidua, quæ sunt in vniuerso congruentiorem harmoniam exhibebunt: & speciem multò pulchriorem: sic faciliùs explicabitur, quomodo verum sit animam Christi, non solum extrinseco gratiarum ornatu, sed internæ nobilitatis prærogatiua sine comparatione perfectiorem anima Iudæ fuisse. Et quomodo item vni à natura mentis sagacitas: alij subtilitas: prudentia huic; tarditas alij & similes competant: tot enim sunt, ac tam diuersæ ingeniorum dotes, vt pene incredibile sit, eas ex sola corporis constitutione posse derivari: Sic & illud Salomonis, *fortius sum animam bonam* facilius intelligemus, &c.

Qui tamen contrà sentiunt, hæc opponunt: in primis S. Augustini aliquot textus afferunt *ex 10. lib. in Gen. cap. 7. & 83. qq. 4.* sed perperam: in iis enim ne verbum quidem vllum est, ex quo valeat illorum sententia comprobari: ibi enim solum agit aduersus eos Hæreticos, qui dicebant animas alias esse naturâ bonas, alias naturâ malas, eamque differentiam bonarum & malarum animarum procedere ab aliquo principio præcedente voluntatem nostram: quod certè hæreticum est: neque profecto quidquam tale asserimus: absit enim.

Deinde obijciunt: ea quæ differunt perfectione formali, differunt specificè: atqui differentia hæc animarum foret differentia formalis: esset enim differentia formarum. Ergo. Respondet D. Thomas, *quod differentia formæ, quæ non prouenit, nisi ex diuersa dispositione materiæ, non facit diuersitatem secundum speciem, sed solum secundum numerum.* Quibus verbis arbitror cum Bannez & Caiet. S. Doctorem solum velle, quòd differentia formarum, orta ex proprietatibus individualibus, quæ quidem desumuntur per ordinem ad materiam, non variet speciem: & hoc verissimum est. Quamobrem alia est perfectio essentialis; alia indiuidualis: illa verè numeris comparatur: & mutata mutat speciem: ista verò intra speciem multiplicabilis est iuxta numerum indiuiduorum, prout scil. latitudo quædam infinita perfectionum continetur in participatione diuinæ bonitatis secundum quamlibet cuiusque idem, speciemque Archetypam.

Dices: si diuersitas animarum prouenit ex diuersa dispositione materiæ, sequitur eam esse solum extrinsecam, uti volebat prima sententia. Resp. hanc diuersitatem prouenire posse ex dispositione corporis dupliciter; primo, tanquam ex principio: secundo, tanquam ex termino

connotato: si primo modo ab ea proveniret, hæc verè causa diceretur, cur animi sic differunt: & tunc diuersitas hæc illis extrinsecè conueniret, vt voluit prima sententia: si verò secundo modo, solum sensus est animas eatenus differre perfectionibus internis, quatenus numero differunt: quia enim differunt numero, quatenus Deus illas creando, commensuratas esse voluit diuersis corporibus; sic eas etiam diuersarum perfectionum fecit esse participes, & hypostaticis characteribus insigniuit, propter quas diuersa quoque corpora diuersis dispositionibus ornata ex ipso creationis momento exigunt: sic Deus est causa huius varietatis: materia vero terminus: finis denique, diuinæ bonitatis manifestatio.

CAPVT VI.

DE ANIMIS BRVTORVM.

§. I.

Quid sint.

PRÆCIPUA quæ ad animam rationalem attinebant, quantum Deus fauit, expediuius. Restat vt pauca de animis brutorum expendamus. Præcipua dubia sunt hæc; *primum*, an sint formæ distinctæ à corpore. *Secundum*, an sint immortales. *Tertium*, an sint indiuisibiles. *Quartum*, quot earum sint genera.

Quoad primum, Notandum est eos omnes, qui formas substantiales abnegant, consueuisse solis ex atomis animantes quoque omnes contere: vt nihil anima earum sit, præterquam corpusculorum talis aut talis connexio, & symmetria. Ita *Sebastianus Basso*, *Gassendi*, *Cartesius*, &c. verum præter rationes, quibus iam pluries probauimus dari formas substantiales, hoc solum in præsentia addere sufficiet: non minùs efficax est atomorum conformatio in homine, quam in bruto, & planta: sed illa conformatio in homine nequit esse principium primum internum motuum sensûs, & vegetationis: tale enim supra demonstrauimus esse animam ipsam rationalem. Ergo etiam in brutis & plantis præter conformationem corporis, requiritur aliud quoddam principium primum internum, quod quantum ad hæc vitæ vel sensationis functiones correspondeat animæ rationali: ad hæc ipsi duo effugia tenentur adhibere, quæ si non heretica, certè maximè temeraria, & perabsurda sapiens nemo non iudicabit: *primum* effugium est, quod operationum & proprietatû, quæ competunt viuentibus, solus Deus author sit, ac principium: *Secundum*, quod in homine aliud sit principium sentiendi, & aliud intelligendi, illud mortale, atque corporeum; istud verò solum

immortale : ita distinguunt in homine animam sensitivam ab anima rationali : sed hoc reiecitur supra vt erroneum , primum refellimus similiter in Phys. cap. 21. §. 1. Illud idem figmentum , quod anima sit textura corpusculorum , inferius adhuc dissoluemus , cum probabimus formas viuenticum indissolubiles esse oportere . Denique spiritum iumentorum meminit Ecclesiastes 3. quamobrem hoc omisso veniamus ad secundum : an animæ brutorum sint immortales.

§. 2.

An animæ brutorum sint immortales.

NOTANDUM est non constare inter Platonicos , quid animæ brutorum sint , & an sint immortales , necne . Franciscus Picus Mirand. lib. 1. de vanit. doct. cap. 14. ait Xenocratem , & Speucippum existimauisse animam sentientem immortalem esse . Numenium autem & Plotinum etiam ei quæ in plantis est , immortalitatem tribuisse : & quidem Plotinus id satis clarè insinuat lib. de immortalitate animarum cap. 14. sed clariùs adhuc author libri de Secretiore parte diuinæ Sapientię secundum Ægyptios , qui solet Aristoteli inscribi , id quod ægrè concesserim , quisquis tamen is sit , antiquus author est , & lib. 13. cap. ult. sic ait : si quis inquirat , an anima plantæ excisis radicibus separata intereat , dicendum est , hanc redire ad propriam regionem quam habet in mundo intelligibili , à qua nusquam postea recedit . Aliquid adhuc absurdus audet Porphyrius in 3. de abstinentia ab esu carnium : ait enim omnem animam sentientem , esse quoque rationalem , & oratione , tum interiore , tum exteriori uti , quæ inter se bellæ colloquantur : etsi à nobis non intelligentur : & audet credere nonnullos fuisse homines , qui sermonem belluarum calluerint , vt apud veteres Melampura , & Tiresias ; & illis multo iuniorem Apollonium Thianum : quid portentosius dici potest à Plutarcho de Placitis retur apud Platonem solam animam rationalem esse immortalem ; reliquas verò mortales . Eique subscribit Bessarion Cardinalis 2. lib. cap. 7. docens , animam Platoni non dici viuere , eum eam homini , & brutis attribuit , sed æquiuocè potius , & in homine dici propriè ac simpliciter animam ; in brutis verò , & plantis vmbriticè , ac similitudine tenus , ita vt in his anima solùm sit vita quædam , & simulacrum animæ : id est , actus quidam vitalis , instar illustrationis perpetuo fluens , ac pendens ab anima mundi , hoc est , à Deo , non secus ac formæ reliquorum corporum , quarum esse tempore mensuratur . Idem illi attribuit Marsil. Ficinus & puto quoque id verosimilius esse , facileque ex variis Platonis sententiis elici , sed pluribus hic nolo immorari : sufficiet dicere ipsum in Timæo agnoscere duo animalium genera : vnum quod cum substantiis immortalibus conueniat , & diuinum sit , cuiusmodi est homo : alterum simpliciter mortale , quod reliquas animantes complectitur . Statimq; ait in formatione solius hominis , à Deo , (à quo utique solas res immortales immediatè prodire

dixerat,) animam suppeditari: causis secundis ad cetera concursuris, *Hac si me fiant solo, diis aquabuntur, quapropter accedite vos secundum naturam ad animalium generationem, & eius quidem animalis, quod in ipsis futurum est tale, ut cum immortalibus appellatione conveniat, & diuinum vocetur. &c. ego vobis semen, & initium iradam: vos cetera exequi par est: quidquid sit.*

CONCLVENDVM est animas brutorum, & plantarum esse distinctas formas substantiales naturâ sua corruptibiles. Quod sint eiusmodi formæ, iam patet ex dictis in primo notando. Quod verò corruptibiles quoque sint, patet quia nullam habent operationem inorganicam, ex qua colligi possit eas esse spirituales, & independentes à corpore: etonini supra sentiendi officia non assurgunt: nihil vniuersale percipiunt: nihil cupiunt æterni, ac incorporei: nullam liberi arbitrij significationem præbent: Ergo. Hæc Alcinoüs de doctrina Platon. cap. 18. paucis ita ex suo Præceptore insinuat: *Probabile est animas rationis expertes, sola imaginatione ductas, neque ratione, neque iudicio vtentes, neque perceptis, neque horum collatione, neque ratiocinando reductis sumptionibus vniuersis, omnino autem mentis expertes, & non intelligente natura præditas non esse eiusdem essentia cum ijs, quæ ratione vtuntur, ideoque eas esse mortales & interitui obnoxias: vide D. Thomam in 2. contra gentes cap. 28 & Ferrar. ibidem.*

Ne tamen vllus super sit de hac quæstione scrupulus, notari duo petuelim; alterum, quo animarum eiusmodi prærogatiuæ continentur; alterum, quo earum ab anima nostra defectio.

Primum ex illo Platoniorum effato deducemus, quo tales animas vocant illustrationes; volunt enim eas à Deo, mundum hunc sensibilem formante, ac dirigente, sicut à sole diuersas luminum irradiationes, scaturire: in quo ista oportet aduertere. *Primum* licet sol multos alios effectus in natura parturiat, tamen in nullo melius suam naturam exprimit, quam in lumine; sic licet quælibet creatura Dei quædam sit participatio, nulla tamen expressius eum sic mundo præsentem representat, quam anima: verum si prima vita quæ in intellectu consistit, merito lux appellatur, rectè vita sensitiua illustramen quoddam dici debet, quatenus sensui intellectus imitamen quoddam est. *Secundò*, lumen inter omnia, quæ sub sensus cadunt, maxime secreta pollet efficacia ad mouendum corpora: calorem enim spargit, & sic agit omnia: ut elegantissime docet D. Dionys. lib. de Diuin. Nom. ita præsertim animæ insita est à Deo vis admirabilis corpus regendi, & mouendi. *Tertio*, lumen est quidpiam corporis, modo spiritali regnans in corpore, ut diximus lib. de Cælo cap. 13. §. 2. & in hoc potissimum eius excellentia sita est, ut sine confusione se penetret: videmus enim plura lumina per eundem aërem spargi, nec vnius præsentiam, alterius præsentia impediri, & licet multa in omnibus locis sint, propriis tamen distinctionum notis non priuari, ac proprias umbras efficere. Deinde sic locum, cui affanditur replet, ut se sine sui partitione multiplicet, mul-

uplicatis enim, vel auctis speculis, vel aëris partibus, illis ex æquo adest omnibus; neque minus in pluribus, neque maius in paucis. Sic anima quævis corporis actus est, sed ferme spiritalis, idque modo spiritali, hoc est, indivisibili actuatur: plures virtutes sine confusione in quolibet corporis puncto fouet: & cum crescit corpus, eius aduenientibus partibus se sine sui partitione transfundit: ac denique cum sobolescit, sese in semine, sine sui diminutione multiplicat.

Secundum quoque hinc eruemus. Illustratio enim participatio quædam remota est, ac multum deficiens eius, quæ in sole, est lucis; *Secundo*, species quædam est lucis per se non subsistens, immersa corpori, & ab eo pendens in agendo. *Tertio*, est forma fluens, quæ magis agitur, quam agit, & actionem à luce susceptam, transmittit in alia: nec est ipsa fons lux actionis, neque principium propriè sui motus: Denique actus potius, quam agendi principium, neque enim per se subsistit, nec per se agit: sed solum ut quo, & per aliud.

Sic anima brutorum imperfecta & remota est participatio primariæ, & supersubstantialis animæ, Dei scilicet optimi maximi, quatenus mundum per Spiritum suum æternum gubernat, viuificat, & conseruat: ita enim sæpe diximus Deum esse propriè fontem, & ideam animarum ipsarumque mundi animam. Huius ergo prima, & perfecta participatio est sola mens rationalis: hæc enim sola per se viuit, vitâ quidem simpliciter perfectâ, quæ vita est intellectualis. Hæc omnino independens est à corpore, indivisibilis, omnimodorum motuum causa, &c. nihil horum est anima sensitiua. *Secundo*, anima irrationalis est species vitæ, immersa corpori, in illo solum, per illud, atque cum illo operans, & minime super illud: ideo instar illuminationis, potius actus quidam est, quo totum compositum mouetur, nutritur, & sentit: & non est principium se se sic mouens, nec per se sic mouens corpus, &c. sicut anima Rationalis. *Tertiò*, anima intelligentiæ expers plus agitur, quam se agat: non omnium, nec principalium motuum est causa: neque enim intelligit, nec prouidet, nec bonum amat vniuersum, neque operationis suæ domina est, &c. cum tamen id genus motuum principalis ad animam pertineat: quia cum animæ notio ea sit, ut se moueat, ac se mouendo moueat reliqua sibi coniuncta, id nequit simpliciter fieri, nisi ab eo quod se mouet motu intellectuali, qui solus est directiui, prouisorius, & determinatiui motuum omnium naturalium: quoniam illa anima per se propriè notionem animæ participat, ac verè viuit, quæ principium in se habet eiusmodi motuum: qualis profecto est anima nostra, eaque sola. Hæc enim licet dependens à Deo, illique semper subordinata, non tamen determinatur ad agendum per naturalem determinationem ad hoc vel illud: hic & nunc: sed relinquatur sui compos, & domina suæ operationis, habens in potestate sua, ut se determinet ad hoc, vel illud, & quando vult, &c. atque hoc est propriè se mouere. Quod autem id conueniat soli animæ nostræ, pater, quia non Deus ita agit in voluntate, ut eam de necessitate determinet ad vnum, sicut deter-

D. Th. 1. q. 9.
de pot. a. 7.

minat naturam ceterarum animantium, &c.

Hinc patet: Animam irrationalem, esse principium quoddam vitale sit, non tamen esse simpliciter animam; nec simpliciter per se viuere: vnde neque debet esse immortalis: neque ipsi conuenit vlla illarum rationum, quas attulimus ad probandam immortalitatem animarum nostrarum.

CAPVT VII.

DE INDIVISIBILITATE animarum.

§. I.

Quædam monita præmittuntur.

SVPROPRIO primo potissimum, discrimen rei spiritualis à corporea desumi ex duplici indiuisibilitate, nempe ex formali & subiectiua: formalis est, qua quid secundum essentiam nullas habet partes homogeneas, quæ diuersis partibus quantitatiuis respondeant, seorsum actu distrahendas: subiectiua, qua quid independens omnino secundum esse suum est ab aliquo subiecto partes quantitatuas habente: cui verumque hoc conuenit, certum est id spirituale ab omnibus appellari: an autem potest esse aliquid verè spirituale, quod in partes homogeneas, diuersis partibus quantitatiuis respondentes dissecari queat, disputatur ab iis, qui nimio plus cauillis delectantur. Nonnullos enim inuenies, qui argutiolis sophisticis id prolixissimè conentur demonstrare, quia, inquit, si qualitas spiritualis constat partibus intensiuis, nulla potest subesse ratio, cur non possit constare partibus extensiuis: item explicari non potest, inquit, quomodo vnio animæ rationalis cum corpore non habeat huiusmodi partes integrantes singulis partibus corporis accommodatas: Ideo spiritum sic definiunt: *entitas, cui in statu, qui naturaliter potest illi accidere, non repugnat formaliter ratione intrinseci penetratio cum alia entitate eiusdem speciei omnino à se diuisa.* Verùm faciliè illis est victoriam referre aduersus monstra, quæ sibi ipsi consingunt, comminiscuntur modos illos præsentis, vnionis, &c. itemque intensiorem per additionem graduum, quæ omnia fabulosa putamus, & licet vera essent, negari facile posset paritas. Addam penetrabilitatem illam per quam definiunt spiritum ex eius indiuisibilitate oriri: atque adeo ex perfectione quæ sit opposita signali extensioni corporum, sicut contra impenetrabilitas oritur ex quantitate corporum, atque ex ratione partium, quæ situalet extensionem exigit, partesque similes à partibus extrudit. Quid si tota hæc definitio rebus quoque corporeis com-

petat? an non plurima lumina è diuersis facibus in eandem aëris partem incurrentia, seruatis propriis differentiis se penetrant, cum in oppositum diuersas, distinctasque ymbas emittant? quod de omnibus similiter speciebus intensionalibus dici potest. Item si posse penetrari cum rebus eiusdem speciei arguit spirituales naturam, cur eandem non inferret ex eo quod aliquid cum rebus diuersæ speciei penetratur? tum si gradus in intensione distinctos admittunt, an non ij simul intrinsecè sese penetrant? an non sunt eiusdem speciei? cur ergo qualitas omnis non erit spiritualis? at piget his immorari; quoniam communis omnium notio sufficit.

Notandum est ergo quæstionem grauissimam inter Authores feruere an animæ brutarum & plantarum diuisibiles sint: de rationali quidem nullus orthodoxorum audet oppositum asserere. De irrationalibus vero, haud vniformes sunt sententiæ.

Tres autem præcipuæ sunt.

Prima est, quæ omnem animam excepta rationali diuisibilem facit, ita Auerr. 8. *Phys.* t. 38. Scotus in 4. d. 4. 4. Durand. 1. d. 8. *Agidius*, *Capreol.* *Apollinaris*, *Marfilus*, & communiter recentiores, si Thomistas exceperis.

Secunda sententia docet animas perfectorum animalium, vt equorum, Leonum, &c. esse indiuisibiles: reliquas, vti animas insectorum & plantarum: verè diuisibiles. Ita communiter Thomistæ in 1. p. q. 76. a. 8. & in 2. contr. *Gom.* c. 72. *Caiet. Bannes, Ferrar.* Item *Alb. Magnus*, *D. Bonau.* in 1. d. 18. & alij.

Tertia docet absolutè omnes omnino animas esse indiuisibiles. Ita Si-nplicius, 1. 1. de animat. 47. & 1. 2. t. 20. *Marfil. Ficinus* 1. de Theol. Plat. c. 3. *Plot. Enn.* 4. l. 1. & 3. &c.

Notandum est diuisibilitatem aliam essentialem, quantitatiuam aliam esse: prior cadit in essentias constantes pluribus partibus quarum altera se habet vt actus, altera vt potentia; quomodo dicimus essentiam hominis diuidi in animam & corpus. Posterior cadit propriè in corpus quantitate affectum, qua diuidi potest in partes eiusdem rationis, seu integrantes. Addi potest tertia diuisibilitas; nempe subiecti in suas facultates, ac potentias: sicut si solem vellet quis dicere simul habere secum lucem & calorem, &c. Hinc triplex totum resultat. Primum in ratione essentie: secundum in ratione quantitatis: tertium in ratione virtutum. Primum essentiale, secundum integrale, tertium virtuale dici potest.

Hinc aliquid dici potest indiuisibile tripliciter nimirum secundum essentiam, secundum virtutem, & secundum quantitatem: Primo modo indiuisibile dicitur, quod non constat partibus diuersæ rationis; secundum quod non pollet diuersis virtutibus: tertium quod non habet partes dimensionales, situales, aut eiusdem rationis. Certum est autem omnem animam esse indiuisibilem primo modo; non vero secundo: At de tertio dubitatur.

Dicitur primo per se indiuisibilis quoad essentiam; quia tota est in

omnibus, & tota in singulis partibus secundum eandem prorsus essentiam, nec vna pars corporis vnā partem essentiae habet, aliaque aliam ratione ac naturā diuersam: sed vbique tota est, ac regnat essentia. Alioquin esset aliqua pars corporis animati, quod animae careret essentia: nam vbi non est tota essentia animae, ibi non est essentialiter anima: neque enim formalis pars essentiae est ipsa essentia. Ergo vel abest anima in singulis partibus corporis animati: vel tota inest: primum reieciimus supra contra Albertum. Ergo restat secundum idem de formis elementorum dici potest, nec non de formis accidentalibus: nam forma ignis in singulis partibus materiae tota inest quidditatiue, siue quoad essentiam: similiter albedo in qualibet parte lactis essentialiter est: quia eiusmodi formae omnes, licet diuisibiles sint quantitatiue: partes tamen non habent, nisi homogeneas.

Dicitur secundo per se diuisibilis secundum virtutem: quia non est æquè, neque eodem modo potens in vna corporis parte, ac in alia. In quo differt à formis simplicium mixtorum, & ab accidentalibus. Hoc communiter conceditur: quamquam Iandunus, & quidam alij dixerint aliquando animam secum omnes suas virtutes deferre ita vt v.g. in pede æquè habeat potentiam videndi, quam in oculo; defectu tamen organi, non videre in pede: neque ibi esse otiosam, quia otiosum dicitur id quod vbi ordinatur ad agendum, non agit: illam autem in pede v.g. non ordinari ad videndum: ergo. Sufficere itaque, quod exerceatur in oculo, in quo ad videndum ordinatur: esse autem etiam in pede, eo quod essentialia habeat cum tota essentia animae connexionem. Sic rationem non posse in infanti propriè otiosam dici, quia non ordinatur ad ratiocinandum in hac ætate, &c. Hoc modo tuerentur hi authores animam esse quoque indiuisibilem in corpore secundum virtutes i. esse in qualibet parte secundum omnes & singulas vires: verum facile solui hanc posse controuersiam reor, si hac distinctione utamur. Animae vires considerari possunt dupliciter. *Primo* secundum esse radicale, ac merè potestatiuum quod habent in anima, *secundo*, secundum esse completum, & proximè efficax, quod habent in organo sibi à natura destinato: primo modo certum existimo vires omnes animae vbique esse cum anima: sic enim sunt quædam eius proprietates ab eius essentia, vel non distinctæ realiter; vel necessariò emanantes: secundo modo etiam certum est eas non esse, nisi vbi earum organa præparantur: quoniam hoc modo non soli animae insunt, sed toti quod ex anima & corpore sic vel sic organizato coalescit: vnde etiam fit, vt cum agendi efficacia simul habeant patiendi necessitatem. Sed de hoc plura inferius.

Restat ergo videndum, an omnis anima sit indiuisibilis secundum quantitatem: sed notandum priùs est diuisibilitatem quantitatuam per se primò soli corpori competere, ratione quantitatis: ita vt substantia conflata ex materia & forma sit per se ac primo diuisibilis *vt quod*; quantitas vero, *vt quod*; sitq; ratio ipsa, & radix eiusmodi diuisibilitatis: formis, verò purè materialibus solum per accidens conuenit, vt hoc modo

modo partiiri valeant: quia eatenus solum ita sunt diuiduz, quatenus ad diuisionem subiecti diuiduntur: Hoc autem fit cum facta subiecti diuisione, in singulis partibus seiunctis manet eadem forma, quæ prius inerat: vt cum diuiditur aqua in duas partes: in vtraque manet forma aquæ: nam vtraque illa gutta separata, tam verè aqua est, ac totum illud, quod ex vtraque constabat: si verò facta diuisione, forma in vna solum parte, vel in nulla remanet, eo ipso constat eam non esse diuisibilem ad diuisionem subiecti: vt reuera compertum est euenire in omnibus animalibus saltem perfectis: nam si pedem ab equo abscideris, in eo non remanet equi anima: sed tota in reliquo corpore superstes manet: si verò caput, vel cor euulseris, illico perit anima, nec in vlla corporis parte amplius restitat. Quare hinc iam facis probata maneret sententia Thomistarum. Verùm quia celeberrima est hæc questio, eam paulo copiosius examinemus.

§. 2.

Decernitur questio.

CONCLUSIO. Omnis anima est indiuisibilis quoad quantitatem: ita D. Aug. lib. de Quant. cap. 31. Cur ergo, inquit, non cum tam multis argumentis superius adductis, atque abs te firmissimè comprobatis, planum tibi factum sit, non loco animam contineri, atque ob hoc nullius esse quantitatis: qualem in corporibus cernimus, aliquam causam suspicaris esse, cur non nullum animal concisum in omnibus suis partibus viuat? & lib. de immortalitate animæ cap. ult. idem probat eo quod si vermis pungatur in cauda, se totum mouet, quoniam anima, quæ est in cauda, eadem est in toto corpore, atque adeo talis anima est indiuisibilis. Id quoque confirmatur ex eo quod nisi anima esset indiuisibilis, non magis vna pars corporis compateretur alteri, quam vna pars ligni ad alterius distantis partis calefactionem concalescit. Plotinus Enn. 4. lib. 7. ex Platone idem probat ex eo quod necesse sit omnium sensuum vnâ esse, ac communem originem, idemque principium; quo nimirum sensuum omnium differentiarum conferri ac iudicari valeant, & sensus mutuo sibi connexi sint: atque ab vna quadam radice pendeant, & in vnum veluti centrum terminentur.

Sed fæuet quoque Aristoteles, qui primo de gen. statuit remanere idem viuens, & eandem formam in materia fluente. Ergo non diuiditur secundum diuisionem subiecti: quod enim ita diuiditur: vt in diuisis partibus manet diuisum, sic in pereuntibus perit, ergo non manet, vt vult Aristot. deinde in lib. de animat. 24. Nec absurdum, inquit, si non perdurant: instrumentum enim non habent, vt naturam conseruent: sed nihilominus omnes in vtraque partium (sc. insecti diuisi) insunt anima partes. Atque anime partes eadem sub specie collocantur: & etiam tota: illa quidem, quia non sunt separabiles; tota autem anima, quia indiuisibilis. Et

constat quod de insectis, & plantis hoc in loco loquatur.

Probat̃ur autem ratione sic: forma quæ diuersas in diuersis partibus dispositiones essentialiter exigit, necnon determinatum terminum magnitudinis, ea certè non est diuisibilis ad diuisionem subiecti: sed omnis anima est eiusmodi. Ergo. Mi. est manifesta, quia omnis anima est actus corporis organici, idque essentialiter. Ma. probatur: *primo*, quia omnis forma, quæ diuisibilis est ad diuisionem subiecti, potest reuera manere diuisa in qualibet parte subiecti: & consequenter essentialiter non exigit alias dispositiones, quam quæ in singulis partibus sunt. Ergo quæ diuersas in diuersis partibus dispositiones essentialiter exigit, non potest diuidi ad diuisionem subiecti: vtraque propositio patet inductione. *Secundo*, si forma, quæ talem in corpore diuersitatem essentialiter exigit, sit diuisibilis ad diuisionem corporis, oportet, vt habeat partes integrantes, quæ respondeant partibus quantitatis: illæ autem vel erunt homogeneæ, vel heterogeneæ: non primum quia similes vbique dispositiones essentialiter exigeret: non secundum, quia sic anima foret diuisibilis quoad essentiam, contrà id quod §. 1. definiuimus. Nec posset quælibet saltem pars animæ dici anima, quia non esset actus corporis organici: & consequenter quælibet pars corporis viuientis, non esset animata.

Confirmatur argumento Aristotelis, quo eos impugnauit, qui diuersas in homine partes animæ locis distinctas, admittebant: sic enim argumentatus est, si partes hæc forent heterogeneæ, vel subordinarentur vni alicui animæ totali, in qua containerentur, & conseruarentur, & tum daretur vnica, quæ indiuisibilis esset in toto corpore: vel non subordinarentur, & tum mutuo sese destruerent, vt contingit in cadauere.

Secundo probatur Conclusio: omnis forma, quæ non respicit totum & partes æqualiter, ea est indiuisibilis; nec potest parti ad diuisionem subiecti: sed omnis anima est eiusmodi. Ergo. Ma. patet à contrario, quia quæcumque diuisibilis est, æqualiter se habet ad quamlibet partem ac ad totum: neque adæquatè solù totum respicit, sed tam adæquatè est in singulis, quam in toto: v. g. forma ignis non habet maiorem ordinem essentialem ad ignem cubitalem, quam ad digitalem: ideo æque perfectè secundum essentiam conseruatur in corpore per exiguo, ac in maximo: ex quo etiam vterius sequitur in his quæ sunt eiusmodi, sola diuisione corporum fieri diuersa indiuidua eiusdem rationis, ac naturæ: quia partes distinctæ seruant formas eiusdem quoque rationis: in quolibet autè indiuiduo integra forma specifica plene, atque adæquatè conseruatur: secus autem contingit in formis omnium viuientium: ex siquidem aliter totum respiciunt, quam partes: essentialiter enim ac perse respiciunt totum variis, & heterogeneis partibus instructum: partes verò illas non respiciunt, nisi prout in toto sunt, ac per totum: & ideo in partibus illis, prout cessant ad illud totum pertinere, cessant quoque existere: factaque diuisione corporis non illico resultant plura indiuidua eiusdem cum diuiso speciei: sed diuersæ substantiæ multum disparis rationis.

Hinc alia subnaſcitur differentia inter formam diuiſibilem, & animam, quod illa vtpote reſpiciens æqualiter partes, ac totum, etiam æqualiter partes denominet ac totum: nam quælibet pars aquæ, aqua eſt: ſecus in viuentibus: neque enim quælibet pars equi, equus; neque quælibet pars animalis animal, &c. licet enim quælibet pars denominatiue denominetur animata & viuens, eo quod anima ipſi non deſit, tamen non dicitur ſubſtantiue, aut ſpecificè animal, equus, &c. quia quælibet illa pars non eſt adæquatum ſubiectum eiſmodi animæ.

Confirmatur. Quoties forma eſt diuiſibilis ad diuiſionem ſubiecti: tali diuiſione non debet deſtrui: ſed ſolum multiplicari: quoniam actus non repugnat potentia: neque dici poteſt quod cum potentia cuiuſpiam in actum redigitur, eo ipſo præciſe corrumpatur. Ergo quod diuiſibile eſt, eo præciſe, quod diuidatur perire non poteſt. At anima cuiuſque viuentis diuiſione euaneſcit. Ergo diuiſibilis non eſt.

Confirmatur ſecundo, vt forma diuiſibilis diuiſa, diuerſa indiuidua eiſdem ſpeciei creat; ſic ex pluribus illis indiuiduis reunitis reſultat idem quoque indiuiduum, quod prius. At quantumuis illa indiuidua, quæ generantur ex ſolutione viuentis iterum copulentur, nuſquam idem viuens, quod prius reuiuifcet. Ergo.

Hiſ planè Thomiſtæ conſentiunt, niſi quantum ad animalia imperfecta, ſtirpesque attinet: nobiſque obijciunt plantas & inſecta vt ſerpentes, lacertas, &c. ſeparatione non emori, ſed partes etiam diſſectas adhuc animari. Seca lacertam, abſciſſa cauda, nonne viuir? plantæ pars quælibet ſeratur, an non reuiuifcet? ſic de cæteris: ergo ſaltem hæ formæ non ſunt diuiſibiles. Verùm etſi hoc ſit probabile, tamen probabiliuſ eſt contrarium. Etenim æquè ſunt actus corporis organiſci, ac animæ perfectorum animalium: & perinde diuerſas in partibus diuerſis organizationes eſſentialiter exigunt, licet non tam perfectas. Neque diuidi quocumque modo poſſunt eiſmodi viuentia ſine corruptione: ſi enim inſecta per ſpinam doſi, aut per medullam diuidantur: haud viuunt ampliùs: ita de plantis. Ergo. Et quidem ſume lacertæ caudam, quæro, an tunc tota eius animæ eſſentia illi adſit, an pars? ſi pars, ergo, non eſſentia huiuſmodi animæ: ergo alio quodam animæ genere animabitur; ſi tota inſit anima: *contra*, hæc lacertam denominat, & lacertæ proprietates, ac vires exerit. At cauda lacertæ, non eſt lacerta: non iis pollet viribus, quibus lacerta: non videt, non lambit, &c.

SIT ERGO ratum ac fixum animam omnem eſſe indiuiſibilem eo modo, quo ſuprà explicuimus.

§. 3.

Obijciuntur, ac diluuntur aduerſæ partiſ argumenta.

OBJICIT. 1. formæ omnes, quæ educuntur è materiæ ſinu ſunt diuiſibiles, perinde ac ipſamet materia; ſed omnis anima, excepta ra-

tional, educitur ē materia. Ergo. Min. conceditur, Mai. probatur, quia diuersæ causæ habent diuersos effectus: sed singulæ partes materiæ sunt causæ materiales eius formæ, quæ ab illis educitur. Ergo diuersæ partes formæ sunt necessariò ex diuersis materiæ partibus educendæ. *Confirmatur* primo, quia debet esse proportio inter effectum, & causam: ergo ÷ causa diuisibili debet diuisibilis effectus deriuari. *Confirmatur* secundo, quia quidquid recipitur ad modum recipientis recipitur: at materia modum habet quantitatiuè diuisibilem. Ergo.

Resp. cum Thomistis, Durando, Zabarella, &c. negando Mai. ad cuius probationem distinguo Mai. sic: diuersæ causæ totales eiusdem ordinis habent diuersos effectus. *transseat*: diuersæ partes eiusdem causæ habent diuersas partes effectus sibi respondentes, *nego*: ideo sicut anima exiit in materia tota, sub ratione totius, & non sigillatim in singulis ratione illarum; ita educitur à tota materia, eam ratione totius expromente: non vero à partibus: id quod vltèrius prouenit ex actu seminali, qui quodammodo spiritalis est in materia, & ideo quasi spiritaliter exigit educi ex illa: vnde *ad primam Confirmationem* Resp. esse quidem proportionem inter animam, & materiam totalem quæ consistit in eo, vt cum anima sit actus corporis organici, àlterque ad totum, quam ad partes ordinetur, materia eius propria, & adæquata necessariò constet ex certis partibus: vnde solum sequitur, vt ÷ materia totali, & diuersimodè organizata educatur forma totalis, quæ sit essentialiter actus corporis organici: Ad secundam Resp. concessa Mai. distinguo Min. quidquid recipitur, &c. id recipitur secundum aptitudinem recipientis, vel ei quodammodo coaptatur, *Concedo*. cōtrahit intrinsecè modum essendi, qui est proprius recipienti. *Nego*. Nam & anima Rationalis recipitur in corpore: & tamen non fit propterea corporalis: accidens recipitur in subiecto per se subsistente; an propterea perse subsistit?

Obiic. 1. nisi anima materialis habeat partes respondentes diuersis materiæ partibus, sequeretur eam esse aliquando in corpore, ex quo non esseteducta: at hoc impossibile. Ergo. Mai. probatur: cū viuens nutritur, aduenit noua pars materiæ, in qua retens anima existere incipit: at ex ea non educitur, cū sit iameducta, educi enim est ÷ potentia prodire in actum: quamobrem cū iam ea in actu sit, repugnat eam iteratò educi. *Vltèrius*, ob illud nouæ materiæ accessum aliquando contingit, vt totum corpus constet ex illis partibus materiæ, quæ post primam formationem aduenere, ita vt nihil primigeniæ materiæ supersit. Cum ergo anima non siteducta ex illis partibus: neq; ampliùs quidquam remaneat illius materiæ, ex qua primū emersit, sequitur euidenter eam fore tunc in corpore, ex quo nulla vsquam ratione prodit.

Resp. primò, negari posse maiorem: & ad probationem dicendum erit, in nutritione animā vniri verè partibus aduenientibus, & non educi: neque repugnare, vt formæ, quæ eleuantur super materiam secundū gradū animæ, possint esse in corpore, ex cuius omnibus partibus non

emerferit. sed solum ex ea, in qua virtus eius seminalis prætexerit: unde ad id quod subditur, dici potest, eandem illam partem, ex qua primò producit, in viuente tandiu superesse, quandiu id vixerit, quasi primigeniam, & originalem vitæ radicem: quemadmodum multi censent de primo, & primigenio humido, quod vocant radicale: vt dicemus alijs.

Resp. tamen secundo id non esse necessarium. Ideo posse concedi sequelam Ma. & negari Mi. quoniam cum animæ illæ fiant extraduce, atque ex aliqua particula elementari, contemperata cum semine, sufficere videtur, vt in prima sui susceptione fuerint materia educæ: & deinde materiam habeant aptis organis distinctam, suæque consentaneam conseruationi, ita vt nequeant ipsæ vllomodo sine aliqua materia existere, cum qua totum viuens, aut animal conficiant: possint tamen sine hac vel illa.

Dices. Ergo migrant de subiecto in subiectum? Resp. distinguo, migrant ab vno subiecto totali, & adæquato in aliud, nego: à subiecto partiali in aliud parziale componens subiectum adæquatum: concedo: quid inde? erit, inquires, independens à materia. Distinguo, secundum educationem, nego; secundum esse, & conseruationem, concedo; dices, anima illa se se perse moueret in corpore. Resp. fateor, quid propterea? in hoc enim optimè supremum infimi conciliabitur infimo supremi: quoniam in genere formarum: naturales sunt infimæ, quæ nullo planè modo se se mouent neque in corpore, neque extrà corpus vt perse ab vna parte corporis in aliam migrent: supremæ sunt rationales, quæ in corpore ab vna parte in aliam similiter in nutritione se transferunt, & possunt etiam extrà corpus à quolibet corporeo loco se se in alium transmittere: quid ergo poterat recto naturæ ordini cõuenientiùs esse, quam vt anima media medio modo se habeat, & à rationali deficiat in eò quòd neque se se extrà corpus mouere queat; naturalem veid formam excedat, quòd id possit in corpore.

Obiic. 3. forma, quæ dispositiones extensas in materia exigit, debet esse diuisibilis: sed anima quælibet est huiusmodi. Ergo. Ma. patet, quia forma quæ pendet à materia extensa, & diuisibili, prout tali, verè diuisibilis sit, atque extensa oportet, sicut quæ pendet à subiecto indiuisibili, & spiritali, quatenus talis, verè spiritalis est: tum quia, hæc dependentia nequit in alio fundari, nisi in coextensione formæ, quæ cum partibilis naturâ sit, subiectum quoque partibile exigit. Minus autem euidentiùs est: cum enim anima sit actus corporis organici, & organicum corpus esse nequeat, nisi extensum, sequitur id quod diximus. Resp. negando Ma. & ad probationem dico formam, quæ pendet à tali materia esse quidem diuisibilem, vel per accidens secundum quantitatem, vt formam omnem naturalem; vel per se secundum virtutem, vt animam: deinde illa paritas, quæ adducitur, negatur: nam forma nulla per se diuisibilis est quantitatiuè: sed solum per accidens, id quæ ratione subiecti, cui diuisibilitèr coextenditur: quando autem

subiectum non est diuisibile, neque extensum, repugnat formam illi cubantem diuisibilem reddi, vel per accidens, i. ad diuisionem subiecti, siquidem subiectum diuisibile non est: ad aliam instantiam. R. dependentiam animæ à materia diuisibili fundari solum in perfectione actus multiformi virtute præditi: ideo enim exigit subiectum diuisibile, quoniam ordinatur ex essentia ad exercendas varias operationes per varia organa. Hæc autem nihil facit contra nos.

Obiic. 4. Multa sunt viuientia, quæ facta diuisione partium, adhuc viuunt, vt videre est in lacertis, & cæteris serpentibus: & communiter in plantis. Ergo saltem horum animæ sunt diuisibiles ad materiam diuisionem. Imo idem in perfectis animalibus obtingit: caput enim Galli Gallinæ abscissum diuinit: & testatur Auerroes 7. Phys. t. 4. vidisse se taurum capite truncatum ambulare: id quod Galenus etiam de homine refert, cui cor abstractum & auulsum fuerat. Resp. primo, nego conseq. quia hoc inde potest oriri, quod in horum corpore sparsæ sint seminales rationes proximè dispositæ ad actum secundum educendum: cum enim formæ huiusmodi ob suam imperfectionem minima egeant textura organorum, facillimè possunt aptum subiectum nancisci: & ita citissimè progigni. Ideo Arist. de Iuuent. & Senect. c. 1. ait insecta eam particulam, à qua pendet animalis vita, id est, semen perfectum, habere actu vnam, virtute verò plures. Quapropter quæ post diuisionem verè viuunt: noua tunc anima informantur quæ recentior tota è materia educitur, & nullo modo prioris pars vlla fuit: id quod præsertim de plantis dici debet: quoad animalia, verò etiam insecta dici merito potest, quod non tam anima noua sit, quam animæ prioris degener quædam participatio: sæpe etiam non anima, sed spiritus quidam insito calore diuulsas partes agitans, cuius quidem signum est, quod motus ille partium separatarum, vt caudæ, &c. non diu duret. Denique idem tunc in huiusmodi viuentibus ita diuisis euenit, ac in dictione composita, cum partes eius definitum quid significant, vt *Lucifer, Dominus*, &c. separatis partibus suum cuique superest significatum: at non idem, sed diuersum, vt *Lucifer, dominus*, &c. Ita S. Aug. cit. supra: Quantum verò ad animalia perfecta: Certum est membra distracta non viuere: sed verò à substitutibus spiritibus adhuc aliquantum agitari: vel fabulosa esse, si quæ fingantur inuiscata: potuit etiam arte dæmonum taurus capite minutus currere: & similiter homo, cuius Galenus meminit: nec mirum est moueri aliquādiu posse corpus emortuum vi spirituum, qui supersunt: sunt enim viuacissimi, vt pote lucis & ignis naturam referentes: illque sensum languentibus, & refrigeratis, aut euanescentibus, motus illi pariter cessant.

Obiic. 5. Arist. 8. Phys. t. 48. monstrat non posse virtutem infinitam esse in magnitudine finita, quia forma materialis diuiditur ad diuisionem materię. Resp. sensum huius propositionis, quæ maximè torquet eius interpretes, esse solum eiusmodi, vt virtus finitæ magnitudinis, corpori vt proprium eius accidens inherens, non possit mouere æterno tempore, quia diuisibilis est, sicut magnitudo.

CAPVT VIII.

DE DIVISIONE VIVENTIVM
& Animarum.

§. I.

Tria esse Animarum genera.

COMMUNE est Peripateticorum effatum, tres tantum esse gradus & ordines animarum. Nimirum aliam esse merè vegetantem, quæ solis plantis; aliam sentientem, quæ solis animalibus: & aliam quæ soli homini competant. Ad has reuocari possunt omnes alæ. Ratio huius diuisionis petitur non ex diuersis differentiis specificis, aut genericis: quoniam multò amplior facienda esset hæc diuisio; sed ex solo modo agendi, qui reuera secundum se magis, aut minus super modum purè naturalem formarum simplicium eleuatur. Ita primus gradus est earum, quæ proprias functiones, motusque intra se, ac per sese exerunt, videlicet nutritionem, generationem, accretionem: non impulsæ ab extrinseco agente; sed natiaua virtute se ad agendum conferentes: & is est animarum vegetantium. Secundus est earum, quæ obiecta materialia per formas quodammodo immateriales, quas vocant species intentionales percipiunt, ac per eas sentiendo, eliciunt actiones vegetatiuis multò subtiliores, puriores, & spiritaliores, & is est animarum sentientium. Tertius est earum, quæ omnino incorporeis speciebus circa incorporea, incorporeas quoque operationes exercent: & is est animæ rationalis. Vegetantium porro multa sunt genera, vt dicemus infra, itemque sentientium: sed rationalis, vnica species. Hinc optimè D. Thomas in 1. p. q. 78. a. 1. sic toto genere distinguit operationes huiusmodi animarum: vt operatio rationalis sine vlllo corporeo instrumento eliciatur; sensitua; sine qualitate corporea, & elementalī, nisi summum præsuppositiuè; vegetalis verò, vtriusque his principaliter vtatur, dum interim ipsa se intus obiecto proprio applicat, nouam ad se materiam rapit: & in ea se multis modis versat: sequè in illam indiuisibiliter extendit: quod nulli formarum purè naturalium conuenit. Rationalis fertur in obiectum omnino immateriale, & vniuersale. Sensitua, in obiectum materiale & singulare, sed distans, & modo spiritali quadantenus, atque indiuisibili vnium, nempe per species. Vegetatiua denique ad obiectum planè corporeum, & immediatè ac per se ipsum, necnon & modo extenso, ac diuisibili coniunctum, & tamen se ipsa indiuisibiliter vnit, illabiturque.

Circa hoc tamen fuit olim non levis inter Philosophos concertatio. Epicurus, & qui eum secuti sunt, ut Lucretius, itemque Stoici non admittabant in plantis animam; eo quod non cupiditate, seu appetitu elicit, sed solo naturæ ductu agerent. Secus Empedocles, Plato, & Anaxagoras, teste Plutarcho l. 8. de Plac. plantas animalia vocitabant, eisque sentientem quandam animam vindicabant: id quoque Democrito attribuitur. Qui ergo animatas esse plantas inficiebantur: his rationibus utebantur: *primo*, anima secundum etymologiam Græcæ ἀνὴρ ἵψ' *ψυχή*, significat id quod spirat, seu quod stando refrigerat: at id non convenit plantis. Ergo. *Secundo*, Sacra Scriptura narrans rerum Generationem, plantis solum attribuit hoc quod est vivere, semen habere, fructum edere: at solis animantibus, anima pollere. *Tertio*, ex Platone in Timæo, quidquid est particeps vitæ, animal est: quia Græcè ζῷον, quod sonat animal, venit ἀπὸ τοῦ ζῆν, quod vivere significat: quare quidquid particeps est τοῦ ζῆν, id ζῷον sit oportet.

Aliunde, qui volunt plantas anima sentiente præditas esse, his solent uti argumentis. Inest ipsis verus appetitus, necnon aliquis voluptatis, ac tristitiæ sensus; tamen si multum obtusus ut voluit Plato in Timæo. Ergo. Ant. patet ex innumeris effectibus antipathicæ, atque sympathicæ, qui inter stirpes adnotantur. *Primo*, succus ille alimenti, electioque & secretio consentanei à noxiis, quid nisi sensitivam cognitionem arguit? quidue illa post convenientem apti, propriique alimenti copiam externa hilaritas, nisi naturalem quandam voluptatis perceptionem indicat? *Secundo*, palma formina in marem blandioribus comis nutat, & ad eius præsentiam fortunatius concipit, ac parit. *Tertio*, vitis à lauri vicinitate refugit, quod ab eius caliditate lædatur; & odit corylum, cucurbitam, brassicam, &c. quod ea terræ succum exhauriant. Cucumeri admove oleum, retro se agat; aquam tamen si exhibueris, in eam ruit, quo impetu, nisi appetitus? *Quarto*, mirabilia sunt, quæ recenset Theophrastus esse nimirum ad Euphratem herbas Heliotropicas, quæ occidente sole altissimè suum in mare verticem florulentum demergant, oriente, mox exaltent. Ad Memphim quoque esse arborem facie spinosam, & folio filici similem, cuius si quis ramulos contigerit, folia concidant, & marcescant; rursusque se relictæ exportrigant. Plinius eam aut certè similem αἰγυρὸν ὀψύνην vocat: similis in Pudisetana Indiæ orientalis provincia nasci refertur: itemque in Malabaria: & reuera modo in Galia visuntur eiusmodi plures, quæ ob id sensitiuæ dicuntur: aliæque celebrantur quasi iracundæ, eo quod tactæ mox se contrahendo dilacerent, perinde ac si quadam indignatione mouerentur. An non ista omnia sensum arguunt: saltem aliqualem.

Nihilominus tenendum est, quod supra diximus, dari scilicet veram animam in plantis, verè à sensitiva distinctam. Quoniam communi Philosophorum sententia usurpatum est, nomine animæ id reuera intelligi, quod habet in se vnde se moveat, vel quod alicui composito causa est, cur à se, & in se multas operationes exerceat, iis multò superioris

riores, quas corpora purè naturalia solum extra sese exercent: cuiusmodi sunt augmentatio interior: nutritio, generatio similis,eductio, atque germinatio florum & fructuum, &c. Huiusmodi enim actiones gradu quodam nobilitatis, supra motus naturales gratium, aut leuium, calefactionemque, & frigefactionem, aliasue eiusdem ordinis certè transcendunt: ideo nobilius debuit illis principium assignari. Verùm fatendum est illico huiusmodi animas in eo genere infimas esse, ac si verum dicere liceat, vix nomen animæ promereri. Vmbra potius, seu vestigia sunt animarum, simileque quid animis, potius quam veræ animæ: ita vt quemadmodum Plato animam sentientem vocat solum vestigium animæ rationalis: sic animam vegetatiuam possimus sensitiuæ participatiunculam dicere.

Hinc respondeo ad primam partem obiectionis fatendo nomen animæ secundum primam impositionem cadere in animam sentientem, imo & si Platoni volumus credere, præcipuè in intellectuam. Ipse enim in Cratylo ait ψυχὴν, animam esse id quod illapsum corpori causa est vitæ, respirandi vim ipsi afflans, idque ἀναψυχὴν efficiens, id est, moderata quadam caloris, & frigoris temperie refocillando: tum aliā etymologiæ rationem perferutatus ait ψυχὴν, dici quasi ψυσιχὴν, quippe, quæ sit id quod ψύειν ὀχεῖ, & ἔχει, id est, naturam peruadit, & continet, quod proprium mentis diuinæ Anaxagoras opinabatur. Huc etiam accedit etymologia Hebræica נֶפֶשׁ nephes anima, halitus, vita, sit à verbo נָפַח naphes, respirare. Idcirco scriptura sacra haud frequenter animæ plantarum meminit.

Ad alteram vero partem, quā probabatur animam plantarum esse sensitiuam, facile quoque respondemus. Ea omnia solum vim sympathiæ declarant, aut vires occultas, rebus etiam naturalibus, & stupidi-
dissimis à Deo insertas, in quibus aliquando adhuc multò mirabiliora deprehenduntur, quam quæ enumerata sunt, vt in ferro, & magnete, in geminis, metallis, &c. constat. Vide quæ in Phys. diximus c. 26. §. 17. differentia tamen ingens incurrit inter hæc sympathias, vel aliquando naturalis inclinationis motus, & functiones animæ sentientis. Primo enim videmus appetitum brutorum excitari post apprehensionem obiectorum, & hanc in iis per eadem organa, & eodem modo fieri, ac in nobis. Horum autem nihil in plantis experimur. Secundo, motus illi extraordinarij plantarum sunt simplices, & ferè vniuersimodi, ac semper eodem modo cōtingunt; at appetitiones & sensationes innume-
ris modis variantur. Appone ossam cani, non semper eam appetet; si videlicet satur iam fuerit, aut si aliud delicatius olfecerit; neque sola illa delectatur, &c. Denique concludo cum Scalig. contra Card. exerc. 138.

Quare natus nuper hædus ad vbera capra, mox ad frondes: catellus ad canis mammas, postea ad carnes sese conferunt? cur non hic ad illam, & ad illas non ad hanc, & ad has ille? Habet enim in se secum species concreata: quarum idea motus supra volentem miluim fugiet pullus, non fugiet coruum. Quæ vero per sensum amant, aut oderunt; ea possunt non amare,

aut non adfſſe. Idcirco lupum vidimus inter oves cicurem : leporem aluimus inter canes venaticos : quia quæ cognitione prædita ſunt, accipere queunt legem diſciplinæ; &c.

Deinque cauendum eſt ne ipſam quoque ab animantibus animam ſenſitiuam velint noui Philoſophi eliminare : ita vt neque ſenſus in illis proprius, neque voluptas inſit, neque aliud quidquam earum affectio- num, quas ſecundum partem animale, ſive ſenſualem experimur in nobis, eo etenim omne illorum ſtudium collimat, vt quidquid atomorum figuris, diſpoſitionibus, & motibus explicare vix queunt, omnino ſigificantur : vnde liberè docent in brutis, propriè non eſſe animam contra illud Genef. 1. *Creauit Deus Cete magnum, & omnem animam viu- entem, atque motabilem, &c.* Et Prouerb. 12. *Nonit inſtus iumentorum ſuorum animas.* Quid? nonne cognitio illis ſæpe attribuitur? *Cognouit hos paſtorem ſuum, Ma. 1. Milui in celo cognouit tempus ſuum : turſur, hi- rundo, ciconia, &c.* Ierem. 8. Ad hæc & ſæpiſſimè ſcriptura nobis proponit beſtias in typum eorum hominum, qui mente occæcati, ſen- ſus appetitum ac voluptates impenſè proſequuntur. *Hi namque, in- quit Angelus ad Tob. c. 6. qui coniugium ita ſuſcipiunt, vt Deum à ſe & à ſua mente excludant, & ſua libidini ita vacent ſicut equus, & mulus, quibus non eſt intellectus, habet poteſtatem demonium ſuper illos.* Et Ierem. 5. *Equi amatores, & emiſſarij facti ſunt.* Denique ni cognitione prædita eſſent, acci- pere nequirent legem diſciplinæ. Eiufmodi infinita ſunt alia, ex quibus pluſquam abunde colligitur brutis ineſſe ſenſum, appetitum, volupta- tem, & affectus eiufmodi, quales nos ex ſimilibus obiectis, & in parili- bus inſtrumentis corporeis experimur. Et certè id inde an non conuin- citur, quòd in ſiſdem ipſa, ac nos organis inſtruantur? cum enim linguam eo artificio conſtructam habeant, & eadem auiditate videamus ea in oblatum pabulum irruere, quæ poteſt rationabilis cauſa ſubeſſe, cur non in edendo delectentur? ſic de reliquis : nam cum nulla nobis ſu- perſit viâ inueſtigandi occulta, quam ex effectibus, vt vbi communes effectus parent, ibi commune quoque, idemque principium agnoſca- tur. Videmus in feris eaſdem omnino voluptatis, & ſenſus demonſtra- tiones, cur ergo eas verè delectari negaueris? repugnant hæc, inquires, noſtris principiis : quid ergo? an tibi licebit naturas rerum inuertere & patentibus demonſtrationibus vale dicere, quia placuit noua tibi principia eudere?

§. 2.

Esſe nihilominus quinque potentias animæ, & quatuor viuientium genera.

INTERIM notandum hic eſt, licet tres ſolùm ſint animæ eo quo di- ſtinximus modo, tamen ex D. Thomæ, & Ariſtotele quinque admitti po-

tenças rerum viuentium: nempe vim vegetandi, sentiendi, loco mouendi, appetendi, intelligendi, quarum obiecta & discrimina vide apud S. Thom. 1. p. q. 78. a. 1. Quamobrem alia est ratio distinguendarum potenciarum eiusmodi: alia graduum animarum. Potentia enim penes diuersas vitæ operationes multiplicatur: gradus verò animarum, penes diuersitatem subiectorum, in quibus prædictæ vires reperiuntur, prout scilicet specialem quandam habent operationem, prærogatiuam, & elevationem supra formas naturales, quamobrem si locomotiuæ, & appetitiuæ, spectent necessariò ad aliquod idem subiectum, cui aliqua ex tribus reliquis conuenit, licet ipsæ multiplicentur, non ideo multiplicabuntur animæ: at qui hoc ita euenit: quia sensitiuæ & appetitiuæ eidem conueniunt: suntque ambæ eiusdem abstractionis, seu elevationis. Ergo: Similiter loco motiuæ, quatenus progressionem spontaneam inuoluit, appetitiuæ coniuncta, necnon & coequalis est. Ergo, &c. Potenciarum porro distributio talis est, vegetatiuæ circa obiectum internum occupatur: nam etiam circa tale quid vis procreatrix versatur, dū nimirum sperma conficit, ac secundat: à fortiori vis concoquendi, alendi, augendi, expellendi noxia, salubria fugendi, &c. reliquæ quatuor ad externum se ferunt: sensitiuæ, & intellectiuæ per species, illa per sensiles; ista per omnino spirituales. Appetitiuæ bonum vt finem: loco-motiuæ, centrum vt motus terminum, respiciunt.

At quatuor viuientium genera rectè constitues. Quædam vegetantur, quædam sentiunt, quædam loco se mouent: quædam intelligunt. Hæc porro, quatuor, sic distinguuntur; non quòd sint quatuor tales animæ distinctæ secundum genus animæ: nam quòd loco se mouet, (eo scilicet modo, quo id intelligimus, nempe progrediendo sponte quauersus, nequit in aliquod genus animæ incidere, quòd à tribus prædictis distinguatur. Cur ergo, inquires, constituit diuersum genus viuentis, si diuersum animæ genus non inducit? R. quia datur animal sensitivum, quòd non è loco in locum se trahit: ac verò nullum est è loco in locum se transferens, quòd non sit sensitivum. Ita multiplicatur viuentia, non verò animæ. Vide igitur disparitatem quod datur anima vegetatrix, quæ non est sentiens; ergo distinguitur: datur anima sentiens, quæ non est rationalis: ergo distinguitur. At non datur loco-motiuæ, quæ non sit sentiens: cur ergo distinguitur? Hæc sufficiant.

De diuisionibus viuientium in particulari, præsertim

animalium.

QUÆ res viuens diuidi primo potest in id quòd est secundum naturam, & quòd est præter naturam: illud est quòd regulariter fit: istud quòd à recta natura legè deficit, sicut monstrum: de quo hic modo non est differendum.

Primum scilicet naturale, & regulare diuiditur, vt diximus, in animal & plantam.

Animal irrationale & irrationale. Rationale unicam habet speciem: quamquam antiqui plures eiusce generis species concedebant, eo quod crederent ab intelligentiis diuinis corpora quædam celestia, ignea, æthereæ circumgestari, unde animalium totidem species admittebant: quo factum fuit, ut homo consueverit aliquando definiri *animal rationale, mortale, gressibile*: sed hæc opinio nunc exoleuit. Ideo unica solùm species animalis rationalis admittenda est: nempe homo; qui mensura, & exemplar cæterarum animantium merito potest appellari.

Ad Brutum ergo animal veniamus. In primis id ratione destitui certum est, ut constat ex dictis supra contra Porphyrium, Plutarchum, Elianum, &c. nam reuera nec numerare, neque vniuersalium quidquam attingere, aut rationari queunt: alioquin virtutis, & vitii legibus tenerentur. Quinobrem quidquid de elephantis, ceruis, apibus, canibusque apud Elianum, aut Liphium, aliosve repereris, quod miræ, ac penè humanæ solentia argumenta prodat, id nihil aliud arguit, quam esse in istis animantibus sensum communem, & phantasiam acutiorē propter exactiorem temperiem sanguinis, & spirituum cordis, & cerebri; ad summum esse solummodo in iis instinctum singularem ab auctore naturæ inditum, quo in iis umbram aliquam, & quasi prælium rationis præformaret: sic enim inferiora solent umbram superiorum exhibere, ut hac mirabili perfectionum symmetria rerum omnium harmonia solidius, concordiusque firmetur.

Brutum porro vel perfectum est, vel imperfectum. Perfectum adhuc in terrestre, aqueum, & ærium diuiditur. Terrestre dicitur, quod terreo magis temperamento poller: aqueum, quod aqueo; æreum, æreo.

Terrestre multiplex adhuc partitio est. Gressibile enim aliud, aliud reptile: item aliud ouiparum est, ut salamandra, stellio, lacerta, &c. aliud viuiparum, ut elephas, leo, equus, &c.

Aqueum continet piscium genera, quorum item alij viuos foetus sine ouis pariunt, ut cete, delphinus, phœns; alij non nisi ex ouis, quæ quodammodo concepta, non perficiuntur ut in auib; nec emittunt foetum, nisi prius à lacte masculi (quod eius semen est) irrigentur: ita ut quæcumque oua illo aspersa lacte fuerint, pisces fiant: reliqua non item.

In piscibus cor inuersum est: & ab eo in branchias meatus porriguntur, per quos humor attrahitur, quo ventiletur, & refrigeretur: pulmone carent proprie dicto, & aspera item arteria. Audiendi, & olfaciendi organa, si habent, ea valde latent, & obtusa sunt; oculi emittunt, duri sunt, & palpebrarum expertes.

Piscium alij exangues sunt, alij tamen humore loco sanguinis abundantes, ut sepiæ, polypus, lepus marinus: itemque ij qui crustaceam, vel testaceam cutem habent, ut canes, conchylia, ostrea, &c. Alij vero sanguine sunt, ut cuiusque notum est.

Ad æriam volucres pertinent, quæ omnes sunt ouiparæ, & bini tantum constant pedibus: renibus carent, & vesica; unde urinam non emittunt, paucoque potu indigent.

De diuisione viuientium, & Animarum. Cap. VIII. 93

Præter hæc sunt quedam animalia; quæ amphibia nominantur: nimirum, quæ in terra simul, & aqua viuunt: ea pulmones habent, & quando in aqua dormiunt, respirandi causa os aquæ exerunt: secus ac veri pisces.

Ex his alia sunt quadrupedia, vt crocodilus, rana, lutra; alia reptilia vt natrix, &c. alia volatilia vt mergus, vrinatrix, anas, ferunt. &c.

Neque hic omittendum est, quod multi referunt sese nauigando in America præsertim apud Brasiliam vidisse pisces pennatos instar vespertilionum. Nimirum pisces sunt halece paulò longiores & rotundiores, qui gregatim è mari emergere solent, ac sublime volare hastæ altitudine: & ad centum circiter passus. Sæpe hi ad malum nauium impingentes decidunt, manuque capiuntur, & sapore sunt suauissimo. Hæc de perfectis.

Imperfecta, quæ insecta nominantur, quod diuersis incisuris distincta sint, & viuere post sectionem aliquandiu videantur: vt plurimum carent sanguine; vt & pulmonibus: quocirca si quando sibilant, aut bombinant ex incluso quodam spiritu ad septum corporis alliso id prouenit, aliquando ex putri nascuntur; aliquando non, vt diximus in Phisic. cap. 16. §. 4. Horum aliqua sunt pennata, eaque vel binis alis prædita, vt muscæ, culices, papilioes: vel quaternis, vt apes, vespæ, cicadæ, scarabæi, cantharides, &c. & hæc quandam veluti vaginam habere dicuntur, quâ suas hæc alas integunt.

§. 4.

De stirpibus, earumque partibus.

TERTIUM genus viuientium diximus esse plantam: quod adhuc multifariam diuiditur, ac vix dum certa quadam ratione, vt videri potest apud Scaliger. exerc. 139. contra Cardanum. Quamobrem sufficiet hic præcipua de Plantis annotare: nam qui plura de his volet, consulat Scaligerum cit. Theophrastum, Plinium, Aristotelem, Boddinum, &c. sed in primis Dioscoridem, tum Mattiolum.

Prima diuisio fit in arborem, herbam, fruticem, suffruticem.

Arbor in stipitem altius crescit, herba humilidius subsidet; frutex à radice ramos profert, vt rosa, myrthus: suffrutex trunco hæret, sicut ruta, viola, hederæ, salvia, abrotonum, &c.

Aliter diuiduntur in steriles & frugiferas; ex quibus alix baccas solum, alix nuces, alix glandes, alix fructus edulos ferunt, &c.

Partes plantarum sunt radices, caudices, rami, folia, flores, semina, fructus, cortices, albumi, medullæ, succus, siliquæ. Habent & fibras, quæ illis venarum & nervorum instar sunt: hæc omnia perfectis insunt, haud ita imperfectis. Radix ex Aristotele in plantis est id quod in animalibus est caput: huic cohaeret caudex, qui alimentum à radice attra-

Lib. 1. de
plant. c. 2.
2. de ans.
MA C. 4.

etum concoquit; vocaturque caulis, truncus, stipes. Medulla præcipua est sedes vigoris, ac vitæ in corporibus germinantibus, estque veluti officina spirituum vegetantium, & prolihorum, Hinc à Physicis vocari solet cor plantæ, seu matrix. Per principales & maiores plantæ partes diffunditur, scilicet per truncum, & ramos; & inde ad surculos derivatur: ideo partes plantæ diuise facile reuiuiscunt, quia cum ea medullæ partē, quam retinent, habent, quoque plurimum humoris vitalis, qui lentus & minus dissipabilis cum sit, pertinacius hæret: in eo autem seminalis ratio multum abundat. Reliquæ partes per se notæ sunt, neque quidquam dicendum restat, nisi vt aduertamus flores à foliis distingui eo solum quod ex benigniore, atque exquisitiore humore ipsi generentur: ideoque suauiore odorem spirant: quod raro foliis conuenit: aliqua tamen bene fragrant, vt lauri folia: quærit autem Scaliger, an folia sint arboribus ornamento solum, an adminiculo. Resp. utrumque: sunt enim stirpibus id quod capilli hominibus.

Quod in Plantis præcipuum videtur, id generatio est: semen enim habent vel manifestum, vel occultum: illud iniectum terræ liquescit, & calore cum insito, tum cælesti fouetur, simulque humor à terra illi consentaneus atra hitur, quo cum semen intumescit, rumpitur, quia nimirum eius maior calore decoctus in aërem abiit. Interim qua parte germen rumpitur, oritur germen initio molle, dein firmius: & quod in eo subtilius est, sursum; quod densius, manet deorsum, radicem compacturum. Prout calor internus seminis vegetior, & intensior fuerit, humoremque iactus molliorem fuerit, citius semen germinabit. Quamobrem alia aliis citius, tardiusque pullulant. Quædam intra ternos dies vt rapa; alia vix intra annum vt prœonia. In his ars naturam iuuare potest. Caterum plurima vltro ab ea vi, quæ terris Dei munere consignata est, necnon ex rationibus seminalibus à Deo in textura elementorum perspersis eueniunt: cætera seminibus, radicibus, propagatione, insitione, inoculatione, plantatione, talearum projectione, aliisque eiusmodi culturis expullulant. His tamen omnibus præsupponitur humor aliquis internus, cui terræ humor accrescens, vitæ materiam subministrat, idque non sine genitalis caloris adminiculo.

Quædam autem stirpes sunt, quæ ad sui generationem ex parte materiæ tam pauca desiderant; vt sola fere terræ, & aquæ permixtio sufficiat ad rationem illarum seminalem concipiendam, fouendamque. Ideo sine semine manifesto sponte in fundis nascuntur, vbi multa prætermodi temperata exuberat: quæ quia in rimis, ac poris multarum rupium latet plurima, hinc etiam sæpe diuersæ plantæ germinant: eamque germinationem iuuat calor putredinis, itemque solaris firmius intra prædura corpora conseruatus. Neque omittendum, quod ait Aristot. 2. de plantis cap. 5. scilicet aërem angustis montium, rupiumque meatibus inclusum, dum nititur egredi ascensurus, agitatione sua incallescere, ac ita imbibitum humorem ab eo aëre concalescens, extenuatumque foras elicit; & inde herbas illas nasci: sed cur opus tot machinamentis? Calor

vitalis, an non viger vbique? quidni & vi expultrice, itemque propa- quæst. nat. 16. c. 16.
trice polleat? Audi Senecam, non esse terram sine spiritu, palam est: non
tantum illo dico, quo se tenet, ac partes sui iungit, qui inest etiam saxis,
mortuisque corporibus: sed illo dico vitali, & vegeto, & alente omnia. Hunc
nisi haberet, quomodo tot arbutus spiritum infunderet, non aliunde viuenti-
bus, & tot satis?

Habent præterea stirpes, quemadmodum ceteræ animantes faculta-
tem attrahicem, qua sugunt alimentum; retentricem, qua retinent ad-
ductum; alteratricem qua in sui substantiam vertunt, & expultricem
qua excrementa egerunt.

Interim hic mirari decet summi conditoris industriam: cuique enim
genti, quæ necessaria erant abunde, prospexit. Superflua verò, parcius:
contrariaque in contrariis mirabili sane industria conferta fouet, ac
conseruat. Australes indigenæ temperie sunt frigidi: his aromata, vites-
que præcalidas largissimè prouidit: Negauit verò Scythicis, ac Germa-
nis, alioquin præcalidis. Simili quoque artificio multas calidissimas stit-
pes in locis frigidis nasci voluit vt Phylandrium, piper aquaticum, na-
sturtium Psyllium, &c. & contrà. Item succum aurei mali frigidissi-
mum cortice calidissimo contextit, quemadmodum & præsiccam ter-
ram, aqua, &c. Atque hæc de plantis sufficiant.

CAPVT IX.

DE PARTIBVS CORPORIS animati.

§. I.

Anatomica, & breuis humani corporis partium descriptio.

PARTES animalis multiplicis generis sunt. Primum enim hæc
sunt internæ, vel externæ: illæ rursus sunt, vel heterogenæ ac
dissimilares, vel homogenæ, & similes: quæ rursus sunt vel
fluxæ, liquidæ, vt humores; vel solidæ vt ossa, nerui, &c. Omis-
sis humoribus, de quibus infra: hic de singulis aliis pauca perstringemus,
quatenus Philosophiæ scopus exiger, vt nimirum ea quæ solent de vite,
sensuumque functionibus disputari, clariùs valeant internosci. In ex-
ternis autem non immorabimur: vnicuique enim nota est constitutio, si-
ue figura capitis, manuum, pedum, &c. tum si quid in iis scitu dignum fue-
rit ex internis dignoscetur. Internas ergo diximus esse vel dissimilares,
vel similes, Similes sunt simplices quædam particulæ corporis, ex
quatuor humorum temperatura consurgentes, ad alias partes siue orga-

na conflandum ordinatæ. Huiusmodi sunt *cerebrum, nervus, medulla, os, vena, fibra, caro, tendo, cartilago, adeps, sanguis, &c.* Dissimilares, quæ ex his, vt membra omnia perfecta & absoluta, vt caput, stomachus, cor, venter, &c. Hæ his verbis continentur.

Octo similes sunt partes, nervus, adeps, os

Arteria, vena, caro, cartilago, cutisque

Officiis anima numero sunt membra viginti

Cor, iecur, & cerebrum, testes, vesica, lienque.

Et stomachus, pulmo, renes, cum pectore dorsum,

Aures, os, oculi, collum, caput, & pes.

Similares ita breuiter declaremus. *Nervus* est substantia cerebro per- similis, sicciior tamen, durior, & densior, deferendis spiritibus ad motum & sensationem necessariis idonea. Huic affine est *ligamentum* : est enim corpus nervosum, quo inuicem ossa colligantur. Inter hoc & nervum est *tendo*; de quo, cum sermo erit de vi motiua, plura dicemus. Nervus gigni à semine voluit Galenus, quia periti, resarci non possunt: alij ex carne calore concocta, & indurata. *Vena* & *arteria* sunt ductus quidam, siue canales naturales per quos sanguis & spiritus deuehuntur.

* *Arteriæ* oriuntur à corde, vt Medici ex pulsu coniciunt: distinguuntur autem à venis, quod illæ pullsent, non hæ; illæ oriri manifestè videantur à corde, hæ verò ex Hepate. Illæ spiritus, hæ sanguinem vehant. *Venæ* vnica tunica constant, fibrisque rectis distinguuntur. *Arteriæ* vero duplici tunica: exteriore scilicet vna, quæ similis est tunicæ venarum; altera interiori, quæ durior est, crassiorque, fibrisque transuersis contextitur: cum quadam cuticula in superficie simili aranearum telæ. Has quoque ex semine oriri vult Galenus, quia reparari non possunt.

Caro quadruplex est: prima sine nervis, secunda musculorum, qui ex carne, ligamentis & tendonibus constant: nervis quoque ac arteriis quibus aluntur, stipantur: tertia glandulosa & crassior: quarta est ea viscerum. Carnis officium est, vt quemadmodum vestis naturalis corporis, membra foveat, defendatque ab externis incommodis.

Cartilago est quid medium inter carnem & ossa: frigida, dura, & sicca, minus tamen quam ossa: quædam est in extremitatibus ossium, ne ipsa in motibus atterantur, carnesque lædant: quædam ab his separata propter alios vsus; ex mucoso quodam humore illi circumfuso alitur. A semine secundum Galenum; à sanguine, aut ab indurato nervo secundum alios gignitur.

Cutis ad tegendum corpus data est. Aliaque exterior est, quæ cuticula dicitur, siue *cutis*: alia interior, quæ simpliciter cutis nominatur: illa tenuissima est, & sensus expers: Hæc crassior est, temperatissima, inter carnem & nervum media, rara, perspicua præcipue humana, habens meatus ad expellenda excrementa, vt sudorè & alios halitus transpiratos. Auelli potest à carne præterquam in fronte, & labijs propter musculos.

culos In quibusdam animalibus durissima; in aliis pretenuis; in aliis medio modo. In homine ita cum carne coalescit vt inferri non possit nocumentum cuti, quin etiam carni inferatur: Cuti pinguedo; pinguedini membrana quædam subiicitur, quæ panniculus vocatur; in brutis adhæret adipi, ideo pannus carnosus: in homine ipsi cuti per villos quosdam hæret; nervosaque est: ideo pannus nervosus appellatur.

Membrana est quoddam integumentum carni genus, diciturque tunica: & nascitur ex substantia membrorum, aut vt aliquibus placet, vel per uorum; vel è semine: vestitque quodlibet membrum, & ossa, & viscera: spissior ac tenuior datur. Circa cor verò, cerebrumque robustissima est.

His denique ossa debemus attexere: ea terræ naturæ sunt frigida scilicet, & sicca, vt enim è viscoso terræ genere dum calore præcoquitur, & frigore addensatur, lapides fiunt, sic ossa ex parte seminis magis terrea, calore recoquente, ac frigore quasi alternis agente & inspissante fiunt ossa, vt Plato & Galenus asserunt: interius medulla quam è spinali deriuant, nutriuntur. Horum omnium numerum, situm, & officia describenda relinquo medicis.

Hoc solum addiderim quod Plato plerumque velit hæc partes è medulla fieri: Galenus item aliquando ex sanguine, vt cum l. 2. de natural. facult. c. 3. ait, *os, cartilaginem, arteriam, uenam, neruum, adipem, glandulam, membranam, medullam ex angua quidem esse, facta tamen ex sanguine*. Aliàs verò neget ea ex sanguine fieri: verum conciliari possunt: nam secundum Platonem ex medulla fit semen: secundum alios ex sanguine: Ex semine verò primum hæ partes similes emergunt: deinde nutriuntur, ac concresecunt ex sanguine, siue materno, siue proprio: non tamen puro, & à reliquis humoribus purgato, à quo vtrique solæ partes carnosæ fiunt, sed ex impuro, cui scilicet cæteri humores admixti sunt.

CAPITIS tres partes sunt, *incipit*, quod anterior est, & fronti coniunctum *Occiput*, quod posterius, cui cerebrum subiicitur. *Vertex*, qui medium locum occupat: carne tenui extrinsecus tegitur, ac multis meatibus terebrata, quibus excrementa cerebri, & cum his atque ex his pili emittantur.

Interiùs concameratur osseo quodam, & concauo fornice, quem *nequior*, aut *vuluam* vocant: hoc os minutissimis quibusdam dentibus pectinatim inter se commissis distinctum, tres quasi suturas exhibet: prima in occipitio instar literæ λ , ideo *lambdois* dicta; altera à temporibus vtrinque in verticem porrecta, vocata coronaria: tertia, à lambdoidis angulo in longum protensa, & nominatur *epixata*: his ergo meatibus crassi vapores cerebri exundant: totum porro cranium membrana quadam circumtegitur, quæ pericranium, siue *meiosior* appellatur. Intrinsecus vero cingitur duabus aliis membranis, quæ cerebrum supra, & subter velant. Horum superior dura, crassa, & cuticularis est, figura & magnitudine cranio vndique compar: vocaturque *dura Meninx*.

siue *dura Mater*. Ita duplicata est, vt gemina appareat; candidior & aquosior, qua parte vergit ad cerebrum, quam qua cranio est contigua. Cuius vtique basi adhæret firmiter, nisi vbi glandula quædam pituitaria sita est. A superiori parte cranijs tantum distat, quantum cerebro dilatando & constringendo satis est. Alligatur cranio quibusdam villis, quibus per suturas penetrantibus generat pericranium. Reduplicatur in capitis vertice, cerebrique dextram partem à sinistra coniungit: ad eius solum medium protensa instar falcis. Posteriore verò parte quadruplicatur ac cerebrum à cerebello magna ex parte dissepatur. Inter has autem duræ meningis duplicaturas, quatuor sinus sunt, qui tanquam riuus sanguinem, quoquoersum in cerebri substantiam effundunt: ad eius nimirum nutritionem, spirituumque animalium procreationem. Vnus duræ meningis est, vt cerebrum & spinalem medullam tegat, ac conseruet: vt cerebri partes distinguat: vt excipiat venas omnes, quibus sanguis ad calvariæ & tenuem membranam deferretur.

Altera membrana sequitur quæ *pia mater*, siue *tenuis meninx* appellatur. Hæc in omnes cerebri sinus se insinuat; & vasa per vniuersum cerebri corpus deducit: ideoque secundina dicitur.

At cerebri adhuc mirabilior fabrica est. In primis hoc in homine amplissimum est: Et duæ huius sunt partes. Anterior cerebri nomen retinet, quia amplior; posterior dicitur cerebellum, ex inferiore solum parte cerebri continuum: nam ex superiore ab eo per duram matrem discernitur. Cerebri substantia mollis est, alba, & medullaris, ex purissima feminis portione fabricata: mediocriter frigida, humidaque ad temperandos spiritus vitales, quos à corde excipit, & facit animales: alioquin si calidior esset, motus furibundi, & sensationes phræneticæ semper fieret. Multiplicibus mæandris, & anfractibus implexum est, ad sanguinis & spirituum meliorem præparationem, spirituumque sensoriorum conseruationem, &c. Intus in cerebri medulla subest pars quædam adhuc candidior, & durior venulis arteriolisque nullis intertexta, quæ *corpus callosum* dicitur ob duritiem. Hoc geminis ventriculis dextro, & sinistro excavatur, (quos *anteriores sinus* appellat Galenus.) Hi amplissimi sunt, figuram falcatæ lunæ referentes, siue humanæ auriculæ. In medio fere cerebro siti sunt, & tenuissima cerebri portiuncula distinguuntur, quæ *septum lucidum*, seu *lapis specularis* appellatur. Spiritus crassiores continent: Gemini verò sunt, vt vno læso, alter non desit: vltus triplex adnotatur communiter à medicis: primo ad formationem spirituum animalium: secundo ad inspirationem & expirationem cerebri: tertio, ad odorum perceptionem. Sed de his infra: hi concurrendo desinunt in *tertium ventriculum*, qui sustinetur arcuato quodam corpore, quod *fornix*, siue *seissus* nuncupatur. Hic propriè centrum cerebri occupat. Huic subest quædam portiuncula tenuis meningis, primum latior, deinde angustior instar infundibuli, ad pituitam tranfcolandam: quæ per glandem quandam dictam *pituitariam*, in palatum paulatim instillatur. Aliunde versus posteriorem cerebri partem illi adhæret glandula quæ-

dans instar nucis pinæ turbinata, quæ venis & arteriis in cerebrū fufis, idipsum firmat, vt glandes reliquæ. *Conarium* dicitur. Huic à tergo vtrinque contigua sunt corpuscula quædam rotunda, & duriuscula, quæ *nates* dicuntur. Sub his apparent quidam testes, per quos canalis quidam efformatur à tertio supradictō ventriculo vsque ad *quartum*, qui omnium minimus est, sed solidissimus; cerebello & spinali medullæ communis: paulatimque in acumen instar calami artatur. Horum ventriculorum mentio sæpe deinceps recurret. Ided accuratiùs eos hic describere placuit.

In capite sunt organa sensuum præcipuorum sc. visus, auditus, olfactus, & gustus, de quibus suo loco.

Illi collum quasi basis subnectitur, rotundum, & oblongum, spinæque, & humeris insitum: per posteriorem eius partem descendit spina dorsi, vertebri 7. inter se nervis, ac cartilagine colligatis frondescens: atque à ceruice deriuata; in qua foramen est, per quod partim à cerebro; partim à cerebello medulla spinalis corruatur, quæ quasi appendix, & vitæ medullæ cerebri dicitur, dura pariter ac tenui membrana obiecta. In hac propagandorum neruorum in reliquum corpus mira inest fecunditas: vt enim ad dorsi finē peruenit, tota iam neruosa effecta, ex se quasi funiculos, siue filamenta innumera, instar Equinæ caudæ, propagat. Interimque per singula vertebrarum foramina, neruos emittit: omnesque illi, siue qui ad lumbos, siue qui ad dorsum disperguntur, per fibras aliquas à ceruicali medulla videntur procedere, vt testantur anatomici cum Galeno, licet contrarium dicat Arist. vt dicemus infra.

Ex superiori ergo parte huius medullæ spinalis nerui & musculi ad maxillas, & linguam porriguntur, qui motum illi, & firmitatem afferunt. In anteriori colli parte guttur habet asperam arteriā, & gulam velut duas fistulas à circulis, & cartilagineo corpore factas, quarum vsus dicemus infra.

Sequitur pectus, (humeros brachiaque omitto, quia minùs in iis artificialiæ.) Hoc anteriorem corporis partem occupat; latum est, tumens, & costis 12. vt Galeno placet, curuis, & spinæ vertebri alligatis vtrinque constrictum. Hinc inde mammis protuberat, lac gignentibus in fœmina, secus in viro ex Gal. licet Aristoteles velit à viris gigni lac, sed paucius, densiusque ita vt effluere nequeat: Mammarum substantia spongiosa est, quæ plurimis venis & arteriis distincta, cum vtero talem habet sympathiam, vt ex hoc in illam refluat facile sanguis, ex quo infantium alimentum præparatur.

Partes, quibus pectus siue thorax constat, alię sunt continentes, alię contentę. Continentes sunt *cuticula*, *cutis*, *adeps*, *panniculus nervosus*, *membrana communis musculos omnes conuestiens*. Quę patent ex supra dictis.

Contentę sunt, *Cor*, *pulmones*, *vena cava ascendens*: *arteria magna*, *vena arteriosa*, *arteria venosa*, *aspera arteria*, *æsofagus*, quibus adde *pleuram*, *mediastinum*, *diaphragma*, vt omittam musculos quibus mira indu-

stria stipatę fere omnes eiusmodi partes sunt, vt varios motus edere valeant.

Cor, est intra pectoris cavitatem in sinistro latere à ventriculo separatum, coniformis figurę referens, eamque paululum fastigiatam, ex carne solida fit, triplici villorū genere intertexta, rectis, obliquis, & transversis, iisque omnibus mirum in modum implicatis; nec sine propria utilitate, vt firmius stabiliatur, & sanguis huc illuc attrahatur: aut attractus afferuetur. Habet autem duos ventriculos vnum dextrum, sinistrum alterum: quorum dexter à caua vena per villos suos rectos sanguinem sugit, & haurit, indeque in partes alias per transversos, perque venam arteriosam, in pulmones traiecit. Sinister ventriculus spirituum vitalium fons est: haustumque à dextro sanguinem per orificium intermedium vtriue commune, seu septum poris percibratum, vi caloris naturalis, qua pollet maxima, conuertit in spiritus: ab hoc arteria magna, quam aortam vocant, oritur, & in duos quasi ramos diffunditur: ac deinceps in alios multos: vtriue ventriculo subest quędam quasi auricula quasi promptuarium vel sanguinis pro dextro; vel aeris pro sinistro ventriculo; ideoque subest dextro, in orificio venę cauę; quę sinistro in orificio arterię venosę sita est. Totum cor pellicula circumtegitur, quę *meuriosion* appellatur. Hoc diaphragmati, pleurę, & mediastino, alligata, illud munit, & nativo quodam humore refrigerat, quod item facit adeps illi eam ob causam maximę adiacens. In medio pectoris situm est, sic tamen, vt eius mucro paululum defleat in latus sinistrum versus mammam, vt eam calore suo foueat, sicut iecur calefacit alteram. Venam habet quę totam eius basin cingit, ideo *coronariam* dictam, à qua rami multi hinc inde sparguntur. Aliquando ea gemina est. Similiter arteria, sæpiusque geminata basin cordis etiam coronat. Denique nervos habet exiles admodum, qui videntur à 6. coniugatione descendere. Fallopius multos hic admittit. Negant alij.

Ad alterum pectoris latus nempe dextrum est *pulmo*, quem Plato in *Timæo* vocat cordis ventilabrum, ex carne spongiosa, dilatabili & copulabili constat. Latus est: & sicut bouis ungula in duas partes diuisus est: totam pectoris capacitatem implet; in dorsi vertebriis confidet; tenuique tunica obducitur. Triplici vasorum genere pulmo sustinetur & cohæret: vena arteriosa; arteria venosa; & aspera arteria. Est autem vena arteriosa, vena quę habet tunicam arterię, proceditque à dextro cordis ventriculo: Hęc in prima fortis conformatione continuatur arterię magnę, ac solius arterię officio fungitur, postea verò solum illud venę retinet: Arteria venosa contrā, primum continuabatur venę cauę; & venę locum supplebat: postmodum partu edito, solam arterię vicem exercet. Igitur vena arteriosa à dextro cordis sinu enata in vniuersam pulmonum substantiam riuos effundit. Arteria verò venosa in omnes pulmonis partes sparsa, trunco vnico in sinistram cordis sinum intruditur, ob eos fines, quos referemus alijs. Aspera arteria à faucibus in vniuersum pulmonem decurrit. Tota hęc pulmo-

nam substantia tenui tunica obducitur. Maxima quoque pulmonum & cordis connexio est: alligantur enim cordi per vasa duo. Dorso verò per asperam arteriam.

Notandum est quatuor vasa superius enumerata scil. *venam cauam*, *arteriam magnam*, *venam arteriosam*, & *arteriam venosam* in basi cordis inferi cum vndecim ostiis, quasi valvulis: quarum duæ adnascuntur arteriæ venosæ: tres verò singulis aliis tribus: ex his alix foris aperiri; intus verò claudi: alix contrò, foris claudi: intus aperti solent: ne scilicet impetu sanguis, aut aër ingrediantur, aut egrediantur.

Oesophagus denique est gula ipsa, seu vt aliis placet, stomachus, nimirum ductus à faucibus ad ventriculum pertingens, quasi syringua, ex duabus membranis constans, quarum exterior carnosæ est, villisque cicularibus & transversis obsita: interior crassâ & nervosa: venasque proprias habet, arterias, nervosque, vt ceteræ partes dissimilares.

Plura est membrana omnes prædictas thoracis partes succingens, tenuis, sed tamen firmissima: sparguntur per eam plures nervorum surculi è 6. coniugatione: crassior circa dorsum, vbi vertebrarum ligamentis necitur: vbi ad mediam fere thoracis partem peruenit, hinc inde duplicatur, & à spina ad sternum fertur, dexteram thoracis partem à sinistra dirimens: & huiusmodi septum vocatur *mediastinum*.

Diaphragma est septum musculosum, quod quasi paries interiectus ventrem medium ab inferiore, & vitalia organa à naturalibus dirimit, transverso situ collocatum: ab anteriore enim thoracis parte ad posteriorem protenditur: Constat duobus circulis: vno membraneo; altero carnosio: duabus venis, totidem arteriis, & duobus utrinque nervis: duabus item tegitur tunicis, & duobus foraminibus est peruium: per quorum vnum stomacho præbetur via; per alterum, venæ caux, præsertim ad motum pulmonis adiuuandum, vt dicemus inferius. Ideo fere totum musculus est.

Supra illud est iecur à dextro latere; à sinistro verò lien: illud habet figuram semicirculi, carnosum, & sanguineum: de quo inulta dicuntur alijs. Lien eo paulò depressior est, figuræ oblongæ, & triquetræ: spongiosus, niger, & laxus: hæret costis, quas nothas vocant: plures venu-las ex se aliò spargit, præcipuè in ventriculum, à quo melancholiam fugit, & ad os sacrum, quo succos feculentiores egerit, quibus sæpe hæ-morroidæ gigni solent.

Infra hoc situs est *ventriculus* ad quem per diaphragma à faucibus descendit gula: id est, arteria ex carne molliori confecta, traducendo alimento idonea, ideo dilatatu, & compressu facilis: ventriculus est figuræ rotundæ, & oblongæ, ac dorso alligatur angusto quodam canali quo cum gulæ extremo committitur, ne natiuus eius calor, si apertus esset, exhalaretur. De hoc multò plura dicemus inferius.

Ventriculo proximè subsunt *intestina* innumerabilibus spiris, & anfractibus sinuata, vt cibus in illis diutius hæreat, ac ne anima perpetuo deglutendis cibis inhæret, inquit Plato: quod immediate ventriculo sub-

materia prolifica, ut sunt testes, &c. de quibus consulendi Anatomici.

Inter has principales humani corporis partes omitti non debet uterus maternus, qui distinguitur in duos sinus dextrum & sinistram, inanes quidem & cauos: sed nullo intervallo disiectos, à quibus communis est via in os uteri, quod est angustissimum. Intra illum diversæ venæ sunt, & arteriæ à ramulis venæ cavæ, & maioris arteriæ nascentes, quæ ad coxas & crura confluunt. Ex his quædam ad nutrimentum uteri tendunt: aliæ in uteri sinus absconduntur, quos *acetabula*. Græcè κοιλότητες vocitantur, per quos menstruus sanguis, statis temporibus effluit; aut si gravior est foemina, in alimentum fœtus vertitur. Atque hæc sunt præcipua, quæ hic describi debuerunt. Cætera ut humeri, brachia, manus, crura, pedes, &c. magis communiter innotescunt: neque eorum notitiâ ita requiritur ad functiones animæ perdiscendas sicut illorum quæ descripsimus: videamus nunc quid sit de humoribus sentiendum.

§. 2.

Quenam partes animentur.

QUAS hætenus partes descripsimus, verè animati nemo dubitat: sed multum controuertitur de sanguine, lacte, capillis & similibus. Quare

Notandum est inter similares quasdam esse quæ animali ad eius consistentiam inserviunt, cuiusmodi sunt partes solidæ: alias, quæ vel ad fouendam temperiem, nutritionemve iuuandam, aut ad aliquid eiusmodi profunt: & fluidæ sunt, ut 4. humores, sanguis, pituita, utraque bilis: inter has partes accendi sunt spiritus, quibus operationes fiunt, mouentur nerui, cor calefacit, vita fouetur in partibus, & species in interiora organa, loco aëris medi, deferuntur, &c. Hæ partes saltem ad integritatem & necessitatem animalis pertinent: aliæ solum ad ornatum, ut ungues, capilli, &c.

Certum est autem primo, omnes partes solidas quæ pertinent ad internam animalis constitutionem, & de quibus egeamus suprâ, esse animæ præditas. Hoc patet ex dictis suprâ cap. 5. §. 3. solum ergo vertitur quæstio de sanguine, cæterisque humoribus, necnon de adipe, lacte, semine, &c. Quamobrem, ut hæc paucis hic dirimamus; Hæc ita sigillatim examinemus.

CONCLUSIO prima. Probabilius est sanguinem non animari: ita Galenus 2. de Elem. Seneca 2. q. nat. D. Th. p. 1. q. ult. Alb. Magn. &c. idque frequenter affirmat Aristoteles. Ratione autem sic roboratur: primo, quia omnis pars animata debet esse continuata reliquo corpori; sed sanguis non continuatur ex Aristot. Ergo. Mai. patet, quia hoc necessariò requiritur ad vnitatem specificam, & individualement recipiendam: alioquin, si partes in continuo propterea nolimus esse actus

distinctas, quia non efficerent vnum actus à fortiori hoc de partibus animalis dici potest.

Secundo, sanguis effusus est eiusdem rationis ac inclusus : sed effusus caret anima. Ergo.

Tertio, principaliter sic probatur : Quod in corpus animatum conuertitur, id ante conuersionem sine dubio non erat animatum, vt patet : & docet Aristot. *lib. de gen. r. 2. & 3. de anima r. 45.* sed sanguis in corpus animatum conuertitur. Ergo. hoc confirmatur ex S. August. *lib. de vera relig.* vbi ait, *alimenta carnis corrupta in membrorum fabricam migrant*, id est, inquit S. Thomas, amittentia formam suam, vt scilicet formam aliti recipiant, & ipse postea subdit *humidum nutritimentale est, quod nondum peruenit ad suscipiendum perfectè naturam speciei. sed est in via ad hoc, sicut est sanguis, & alia eiusmodi.* Ad hoc alij Respondent duplicem esse sanguinem : vnum arterialem, qui in arteriis est, & alium venalem, qui in venis : illumque viuere, non istum. *Contrà primo*, arterialis non est aliud, quam spiritus vitalis, cum arteriæ solum eiusmodi spirituum sint organa. *Secundo*, nulla potest adduci ratio, quæ probet arterialem viuere, quæ id pariter non probet de venali : Alij distinguunt sanguinem nutritimentalem à vitali, illumque in iecore esse : hunc verò in corde, & hunc solum viuere. *Contrà*, distinctio hæc nullo innititur fundamento, & hac ratione sufficienter improbat, quod omnis sanguis in alimentum sit à natura destinatus.

Obiicies primo, ex Conc. Trident. sanguinem poni sub speciebus panis verbis consecratoriis per concomitantiam, ob connexionem scilicet illius cum carne. Item in Conciliis Ephes. & Chalcedon. definitum fuit à Verbo æterno assumptum non esse sanguinem vnione hypostatica : non fuit verò assumptum, nisi quod purè ad naturam humanam spectabat. Resp. sanguinem pertinere ad substantiam hominis, vt partem integram, quæ naturali & specificæ animalis constitutioni seruiat ; non verò, vt partem quæ specificam constitutionem ingreditur. Item sanguis, proximè dispositus est ad animationem, ideo rectissime à S. Thoma vocatur pars in potentia : sic enim ait ; *Carnes, & ossa sunt actuales corporis partes, ex quibus constituitur integritas corporis, & ideo non debuit corpus Christi formari de carne, vel de ossibus virginis, sed de sanguine, qui nondum est actu pars, sed est potentia ad totum, vt dicitur in lib. de gen. animal.* Deniq ; vt sic, animato proximus est, eiusque forma vix vno gradu differt ab anima : calore quoque, qui est instrumentum animæ, fouetur, & agitur : ideo præambulas vitæ operationes elicit : mouetur quoque uersus interno illo principio impulsus ; seruet, & partes corporis fouet, &c. tametsi nullas adhuc edere videtur, quibus testetur se viuere : neque enim sentit, neque nutritur, neque generat, &c. Ob has ergo rationes sanguis debet poni sub speciebus per concomitantiam : quod etiam facit pro nobis : nam si esset verè pars corporis animati constitutionem intrans, non per concomitantiam, sed per se ex vi verborum adesset. Ob id etiam assumi debuit à Verbo diuino ex quo effici homo Deus voluit.

quid ergo, inquires, an Deus assumpsit naturam irrationalem, cuiusmodi se haberet sanguis? Resp. inuidiosam esse vocem hanc, *naturam irrationalem*: vel enim sonat substantiam completam & specificam; & hoc modo Deus illam sibi non deuinxit: vel solum significat naturam partis non animatæ actu, sed ordinatæ ad feruendum naturæ animatæ, & talem à Deo fuisse assumptam nihil vetat.

Obiicies secundo, effuso sanguine, animal moritur: deinde animal esset ens per accidens. Resp. ignem oleo consumpto extingui, an hoc propterea eius pars est? ad aliud Resp. totum per se dici dupliciter *primo*, pro toto specifico: *Secundo*, pro toto Phyllico, & quouis modo secundum specialem naturæ intentionem integrato: animal viuens cum sanguine non est totum per se primo modo, sed secundo.

Obiicies tercio, in Leuit. cap. 17. & Deut. c. 12. dicitur quod anima carnis in sanguine est: sanguis eorum pro anima est. S. August. ibid. ait in sanguine vitale quidpiam includi: Et Aristot. lib. 3. hist. animal. cap. 19. palpitat intra venas sanguis omnium animalium, pulsusque simul undique mouetur: solusque omnium humorum sparsus per totum corpus animalium est: & semper quandiu vita seruatur, sanguis vnus animatur, & feruet. Resp. animam esse in sanguine, inchoatiue, ac in potentia proxima: & quia vita cuiusque animalis potissimum pendet à sanguine, sicut lampadis flamma ex oleo: quamobrem volens Deus crudelem populum ab effusione sanguinis detertere, eius horrorem illi voluit incutere: vnde S. Thomam 1. 2. qu. 102. a. 3. ad 8. Hinc in ipso aliquid vitale est *primo*, quia inest proxima dispositio ad vitam. *Secundo*, inest spiritus vitalis, & calor è corde afflatus. *Tertio*, in aliis ab homine sanguis habet multum rationis seminalis. Ad Aristot. Resp. vix quidquam horum esse in Graeco: solum enim sic ait, palpitat autem sanguis in venis in omnibus simul animalibus: solusque omnium humorum per totum corpus animalibus inest, semperque, ac quandiu viuunt, solus sanguis: vbi est ergo, sanguis animatur, & feruet? sed esto, quidni hoc de illo dicatur propter feruorem, & calorem spirituum, quibus incalescit in corpore?

Hinc quid de reliquis humoribus dici debeat, satis patet: non enim magis merentur animari, quam sanguis. Idem quoque de spiritibus ferri iudicium debet: instrumenta sunt animæ, non sedes: ab eaque mouentur, & agitationem accipiunt, at non vitam: sunt enim ex sanguine: neque continuantur, vt transcurrere citius valeant.

CONCLUSIO secunda: idem quoque dici potest de lacte, & adipe: siquidem ambo alimenta sunt, vel quid ex sanguine secretū, antequam is in substantiam animalis conuertatur. De lacte autem dubitatur, an à sanguine distinguatur specie, nec ne. Negant Aristot. & Clemens Alexand. lib. pædag. cum aliis: affirmant tamen alij viri doctissimi: quidquid sit: lac dicitur fieri ex sanguine menstruò deterfis ab eo sordibus, & fecibus: ideo dum affluit, cessant menses, vel saltem magna ex parte hunc sanguinem sugunt vbera vi attractice, qua naturaliter pollent: suctumque coquunt magis, ac purgant. Aliquando, nec sine portento,

in maribus accidisse legitur. Quidquid sit in alimentum adhibetur: ergo non est animatus. Atque hanc conclusionem facile Thomistæ admittunt cum Dⁱ Th. in 4. d. 44. & Aristot. 2. de gen. animal. cap. 3.

At de adipe si verum sit, id quod Galenus vult, eum tenuiorem esse, ac leuiorem sanguinis partem, in loco frigidiori concretam, certè sequitur etiam non animari, & hoc nobis sufficit: neque enim hic Medicos agere volumus, ut sollicitius perquiramus quid sit, frigidusne, an calidus natura; & alia eiusmodi, quæ non sunt nostri instituti. Hic de semine posset idem inquiri, sed aliàs de eo fusiùs.

QVÆRES, quid de capillis & vnguibus dentibusque dici debeat? Respond. rem esse admodum dubiam. Thomistæ ex D. Th. in 4. d. 44. affirmant, Ratione hac potissimum moti, quòd exubeant vitæ operationem: crescantque per intus susceptionem, & determinatam augescendæ periodum habeant, ut ossa, cortex, & folia. Addunt aliqui, nisi hoc sit, non possent rationem dari, cur Æthiopum filii, quantumvis in regione temperata nati, capillos semper crispos emittant; at si animati sint, in proprium esse rationem, quia nimirum, eadem virtute formatrice, qua reliquum corpus plasmatum fuit, ipsi quoque sunt concinnati, atque inde characterem quemdam originalem paternæ virtutis, ac crispitudinis primitus impressum, semper post hæc cum eadè anima seruant. At aliunde ista, præsertim vngues, & capilli, solum ex excrementis enascuntur: crescunt etiam per iuxta positiones, ut lapides: vnde in mortuis plurimum augentur. Quamobrem haud facile litem componere quis poterit. Vtrumque probabile: neutrum conuincit. Dentibus tamen lubens concesserim vitam, quia sensu doloris, vel acutissimo affici possunt: itemque vnguibus, qua parte carni adhærent: nam in reliqua videntur mortui & exsiccati.

CAPVT X.

DE PRÆCIPVA SEDE ANIMÆ.

§. I.

Explicatur questio.

QVÆRITVR hic vtrum ex omnibus illis partibus, quas supra descripsimus, sit aliqua principalis, in qua sedem suam anima præ cæteris constituat, & quænam ea sit. Quapropter

Notandum est olim huiusmodi quæstionem multum fuisse agitatam: ut potest ex his Theodoretæ verbis elici: Hippocrates, Democritus, & Plato, principem animæ vim in cerebro sitam esse affirmant; Scrato in medio sincipitio; Erasistratus autem medicus, iuxta membra-

*lib. 5. de eu-
rat. gracur.
affect.*

nam cerebri, quam epicranidem vocant; Herophilus in ventre cerebri; Parmenides & Epicurus in toto hominis thorace; Empedocles, & Aristoteles, & vniuersa Stoicorum societas cor animæ sedem dicunt; Horumque rursus alij eam in cordis ventre constituunt; alij verò in sanguine; alij in cartilagine, quæ cor obsepit; alij autem in ipso diaphragmate, &c.

Notandum est secundo hanc quæstionem intelligi posse duobus modis: primo, ita vt anima nostra solum resideat in ea parte, inde in reliquum corpus operationes vitæ per administratos spiritus dispensatura, quemadmodum secundum multos ipse Aristoteles creditur eam in corde collocasse. Secundo, ita vt resideat ipsa in toto corpore, sed præcipuam operationem, ex qua pendet reliqua corporis administratio in vna solum parte præ cæteris electa & nobilissima exerceat. Atque is est sensus de quo nunc loquimur.

Tertio, notandum est adhuc in quæstionem vocari, vtrum vna debeat talis constitui sedes, an plures: sunt enim aliqui qui tres facultates præcipuas enumerant, iecur, cor, cerebrum: vires enim omnes animalis in tres classes distribuunt: naturales, vitales, & animales: primæ vegetandi; secundæ viuificandi, tertiæ sentiendi officia denotant: primas sanguine; secundas calore vitali; tertiæ spiritu animali peragi dicunt: sanguinis verò originem, iecur; caloris vitalis, cor; spiritus animalis, cerebrum esse. At communiter solet contrarium defendi cum à medicis, tum à Philosophis saltem illustrioris famæ: eo quodd vt in magno mundo perfectus ille ordo elucet vt cuncta referantur ad vnum primum mobile, à quo perpetua serie pendent cætera; sic in paruo mundo, vnoque animali, non impar à Deo constitutus ordo videatur: esseque vna quædam pars debeat, cæteris nobilitate, viribusque præcellens. Præterea gradus animæ, (siue vires ipsius) sic disponuntur; vt sequens supponat antecedentem, & vnus includatur in alio; non secus ac trigonum in tetragonò, vt dicitur 2. de anima: ac hoc seruari non potest nisi ordinatum facultatum sedes aliqua sit prima, & vltima in quam cætera velut in communem regionem desinant. De hac ergo est præsens quæstio, in qua multum commendantur autoritates Platonis, Aristotelis, & Galeni: Hi enim solent præcipuè à dissentientibus in patrocinium adfiscisci. Quamquam neque plane adhuc constat, quid hi omnes senserint. Licet enim communis opinio sit Platonem & Galenum assignasse principatum cerebro; Aristotelem verò cordi: sunt tamen qui velint hos omnes simul conuenire, sedemque principalem in corde constituere: vt videre poteris apud Iacobum Carpent. in Alcinoium digress. 6. alij contra volunt hos omnes eam in cerebro collocare: adeo certè perplexa hæc semper quæstio habita fuit: nec minor est perplexitas rationum. Quamobrem problematice agendum hic censui, vt quisque quod libuerit amplecti queat.

§. 2.

Veriusque partis argumenta ponderantur.

PRIMA SENTENTIA, quæ Philosophorum dicitur, est sedem illam principalem esse Cor: ita Simon Portius, Carpentarius, Piccolomini, &c. Faudent SS. Patres, S. Hieronymus in cap. 14. Matth. id probat ex illo Matth. 23. *à corde exeunt cogitationes pravae*. Tertull. lib. de anima, idem variis sacrae Scripturae auctoritatibus roborat: idem quoque Aristotelem, & Platonem tenuisse poterit ex sequentibus manifestum videri.

Ratione iam probatur sic: illa pars censei debet primaria, & principalis sedes animæ, quæ est origo, & principalis officina spirituum, nec non calor natiui: atqui cor est eiusmodi. Ergo. Mai. patet, quia in his consistit primum, ac commune, necnon viuacissimum animæ instrumentum, quo ipsa vniuersum corpus vegetat, omnesque cum vitæ, tum sensus operationes exercet. Min. est communissimè recepta: nam de calore, nullus dubitat: de spiritibus, res æquè videtur certa, quia sunt hi ex purissima sanguinis portione beneficio calor vegetalis: & quamquam attemperari possint hi aliis in membris, vt eorum operationibus viuandis accommodentur; tamen eorum prima origo & substantifica matrx in corde est.

Præterea idem potest ex comparatione cordis cum cerebro sic colligi: imprimis cor in medio animalis, quasi centrum à naturâ constitutum est: *Cor*, inquit Aristot. *in parte priori, & in medio situm est; in quo principium vitæ, omnisque motus, & sensus esse censemus*. Et sanè ipsum adeo vitæ ac sensus origo est, vt læsa vitali facultate, quæ in eo residet, reliquæ omnes facultates debilitentur: quidquid in contrarium dici queat. *Secundò*, solum cor à se omnia excrementa vitæ aduersantia expuit; quam multa cerebro insunt, & hepati! *Tertiò*, multa monstra videntia sine capite visa sunt; nulla sine corde: quin & quæ stirpium alia dicuntur, cerebro carent, cor verò, vel quid æquiualeus habent.

Quartò, multis cerebrum aliter quam oportet efformatum visum est, cor verò, nusquam. *Quintò*, cerebrum immobile est, tantum non vt exors vitæ, frigidum est, excrementis scatet: vix sentit, &c. Cor verò, vt vniuersæ vitæ fumes, & fons, continenter mouetur; & quod sol mundo; ipsum corpori administrat lucem scilicet & calorem: serenissimū semper, ac expurgatissimum manens, sensu exactissimo valet, & vel minimas citissimè sentit læsiones.

Sextò, quòd maxime considerandum est, cor est primum viuens, & ultimum moriens, vt colligitur ex 2. lib. de gener. animal. cap. 4. vbi ait cor primum excerni, vt principium, à quo etiam post ordo membrorum describatur, & quæcumque ad absolendum animal pertinens: & rationem reddit, quia cum pars quæuis distinguitur, id primum existere necesse est, ex

quo & incrementum, & motus cæteris partibus contingant: item quia principium est similium, & dissimilium omnium partium. Hinc exploraturi, an quis adhuc expirauerit, manus supra regionem cordis imponitur, & ex motu cordis ultimam vitæ periodum coniectamus.

Scio equidem non id apud omnes pariter exploratum haberi: sunt enim qui velint primum animari venam umbilicæ; deinde iecur, tum cor. Alij cum Hippocrate putant formari simul omnia: verum esto formetur aliqua membra prius corde: at non certè prius animantur: aliud enim formari: aliud animari est; neque certè decet animam inesse actu corpori priusquam formatum cor fuerit: præsertim cum supra dixerimus animam nec cum corpore per spiritum: hic autem sit in corde: Ergone principium vitæ actu inerat in eo, in quo primum vitæ instrumentum non est? fatebor equidem simul totum corpus animari: sed tamen contendam primam vitæ operationem à corde inchoari, sicut & in corde definit, certum est.

Confirmatur hoc experientia quæ à quibusdam sumpta est, secundum quam constat primò formari cor ante cerebrum: & in illo priori, si pungatur cor, contrahi, quod argumentum est illud sentire tunc, ac consequenter vivere, cerebrum nondum absoluto.

Septimo, secundum aliquos, cor nulla gravi ægritudine laborare potest quia eius læsionem reliquum corpus perferat & marcescat. Neque vltimum vivere potest animal, ex cuius corde portio quantumvis exigua detracta fuerit: secus de cerebro. Etsi enim lædatur, nisi ad interiorum ventriculum noxa peruenerit, nullas in motu, aut in sensu læsiones: & licet ista negentur à nonnullis: videntur tamen rationi & experimento congruentiora. Ita igitur cor per omnia reliquis humanæ fabricæ partibus præstat.

Probatur *tertio*, quia cor videtur esse non solum arteriarum, sed & venarum, atque earum principium: de arteriis id fatentur omnes: de venis idem confirmatur *primo*, ex Platone, qui clarè in Timæo id docet. *Secundo*, quia vena caua suum in corde orificium habet: ac non minus, quam arteria magna in eo implantatur: venæ omnes ipsi affixæ sunt, & continuæ; habentque valvulas, quæ merito illarum dici, haberique principia, & capita debeant: *Tertio*, Hepar mollius est, quam ut ab eo soliditatem venæ suam mutuentur: *quarto*, sanguis crudior exit ab hepate: debetque laboriosius in corde concoqui, ac purgari, ut inde ad nutrienda membra diffundatur: *quinto*, Piccolominus narrat stylo in dexteram cordis auriculam iniecto, ac tum transmissio per hepar vsque ad venam magnam spinæ dorsæ adiacentem, truncum venæ caue cordi iunctum maiorem videri: atque hæc experientia conuictum Vessaliū, concessisse cor esse venarum fontem. *Adhuc* in sectione animalium vena caua eâ parte, quæ cordi nectitur, apparet cordis motu agitari. Hinc non immerito Aristoteles vocauit cor primam conficiendi sanguinis officinam: quod is in corde ut in conceptaculo, in hepate verò ut in canali contineatur: neque aliquibi extra venas existat, præterquam in cor.

de. Denique ob eam natiui, & sympathetici principij virtutem in animi deliquio sanguinem ad cor, vti ad fontem refugere, non ad hepar; non ad cerebrum: sicut ob eandem rationem in quiete animalis, cum spiritus suæ naturæ relictus, propriam sedem quærere sinuntur, atque in ea quiescere, spiritus ad cor confugiunt, non ad cerebrum: ideo tunc refrigeratur cerebrum; præcordia secus magis calefiunt, & vigent.

Quod verò cor sit etiam neruorum radix, inde coniectatur, quod eius caro dura sit, densa & coriacea, plexusque neruorum habeat pœnè infinitos, & licet nerui à cerebro videantur deriuari, tamen prius occultè à corde ad cerebrum serpunt tenuissimæ fibræ, seu arteriæ minutissimæ quæ in cerebro densiores effectæ, hinc sub visibili neruorum forma relabuntur.

Quarto, cor est primum sentiendi principium. Ergo est præcipua sedes. Antec. patet multis modis, nam præter auctoritatem Aristotelis, quæ clara est, in 5. de animalium motu, c. 2. & 2. de part. Animal. c. 10. Potest Hippocratis calculo id approbari: 1. de corde, clarè ait: mentem habitare in sinistro cordis ventriculo: & 1. de morbis virgin. sub initium, ait illarum delirium per sæpe inde prouenire, quod cum sanguis non habens effluxum, præ multitudine resiliat ad cor, & ad septum transversum, quibus repletis; *Cor satuum fit: deinde ex satuitate torpedit; postea ex torpedine delirium*, &c. Hunc Plato in Theæteto cor facit memoriæ sedem: atque ex bona, vel mala eius temperie, memoriæ laudat, vitæperatue qualitate. Hinc multi existimant cor esse ipsum primum phantasie organum: eo quod hæc ab appetitu, vel non distinguatur, vel certè non separetur. Appetitus autem in corde est. Et quia mens quodammodo cum corpore per actus phantasie connecti, vel sociari videtur. Ideo multi, quos inter Piccolomintus est, dixere mentis quoque sedem in corde constitui. Id quod etiam inde confirmatur, quod si cor minus calidum sit, quàm oporteat, imaginatio minus perfecta efficiatur: similiterque memoria, & vis iudicandi multum ex temperamento cordis, vel iuuentur, vel ædantur: vnde fœminæ communiter viris animi præstantia cedunt, quia cor habent humidius. Hinc ingeniosi, cordati viri dicuntur, &c. Hæc pro cordis principatu.

Ex altera parte Galenistæ insurgunt: & quasi pro aris, facisque pugnant affirmant cerebrum corde multò esse præstantius. Argumenta sunt huiusmodi.

Primum est, quia est primum principium organicum motus voluntarij, & sensus: ergo cum hæc duæ functiones sint præcipuæ operationes animæ organicæ, sequitur cerebrum esse præcipuam eius sedem. Antecedens probatur, *primo*, quia reuera secundum omnes anatomicos ipsum est neruorum principium, ideoque hi cerebro sunt assimiles: intus enim molles sunt, ac meduliosi, foris verò membranis vestiti & obduti: quin etiam neruuli, qui circumplectuntur cor, filamenta solum: quædam sunt vnus satis exigui, qui à sexta coniugatione neruorum à cerebro veniente deducitur. Neruos autem eiusmodi seruire motui spon-

taneo norunt omnes: *secundo*, mouetur cor solum motu naturali; eoque violentè moto, vt in palpitatione fit, nec voluntarius partium motus deprauatur, nec ratio: at compressis cerebri ventriculis, vt fit in apoplexia, & epilepsia, otiantur omnia.

Secundum, Si cor esset facultatum omnium primaria & principalis sedes, eius temperamento insigniter deprauato functiones omnes læderentur; sed hoc est falsum: nam in hæctica febre, voluntariæ omnes, ac sentientes facultates saluæ manent, & incolumes. Item constat ab aura pestilente, & à venenato morsu vel hauitu vitalem vim oppugnari; adeo vt cordis dolor, deliquium, vomitusque frequenter eueniant, dum tamen reliquæ facultates maneat illibatæ, & qui hoc modo affecti sunt, quæ bene sentiunt & ratiocinantur, ac ante.

Tertium, si facultatum principium, & sensitiuarum aliqua deprauetur, remedia capiti, non cordi adhibentur. Ergo præcipuarum sensuum sedes potius in cerebro, quam in corde collocanda est: Ideo ex nimio studio, ac attentione & diuturniore meditatione caput dolet, nou cor, caput inflammatur, &c. Aliunde manifestè constat omnia fere sensuum organa esse in capite: memoriæ lædi, aut inuari, prout cerebrum aut cerebellum deterius, vel salubrius afficiuntur, itemque variata eorum temperis variari quoque eam, vel in peius, vel in melius.

Quartum, falsum est cor esse etiam venarum principium: vt omnes Medici tuerentur: & inde confirmatur, quòd truncatæ venæ caux amplior videatur in hepate, angustior verò in corde, inque ipso hepate venæ per innumeros ramusculos radiceantur. Quamobrem vena caua solum in cor subit, sanguinem in eius dextrum ventriculum infusura, neque per eandem viam sanguis ille regreditur, quia sic valvulæ sunt fabricatæ, vt influentem ab hepate sanguinem ingredi sinant: egredi verò prohibeant. Denique non omnis sanguis meat in cor, neque ex corde in reliqua.

Quintum, Galenus 1. de placitis testatur, secto, aut intercepto nervo, qui per cordis substantiam disseminatur, non concidere animal; sed solum obmutescere. Item animalia plurima in sacrificiis præciso corde vociferare, & ambulare visa sunt. Imo sunt qui scribant testudinem, & Chameleontem auulso corde aliquandiu viuere, alij asserant experimento didicisse canes auulso subtiliter corde adhuc aliquandiu latrare, sentire, ambulare, &c. Hæc pro Medicis.

*Panlus,
Verbinar,
Columbus.*

§. 3.

Conclusio.

His vltro citroque agitatæ quid adiici queat, non video. Solum itaque nonnulla seligam, quæ vt certiora, ita & scitu digniora mihi videbuntur. In primis cum anima operationum genera multa possit ac debeat edere; debuit quoque multiplici organo præmuniri: & con-

sequenter quasdam illi Deus partes præcipuas adaptauit, quibus immediatè obiret munia diuersorum generum: aliam videlicet ad sentiendum, aliam ad nutriendum, &c. & hoc modo dicere possumus hepar esse vnā ex præcipuis ad sanguinem efformandum; cor ad spiritus vitales; & cerebrum ad animales. Ideo peculiari ratione venas ab hepate; nervos à cerebro; & arterias à corde oriri oportuit: reliquæ partes ad has referuntur.

Secundo, sicut hæc vni animæ subordinantur: ita mutuo quodam concentu debent inter sese connecti per communem quandam animæ vim illarum conciliatricem: nullus autem concentus sine ordine: nec ordo sine subordinatione. At maximè talis subordinatio vigeat inter potentias, si ad suas omnes operationes exercendas vna quadam communi vi egeant, à qua principaliter pendeant, & per quam mutua omnium communio fiat: sicut in mundo visibili plures sunt causæ vniuersales, cælum ad lucendum, terra ad germinandum; ignis ad purgandum, &c. tamen omnes illæ sunt intermedio calore cælesti, qui omnia permeat, fouet, connectit, & perficit. Ita in animali agnoscendus est calor vitalis. Is enim est velut commune, ac centrale instrumentum, sine quo nihil ab anima fit circa corpus, & quo mediante fiunt omnia. Hoc si ita sit, sine dubio illa pars, quæ fuerit fons huius caloris, dicetur centrum totius communionis, quæ reperitur inter partes animalis, & consequenter principium subordinationis, quam constitui necesse est inter omnes facultates vnius animalis. Ideo rectè Aristoteles: ex vnitæte cordis ait semper vnitatem animalis constituisse, 4. *de gener. animal.* c. 4.

Fatebor quidem cerebrum, & iecur esse partes principes, & ab hoc quidem immediatè formari effique sanguinem, qui per venas congruè illi adaptatas in multa mēbra distribuatur: similiter à cerebro spiritus animales præparari, qui per nervos ab eo manifestè prodeuntes in reliquum corpus citissimè discurrant: fatebor item omnes sensus, motusque voluntarios ab hisce spiritibus pendere, vti dicemus suo loco. Hoc vnum tamen hic obtendo, quod nihil huiusmodi fiat sine calore vitali, è corde manante. Is facit, vt hepar chylum coquat, nativamque sanguinificandi virtutem refocillat, perficitque. Sine illo etiam inertes euaderent spiritus animales, ipsa scilicet nativa cerebri frigiditate obtundendi. Vt à corde siliunt, quo plus feruent: temperari debent: at non extinguui. At neque sanguis per venas ascenderet, neque spiritus ocysimè per nervos ita exiles & tortuosos discurrerent, nisi hoc calore vitali animarentur. Ergo ratione huius solius caloris, cuius veluti fornax in corde est: ac propter spiritus vitales, aut in animales conuertendos; aut cum animalibus, & cum sanguine ad omnes, cum motus, tum sensus operationes edendas commixtos, crediderim certè cerebrum, heparque cordi subordinari, vt proreges Regi, à quo facultates accipiunt. Fortè suppeditat nervorum propagines, vt dictum est suprà: fortè etiam terminat venam cauam, vt refluat sanguinem coctiorem, non vt suscipiat indigestum. Fortè vt volunt *Harnius*, & *Ioan. Vvalens* susceptum, coctum.

coctumq; sanguinem reuomit per arteriam. Sed in his non moror : vera hæc non sint : certe priora negari non possunt.

Certum quoque ex dictis arbitror, talem esse consensionem inter cor, & cerebrum, vt diu sine alterutro animal esse nequeat. Imo nèque grauem in alterutro contingere posse læsionem, sine graui animalis iactura : potest quidem leuiter lauciari cor, vigentibus adhuc aliis facultatibus : secus si læsio caloris emanationem aut impediatur, aut extinguatur. Et quemadmodum pictor sola manu sine penicillo picturam prosequi non potest : sic nec anima solo corde, sine cerebro, eiusque influxu sensum, motumue voluntarium edere potest, vt contingit in epilepsia. Et quemadmodum irrigato viridario, & postmodum exsiccato fonte, humore ante aspersus arbores aliquandiu humectat, ac profuit; sic læso corde, spiritus qui ab illo salierat, potest vitalem aliquandiu eius efficaciam retinere, ac spargere. Falsum tamen reputauerim canem auulso corde vixisse superstitem, itemque reliquas animantes : qui enim sine principio vitali viuere potuissent ? Quod de sensus ac phantasia sedē vtrumque refertur, alijs copiosius disseretur : & hæc sufficiant.

CAPVT XI.

DE POTENTIIS ANIMÆ,
earumque distinctione.

§. I.

Exponitur questio & soluitur.

MVLTI questionem hanc magni faciunt. Ego parui; omnes siquidem questiones, vbi de sola distinctione rerum alioquin inseparabilium agitur, parum ad naturas rerum perfecte dignoscendas, conferre mihi semper visæ sunt : sed falli possum. Ideo cōnuni aliorum consuetudini facturus satis ; hanc breuiter proponam, & expediam. Queritur ergo, an potentia, quibus anima, vel in corpore, vel etiam supra corpus potest operari, sint accidentia verè ac realiter ab eius essentia distincta, & ad prædicamentum qualitatís realiter item à substantia distinctæ pertinentia.

Hic autem ea decet recollere, quæ diximus in Phys. c. 21. §. 2. ibi enim multiplex genus potentiarum distinximus, nunc verò solum loquimur de potentiis, quibus anima in composito suo, non vltra illud operatur, quales sunt potentia vegetatrix, generatrix, appetitiua, visiva, imaginatiua, &c. Quod etiam pertinebunt potentia intellectiua, vt voluntas, & intellectus : nam de his omnibus par est ratio : & quidam volunt hæc

non distingui, neque à se inuicem, neque ab essentia, nisi verbo tenus, ac solo modo loquendi: Ita *Nominales*: alij distingui eas volunt, sed solum formaliter à parte rei: sic *Scotista*: alij haud aliter quam connotationibus, & relationibus. Ita vt anima dicatur potentia videndi, quatenus ordinatur ad actum videndi, & intellectus, quatenus ordinatur ad actum intelligendi: sic *Henric. quodl. 3. q. 14. Gratiadeus in Phys. q. 15. Durin 1. d. 3.* Alij denique volunt eas absolute distingui realiter: sic *Thomista*, cum quibus sic

CONCLUSIO. Probabilius est potentias animæ cum à se ipsis, tum etiam ab eius essentia realiter distingui. Ita expressè *S. Thomas 1. p. q. 77. a. 1. Alb. Mag. in 1. d. 3. Egidius, Hervaeus, &c.* Ita quoque Platonici secundum Ficinum *l. 16. de Theol. Plat. & Stoici secundum Plutarchum 4. de placitis. Bannez in 1. q. 77.* conatur hanc conclusionem firmare autoritate sacræ scripturæ. Sed nihil inde proferit, quod non facile solvatur ab aduersariis. Quamobrem sufficiet hic ea producere, quæ fidem non diuinam, sed humanam duntaxat facere valeant,

In primis ergo probatur conclusio auctoritate: nam *S. Dionys. l. de Cœlesti Hier. c. 11. in Angelis distinguit hæc tria essentiã, virtutem, & operationem.* Idem supra ex Proclo notauimus *c. 1.* Accedit *D. August.* qui quamquam obscure admodum de hoc loquatur in libris de Trinitate, tamen satis euidenter ostendit in ea se fuisse persuasionem, vt animi potentia ratione saltem aliqua reali, & non ficta distinguantur: libro enim *15. c. 17.* in hoc maximè discrimen mentis nostræ à diuina concludit, quod ea quibus tres personæ sese intelligunt, ac diligunt, non distent in eis, sicut in nobis aliud est memoria, aliud intelligentia, aliud dilectio, seu charitas. Et *c. 12. non tamen sicut in imagine Trinitatis, non hæc tria vnus homo; sed vnius hominis sunt, &c.* Idem quoque docet *S. Ansel. 1. de concord. predest. cum lib. arb. c. vlt. & similiter Magister sent. in 1. d. 3. quem sequuntur D. Bonau. & Alex. Alensis.* Denique idem voluit Aristoteles, cum Platonem in loquendo imitatus, animæ potentias per partes distinguit, ac enumerat *l. 2. t. 27. & l. 3. t. 20. &c.*

Ratione autem probatur sic: Cuius posse distinguitur ab esse, eiusdem etiam potentia distinguitur ab essentia. Sed in anima non est idem posse, ac esse. Ergo in anima potentia distinguitur ab eius essentia: & quidem realiter, quemadmodum realiter aliud est posse, & aliud esse. Ma. est euident, quia sicut se habet esse ad essentiam, sic posse ad potentiam. Ideo vti posse distinguitur ab esse, necesse est, vt aliud sit id quo sumus; aliud id quo possumus. Atque hocce genere argumentationis semper vsus est *S. August. in li. de Trinit. & alibi.* Probatur enim in nobis distingui sapientiam, vel memoriam ab essentia, non alio vtitur medio, nisi quia non est nobis esse, quod est nosse: vel sapere. *l. 15. &c.* Minor probatur, quia quæ diuersos à parte rei effectus formales inferunt; vel diuersis modis possunt variari, certè à parte rei differunt: sed posse & esse sunt eiusmodi: Enimvero esse toti composito cōfert anima: posse vero soli parti organice: vnde verum est eo

quod videre possit, ab ea exigi determinatum oculi organum: non verò eo quod simpliciter sit. Hinc esse potest sine corpore; & sine oculo: videre autem non potest sine utroque: item esse ipsum æquale in omnibus animantibus est: *posse* verò, non item: nam in aliis potentia visus prævalet, in aliis olfactus, &c. & inter animos immortales, aliis datur *posse* subtilius & perspicacius intelligere, aliis obtusius: licet in omnibus idem, & eodem modo esse se habeat. Respondent quod animæ conveniat *posse* per se, ac per suum esse: sed ita ut *posse* istiusmodi connotet ordinem ad actus distinctos, qui quandoque nequeunt exeri sine quibusdam corporeis organis: unde potentia organicæ dicuntur: aliquando sine illis quidem, sed non sine obiectorum quorundam applicationes, quæ pædet vel ab anima, vel à Deo, vel aliunde ut sit: in intellectu, voluntate, &c. Sic inquirunt, anima in ordine ad se considerata, dicitur essentialis in ordine ad corpus, anima; in ordine ad operationes, potentia. sed *contra*: fundamentum diversæ connotationis & ordinis debet esse diversum. Ergo aliud est, unde connotat operationem: aliud unde non connotat: tunc etenim connotat operationem, quatenus potens est operari. Ergo potentia supponitur ut radix talis relationis, & non per illam inducitur.

Hoc inde vterius confirmatur, quod unius Dei hoc videatur esse privilegium, ut per essentiam suam possit, quæcumque potest: creatura verò solum participatione, ac contingenter. Ideo aliud Dei donum est potentia, qua quidpiam boni agere possumus: aliud essentia, qua quidpiam boni sumus: unumque potuit Deus conferre sine alio: sicut modo de id quod est *posse* conferre, hoc quod est *operari*, non tribuens.

Confirmatur, quia quæ dicuntur animæ facultates, perfectiones quædam sunt, quæ illam essentiam suam iam gaudentem supponunt, quæque ad sui complementum aliquid externi desiderant, sine quo absolute operatio existeri non potest: neque enim mens potest intelligere sine speciebus, vel sine irradiatione idearum: neque anima sentire sine organis, sine luce, aut sine calore, &c. Cum ergo anima in ratione animæ sit perfecte completa per seipsam, non verò in ratione potentia, sequitur ipsam reuera potentiam suam non esse; atque in conceptu potentia, necessario includi aliquid, quod præter essentiam eius sit, eique contingenter adueniat.

Denique hoc multis conformius est communi modo loquendi omnium hominum: dicimus enim nos per voluntatem velle, per intellectum intelligere; & ita solept omnes distinguere facultates, ubi diversa operationum genera discernunt. Mens, inquit S. August. *reminiscitur per memoriam; inuenit per intelligentiam; amplectitur per dilectionem*, &c. Dices his significari solum animam quatenus intelligit, intellectum dici; quatenus diligit, voluntatem; &c. *Contra*, ille modus loquendi reuera innuit potentiam esse quid medium inter animam, quæ operatur, & operationem ipsam: quod habeat rationem instrumenti; sitque animæ ratio agendi hoc aut illud. Sicut dum dicimus: homo pedibus am-

15 de Trinitate 6, 30.

bulat, manu percutit; peneillo pingit, &c. Ita cum ratio & communis modus loquendi conveniant, videtur probabilius rem ita se habere, praesertim, cum in contrarium obstat nihil. Alias rationes vide apud D. Th. 1. p. q. 77. eiusque discipulos: praecipue Bannæz.

S. 2.

Rationes opposita diluuntur.

IN primis occurrit S. Augustinus, qui profecto contrarium videtur asserere 9. de Trinit. Simul, inquit, admonemur, si utrumque videre possimus haec in anima existere, & tanquam involuta enolui, ut sentiantur, & dinnumerentur substantialiter, vel, ut ita dicam, essentialiter, non tanquam in subiecto, ut color, aut figura in corpore, aut ulla alia qualitas, aut quantitas. Quicquid enim tale est, non excedit subiectum, in quo est; non enim color iste, aut figura huius corporis potest esse, & alterius corporis. Mens autem amore, quo se amat, potest amare & aliud praeter se . . . Quamobrem non amor, & cognitio tanquam in subiecto insunt menti, sed substantialiter etiam ita sunt, sicut ipsa Mens . . . Item quamvis substantia sit amans, vel sciens; substantia sit scientia; substantia sit amor, &c. Et lib. 10. cap. 11. ait tria haec memoriam, intelligentiam, voluntatem esse unam vitam, unam mentem, unam substantiam Potuitne clarius dicere potentias animae ad ipsius essentiam, & substantiam pertinere: easque minimè accidentia esse credenda?

Respondeo haec verba iam olim diligentissimè ponderata fuisse à Maestro sent. Alex. Alensi, Alb. Mag. D. Th. D. Bonau. & alijs S. Augustini fidissimis discipulis, qui tamen omnes constantissimè docent ex mente ipsius, potentias animae ab ea esse distinguendas. Quamobrem Respondet Magister in 1. d. 3. has vires esse proprietates ipsius animae, à se invicem differentes, ita ut una non sit alia: dici tamen substantialiter esse quid unum in anima, ut distinguantur ab accidentibus communibus, quae sunt in subiecto, sic tamen ut possint abesse, & adesse citra eius corruptionem. D. Bonavent. idem quoque hic sentit: & addit has potentias dici substantiales, eo quod per reductionem sint in eodem genere, in quo est anima: & similiter dici posse essentialia, id vocabuli extendendo ad id, sine quo res non potest cogitari habere perfectum esse, ut sunt potentia in anima, & hoc est minimo modo substantiale, siue essentialia, non tamen tendit in aliud genus: & in 2. d. 24. a. 2. q. 1. ait potentias animae ad eius essentiam pertinere, propterea quod in eius essentia radiceantur, adeoque illi adhæreant intrinsicè, ut non cadant in aliud genus. Haec solutio videtur maximè consentanea menti S. Augustini, quia dilucidè, ac disertè sententiam Platoniorum, quae imbutus ipse erat, explicat: volebant enim illi multos esse actus, viresque varias intra ipsummet substantiae genus, ut de vita, lumine, rationibus seminalibus per sepe subinnuimus. Quomodo autem quærent ista reuocari ad genus

substantiæ, sic D. Bonaventura cit. exponit. Quinque modis, inquit, potest aliquid ad genus substantiæ reuocari: primo, sicut principia. 2. sicut complementum. 3. sicut viæ. 4. sicut similitudines. 5. sicut priuationes. Principia sunt vel essentialia, vt materia & forma; vel integrantia, vt manus, pes, &c. Complementum est vel actus primus, vt vita, effe; vel aptitudo, vt differentia, quæ complent speciem: quod possemus quoque reuocare priuas proprietates, ex quibus specierum distinctio communiter desumi solet, vt hinnibile, risibile, &c. Via est vel progressus ad substantiam, vt generatio; vel egressus à substantia, vt emanatio virtutis: & huc potentias anima reuocat: quia sunt quædam energiz, quibus anima quasi è seipsa in externum quid exit, vt quando ex semine intelligentiæ, vel dilectionis, quod in natura sua fouet, à Deo scilicet insertum, prodit in actum secundum, quo rei à se distinctæ per notitiæ, vel affectus cognationem accedit. Similitudo, vt species coloris, color est, &c. sic animæ potentia consideratur, non vt quid ab anima separabile, sicut color, aut scientia, &c. sed sicut aliquid essentialiter connexum animæ: ita vt anima in illo, ac per illud, intelligatur progressi ad obiecta; & illud quasi via eius ad aliqd, aut tanquam vis eam exprimens, & ex ea vicens, ac per eam, neque vnquam sine ea.

D. Thomas vtpote Aristoteli magis addictus, cum nihil veller admittere medium inter substantiam propriè dictam, & accidens, quod in 9. prædicamenta distribuitur, asseruit potentias esse verum accidens de genere qualitatis, ac propriè in anima, vt in subiecto inesse, ideo cogitur exponere D. Augustinum quasi locutus impropiè fuerit: vel quasi nomine cognitionis, & amoris solum rem cognitam, & amātam subaudiuerit: lege illum 1. p. q. 77. a. 1. ad 1.

„ Interim notari velim hic D. Augustinum nomine cognitionis, &
 „ amoris his in locis non esse intelligendum de actibus elicitis, sed de
 „ quodam actu virtuali, secundum quem dici potest anima semper se
 „ se cognoscere, & amare: sic Plotinus, Iamblicus, & alij olim docue-
 „ re animam rationalem in continuo actu intelligendi esse, quamquam
 „ is à nobis nisi reflexione percipi non valeat: volebant scilicet himen-
 „ ti sic intelligere conuenire, sicut luci lucere. Quamobrem cum anima
 „ sibi semper præsens sit, ipsam sibi semper esse cognitam asserabant:
 „ sed hoc, vt dixi, de notitia virtuali debet intelligi; seu, si malis, de
 „ aliquo sensu intellectuāli, ac velut iatima quadam, & iugi pereceptio-
 „ ne experientiali, qualis est ea, qua sentinus nos viuere, etiam cum
 „ de eominimè cogitamus: non verò de actuali propriè dicta notitia:
 „ quam D. August. propriè nomine cogitationis indicauit. Itā illum fa-
 „ cile intelliges, dum lib. 15. cap. 15. dixit sempiternum est enim animo vi-
 „ uere. sempiternum est scire, quod vixit: nec tamen sempiternum est cogi-
 „ tare vitam suam, vel cogitare scientiam vite sue: quoniam cum aliud, as-
 „ que aliud ceperit, hoc desinit cogitare; quamuis non desinat scire.

„ Obicitur secundo. Anima per seipsam potest intelligere, ac velle:
 ergo frustra multiplicabis potentias. Antec. patet: primo quia anima ex

natura sua est intellectiua veri, & appetitiua boni; *Secundo*, anima est per se id quo viuimus, mouemur, sentimus, & intelligimus. *Tertio*, saltem cum organis corporeis potest esse sufficiens principium operationes corporeas exercendi. Resp. negati communiter Antecedens à Thomistis, & merito; quia vt non potest creatura existere per essentiam, sic nec operari: & consequenter aliud in ea esse debet principium existendi; aliud operandi: vnde voluit id pertinere ad discrimen creaturæ à Creatore. *Dices*, forma quædā accidentalis datur, quæ immediatè per essentiam suam sit principium operandi, vt calor, lux, &c. ergo quidni dabitur si niliter forma quædam substantialis? Resp. nego conseq. quia tota eiusmodi formarum essentia in eo posita est, vt sit ipsamet virtus; siue potentia substantiæ: secus de forma substantiali: 1. quia forma accidentalis est eiusdem ordinis & generis, cum operatione: non verò forma substantialis: est autem admodum vero consentaneum, quoddam potentia quæ per se ordinatur ad aliquem actum sit eiusdem cum illo generis: sicut solet omne principium reduci ad genus eius rei, cuius est principium.

Quoad instantias verò, quibus antecedens probabatur: *Resp. ad primam*, animam ex natura sua esse quidem intellectiuam, & appetitiuam radicaliter; at non formaliter. *Ad secundam*, similiter animam esse primum & radicale principium, quo viuimus, &c. *Ad tertiam*, Nego sola organa sufficere sine potentia formali, quæ homini iam completè existenti censetur accrescere. Idque ob rationes inductas.

Oblicitur tertiò. Quæ nulla vi, aut ratione possunt separari, ea sunt realiter idem: sed anima, & eius potentiæ sunt eiusmodi: sunt enim eius proprietates, & consequenter accidentia inseparabilia: & confirmatur, quia si separari possint, fingamus actū à Deo animam Petri suis potentiis destitui; & ponatur in corpore organizato, tunc an non illud viuificabit? an non vegetabit? eritne etiam animal rationale? at hæc quomodo faceret sine potentiis? Resp. primo, ex suprà cit. D. Bonau. constare, quodd secundum D. August. potentiæ, non sint naturæ quædam separabiles, sicut color, &c. & alia communia accidentia. Id quod etiam tenuit Caietanus, cū bene multis aliis: & ipse in primis D. Thomas fauet maximè, cū ait quod cum potentia anima sint naturales proprietates eius consequentes ipsam essentiam animæ, non potest esse sine illis: & alibi negat dari apud Deum ideam propriæ passionis distinctam ab idea subiecti, eo quod passio simul sit, ac simul fiat cum subiecto: quemadmodum ob eandem rationem generis non datur idea, quæ ab idea speciei distinguatur: quibus verbis ostendit proprietates verè ad essentiam, cuius sunt, pertinere, eique nexu essentiali, & insolubili æquæ ac genus connecti: vnde haud multum à D. Bonauentura & à S. August. differre videtur, nisi forte solum in modo loquendi. Nec difficile profectò fuit illos conciliare, si hanc distinctionem admittere lubeat: vt scilicet potentia dicatur accidens prædicamentale prædicatione directæ, & Logica: licet substantialis sit prædicatione reductiua, & Physica.

12 qu 110.
a 4. ad 3.

1. p qu 15.
a 3. ad 4.

Resp. 2. cum D. Thoma cit. in 12. dato quòd anima sine potentis esset, adhuc tamen diceretur secundum speciem suam intellectus, vel rationalis; non quia aliu haberet potentia: sed propter speciem talis essentie, ex qua varia sunt eiusmodi potentia effluere. Quid ergo in corpore efficeret? certè solum esse ipsi contraderet, vnde animal quidem rationale constat, sed quod neque actu intelligere, neque ridere, neque videre, &c. posset, sed solum radicaliter. Prior tamen solutio magis aridet.

Obiicitur quartò. Quæ eadem actione fiunt, sunt omnino idem, quia cum actio non distinguatur à termino, vt diximus in Phys. cap. 42. §. 4. sequitur non posse multiplicem esse terminum, si vnica tantum sit actio. Atqui eadem actione fiunt potentia, qua fit anima, vt modo diximus ex D. Th. qui propterea docuit non aliam esse ideam proprietatis ab idea subiecti. Resp. ad Mai. quæ fiunt eadem actione virtualiter indiuisibili, sunt idem, concedo: quæ fiunt eadem actione virtualiter diuisibili, sunt idem, nego. Resp. 2. negari posse Min. quia potentia fiunt actione, quæ propriè dicitur emanatio: anima verò sit actione, quæ est creatio. veleductio. Nec propterea diuersam ideam exigent, quia emanatio potentiarum virtute continetur in creatione: & Deus creans animam, simul principium creat, ex quo immediatè, ac in actu secundo potentia oriuntur.

§. 3.

*An potentia distinguantur per ordinem ad actus
& obiecta.*

HÆc questio sequitur ex priori: cum enim potentia distinguantur ab essentia: necesse est, vt distinguantur inter se. Quamobrem videndum est, à quo peti earum debeant pluralitas, & distinctio.

In primis notandum est aliud esse potentias distinguere per ipsos actus, eorumque obiecta: aliud eas distinguere per ordinem ad actus & obiecta: primum significaret ipsos actus, & obiecta esse principia formalia distinctionis potentiarum; vnde sequeretur ea simul esse principia specificantia, & constituentia, & consequenter intrinseca, ad eum modum, quo rationale constituit hominem, eumque à cæteris distinguit: hoc autem falsissimum est. Cum verò dicitur potentias distinguere per ordinem ad actus & obiecta, consideratur fundamentum huius ordinis tanquam quidpiam intrinsecum ipsis potentiis, & in hoc sensu sic

CONCLUSIO: potentia distinguuntur per ordinem ad diuersas rationes actuum, petitis à diuersis obiectis adæquatis. Quamobrem prima distinctionis radix & mensura debet si non derivari, certè inuestigari ex obiectis. Quandoquidem potentia ex essentia suo, ac primo instituto destinatur ad talium, vel talium obiectorum affectionem, quæ quia non fit nisi per actus: Ideo per se ordinantur ad actus: quatenus per eos attingunt hæc obiecta. v. g. potentia visiva ex se instituta est ad per-

ceptionem lucis & colorum : ideo perse ad visionem elicendam dirigitur, vt ea mediante colores percipiat : ita non oportet diuidere ordinem ad actus ab ordine ad obiecta : sed potius verumque simul, ac per modum vnius contemplari. Hinc fiet, vt qua ratione, actus specificabuntur ab obiectis, eadem potentia specificentur ab actibus. Rursus cum obiecta sese ad potentias habeant vt fines: finis autem habeat rationem perfecti : quippe qui totam rei ad se tendentis inclinationem terminare, ac satiare debeat : ideo necesse est hic nomine obiecti, per ordinem ad quod potentia distinguuntur, intelligi obiectum adæquatum & proprium: quomodo v. g. se habet verum ad intellectum : coloratum siue lucidum ad visum, &c. sic ergo exposita Conclusio probatur breuiter : Cuius tota ratio est in ordine ad certa obiecta per certos actus, id variatur aut multiplicatur per ordinem ad certos actus & ad certa obiecta: sed potentia sunt eiusmodi. Ergo. Totum argumentum est euidens: & sanè quid est potentia, nisi efficacia quædam & vis ad certa quædam obiecta per certos quosdam actus tendentis? estque in anima id solum, quod hæc mobilis est ad hoc aut illud, ideo sicut motiua per motus distinguuntur à terminis: & relatiua à correlatis: sic potentia ab obiectis.

Dices, An non potius deberent distingui à principiis, è quibus emanant? si enim ad eorum speciem & essentiam reuocantur, an non etiam ad specificam eorum distinctionem specificè different? alioquin certè potentia visiva hominis, nihilo magis differret à potentia visiva leonis, quam ab alia potentia alterius hominis: hoc autem inde maximè falsum conuincitur, quòd proprietates conuertantur cum subiecto: neque enim proprietas hominis, eius esset proprietas, si leoni, vel alij vlli conueniret: at potentia sunt proprietates. Resp. nequaquam posse ab essentia erui potentiarum distinctionem: quia cum vnica essentia plures potentias habeat, necesse est, vt aliunde distinguantur. Quamobrem ad obiectionem duplex solet adhiberi distinctio. Prima est eiusmodi: potentia animæ possunt considerari duobus modis: *primo* sub præcisa notione potentia: *secundo* sub notione proprietatis: primo modo, inquit Caiet. distinguuntur per ordinem ad obiecta, vt diximus: & sic potentia hominis & potentia leonis in ratione potentia non differunt: secus verò, secundo modo: Eodem recidet, si dixeris potentias illas specie logica, & secundum id quod directè, atque formaliter sunt ex seipsis, mutuo conuenire: differre verò specie physica, & secundum quod reductiue, atque ex subiecto sunt: sic ex Auerroë membra hominis, & membra leonis differunt specie ob diuersam appropriationem, qua reuera pertinent suppositiue ad diuersas species: licet alioquin in ratione ceruicis, vel cordis conueniant.

Secunda Responso est, quòd attendi debeat gradus, è quo proprietates emanant: nam alia prorumpunt è gradu specifico, vt risibilitas, ratiocinandi facultas, &c. Et hæc soli conueniunt homini: alia verò è gradu generico videlicet animalis, vel viuientis, & hæc debent in omni animali, vel in omni viuente reperiri: & cum tali gradu conuertuntur.

Hoc

Hoc autem modo cunctæ potentiz sensitivæ, vt potentia visiva, imaginativa &c. sunt proprietates animalis; à quo gradum vtiq; mutantur; & in ratione potentiz sensitivæ ab eodem animali specificantur: licet in ratione talis, vel talis potentiz distinguantur per ordinem ad actus & objecta.

Dices secundo, potentiz & actus sunt quid absolutum secundum essentiam: Ergo non constituuntur per relationem ad aliud. Resp. potentias esse quid absolutum, per oppositionem ad relationem prædicamentalem: non verò per oppositionem ad transcendentalem: licet enim relatio prædicamentalis sequatur potentiam operantem; tamen potentia, vt prior actu, & ex se solam relativa est transcendentem.

Instat tertio, si potentiz distinguantur per ordinem ad objecta, sequi vt vnus obiecti vnica esse deberet potentia: quod tamen est falsum, cum verum & bonum sint vnum & idem: & tamen ab illo intellectus, & voluntas ab hoc speciem desumant suam. Aliunde potentiz non minus à diuersis obiectis particularibus deberent distinctionem vsurpare, quam habitus, quod tamen verum non est. Resp. negando sequelam: & ad instantiam Respondet S. Thomas distinctionem potentiarum non desumi ex distinctione materiali obiectorum: sed ex diuersa ratione formalis ipsorum: Hoc tamen multorum diuorsit ingenia. Sufficiat modo, quòd cum potentia non ob aliud ordinetur ad objecta, quam vt circa ea sic afficiatur, quantum animarum, vel compositi perfectio exigit: si in eadem re sint diuersæ formalitates, quæ modis toto genere diuersis possint afficere operantem: tunc censentur constituere diuersa objecta formalia & adæquata: sic autem se habent veri, & boni rationes: nam vt verum, illuminat; prouocat, vt bonum: illud assimilatione, quæ parit verbum: hoc adhæsiōe & complacentia, quæ parit affectum, percipitur. Denique actus illi ex ipso suo genere necessarid à parte rei diuersi sunt: vt pote realem ac necessariam subordinationem, & dependentiam includentes: affectus enim è notitia pendet. Quæ ergo potentiz per se ordinantur ad tales actus, prout sic in genere specificantur ab eodem obiecto diuersas rationes obiectiuas continente, eæ verè atque realiter distinguuntur: sic se habent intellectus, & voluntas respectu veri, & boni. Ergo. Ad reliquum Respondet D. Thom. clt. quòd potentia superior per se respicit vniuersaliorem rationem obiecti, quam potentia inferior: & consequenter, quam habitus: vide 1. p. q. 77. a. 3.

QVÆRES, an in potentiis animæ ordo aliquis reperiat. Resp. cum D. Thoma clt. affirmatiue, quia cum vna sit anima, & potentiz plures: necesse est, vt ordine quodam ab vno in multitudinem procedatur: quia id Deus in omni multiplicatione obseruat: oppositum inordinationem argueret, quæ in operibus sapientissimi conditoris nusquam potest inueniri: quæ enim à Deo sunt, ordinata sunt.

Ordo autem duplex est, Naturæ scilicet, & generationis. Secundum ordinem naturæ, potentiz intellectivæ sunt priores potentiis sensitivis, vnde dirigunt eas, eisq; imperant: & sic sensitivæ vegetatiuis: quam-

quam non ex quo iis imperent: sed tamen ut perfectiores, prius quoque à natura intenduntur. Secundum ordinem generationis contrarium accidit, ut ait idem S. Thomas: sed hoc velim potissimum ita intelligi, ut anima prius expedita sit ad exercendum ordinem potentiz quem habet ad actus vegetatiuos, quam ad actus sensitiuos; & ad hos quam ad intellectiuos: quia reuera sic solet natura semper procedere ab imperfectis ad perfectiora: ita *Aristot. lib. 2. de anima cap. 3.*

§. 4.

In quo subiecto sint potentiz anima.

DIFFICULTAS hic nulla est de potentiis intellectiuis. Hæ namque sunt in ipsamet anima, ut in confesso est apud omnes, qui eam spirituales, & separabilem considentur. De solis ergo corporeis mouetur questio sc. de sensitiuis, & vegetatiuis.

Dux autem sunt sententiz omnino sibi contrariæ: prima est D. Thomæ, quam communiter recentiores amplectuntur, nimirum potentias vitales organicas esse in toto viuentē, sicut in subiecto: in anima verò, solum ut in principio emanationis. Ratio est, quia eius est suscipere potentiam per modum subiecti, cuius est operari per modum suppositi: sed totum viuens est id quod videt, quod sentit, quod vegetatur, &c. Ergo totum viuens est subiectum potentiarum eiusmodi.

Secunda sententia est Platoniorum, quam etiam amplexi sunt Paulus Venetus in *summa de anima cap. 4.* Iandunus 2. *de anima q. 7. ad 3.* Apollinaris *q. 7.* Gregor. Arim. in 2. d. 17. *q. 2.* & alij, dicentes hæc potentias esse subiectiue in anima: ita tamen ut per se ac necessariò exigant organa corpora, quibus subministrantur species, vel adhibeatur materia, & obiectum circa quod agere valeant. Ita sensisse reuera videtur sanctus Augustinus: qui passim ait animam, *quedam sentire per corpus: & non corpus, sed animam dolere per corpus, quo utitur tanquam nuncio*: fundamentum est. Quod nullam vim agendi corpori attribuunt: sed solum patiendi: & aliunde quod proprietates solum in eo sint, ex quo emanant. Quamobrem plena huius litis solutio pendet ab hac alia questione, quid sit pati, & quomodo ad illud cõcurrat corpus. Interim solum hic notauero posse tribus modis hanc à nobis expendi questionem: potentia enim vel secundum purum conceptum potentiz vitalis funditur: vel secundum omnia quæ tam ex parte formæ, quàm ex parte materiæ ad agendum requiruntur. Rursus, cum quæritur in quo sit potentia, ut in subiecto, considerari potest quodnam sit proprium susceptiui potentiz secundum essentiam; vel quodnam secundum esse. His positis, quatuor conclusiones statuendæ sunt.

PRI-M-A: Potentia vitalis præcisè, ut talis, secundum essentiam est in sola anima, ut in proprio susceptiuo. Id probat ratio secundæ sententiæ: & inde roboratur, quod eo genere locutionis solum innuatur to-

12. sup. Gen.
6. 46. 10. 59.

tam vim & energiam agendi, quæ potentiis ipell, penes solam animam esse, in eaque consistere, non in corpore, quippe cui sola patiendi, & non agendi vis inest.

SECUNDA: Potentia prout omnia, quæ sunt ad operandum requisita complectitur, sine dubio in toto composito residet: hoc enim modo continent organa, quæ profectò sunt in corpore: sequæ habent ad potentiam, ut quid materiale ad formale: nam ex parte materiæ solum requiruntur ad recipiendas species, vel ad fouendam temperiem requisitam.

TERTIA: Potentia vitalis in viuento merò corporeo solum inexistit toti mediante esse totius: etenim cum sit accidens, supponit esse substantiæ: quod cū conveniat soli supposito, & non animæ irrationali, ut constat ex dictis suprà, sequitur etiam potentias omnes eiusmodi animarum existere consequenter in toto composito mediante ipso esse totius: ac non nisi eodem mediante à suo formali principio emanare. Id autem probat ratio S. Thomæ.

Quoad animam verò rationalem, sic possumus loqui: potentia vitales secundum quòd proprietates eius sunt, primariò existunt in sola anima, sed per quandam extensionem in toto: seu existunt in anima connotando corpus. Ratio enim disparitatis est, quia eatenus potentia illæ insunt animæ, quatenus ipsi esse competit: ac esse primariò competit animæ rationali, & per extensionē toti: siquidem ipsa subsistens est: ac primum esse suscipit, quod deinde in corpus extenditur: ita ipsum inesse potentiarum primò respicit animam: secundò, per extensionem communicatur toti. Atque ita potuit rectè S. Augustinus post Platonem dicere animam per sensum dolere, sentire, &c.

Ex his inferitur potentias, quæ organa corporea exigunt ad sui complementum, non posse manere sic integras in anima separata: neque posse absolute simpliciter actus proprios, nimirum visionis, nutritionis, &c. edere: quoniam repugnat hos elici sine alteratione aliqua materiali, vel sine assimilatione corporea: quæ sine instrumento corporeo nusquam possunt subsistere. At si, ut sunt præcisè proprietates, considerentur; sic in anima rationali, velut in propria radice permanebunt, sed in solo actu primo, & sine efficacia ad operandum.

CAPUT XII.

DE FORMATIONE CORPORIS.

Hactenus de Anima secundum se & secundum potentias in genere considerata diximus: nunc disceptanda sunt ea, quæ ad vires particulares spectant, atque ad eas vitæ functiones, quas ipsa exercet in corpore: Ideo ab imperfectioribus progressuri ad perfectiores, exordiemur modo à vegetati-

non distinguit, neque à se inuicem, neque ab essentia, nisi verbo tenus, ac solo modo loquendi: Ita *Nominales*: alij distingui eas volunt, sed solum formaliter à parte rei: sic *Scotista*: alij haud aliter quam connotationibus, & relationibus. Ita vt anima dicatur potentia videndi, quatenus ordinatur ad actum videndi, & intellectus, quatenus ordinatur ad actum intelligendi: sic *Henric. quodl. 3. q. 14. Gratiadeus in Phys. q. 15. Dur. in 1. d. 3.* Alj denique volunt eas absolute distingui realiter: sic *Thomista*, cum quibus sic

CONCLUSIO. Probabilius est potentias animæ cum à seipsis, tum etiam ab eius essentia realiter distingui. Ita expressè *S. Thomas 1. p. q. 77. a. 1. Alb. Mag. in 1. d. 3. Egidius, Hervaeus, &c.* Ita quoque Platonici secundum Ficinum *l. 10. de Theol. Plat. & Stoici secundum Plutarchum 4. de placitis. Bannez in 1. q. 77.* conatur hanc conclusionem firmare autoritate sacrae scripturae. Sed nihil inde profert, quod non facile solvatur ab aduersariis. Quamobrem sufficit hic ea producere, quæ huiusmodi non diuinam, sed humanam duntaxat facere valeant,

In primis ergo probatur conclusio auctoritate: nam *S. Dionys. l. de Cælesti Hier. c. 11.* in Angelis distinguit hæc tria *essentiâ, virtutem, & operationem.* Idem supra ex Proclo notauimus *c. 1.* Accedit *D. August.* qui quamquam obscure admodum de hoc loquatur in libris de Trinitate, tamen satis euidenter ostendit in ea se fuisse persuasionem, vt animi potentia ratione saltem aliqua reali, & non ficta distinguantur: *Libro enim 15. c. 17.* in hoc maximè discrimen mentis nostræ à diuina concludit, quod ea quibus tres personæ sese intelligunt, ac diligunt, non dissent in eis, sicut in nobis aliud est memoria, aliud intelligentia, aliud dilectio, seu charitas. Et *c. 12.* non tamen sicut in imagine Trinitatis, non hæc tria unus homo; sed unius hominis sunt, &c. Idem quoque docet *S. Ansel. 1. de concord. predest. cum lib. arb. c. ult. & similiter Magister Seix. in 1. d. 3.* quem sequuntur *D. Bonan. & Alex. Alensis.* Denique idem voluit Aristoteles, cum Platonem in loquendo imitatus, animæ potentias per partes distinguit, ac enumerat *l. 2. r. 27. & l. 3. r. 20. &c.*

Ratione autem probatur sic: Cuius posse distinguitur ab esse, eiusdem etiam potentia distinguitur ab essentia. Sed in anima non est idem posse, ac esse. Ergo in anima potentia distinguitur ab eius essentia: & quidem realiter, quemadmodum realiter aliud est posse, & aliud esse. Ma. est euident, quia sicut se habet esse ad essentiam, sic posse ad potentiam. Ideo vti posse distinguitur ab esse, necesse est, vt aliud sit id quod sumus; aliud id quo possumus. Atque hocce genere argumentationis semper vsus est *S. August. in li. de Trinit. & alibi.* Probatur enim in nobis distingui sapientiam, vel memoriam ab essentia, non alio vtitur medio, nisi quia non est nobis esse, quod est nosse: vel sapere, *l. 15, &c.* Minor probatur, quia quæ diuersos à parte rei effectus formales inferunt, vel diuersis modis possunt variari, certè à parte rei differunt: sed posse & esse sunt eiusmodi: Enimvero esse toti composito cõfert anima: posse verò soli parti organicæ: vnde verum est eo

quod videre possit, ab ea exigi determinatum oculi organum: non verò eo quod simpliciter sit. Hinc esse potest sine corpe, & sine oculo: videre autem non potest sine utraque: item esse ipsum æquale in omnibus animantibus est: *posse* verò, non item: nam in aliis potentia visus prævalet, in aliis olfactus, &c. & inter animos immortales, aliis datur *posse* subtilius & perspicacius intelligere, aliis obtusius: licet in omnibus idem, & eodem modo esse se habeat. Respondent quod animæ conveniat *posse* per se, ac per suum esse: sed ita ut *posse* istiusmodi connotet ordinem ad actus distinctos, qui quandoque nequeunt exeri sine quibusdam corporeis organis: unde potentia organicæ dicuntur: aliquando sine illis quidem, sed non sine obiectorum quorundam applicatione, quæ pædet vel ab anima, vel à Deo, vel aliunde ut sit in intellectu, voluntate, &c. Sic inquit, anima in ordine ad se considerata, dicitur essentialis in ordine ad corpus, anima; in ordine ad operationes, potentia. Sed *contra*: fundamentum diversæ connotationis & ordinis debet esse diversum. Ergo aliud est, unde connotat operationem: aliud unde non connotat: tunc eatenus connotat operationem, quatenus potens est operari. Ergo potentia supponitur ut radix talis relationis, & non per illam inducitur.

Hoc inde vterius confirmatur, quod unius Dei hoc videatur esse privilegium, ut per essentiam suam possit, quæcumque potest: creatura verò solum participatione, ac contingenter. Ideo aliud Dei donum est potentia, qua quidpiam boni agere possumus: aliud essentia, qua quidpiam boni sumus: vnumque potuit Deus conferre sine alio: sicut modo dixi, quod est *posse* conferre, hoc quod est *operari*, non tribuens.

Confirmatur, quia quæ dicuntur animæ facultates, perfectiones quædam sunt, quæ illam essentia suâ iam gaudentem supponunt, quæque ad sui complementum aliquid externi desiderant, sine quo absolute operatio exeri non potest: neque enim mens potest intelligere sine speciebus, vel sine irradiatione idearum: neque anima sentire sine organis, sine luce, aut sine calore, &c. Cum ergo anima in ratione animæ sit perfecte completa per seipsam, non verò in ratione potentia, sequitur ipsam reuera potentiam suam non esse: atque in conceptu potentia, necessariò includi aliquid, quod præter essentiam ejus sit, eique contingenter adueniat.

Denique hoc multò conformius est communi modo loquendi omnium hominum: dicimus enim nos per voluntatem velle, per intellectum intelligere; & ita solept omnes distinguere facultates, ubi diversa operationum genera discernunt. Mens, inquit S. August. *reminiscentur per memoriam; intuetur per intelligentiam; amplectitur per dilectionem*, &c. Dicit his significari solum animam quatenus intelligit, intellectum dici: quatenus diligit, voluntatem; &c. *Contra*, ille modus loquendi reuera innuit potentia esse quid medium inter animam, quæ operatur, & operationem ipsam: quod habeat rationem instrumenti; sitque animæ ratio agendi hoc aut illud. Sicut dum dicimus: homo pedibus am-

15 de Trinitate 6. 20.

bulat; manu percutit; penicillo pingit, &c. Ita cum ratio & communis modus loquendi conueniant, videtur probabilius rem ita se habere, præsertim, cum in contrarium obstat nihil. Alias rationes vide apud D. Th. 1. p. q. 77. cuiusque discipulos: præcipuè Bannæz.

§. 2.

Rationes opposita diluuntur.

IN primis occurrit S. Augustinus, qui profecto contrarium videtur asserere 9. de Trinit. Simul, inquit, admonemur, si utrumque videre possumus hæc in anima existere, & tanquam inuoluta euolui, ut sentiantur, & dinoscantur substantialiter, vel, ut ita dicam, essentialiter, non tanquam in subiecto, ut color, aut figura in corpore, aut vlla alia qualitas, aut quantitas. Quicquidenim tale est, non excedit subiectum, in quo est; non enim color iste, aut figura huius corporis potest esse, & alterius corporis. Mens autem amore, quo se amat, potest amare & aliud præter se Quamobrem non amor, & cognitio tanquam in subiecto insunt menti, sed substantialiter etiam ita sunt, sicut ipsa Mens Item quamuis substantia sit amans, vel sciens; substantia sit scientia; substantia sit amor, &c. Et lib. 10. cap. 11. ait tria hæc memoriam, intelligentiam, voluntatem esse vnā vitam, vnā mentem, vnā substantiam. Potuitne clariùs dicere potentias animæ ad ipsius essentialitatem, & substantiam pertinere: easque minimè accidentia esse credenda?

Respondeo hæc verba iam olim diligentissimè ponderata fuisse à Maestro sent. Alex. Alensi, Alb. Mag. D. Th. D. Bonau. & alijs S. Augustini fidissimis discipulis, qui tamen omnes constantissimè docent ex mente ipsius, potentias animæ ab ea esse distinguendās. Quamobrem Respondet Magister in 1. d. 3. has vires esse proprietates ipsius animæ, à se inuicem differentes, ita ut vna non sit alia: dici tamen substantialiter esse quid vnum in anima, ut distinguantur ab accidentibus communibus, quæ sunt in subiecto, sic tamen ut possint abesse, & adesse citra eius corruptionem. D. Bonauent. idem quoque hic sentit: & addit has potentias dici substantiales, eo quod per reductionem sint in eodem genere, in quo est anima: & similiter dici posse essentielles, id vocabuli extendendo ad id, sine quo res non potest cogitari habere perfectum esse, ut sunt potentia in anima, & hoc est minimo modo substantiale, siue essentialē, non tamen tendit in aliud genus: & in 2. d. 24. a. 2. q. 1. ait potentias animæ ad eius essentialitatem pertinere, propterea quod in eius essentia radiceantur, adeoque illi adhæreant intrinsecus, ut non cadant in aliud genus. Hæc solutio videtur maximè consentanea menti S. Augustini, quia dilucidè, ac disertè sententiam Platoniorum, qua imbutus ipse erat, explicat: volebant enim illi multos esse actus, viresque varias intra ipsummet substantiæ genus, ut de vita, lumine, rationibus seminalibus per sepe subinnuimus. Quomodo autem queant ista reuocari ad genus

substantiæ, sic D. Bonaventura cit. exponit. Quinque modis, inquit, potest aliquid ad genus substantiæ reuocari: primo, sicut principia. 2. sicut complementum. 3. sicut viæ. 4. sicut similitudines. 5. sicut priuationes. Principia sunt vel essentialia, vt materia & forma; vel integritas, vt manus, pes, &c. Complementum est vel actus primus, vt vita, esse; vel aptitudo, vt differentia, quæ complent speciem: quod possemus quoque reuocare primas proprietates, ex quibus specierum distinctio communiter desumi solet, vt hinnibile, risibile, &c. Via est vel progressus ad substantiam, vt generatio; vel egressus è substantia, vt emanatio virtutis: & huc potentias animæ reuocat: quia sunt quædam energiz, quibus anima quasi è seipsa in externum quid exit, vt quando ex semine intelligentiæ, vel dilectionis, quod in natura sua fouet, à Deo scilicet insertum, prodit in actum secundum, quo rei à se distinctæ per notitiæ, vel affectus cognitionem accedit. Similitudo, vt species coloris, color est, &c. sic animæ potentia consideratur, non vt quid ab anima separabile, sicut color, aut scientia, &c. sed sicut aliquid essentialiter connexum animæ: ita vt anima in illo, ac per illud, intelligatur progressi ad obiecta; & illud quasi viâ eius ad aliqd, aut tanquam vis eam exprimens, & ex ea vicens, ac per eam, neque vnquam sine ea.

D. Thomas vtpote Aristoteli magis addictus, cum nihil vellet admittere medium inter substantiam propriè dictam, & accidens, quod in 9. prædicamenta distribuitur, asseruit potentias esse verum accidens de genere qualitatis, ac propriè in anima, vt in subiecto inesse, ideo cogitur exponere D. Augustinum quasi locutus improprie fuerit: vel quasi nomine cognitionis, & amoris solum rem cognitam, & amatam subaudiuerit: lege illum 1. p. q. 77. a. 1. ad 1.

Interim notari velim hic D. Augustinum nomine cognitionis, & amoris his in locis non esse intelligendum de actibus elicitis, sed de quodam actu virtuali, secundum quem dici potest anima semper se se cognoscere, & amare: sic Plotinus, Iamblicus, & alij olim docuerant animam rationalem in continuo actu intelligendi esse, quamquam is à nobis nisi reflexione percipi non valeat: volebant scilicet himenti sic intelligere conuenire, sicut luci lucere. Quamobrem cum anima sibi semper præsens sit, ipsam sibi semper esse cognitam asserabant: sed hoc, vt dixi, de notitia virtuali debet intelligi; seu, si malis, de aliquo sensu intellectuali, ac velut intima quadam, & iugi pereceptione experimentalis, qualis est ea, qua sentimus nos viuere, etiam cum de eo minimè cogitamus: non verò de actuali propriè dicta notitia: quam D. August. propriè nomine cogitationis indicauit. Ità illum facile intelliges, dum lib. 15. cap. 15. dixit *sempiternum est enim animo viuere. sempiternum est scire, quod vivit: nec tamen sempiternum est cogitare vitam suam, vel cogitare scientiam vite sue: quoniam cum aliud, atque aliud caperit, hoc desinit cogitare; quamuis non desinat scire.*

Obiicitur secundo. Anima per seipsam potest intelligere, ac velle: ergo frustra multiplicabis potentias. Antec. patet: primo quia anima ex

natura sua est intellectiua veri, & appetitiua boni: *Secundo*, anima est per se id quo viuimus, mouemur, sentimus, & intelligimus. *Tertio*, saltem cum organis corporeis potest esse sufficiens principium operationes corporeas exercendi. Resp. negari communiter Antecedens à Thomistis, & merito; quia vt non potest creatura existere per essentiam, sic nec operari: & consequenter aliud in ea esse debet principium existendi; aliud operandi: vnde voluit id pertinere ad discrimen creaturæ à Creatore. *Dices*, forma quædā accidentalis datur, quæ immediatè per essentiam suam sit principium operandi, vt calor, lux, &c. ergo quidni dabitur si nilliter forma quædam substantialis? Resp. nego conseq. quia tota eiusmodi formarum essentia in eo posita est, vt sit ipsamet virtus; siue potentia substantiæ: secus de forma substantiali: 1. quia forma accidentalis est eiusdem ordinis & generis, cum operatione: non verò forma substantialis: est autem admodum vero consentaneum, quodd potentia quæ per se ordinatur ad aliquem actum, sit eiusdem cum illo generis: sicut solet omne principium reduci ad genus eius rei, cuius est principium.

Quoad instantias verò, quibus antecedens probabatur: *Resp. ad primam*, animam ex natura sua esse quidem intellectiuam, & appetiuam radicaliter; at non formaliter. *Ad secundam*, similiter animam esse primum & radicale principium, quo viuimus, &c. *Ad tertiam*, Nego sola organa sufficere sine potentia formali, quæ homini iam completè existenti censetur accrescere. Idque ob rationes inductas.

Obiicitur tertio. Quæ nulla vi, aut ratione possunt separari, ea sunt realiter idem: sed anima, & eius potentiæ sunt eiusmodi: sunt enim eius proprietates, & consequenter accidentia inseparabilia: & confirmatur, quia si separari possint, fingamus actû à Deo animam Petri suis potentiis destitui; & ponatur in corpore organizato, tunc an non illud viuificabit? an non vegetabit? eritne etiam animal rationale? at hæc quomodo faceret sine potentiis? *Resp. primo*, ex suprâ cit. D. Bonau. constare, quodd secundum D. August. potentiæ, non sint naturæ quædam separabiles, sicut color, &c. & alia communia accidentia. Id quod etiam tenuit Caietanus, cū bene multis aliis: & ipse in primis D. Thomas fauet maximè, cū ait quod cum potentia anima sint naturales proprietates eius sequentes ipsam essentiam animæ, non potest esse sine illis: & alibi negat dari apud Deum ideam propriæ passionis distinctam ab idea subiecti, eo quod passio simul sit, ac simul fiat cum subiecto: quemadmodum ob eandem rationem generis non datur idea, quæ ab idea speciei distinguitur: quibus verbis ostendit proprietates verè ad essentiam, cuius sunt, pertinere, eique nexu essentiali, & insolubili æquè ac genus connecti: vnde haud multum à D. Bonauentura & à S. August. differre videtur, nisi forte solum in modo loquendi. Nec difficile profectò fuerit illos conciliare, si hanc distinctionem admittere lubeat: vt scilicet potentia dicatur accidens prædicamentale prædicatione directâ, & Logica: licet substantialis sit prædicatione reductiua, & Physica.

12 quæ 11c.
a 4. ad 3.

1. p quæ 15.
a 3. ad 4.

Resp. 2. cum D. Thoma cit. in 12. dato quod anima sine potentijs esset, adhuc tamen diceretur secundum speciem suam intellectualis, vel rationalis; non quia actum haberet potentias: sed propter speciem talis essentia, ex qua natura sunt eiusmodi potentia effluere. Quid ergo in corpore efficeret? certe solum esse ipsi contraderet, vnde animal quidem rationale constaret, sed quod neque actu intelligere, neque ridere, neque videre, &c. posset, sed solum radicaliter. Prior tamen solutio magis aridet.

Obiicitur quartò. Quæ eadem actione fiunt, sunt omnino idem, quia cum actio non distinguatur à termino, vt diximus in Phys. cap. 42. §. 4. sequitur non posse multiplicem esse terminum, si vnica tantum sit actio. Atqui eadem actione fiunt potentia, qua fit anima, vti modo diximus ex D. Th. qui propterea docuit non aliam esse ideam proprietatis ab idea subiecti. Resp. ad Mai. quæ fiunt eadem actione virtualiter indiuisibili, sunt idem, concedo: quæ fiunt eadem actione virtualiter diuisibili, sunt idem, nego. Resp. 2. negari posse Min. quia potentia fiunt actione, quæ propriè dicitur emanatio: anima verò fit actione, quæ est creatio, veleductio. Nec propterea diuersam ideam exigent, quia emanatio potentiarum virtute continetur in creatione: & Deus creans animam, simul principium creat, ex quo immediatè, ac in actu secundo potentia oriuntur.

§. 3.

*An potentia distinguantur per ordinem ad actus
& obiecta.*

HÆc questio sequitur ex priori: cum enim potentia distinguantur ab essentia: necesse est, vt distinguantur inter se. Quamobrem videndum est, à quo petitarum debeant pluralitas, & distinctio.

In primis notandum est aliud esse potentias distinguere per ipsos actus, eorumque obiecta: aliud eas distinguere per ordinem ad actus & obiecta: primum significaret ipsos actus, & obiecta esse principia formalia distinctionis potentiarum; vnde sequeretur ea simul esse principia specificantia, & constituentia, & consequenter intrinseca, ad eum modum, quo rationale constituit hominem, eumque à cæteris distinguit: hoc autem falsissimum est. Cum verò dicitur potentias distinguere per ordinem ad actus & obiecta, consideratur fundamentum huius ordinis tanquam quidpiam intrinsecum ipsis potentijs, & in hoc sensu fit

CONCLUSIO: potentia distinguuntur per ordinem ad diuersas rationes actuum, petitas à diuersis obiectis adæquatis. Quamobrem prima distinctionis radix & mensura debet si non deriuari, certè inuestigari ex obiectis. Quandoquidem potentia ex essentiali suo, ac primo instituto destinantur ad talium, vel talium obiectorum affecutionem, quæ quia non fit nisi per actus: Ideo per se ordinantur ad actus: quatenus per eos attingunt hæc obiecta. v. g. potentia visus ex se instituta est ad per-

ceptionem lucis & colorum : ideo perse ad visionem elicendam dirigitur, vt ea mediante colores percipiat : ita non oportet diuidere ordinem ad actus ab ordine ad obiecta : sed potius vtrumque simul, ac per modum vnius contemplari. Hinc fiet, vt qua ratione, actus specificabuntur ab obiectis, eadem potentie specificentur ab actibus. Rursus cum obiecta sese ad potentias habeant vt fines: finis autem habeat rationem perfecti: quippe qui totam rei ad se tendentis inclinationem terminare, ac satiare debeat: ideo necesse est hic nomine obiecti, per ordinem ad quod potentie distinguuntur, intelligi obiectum adxatum & proprium: quomodo v. g. se habet verum ad intellectum: coloratum siue lucidum ad visum, &c. sic ergo exposita Conclusio probatur breuiter: Cuius tota ratio est in ordine ad certa obiecta per certos actus, id variatur aut multiplicatur per ordinem ad certos actus & ad certa obiecta: sed potentie sunt eiusmodi. Ergo. Totum argumentum est euident: & sanè quid est potentia, nisi efficacia quædam & vis ad certa quædam obiecta per certos quosdam actus tendentis? estque in anima id solum, quod hæc mobilis est ad hoc aut illud, ideo sicut motiua per motus distinguuntur à terminis: & relatiua à correlatis: sic potentie ab obiectis.

Dices, An non potius deberent distingui à principiis, è quibus emanant? si enim ad eorum speciem & essentiam reuocantur, an non etiam ad specificam eorum distinctionem specificè differunt? alioquin certè potentia visua hominis, nihilo magis differret à potentia visua leonis, quam ab alia potentia alterius hominis: hoc autem inde maximè falsum conuincitur, quòd proprietates conuertantur cum subiecto: neque enim proprietas hominis, eius esset proprietas, si leoni, vel alij vlli conueniret: at potentie sunt proprietates. Resp. nequaquam posse ab essentia erui potentialium distinctionem: quia cum vnica essentia plures potentias habeat, necesse est, vt aliunde distinguantur. Quamobrem ad obiectionem duplex solet adhiberi distinctio. Prima est eiusmodi: potentie anime possunt considerari duobus modis: *primo* sub præcisa notione potentie: *secundo* sub notione proprietatis: primo modo, inquit Caiet. distinguuntur per ordinem ad obiecta, vt diximus: & sic potentie hominis & potentie leonis in ratione potentie non differunt: secus verò, secundo modo: Eodem recidet, si dixeris potentias illas specie logica, & secundum id quod directe, atque formaliter sunt ex seipsis, mutuo conuenire: differre verò specie physica, & secundum quod reductiue, atque ex subiecto sunt: sic ex Aueroë membra hominis, & membra leonis differunt specie ob diuersam appropriationem, qua reuera pertinent suppositiue ad diuersas species: licet alioquin in ratione ceruicis, vel cordis conueniant.

Secunda Responsio est, quòd attendi debeat gradus, è quo proprietates emanant: nam alie prorumpunt è gradu specifico, vt risibilitas, ratiocinandi facultas, &c. Et hæ soli conueniunt homini: alie verò è gradu generico videlicet animalis, vel viuientis, & hæ debent in omni animali, vel in omni viuente reperiri: & cum tali gradu conuertuntur.

Hoc

in 1. p. 9. 77
a j.

Hoc autem modo cunctæ potentia sensitivæ, ut potentia visiva, imaginativa. &c. sunt proprietates animalis; à quo gradum utique mutantur: & in ratione potentia sensitivæ ab eodem animali specificantur: licet in ratione talis, vel talis potentia distinguantur per ordinem ad actus & objecta.

Dices secundo, potentia & actus sunt quid absolutum secundum essentiam: Ergo non constituuntur per relationem ad aliud. Resp. potentias esse quid absolutum, per oppositionem ad relationem prædicamentalem: non verò per oppositionem ad transcendentalem: licet enim relatio prædicamentalis sequatur potentiam operantem; tamen potentia, ut prior actu, & ex se solùm relativa est transcendenter.

Instat tertio, si potentia distinguantur per ordinem ad objecta, sequi ut unius objecti unica esse deberet potentia: quod tamen est falsum, cum verum & bonum sint unum & idem: & tamen ab illo intellectus, & voluntas ab hoc speciem desumant suam. Aliunde potentia non minùs à diversis objectis particularibus deberent distinctionem usurpare, quam habitus, quod tamen verum non est. Resp. negando sequelam:

& ad instantiam Respondet S. Thomas distinctionem potentiarum non desumi ex distinctione materiali objectorum: sed ex diversa ratione formali ipsorum: Hoc tamen multorum diu torsit ingenia. Sufficiat modo, quod cum potentia non ob aliud ordinetur ad objecta, quam ut circa ea sic afficiatur, quantum animarum, vel compositi perfectio exigit: si in eadem re sint diversæ formalitates, quæ modis toto genere diversis possint afficere operantem: tunc censentur constituere diversa objecta formalia & adæquata: sic autem se habent veri, & boni rationes: nam ut verum, illuminat; prolicit, ut bonum: illud assimilatione, quæ parit verbum: hoc adhæsiōe & complacentia, quæ parit affectum, percipitur. Denique actus illi ex ipso suo genere necessariò à parte rei diversi sunt: utpote realem ac necessariam subordinationem, & dependentiam includentes: affectus enim è noticia pendet. Quæ ergo potentia per se ordinantur ad tales actus, prout sic in genere specificantur ab eodem objecto diversas rationes objectivas continente, & verè atque realiter distinguuntur: sic se habent intellectus, & voluntas respectu veri, & boni. Ergo. Ad reliquum Respondet D. Thom. cit. quòd potentia superior per se respicit uniuersaliorem rationem objecti, quam potentia inferior: & consequenter, quam habitus: vide 1. p. q. 77. a. 3.

Quæres, an in potentiis animæ ordo aliquis reperitur. Resp. cum D. Thoma cit. affirmatiuè, quia cum una sit anima, & potentia plures: necesse est, ut ordine quodam ab uno in multitudinem procedatur: quia id Deus in omni multiplicatione obseruat: oppositum inordinationem argueret, quæ in operibus sapientissimi conditoris nusquam potest inueniri: quæ enim à Deo sunt, ordinata sunt.

Ordo autem duplex est, Naturæ scilicet, & generationis. Secundum ordinem naturæ, potentia intellectivæ sunt priores potentiis sensitivis, unde dirigunt eas, eisque imperant: & sic sensitivæ vegetatiuis: quam-

tam vim & energiam agendi, quæ potentiis inest, penes solam animam esse, in eaque consistere, non in corpore, quippe cui sola patiendi, & non agendi vis inest.

SECUNDA: Potentia prout omnia, quæ sunt ad operandum requisita complectitur, sine dubio in toto composito residet: hoc enim modo continet organa, quæ profectò sunt in corpore: seque habent ad potentiam, ut quid materiale ad formale: nam ex parte materiæ solum requiruntur ad recipiendas species, vel ad fouendam temperiem requisitam.

TERTIA: Potentia vitalis in viuente merè corporeo solum incipit toti mediante esse totius: etenim cum sit accidens, supponit esse substantiæ: quod cum conueniat soli supposito, & non animæ irrationali, ut constat ex dictis supra, sequitur etiam potentias omnes eiusmodi animarum existere consequenter in toto composito mediante ipso esse totius: ac non nisi eodem mediante à suo formali principio emanare. Id autem probat ratio S. Thomæ.

Quoad animam verò rationalem, sic possumus loqui: potentia vitales secundum quod proprietates eius sunt, primariò existunt in sola anima, sed per quandam extensionem in toto: seu existunt in anima connotando corpus. Ratio enim disparitatis est, quia eatenus potentia illæ inest animæ, quatenus ipsi esse competit: ac esse primariò competit animæ rationali, & per extensionem toti: siquidem ipsa subsistens est: ac primum esse suscipit, quod deinde in corpus extenditur: ita ipsum inesse potentialium primò respicit animam: secundò, per extensionem communicatur toti. Atque ita potuit etiam S. Augustinus post Platonem dicere animam per sensum dolere, sentire, &c.

Ex his inferitur potentias, quæ organa corporea exigunt ad sui complementum, non posse manere sic integras in anima separata: neque posse absolute simpliciter actus proprios, nimirum visionis, nutritionis, &c. edere: quoniam repugnat hos elici sine alteratione aliqua materiali, vel sine assimilatione corporea: quæ sine instrumento corporeo nusquam possunt subsistere. At si, ut sunt præcisè proprietates, considerentur: sic in anima rationali, velut in propria radice permanebunt, sed in solo actu primo, & sine efficacia ad operandum.

CAPUT XII.

DE FORMATIONE CORPORIS.

Hactenus de Anima secundum se & secundum potentias in genere considerata diximus: nunc disentienda sunt ea, quæ ad vires particulares spectant, atque ad eas vitæ functiones, quas ipsa exercet in corpore: Ideo ab imperfectioribus progressuri ad perfectiores, exordiemur modo à vegetati-

nis: generatione scilicet, nutritione, augmentatione, vita, &c. quæ omnes operationes ipsam corporis formationem supponunt. Ideo de hac primùm agimus.

§. 1.

De principio materiali, formali, & effectiuo corporis viuī.

2. de anima
c. 43.

CVM duplex sit formatio viuientium, vna per Creationem; altera per generationem: de hac solùm hic loquimur. *Prima* enim pertinet ad opus Creatoris, quando initio cuncta è nihilo produxit: de qua Theologi differunt in 2. sent. d. 17. & 1. p. q. 91. cui hoc peculiare fuit, vt quemadmodum nullam habuit materiam præparatam, sic nullo, præterquam se solo vsus sit cooperatore. Solus creauit omnia, neque ququam cum ipso: neque ipse ex quoquam. *Secunda* est opus naturæ, & quidem, vt docet Aristoteles, *quoniam natura*: ac præstantissimum. In hoc partem non exiguam habent cæli, elementa, & in primis ipsi progenitores vniuoci.

Quamquam autem formatio cuiuslibet viuientis sit planè admirabilis, eò quòd multis, iisque mira symmetria concinnatis, distinctisque partibus, & dispositionibus constare debeat; tamen humani corporis architectura, & organizatio, cæteris longo antestant intervallo. Eaque propter merito viuorum corporum, atque animantium omnium mensura ex homine desumenda est. Eius probè perspecta constitutione, nihil est in vniuersa natura, quod lateat. Est enim rerum omnium mirum & animatum compendium. Est, inquit D. Th. *ex rebus omnibus quodammodo compositus, dum de genere spiritualium substantiarum habet in se animam rationalem. De similitudine verò celestium corporum habet elongationem à contrariis per maximam aequalitatem complexionis. Elementa verò secundum substantiam, &c. vt diximus, cum de temperamento ageremus.* Id discretius ita edixit S. August. *quamuis omnis caro terrenam soliditatem in promptu gerat: habet tamen in se, & æris aliquid, quod & in pulmonibus continetur; & à corde per venas, quas arterias vocant, diffunditur: & ignis non solùm formidam qualitatem, cuius sedes in iecore est; verum etiam luculentam, quam velut eliquari, ac subuolare ostendunt in excelsum cerebri locum, tanquam in cælum corporis nostri: vnde & radij emicant oculorum: & de cuius medio, velut centro quodam non solùm ad oculos, sed etiam ad sensus ceteros tenues fistula deducuntur, &c.* Addam ex Platonis, spiritum, qui nostris corporibus inest præsertim vitalem, suam perenni agitatione cæli perpetuè conuersioni respondere: semen verò, & ea quæ generationi seruiunt, lunæ ac veneri; cor, soli: linguam, Mercurio, fel, Marti; hepar, Ioui; caput, Saturno, &c.

lib. 7 in gen.
cap. 13.

Plato verò hanc animati corporis fabricam sic describit in Timæo. Deo in sua incommutabili vniuersitate permanente, eius filij (corpora cælestia) cum parentis Dei ordinem cognouissent moderatorum suorum in-

Rinctu, eum protinus sequebantur cooperando instrumentariè, itaque accepto ab illo mortalis animantis immortalis principio, sc. anima rationali, sui effectorem imitari, ignis, aëris, aqua, terre particulas, quas rursus redderent, à mundo mutabantur: easque inter se copulabant, haud iisdem indissolubilibus vinculis, quibus ipsi fuerant colligati (quia corpora animalium non sunt incorruptibilia, sicut corpora celestia.) Sed talibus, quae propter paruitatem cerni non possent: crebrisque huiusmodi clavis coniunctis unum ex omnibus corpus efficiebant, atque in hoc ipsum eum influente, cum effluente corpore anima divina circuitus illigabant. His quamquā Democritū redoleat, tamen optimè explicat, quomodo fiat mistio elementorū ad componendum corpus animatum. Per clauos autem eiusmodi coniunctos intelligit arcanam, & ineffabilem proportionem, qua portio cuiusque elementi cum aliis connectitur. Alcibiōus ea vocat occulta vincula: nec propriè aliud his debet intelligi, quam vis quædam naturalis animæ propria, quæ regit, fouet, ac stabilit consistentiam corporis, & partes heterogeneous sociat, mutuōque committit, vt palatium animæ instrumentum. Eaque potissimum sita esse dicitur in calore igneo, cui pabulum præbebat humor pinguis & oleosus, siue aërius.

Formatur autem corpus eiusmodi ex semine, quod quid sit, quauē forma constet, & vnde proueniat, paucis hic erit explicandum.

In primis quaeritur quid sit. Duplex est sententia. Prior vult esse superfluum alimenti, tanquam excrementum. Posterior vult esse quasi fructum viuientis, quia vt ait Arist. *Semen & fructus inter se differunt prioris, & posterioris ratione, fructus enim, quod ex alio est: semen, ex quo aliud: nam alius ambo idem.* Sensus autem est prolificam eiusmodi substantiam non ex reiectaneo succo, qui ex debito & sufficienti alimento restat, effici: quasi ex materia quæ vt omnino inutilis inter excrementa esset expellenda: sed potius eam primariæ naturæ intentione ex optima portione alimenti, seu sanguinis, à vi formatrice & seminifica generari. Atque id videtur admodum probabile, neque ab Arist. alienum: cum enim viuientibus indita sit virtus sese per similem prolem propagandi, debuit quoque ex primariæ naturæ intentione prouideri materia huic operi necessaria: neque decebat, vt ea ex iis, quæ per accidens se habent in viuente, cuiusmodi sunt excrementa, fieret: & quando Deus indulta sua benedictione feraces reddidit plantas, vt facerent semen, benedictionem hanc non eo solū sine indulset, vt excrementa progignerent. Hoc tamen non impedit, quin eiusmodi humor spermaticus fiat ex ipso alimento, antequam conuertatur in substantiam viuientis aliti, quem admodum vult D. Thom. 1. p. q. vlt. quo sensu dicere possumus, id genus materiei fieri ex ipsis reliquis alimenti, quia nimirum sit ex ea perfecti sanguinis portione, quæ vel non erat nutritioni amplius utilis: vel si utilis fuisset, in opus generationis à natura transfertur: non esse autem excrementum planè inutile, inde Aristoteles demonstrat, quod iis qui vel ex ætate, vel ex morbo pessimè se habent, inutilis excrementi plurimum inest: seminis verò nihil, vel certè minimum; vide Fernel. 7. Physiol.

c. 1. Quamobrem sic potest definiri, *Corpus à generante formatum calido innato plenum, ad animam cuiusvis speciei propagationem utile.* Illud porro calidum innatum in plantis est quid oleosum, & pingue: in animalibus ouiparis continetur in ovis: in viuiparis est in forma spirituosa, & facile dissipatur, & exhalat, nisi mox in utero concipiatur, eiusque calore foueatur. Ideo semen à Fernelio cit. vocatur *aëreum, aut potius aëthereum*: diciturque calore cogi, & albescere ad eum modum, quo aqua oleo permista, aut ouj candidum diutius agitata, à coërcito flatu in spumam dense, & albam ingentem tumorem exurgit.

§. 2.

An sit animatum.

SECUNDA QUÆSTIO est, qua forma constet eiusmodi semen: Hoc est, an sit animatum: quidue in eo sit principium formale virtutis formatricis. Etenim in illo tria soleant observari: *primum*, materia crassior & magis corpulenta, quæ moles seminis vocatur, estque diuersa in diuersis viuentibus, prout unicuique admiranda Creatoris sapientia prouisum est: *secundum*, spiritus, siue substantia tenuissima, viuax, & maximè efficax, quam voluit Aristoteles proportionè respondere stellarum elementis: quæque reuera caloris natui, necnon virtutis generatiuæ e viuentis anima manantis efficacitate viget, sicut instrumentum solet virtute causæ principalis fecundari: nam & is propriè instrumentum est animæ, tam bene ad generandum, quam ad nutricadum, & utroque modo disponit materiam, siue alimenticiam ad introductionem formæ præexistentis in nouam corporis partem: quod fit per nutritionem: siue seminalem ad introductionem nouæ formæ in adaquatam corpus, quod accidit in generatione: *tertium*, est forma substantialis seminis, & de hac quæritur an sit anima, nec ne v. g. an forma seminis fraxini, sit reuera fraxini anima: & similiter an forma seminis equi, sit anima equi, necne:

Multi perillustres Medici, & nonnulli quoque Theologi sentiunt, semen hoc modo verè animari, & vocari animal imperfectum, esseque vniuocum generanti: v. g. semen equi, essentialiter esse equum, & sic de cæteris: & Patrem tunc reuera generare, quando à se semen excutit; tunc enim ad subiecti partitionem diuidi eius formam, & ex vna fieri duplicem: Denique ad eum modum multiplicari animas, sicut ex approximatione materiæ combustibilis, putà naphæ, vel sulphuris ad ignem: statim multiplicatur forma ignis & lucis: Præcipuum fundamentum desumitur ex insigni formationis opificio, de quo postea: Tale enim ac tantum est illud, ut Plutarchus dixerit, *amplius semen esse, ac grandius, quam quod ex eo gignitur.* Quamobrem sic ipsi argumentantur: à quo prodeunt operationes vitæ, id animatum est: sed à semine prodeunt operationes vitæ: nempe conceptus viuificatio, & omnium

partium organizatarum efformatio, quibus quid vitalius potest cogitari? Ergo, *adhuc* absurdum est, inquit, conformationem, nutritionem, & augmentationem foetus, quæ cum ipsa anima incipiunt, à principio non vitali prouenire? *Tertio*, eadem operationes idem principium arguunt iergo cum videamus ab anima reparari carnem amissam, venas regenerari; dentes restitui. &c. Cur non ab eadē hæc initio formari dicemus; & cum augmentatio non sit aliud, quam continuatio quædam, & amplificatio primæ formationis, quæ fiet, ut aliâ virtute prima formetur membra; & alia deinde per cõtinuatam operationē amplientur, absoluantur, & reparentur? *Quarto* fauet Arist. 2. de gen. anim. c. 1. inquis: *Quæcumque aut natura, vel arte sunt, ab eo quod actus est sunt, ex eo quod potentiale est: semen igitur tale est, motumque, & principium tale in se habet, ut motu peractio pars una quæque existat, quæque eadem sit anima: & 2. Phys. c. 3. vocat semen principium unde est motus. Hæc concludam elegantibus hisce verbis Scaligeri: Illa virtus tam nobilis templi architecta sapientissima ab omnibus Philosophis indicata est. *Ædificabitur igitur à substantia: at hæc forma seminis est: sanè seminis forma, si non est anima, brutares est: & si fabricat, est æqualis anime. At incrementis, & amissa carnis reposicione opus illud anima est. Erit igitur in semine anima formatrix.**

Ex opposito stant optimi Medici, iisque haud impares Philosophi. Fernelius in 7. *Physiol. & l. de abd. rerum caus.* Conciliator diff. 48. Thomas Garbius l. 1. tract. 5. Alb. Mag. 2. p. *sum. de homine. D. Th. 2. contra Gent. c. 89. &c.* Videturque expressior mens Aristotelis 2. de *Gener. anim. c. 1. vbi* moueri semen à generante profitetur, idque potentia esse animatum, & 2. de *anim. t. 10. Semen*, inquit, *& fructus potentia eiusmodi corpus est.* Et certè haud leuia occurrunt argumenta, quibus hæc secunda opinio suadeatur. In primis enim si quæ posset esse ratio, quæ oppositam sententiam iure firmaret, ea certè mōstraret humanum quoque sperma, ex quo à parentibus discinditur, esse verè, ac necessariò animatum: quia vel nihil probaret in reliquis, vel hoc in ista conuincit; atqui hoc falsissimum esse supra ostendimus. Ergo. *Rursus*, semen sit ex ipsa excocti sanguinis massa priusquam conuertatur in substantiam aliti: Ergo etiam priusquam animetur. Consequentia inde vrgetur, quod nulla materies suscipiat vnquam totaliter aliquam formam, nisi cum probè disposita vltimò fuerit sub ratione susceptiui adæquati, sed in eo instanti, quando fit eiusmodi substantia prolifica, hæc non est vltimò disposita in ratione adæquati susceptiui animæ: Ergo eâ tunc nequit totaliter suscipere: explico, cum in substantiam viuientis conuertitur, sufficit, si disponatur solum ut pars corporis animati: quia solum eatenus informari debet ab anima viuientis, quatenus substituitur loco partis consumptæ, quæ prius ab eadem anima informabatur: sed quando noua subintrat anima, debet tunc ei totum corpus apparari, cui toti & soli totalis hæc anima insinuetur. Quamobrem quod vix potuit obtinere dispositionem, qua per nutritionem euaderet pars corporis animati,

quomodo integrè disponi queat, vt euadat totale, atque adæquatum corpus nouæ animæ? *Confirmatur primo*, quia sanguis immediatè antequam conuertatur in sanguinem, fuit indifferens, vt fieret hæc vel illa pars corporis: Ergo non fuit vltimò dispositus ad vllam determinatam rationem partis corporis animati. Quomodo ergo dispositus dici posset ad omnes determinatas rationes partium huiusmodi corporis? *Confirmatur secundo*, quia corpus adæquatum animæ debet esse distinctis organis præditum: at hoc non conuenit semini. Ergo, &c.

Tertio, quod Mater subministrat, æquè animatum dici deberet, quam quod Pater: hoc autem si concesserint, sequitur in vnus equi generatione, duos gigni equos oportere, quia vtriusq; parentis semen equus esset, vt dictum est. Si autem id negent, vix tueri poterunt, quòd Mater prolificet, quòd simile gignat: quòd proprius fructus vteri eius sit proles, &c.

Quarto, cum anima sit indiuisibilis, ægrè poterit explicari, quomodo diuidi queat: tum vel pars animæ parentum discindetur cum sanguine illo prolifico: vel non: *si primum*, ergo anima parentum manebit decurtata: item qualis pars deciditur? *si secundum*, ergo noua omnino anima similis animæ parentum de nouo educitur ex materia illius sanguinis: sicut noua forma ignis generatur in materia Naphtæ vel sulphuris. At hoc ipsi nolunt: quia hoc pacto anima non decideretur ex anima parentum, & etiam contra hoc maximè vrgent superiores rationes. Et verò quid dicent quando plures catuli simul eduntur, an in vno spermate plures animæ ab vnica parentis anima decidentur qualis profecto, ac quanta phalanx animarum in anima qualibet esset constituenda?

Vltimo, argumenta quæ ipsi inducunt, vel supra quam oporteat probant, vel nihil: nam quæd vim formatricem, reuera ea suadet principium organizationis esse admittendum quod omni anima creata superius sit, vti & fatentur, qui primam opinionem secuti sunt. Nam & Scaliger supra cit. merito subiecit: *Erit igitur in semine anima formatrix, antecedens animam, cui parat illud domicilium: quare prior illa posteriore hæc sapientior, ac nobilior. Quemadmodum nos antequam potestare, ac sapientia Creator Opt. Max. qui nostra hæc vitæ dedit nobis.* Hippocr. considerans huius formationis artificium naturam appellat sagacissimam, iustissimam, artificiosissimam, prouidentissimam, prudentissimam: an talem dicent animam in tam deformi corpusculo exorientem? Galenus non minorem sapientiam, virtutem, ac prouidentiam in formando animalis corpore, quam in Cælo, syderibus, elementis omnibus, eorumque mirabili harmonia fabricandis admiratur. An hoc de anima sensus omnis, omnisque cognitionis experte affirmabis? Vide quæ diximus Phys. c. 15. & supra c. 3. §. 3. contra Sennertum. & in fine §. 4.

Scio responsuros aduersarios, formationem eiusmodi animæ opus esse, sed non solius: eamque à Deo dirigi, ac corroborari. Sed *contra*, si anima per sese impar cum sit tantæ architecturæ, idonea illi perficiendæ euadat

*l. de anim. de
cordis de ar-
tic. &c.
l. 3. de usu.
part. c. 10.*

quod ipso conditoris adminiculo suffulta, cur eidem quoque non sufficiens erit spiritus ille prolificæ opifex, quem parentes cum materia fœtus transfundere solent, cum manu omnipotentis & sapientissimi conditoris ductus, & adiutus fuerit?

Quamobrem in hacce materia, è qua formatur fœtus, considerari debet ratio seminalis, spiritus vitæ opifex, atque ipsa in primis assistentia Creatoris: de ratione seminali sat multa diximus *Phys. cap. 15.* & de mundo *cap. 3. §. 4.* quæ sufficere posse videntur ad sententiam Alberti Mag. suadendam iis, qui principiis Aristotelicis preoccupati non fuerint: (aliòquin enim eam haud spero placituram:) si cui autem hæc ariserit, is dicere poterit talem rationem seminalem esse actum primordiale, cui veritas animæ insit, ac potentia actiua informandi tale vel tale corpus; ex se interim indifferentem ad hoc, vel ad illud individuum alius speciei: constandum, ut docet S. Bonavent. *in 2. d. 7 & 18.* ubi sententiam præceptoris sui Alexand. Alensis cæteris præfert, sequiturque. Cui tamen ea probari non poterit, legat alias explanationes rationum seminalium, quas attulimus *in Phys. cap. 15. §. 3.* easque rite ponderet. Et inde perspectam sibi magis habebit ipsam assistentiam conditoris. Quamobrem si per rationem seminalem intellexeris ipsammet ideam Dei, prout accedente operatione causæ creatæ, sese occulta expressione obfignat in materia, res erit facilis intellectu: si verò malis esse quid creatum, secundum essentiam distinctum à quouis alio, veritate specificæ formæ gaudens, & largitate conditoris maxime efficax, id eum D. Augustino licebit concipere tanquam vim quamdam substantificam in qua, & per quam Deus, modum, pondus, & numerum rei cuiusque determinat & fingit: secundum quod D. August. ait seminibus primordialibus rerum *inesse efficacissimos numeros, trahentes secum sequaces potentias ex illis perfectis operibus Dei, à quibus in septimo die requiescit: omnemque modum & numerum, & pondus eius, unde efficitur, ut & sit, & naturalis & ita sit, ab intelligibili, & incommutabili vita, qua super omnia est, existere.* Restat spiritus vitalis: is est instrumentum proprium animæ parentum: quemadmodum enim in animali est spiritus viua & actuosus, & efficacia animæ plenus, qui sanguinem nutrimentalem excoquit, addensat, & parat ad animæ susceptionem. Talis diuisibilis cum sit, in proliferatione diuiditur & multiplicatur, vel nouus generatur, qui cum materia seruiente generationi funditur. Isergo calore infuso, ac virtute parentum refocillatus, parat corpus animæ vel educendæ, vel infundendæ: multaque interim agit, quæ caloris vim excedere non videntur: ut secretionem, aut concretionem, rarefactionem, fermentationem, agitationem, emollitionem, aut indurationem, &c. quod verò hanc figuram, sub his numeris, cum hac proportionem cudad, &c. superioris eertè virtutis effectus est, ut diximus. Interim hoc vel illi negari non debet, quin ut instrumentum animæ parentum concurrat ad educationem & vponem animæ, si de irrationali loquamur; aut saltem ad vnionem, si de rationali. Aliòquin vix explicari posset, quomodo

parentes dicerentur causæ filiorum.

Hisposi. is facile potest responderi ad argumenta doctorum contra sententiam. *Ad primum Resp.* factum initio non viuere actu, sed solum potentia: ideo negatur Min. quod de organorum efformatione dicitur, distingui debet: vel sermo est de imperfecta quarundam partium inchoatione: vel de perfecta corporis constitutione: prior fieri potest vi spiritus, viuifici ante animam: secunda non item.

Ad secundum Resp. factum initio non nutriri, neque augeri per intus susceptionem: sed solum postquam inciperit animari. Antea verò solum augetur ad eum modum, quo fermentum adhibita noua farina increfcit.

Ad tertium Resp. ex eo solum sequi perfectam formationem carnis in esse carnis humanæ, vel leoninæ, &c. esse ab anima, quod concedamus: & sic de reliquis: inchoari verò ab ea corporis integri, seu principalium partium, formationem negamus: alioquin cur exacto corde, anima ex superstite sanguine, cor aliud formare sibi non posset? cur non iecur, pulmonem, oculum? &c. imo, an venas quoque possit anima reficere, merito dubitatur: & nisi vidisse se illud in capite testaretur Galenus *lib. de sem.* certè incredibile haberetur. Quod additur de continuatione formationis, nihil est: primò enim parati domicilium animæ debuit, cum ipse animæ fuit illud, augere, integrare, ac perficere.

Denique Aristoteles euidenter explicari debet per ea quæ ex ipso supra retulimus.

§. 3.

Vnde proueniat.

ISTUD breuiter sic Plato definiuit in *Timæo*, dicens, *Sunt quidam trianguli primi quidem, & inflexi, lenesque ad ignis, æris, aquæ, & terræ exactissimam generationem accommodatissimi. E quorum generibus singulis, Deus secernens singulos, & inuicem contemperatos permiscens, totius generationis mortalium sementem, fomitemque constituit, dum medullæ ex his substantiam procrearet. Postea vero serens in ea, animarum genera alligauit. Figuras præterea quocumque, & qualescumque ex singulis speciebus adesse medullæ oportuit, cor penitus & sales statim in prima illa distributione distinxit, &c. ex his pauca hæc percipe: primo, inducitur Deus ipse (& non dii iuniores) animalium genituram moliens, & architectans. Secundo, per triangulos intelliguntur principia essentialia, numerique formales elementorum cum proportionibus, secundum quas in mixtorum fabricam, prius subtilissimè liquata, rediguntur; in eaque, licet opposita, concordissimè tamen commorantur. Terrio, per figuras debent subaudiri oculis & efficacissimi numeri, trahentes secum sequaces potentias ex officio Dei: id est, rationes seminales. Quarto, voluit Plato conditam à Deo fuisse substantiam aliam seminale, in qua ex industria, & pro mirabilis suæ sapientiæ arte peculiare inferuit vires omnium partium*

& organorum animalis fabricandorum. Denique voluit talem substantiam prolificam in vno quoque animali ex medulla fluere.

In hoc ultimo videtur carpi ab Aristotele lib. 2. de part. anim. cap. 6. Huic tamen fauent Hippocrates, Galenus, & Aristoteles ipsemet. Hippocrates lib. de genit. ita scribit, *Ad medullam spinæ ex vniuerso corpore via permulta concurrunt; semenque ipsam ex cerebro in lumbos, & corpus vniuersum, & spinæ medullam diffunditur: ex qua etiam vasa quadam procedunt, adeo ut facie tum in eam humor subire possit, tum ex ea abscedere.* Porro cum genitura in ipsam medullam peruenerit, postea deferitur in renes, ad quos per venas viaparet; quibus exulceratis, nonnunquam etiam sanguis una delabatur. Galenus in fragmento commentarij de iis, quæ à Platone dicta sunt medicis in Timæo, ait hanc Platonis opinionem fuisse peruectam, eiusque participem fuisse Hippocratem. Aristoteles problem. 56. s. c. 10. Hippocratem sequi videtur. Quidquid sit, certum est in arboribus medullam maximè genitalem esse, atque inde fecunditatis omnem pendere originem: cum in eam ex qualibet parte arboris spirituosum quiddam & valde elasticum defluerit, unde hinc nuclei, qui tertia decoctione sublimati, perfecti feminis vim ac rationem obtinent: simile quid in viuentibus reliquis generaturis contingere volunt medici, licet non in eo conueniant, è medulla semen, an ex hoc potius medulla existat: sed de hoc ipsi viderint: solum notauerim triplicem medullam distingui, medullam cerebri, spinæ dorsi, & ossium: medulla dorsi Galeno, quædam est cerebri propago, ipso tamen multò durior, & magis condensata, adeo ut nullius ignis vi liquefcere ista valeat, aut dissipari: medulla ossium non minùs, quæ adeps calore liquata dilapsaque diffunditur: quamquam negat Aristoteles dorsi medullam iunctam esse cum cerebro, quòd medullam naturam suam calidam, cerebrum verò partium omnium corporis frigidissimum esse censuerit 2. de part. anim. cap. 7. sed Galeno magis annuit Fernelius dicens medullam dorsi esse ceu stipitem quemdam cerebri, & portionem longius exportectam. Atque hæc dicta sufficiant: quomodo autem, & ex quo formentur membra singula, Medicorum est inuestigare, non Philosophorum. Nobis sat erit stupendum creatoris opificij admiri: & exclamare cum Galeno, *lib. 3. de usu quod cuius conueniente exornare omnia, nihilque suis beneficijs priuatum esse pari c. 10.* voluerit, id perfectissima bonitatis specimen esse statuo: & hac quidem ratione eius bonitas hymnis nobis est celebranda. Hoc autem omne inuenisse, quo pacto omnia potissimum adornarentur, summa sapientia est; effecisse autem omnino quæ voluit, virtutis est inuicta, & insuperabilis. Ne igitur mireris Solem, Lunam, & vniuersorum aliorum astrorum seriem summo artificio dispositam esse, neuè te attonitum magnitudo eorum, vel pulchritudo, vel motus perpetuus, vel circuitionum certa descriptio reddat, &c. diuina sunt illa & celestia, nos terrea statua, opificis tamen ars in utroque equalis.

Quomodo uterque parens concurrat.

QUÆRITUR, an mater actiue in generatione concurrat. Nota ergo hæcce quaestionem non solum inter Medicos, sed etiam inter Theologos in 3. p. q. 32. & in 3. sent. d. 3. solere agitari, nec non inter Philosophos. Nam Aristoteles matribus solum attribuit facultatem patiendi, & materiam subministrandi, nempe sanguinem menstruum, ex quo virtute à vico corruatâ formetur, atque alatur fœtus, aut si quid aliud ab iis emittatur, id non prolificum sanguinem esse, sed aquosum tantum atque serosum humorem. Fundamentum præcipuum est, quòd alioquin nulla posset ratio assignari, cur sine viris concipere nusquam possent: tum quòd fœminæ pueris voce, pilis, humiditate. atque adeo gignendi imbecillitate compares sint. Addit Alb. Magnus in omni natura deprekendi quòd agenti respondeat ex opposito patiens aliquod, subiecto distinctum. Cum ergo pater agentis prærogatiua donetur, sequitur matrè solà patiendi constare. Accedit & Galeni autoritas, *fœmina*, inquit, *cum masculo frigidior sit, incoctum & tenuem humorem habet, qui nihil ad prolis generationem confert.* Hanc sequuntur *Anerr. Aug.* *D. Tb. Alb. Mag. 15. de animal. tract. 2. &c.*

lib. 1. de gen.
anim. c. 19.
& 20. &
alibi.

lib. 4. de usu
part. c. 1.

At ex altera parte Hippocrates & Gal. cum omnibus Medicis, quos ex Theologis sequuntur *S. Bonauent. Scotus, Maior, Ochamus, &c.* contrarium docent, eo quòd matres verum sanguinè prolificum, siue sperma æquè ac viri conficiant: vt ex anatomia atque ex cæteris passionibus quæ illis obtingunt, manifestè colligunt medici: quibus tamen omissis: Hæc duo duntaxat hic vtgere sufficiet. *Primum est*, quòd formas eiusdem speciei debeat potentia quæque consimilis consequi: sed fœmina donatur forma eiusdem speciei ac viri. Ergo. *Secundum* vtget Galenus sic: fœtus frequenter euadunt matribus similes: Ergo hæc concurrunt actiue: id enim fieri non posset si solum menstruum sanguinem suppeditarent: alioquin quidni semper matribus similes fœtus oderetur? adde quòd mensstruus non possit singularum partium characteres, aut dispositiones indere: cum ab illis non proveniat: at dispositiones partium corporis materni communicantur quoque fœtui: nam arthritica, arthriticum; epileptica, epilepticum; calculosa, calculosum gignit. Eodem modo si ouem caper inierit, ouem duriori lanitio; si capram aries, capram molliori pilo gigni ait *Athenæus*. Ergo à matre aliqua vis formatrix provenit: atqui hæc non sanguini, vt concedunt omnes; sed soli fœcundo, ac prolifico spermati conuenit.

At si hoc ita sit, cur, inquires, opus masculo? Respondent Medici, materiam, quæ à fœmina suppeditatur, licet aliquali gaudeat fœcunditate, tamen non sufficere; quia debilior illa & frigidior est; egetque vi aliqua nobiliori: ipsamque animalis saltem perfecti conceptionem

exigere talem materiam, quæ necessario ex inæqualibus temperamentis pendeat: nempe è mascula necnon calidiore virtute, quam sola temperies viri: & molliore, humectiore, atque abundantiore quam sola temperies feminae proderet possit: vt sic vn: quædam communis massa coaguletur, accrescat, & transmutetur. Hoc autem sensu verum est patrem fungi simpliciter officio agentis: matrem verò, patientis; licet ille aliquid materię subministrat, sed paruum, & ista nonnihil agat, sed modicè.

Hinc patet non repugnare, quoddam imperfecta viuentia sine sexus distinctione procreentur, vt stirpes; imo & pisces aliqui; vt rubelliones, hiatlæ: quibus adde Erythrimos & Chamnos, &c. animales eiusmodi. Nota interim sanguinem sæmneum, qui credit in materiam fœtus, non esse illum impurum, qui menstruus dicitur; sed puriorem ac exquisitiorem: qui tamen si non expendatur in procreationem corrumpitur, ita vt statim certisque temporibus excerni, expellique debeat & tunc menstruus appellatur.

§. 1.

Vnde proueniat similitudo filiorum.

MULTA hic notanda sunt: nam triplex est similitudo: *prima* speciei; *secunda* sexus; *tertia* indiuidualium proprietatum. Prima sine dubio à forma generantis, & virtute eius formatrice, ac dispositiua prouenit. Hinc enim necessario fit, vt leo à leone, ab equo equus generentur. Cæterum cum mater plus materię cõferat, quam pater; ideo communiter fœtus matres potius referunt, quam patres: præsertim in eo, quo matres degenerant à perfectione specifica patrum: quia virtus paterna tunc quoque degenerat in virtutem maternam. Ideo ex capra & ariete nascitur capra; ex oue & hirco, ouis, &c.

Secunda pendet ex qualitate materię prolificæ: cum calor, virtusque mascula prævalent, mas; cum humor, frigiditasque sæminea, sæmina procreantur: ille in dextro; hæc in sinistro latere, quia frigidior.

Tertia explicatu difficilior est. Consistit autem partim in eo quod scetus temperiem parentum, morbidosque affectus referat; atque adeo ipsam plerumque indolem, imitentur quæ omnia possunt ex temperie materiei prolificæ oriri: partim in colore & conformatione membrorum, dum gnati patris aut matris, aut aui, aut aliorum vultum intuegrum, aut quoad partem; aliaque membra omnino repræsentant. Licet enim diuina admirabili prorsus arte omnia indiuidua diuersis præsertim vultus characteribus insignita semper gigni voluerit; ne frater cum fratre, aut cum patre, mater cum vxore, &c. confunderentur, vt optimè notat Nemessius; tamen in tanta varietate, talis vt plurimum est gnatorum ad parentes similitudo; vt ex solo conspectu aliquando iudicetur, quis ex quo sit oriundus. Interdum etiam filij

lib. de anim.
facult. c. 42.

alios, quam parentes referunt. Apud Chinenſes, filij patribus ſunt ſimiles naſo, oculis, fronte, & barba: fuerunt, in quibz ſdam familiis gentilitia quædam ſigna, vt Spartiſ, Thebaniſ, lancea; quibuſdam ſtellæ, cancer, &c. innata & inſita ſtatim ab ortu. D. Aug. 18. de Ciuit. c. 5. refert apud Ægyptioſ fuiſſe bouem quendam, maculis quibuſdam candidis inſignitum, *Apin* dictum; cui iugi generationum ſerie ſe nper æqualis, ſimilibzque ſuccederet.

Quenam ergo huius ſimilitudinis ratio? Aſtologi volunt id ab aſtris deriuari: alij vt Ariſtoteles à motu ſpermatis: alij à virtute ſola formatrice: alij ad ſolam imaginationem recurrunt. Vt ſum omiſſo harum ſententiarum examine, ſit

CONCLUSIO. Similitudo filiorum prodiſt ex ipſa proliſci ſanguinis virtute formatrice: quamquam & hæc plurimum à phantaſia immutetur. Quoad virtutem formatricem, certum eſt eam eſſe omnium quæ in ſætu cooriantur communem artificem. Quamobrem notandum eſt ſanguinem proliſicum agere vt instrumentum animæ. Quod enim in eo effectiuum eſt, id prodiſt ab anima; quod verò paſſiuum, à materia. Et quod generat, ſecundum animam potius generat: transfert ergo vim ſuam effectricem in corpus rei generandæ per ſpiritum, qui præualet in ſuo ſemine: virtus autem generandi, eſt virtus aſſimilandi: quia omne agens intendit ſimile. Ergo ea vis formatrix, eſt etiã vis aſſimilatrix. In anima poſſo præiacet vis & ratio formatrix omnium membrorum, non ſolum ad ſpeciem ſuam, ſed inſuper ad ſuum indiuiduum, & ſuppoſitum pertinentium. Ideo vis quoque formatrix, quæ in ſemine eſt, gerit in ſe characterem & ideam, vimque expreſſiuam & aſſimilatricem omnium partium generantis. Idcirco ab ea ſuit tota ratio ſimilitudinis, quæ eſt in ſætu: diſſimilitudo verò potius ex inæqualitate materiæ. Hinc Ariſtoteles dixit in ſanguine illo proliſico eſſe vim accedendi ad omnia: id eſt, ad omnes patres generantis potius, quam alterius ſætus per ſimilitudinẽ adducendi. Quando ergo in illo vis patris præualet, ſætus refert patrem: quando vis matris, matrem: ſi aliqua vis auium adhuc delituerit in parentibus; ea aliquando ſe ſe exerit in nepote, &c.

Quoad Phantaſiam verò, certum eſt eam hæc in re mirificam vim obtinere, vt patet ex 30. c. Genetiſ, vbi dicitur quod quod in hora conceptus virgas variegatas inſpexere, ſætis quoque multicolores ediderunt. Item ex eo quod vxor Æthiops, quæ (iuxta conſilium Galeni l. de theſiaca ad Piſonem) tempore conceptus attentè formoſam imaginem inſuita, formoſum quoque, albumque ſætum enixa eſt. Huc etiam facit quod refert S. Hieron. qq. in Genetiſ, mulierem accuſatam adulteri, eo quod eius proles nullo modo patrem referret, ſux ſamæ, atque ſaluti conſuluiſſe aſſerendo, quod concipiendo, viri cuius ſimilitudinem gerebat proles, imaginem fuiſſet contemplata. Ad eam quoque phantaſiæ vim oſtendendam facit quod ſupra de Api diximus. Rationem enim hanc D. Auguſt. reddit, quod demones ad decipiendos Ægyptioſ phantaſiam tauri paribus maculis albis picti, quam ſolam cerneret,

vaccæ concipienti ostentarent: ut libido eius attraheret, quod in eius sæuiam corporaliter appareret. Experientia manifestæ sunt, ratio verò valde occulta. Arabes tantum imaginationi dederunt, ut existimarent animam virtute imaginationis sic extolli, ut non solum in proprium corpus, sed & in alia queat id quod cogitavit imprimere, sanare, debilitare, quos velit, miraculaque edere, &c. At magicam tunc evulgant artem, demonum præstigiis commendatam, sed rationem eius quod in corpus à phantasia exercetur imperij, non reddunt, quid ergo?

Resp. primo, quod haustis per phantasiam speciebus rerum externarum, quales illæ cumque sint, anima sic afficiatur, ut ipsis euadat assimilis; sit enim actu id quod cognoscit: estque propterea omnia potestate: cuius ergo rationem formalem extrinsecus accepit virtute imaginationis, eandem vi generationis extra se iterum communicat & exprimit. Secundo, spiritus phantasia seruientes miram habent cōsensionem cum spiritibus, qui seruiunt generationi, ideo qualiter affecti sunt ab externis obiectis, dum per eos hæc mouent phantasiam, taliter quoque afficiunt spiritus genitales; forteque iidem, qui phantasiam commouent, celeritate mirabili ad organa potentia genitricis se transferunt, eiusque functionibus administrant: quidquid sit, certum est magnam esse sympathiam inter facultatem imaginandi, & illam generandi: adeo ut moneri vna vix possit, quin naturaliter altera excitari se sentiat, nisi obstat ratio, amorque boni nobilioris. Ad hæc, quemadmodum spiritus per internam caloris excedentis impressionem alterati, caloris huiusmodi vim sæui conferunt, ita dum per externam coloris actionem alterantur, huius etiam vim quidni similiter imprimunt? Præsertimque eo tempore, quo spiritus animales magis incallescunt: tunc & impressiones fortiores suscipiunt, & edunt.

Ex his facile conicietur quomodo phantasia vim habeat corpus tam multipliciter immutandi, nam non solum affectus commouet, vimque morricem excitat, dirigitque, sed sanum facit, aut languidum: multi enim verè ægrotant, quia ægrotare se prius cogitarunt, aut verè conualescunt, quia conualescere sibi videntur. Hæc enim & similia eueniunt, quia verè imaginando spiritus alterantur secundum speciem rei cogitata: ipsaque anima illius formam, vimque suscipit: ac statim in corpus traducit.

Itaque virtus formatrix eo naturaliter tendit, ut parentum similitudinem imprimat, nisi ab alia vi prævalente vincatur, qualis aliquando est vis ab imaginatione procedens. Aliquando hæc vis de semine transfertur in senem: sic Niceus poeta Bizantinus à candidis parentibus genitus factus est niger, ut auus qui fuerat Æthiops; & Helis quidam legitur ex vxore Æthiope genuisse filiam candidam, quæ ex viro candido Æthiopem genuit.

CAPUT XIII
DE VITA.

§. I.

Quid sit vita, quidue calidum innatum.

FORMATIONIS exordia percurramus; modo quid sit vitæ, & quæ ad ipsam pertinent, videamus; id est, calorem naturalem, eiusque subiectum, quod humidum radicale, seu calidum innatum, & primigenium dicitur: itemque pulsus ac respirationis causas, denique vitæ affectiones, oportet modo percurrere: unde scilicet longæuitas, aut breuitas vitæ proveniat, & quæ sunt generis eiusdem.

Quoad vitam, variè ipsa definitur, prout variè à diversis eius notio fabricatur; à Boëtio enim sic describitur, *vita est internus, & naturalis motus, tantum vigens in seipso*: ab Aristot. *vita est primus, & continuus actus viventis*: ab aliis, *actus primus animæ, & corporis adaptati ad movendum*. Sed iis omnibus certè deest aliquid. Nam secundum primam emanatio frigiditatis ab aqua dici posset vita; secunda nihil declarat ultra significatum nominis: cum enim dicitur *actus viventis*, periunde est ac si quaerenti quid sit calor, respondeatur, *actus calidi*: quaeritur enim ulterius, quid sit vivere, quid sit esse calidum, &c. contrà tertiam obici etiam potest, quòd Angelus, & anima quoque separata vivant sine corpore. Quid ergo? an non fortè aptius diceretur actus primus rei se mouentis: seu iugis energia, quæ quid se primo mouet? sed qualis actus, accidentalis, an substantialis? Diximus sepe Platonici vitam esse actum, siue *ἐντελέχειαν* substantialem. hoc est, motionem quandam continuatam substantiæ intimam: quæ nimirum iugiter ipsa se in esse conferuat, & à se ipsa primò incipit quasi egredi, operatura vel circa se intelligendo, vel circa corpus animando, &c. Ideo à quibusdam consideratur, seu vigor quidam continuus substantiæ: qui propriè neque sit substantia, neque accidens, sed solum quidpiam substantiale, eo quòd ad substantiam reuocari debeat, sicut actus eius proprius & immediatus: quemadmodum de ipso eius esse à nobis dictum est in Logica cap. 15. §. 2. vide etiam Phys. c. 14. §. 3, Verum D. Thomas vitam duplicem distinguit. vnam substantialem: alteram accidentalem: primam ponit in ipso esse substantiæ, cui conuenit secundum suam substantiam mouere se ipsam: secundam in eiusdem operatione constituit.

Verum distinguere nihilominus decet vitam animæ separatæ, à vita hominis vel animalis; illa est actus simplex simplicis substantiæ, ab ea æquè primò, & æquatè procedens: Ista est actus substantiæ composi-

ta, à forma per se solùm prodicens, & participatione ad corpus se extendens. Quamobrem, cum non omne corpus aptum sit viuere, necesse est vt interueniat aliquid, quo aptetur, quodue sit generale quoddam viuendi instrumentum. Id autem calor natiuus est, de quo pauca ista subdamus.

Calor natiuus est ille qui à natiuitate implantatur, & afflatur specialiter ab anima, vt actiones vitæ possit exercere. Is benignus est, salutaris, & viuax. Creditur à Medicis non sine magna probabilitate distinguì ab elementari, vt iam diximus in tom. 4. c. 14. §. 3. Quibus adde duo hæc argumenta, quæ multum roboris habere censenda sunt. Primum; in ossibus, neruis, & aliis partibus similariibus emortui animalis æquè viget calor elementaris, ac in lapide, metallo, &c. At quis potest dubitare, quin dum hoc viueret, calor aliquis vegetior, & nobilior huic inesset, qui vtique vitalis operationis efficax esset instrumentum? *Confirmatur* hoc ex pipere v. g. Hoc omnes sciunt temperamento impensè calidum esse: consideremus ergo illud, & quatenus viuum prius, & deinde quatenus mortuum: dum viuic, alitur, crescit, generat, sese perpetuo mouet, assurgit, se dilatat, &c. nihil horum efficit, dum exaruit: fatentur omnes vitalis motionis instrumentum esse calorem innatum. Ergo is abest è pipere mortuo: at nunquid abest calor elementaris? quin imo, si temperiem pensites, æquè, imo magis tunc calet, quam viuens. Ergo calor, quo eius temperamentum constat, ab eo distinguitur, quo vivebat.

Secundum argumentum desumitur ex animantibus, vel stirpibus præfrigidis, vt sunt salamandra, serpentes, mandragora, lactuca, &c. in iis calor elementaris omnino victus, ac iners iacet, prædominante sc. frigore; & tamen alimentum trahunt, concoquunt, aluntur, generant, &c. Quomodo ergo hæc à temperamento frigido, vel à diminuto, & victo calore proficiuntur, nisi aliud ad sit superioris ordinis, & singularis efficacitatis calor, lethiferam, & stipticam vim frigoris absolute vincens, ac cohibens? Hinc Aristoteles mortem definitur, huic calori viuifico non frigus opponit, sed solùm extinctionem: ita vt quemadmodum lumini contrarium propriè nihil est, ita nec calori vegetali. Denique si calor igneus vitæ in nobis effector esset, ac refocillator, sanè quæ illo ampliùs abundant vt sulphur, arrhenicum, naphta, &c. potior iure viuere dicenda essent; secus quæ magis eo destituuntur, vt papauer, salamandra, &c. oporteret inter inanima, & emortua penitus annumerare.

Huius caloris fontem communiter in corde Medici constituunt: Hinc in singulas corporis partes diffundi, ac pro cuiusque dignitate dispensari asserunt: idcirco ipsi merito vehiculum quoddam subtilissimum attribuant, cui tanquam natiuo subiecto insit; & cuius agilitate quam maxima momento possit omnibus partibus impartiri. Illudq; propterea dicunt esse substantiam aëream, fouendo calori familiarem, & amicam: quæque ætheris modo semper blandè, ac perbenignè ardeat: semper

infiltrat, & præ sua exilitate omnem effugiat sensum, solo rationis examine detegenda. Hæc spiritus nominatur; & flammulæ potest meritisimè comparari, quòd sit corpus tenuissimum eximio calore præditum. Quamobrem, sicut elementaris flammæ calor eget pabulo quodam pingui, & vinctuoso: sic calori vitali fouendo prouidit Deus humorem aliquem pinguem, & oleo similem; & adipe multò subtiliorem: ipsiue aëre puriorem, & leniorem. Is in partium similiarum substantiam infertur, innati caloris fundamentum est, ac prima substantia: vocaturque diuersis nominibus, sc. spiritus vitalis; calidum naturale; humidum radicale, vel primigenium, &c.

Notanda est autem triplex humoris distinctio: nempe elementaris, primigenij, & alimentarij. Alimentarius est aduentitius, atque extrinsecus, qui nimirum cum alimento infertur: Elementaris seu aqueus temperamentum necessarium viuentis intrat, & constat, nec tendis sc. continuandis, & terminandis partibus idoneus. Primigenius denique substantiæ nostræ quædam portio est, à prima statim origine suscepta. Differt autem à priori, quòd licet vterque nobis ingenuitus sit, ille tamen omnium corporum, vel inanimorum communis sit, nihilque societatis, aut commercij habeat cum calore, ac spiritu; iste verò secus, utpote caloris vegetantis propria sedes, & fomentum, & ideo aëris naturæ valde affinis est, oleoque, & balsamo compar. Distinguiturque ab aqueo; qui minimè viuax est, phlegmatisque, ac pituitæ plurimam vim creans. Ideoque videmus hunc in senibus abundare; qui tamen humore illo vitali, & primigenio indigent.

Tale ergo est humidum, seu calidum radicale: hæc enim tria illi per se competunt, ut subtile, ut oleosum, & ut spirituosum sit. Hoc ex ipso prolificationis exordio extractum esse dicitur, & cum caro reliqua ex sanguine fieri credatur, istud præsertim de semine produsse dicunt Medici: atque inde agnatum esse, atque adhærescere cæteris partibus corporis: & quidem ita, ut nulla hinc arte possit extrahi: quidquid dicant Chymici. Ratio est, quia hoc ab anima corpus fouente necessariò pendet ut flammæ feruor ab igne, qui fumum accendit. Quamobrem si quædo Chymici oleosi quidpiam, vel balsamo similem humorem extraxerint, vel non est id calidum ipsum innatum, vel non est merum: sed simul cum ipso pars aliqua educitur, cui adhærebat, & quæ componebat corpus viuentis: vel succus quidam ex elementis mixtus, in quo humor alimentarius fouebatur, &c.

Sed alia subnasctitur quæstio, an scilicet illud humidum congenitum, fuerit parentum pars aliqua: & an idem omnino multiplicetur in prole, & quomodo. Alex. Alensis refert opinionem aliquorum asserentium ab Adamo modicum quid eius substantiæ in prolem transiisse, & similiter ex ea in reliquos posteros, ita ut illud modicum sine adiectione rei extrinsecæ multiplicatum fuerit in omnibus hominibus. Idque ipse sic explicat: materia quæ est in minimo aëre potest sic in infinitum multiplicari, & infinitas partes non solum ignis, & terræ, sed & eiusdem aëris so-

la sui diuisione procreare. Cum ergo id quod ex Adami substantia defluxit in filios, habuerit quatuor elementa: modicum illud terræ, quod gerebat, potuit infinite in alias terræ portiones multiplicari; & similiter modicum aëris, &c. vñ autem illam se sic multiplicandi à tribus volebat deriuari. 1. ex viribus seminariis, quæ proportionē quandam habent ad infinitas materias, 2. ex natura elementaris materiæ; quæ rarefciendo potest in immensum amplificari, 3. Ex participatione naturæ cælestis quæ sine sui diminutione potest infinite diffundi, vt patet in luce. Hanc opinionem putat, ille probabilem, vt pote quam Magister sententiarū in 2. l. defenderit: videturq; S. Aug. quidpiam simile credidisse, cum scripsit nos fuisse in Adamo secundum corpulentam substantiam, & secundum seminalem rationem: Christum verò solum secundum corpulentam substantiam: & in l. de vera relig. *Ex vno semine, inquit, segetes* 10. l. in gen. 6. 10. *segetum, sylua sylvarum, greges gregum, & populi populorum educi possunt.* D. Bonau. hanc sententiam tenet vt sensui, rationi, & authoritati repugnātem, sed tamen opinatur aliquid humidi radicalis parentum defluere in filios, & cum adiectione nouæ materiæ verè multiplicari: ita vt substantia illa ex qua formatur fœtus, constet partim ex superfluo alimenti, & partim ex parte modica humidi radicalis. Additq; id modicum humidi primigenij per virtutem naturæ toti corpori filij sic commisceri, vt nulla eius pars fuerit, cui quidpiam illius humidi primigenij non sit inspersum. Et ex illo similiter aliquid transfundi quoque in posteros, vt verum sit omnes nos verè secundum corpulentam substantiam in Adamo fuisse, quatenus illud humidum radicale, quod in nobis est, pars aliquota fuerit humidi radicalis Adami: multum tamen aucta humoris alimentarij adiectione: ad eum ferme modum, quo massa farinæ aliquo fermento totaliter inspersa, quidpiam eiusdem fermenti cæteris massis, inde ordine fermentandis communicat. Ergo secundum huiusmodi sententias duo necessariò concedenda sunt: *primum*, quod primum humidum radicale, mole perexiguum, fuerit diuisibile in partes aliquotas ferme infinitas: *secundum*, quod sit omnino incorruptibile, vtrumque sanè arduum est in Philosophia. Ideo meritò reiecit à S. Thom. 3. p. q. 31. a. 6. Ideo D. August. verissimè dixit, quod illa quæ producuntur ex semine, in semine omnia fuerunt primitiuæ, non mole corporeæ magnitudinis, sed in potentia causaliter. Itaque potest forte quidpiam humidi primigenij parentum cum humore prolifico descendere immediate in filios: vnde & ipsi parentibus assimulantur; & præterea inde potest proficisci, vt qui rebus veneris frequentius indulgent, attenuari soleant, quod necessarij humidi nimium perdant. Sed tamen in sobole illud aggeneratione multiplicatur: itemque grassatione hostilis caloris minuitur: atque ita ex vno aliud procreatur: licque primum causa est posterioris; non materia. Originem dedit, vt post ipsum multiplicetur aliud; non ex ipso: id quod elucescet adhuc euidentius ex iis, quæ posterius edisseremus: quamobrem hæc sufficiant.

De affectionibus vitæ.

PRÆCIPVÆ vitæ affectio in longevitate aut brevitate consistit, de qua hic pauca inferere nos oportuit.

*Horat. l. 1.
carm. od. 4*

In primis statuendum est certam cuique à natura, durationis periodum esse definitam; id inductione omnium patet, *fugaces enim labuntur anni: nec pietas moram rugis & instanti senectæ afferes, indomitæque mori.*

Æt. 17.

Huic fato subduntur omnia, quæ temporis lege tenentur: ac præsertim homines, qui responsum mortis ex intimis vitæ penetralibus iugiter audiunt: quando calor natiuus, quo vegetamur ac vivimus, per sæpe nobis extremam perniciem molitur: & aliunde summus ille vitæ Dominus, qui fecit ex uno omne genus hominum habitare super universam faciem terræ, definiuit statuta tempora, & terminos habitationis eorum. i. vitæ.

Lib. de Medicina.

Quamobrem subsannandi meritò sunt Chymici illi, qui per aurum colliquatum, & quinquas essentias arceri posse senectutem, mortemque fabulantur. Facessat quoque Cardanus, dum arte medicaminum vitam in centenos annos prorogari posse contendit, similibus præstigiis dementatierant ij, qui apud Galenum dicebant mortem nulli hominum ex naturæ necessitate, sed solum ex ignoratione remedium accidere.

Plures enim sunt interitus causæ, eùm internæ, tum externæ. Interius grassatur semper ignis vitalis in humidum radicale, ac nisi alimentum convenientissimum nactus fuerit, vel debilitatur, vel nimium inferuescit. Rarissimè quoque congrua caloris ad humidum proportio invenitur. Alimenta quæ adhibentur, non omni ex parte conveniunt: semperque iis inest aliquid extraneum & repugnans: sed multò magis medicaminibus: adde aëris intemperiem, passionum insurgentium æstum, mororis scilicet, ac effusi gaudij: quibus temperies alteratur: excessum famis, aut saturitatis; vigiliarum vel somni & infinita id genus alia. Quamobrem solum inquirendum est, quid præcipuè iuuet longævam vitam: ex iis enim, quæ finem eius accelerent, ac brevitem inducant, planum efficietur.

In primis optima requiritur calidi naturalis, & primigenij dispositio quæ quantitate, vel qualitate neque excedat, neque deficiat: copiosum enim plus vitæ pollicetur, quam paucum: sed & bene compactum esse debet, pingue, ac oleagineum; calore benigno, & cœlesti, non igneo vigen. Humidum sic debet caloris intensiori respondere, ut illi fovendo sufficiat: nec tamen eum excrementis obtundat: ut enim oleum si vel copiosius, vel crassius fuerit, ellychnij flammam absorbat: sic humidum radicale si peregrinis concretionibus inspersum, aut si copia prænimium fuerit, calorem mox, vitamque suffocat: & quemadmodum flammæ, quæ fœculento nutritur oleo, tetrica sit, ac molesta; sic dum humidum

excrementitium, & crassum est, vitæ omnis functio morbida, sublesta, & deficient efficitur. Optimum porro humidum in iis esse perhibetur, qui sanguinei dicuntur: iis enim inest vt maximè calor vegetus, & temperatus, humorque pinguis & cohærens. Caueant tamen ij exquisitiores vitæ delicias, quibus ob latiore indolem sæpe vitæ mediocritatem indulgent.

Exterius multò plura requiruntur. Primo iuuat maximè salubris cælorum irradiatio, spiritus enim quidam à cælo afflatur mundo inferiori, quem Aristot. 2. de anim. ortu, & lib. de mundo; Itemque Cic. ex Stoicis 2. de nat. Deor. volunt fusum esse per omnia. Nosque in Phys. c. 14. confirmauimus: eo sanè multum vegetari, ac foueri mortalia corpora certum est: Sol enim & homo generant hominem: nec sine Sole viuunt plantæ.

Huc proximè accensenda est ætæ grata temperies, quantum enim viuentibus noceat ær infectus, vel ipsa pestilentie lues sat demonstrat: aliunde quantum proficit vel hinc conice, quodd certa sint climata in quibus homines diuturniorem vitam degere soleant, quam in alijs. In India regiones sunt quarum incolæ communiter 120. annos sanissimi tran- Plin. lib. 7.figunt: aliæ, vbi nec dentium, nec oculorum, neque capitis dolor vllus, neque excreatus: neque reumatum fluxiones ingruunt. Quid quodd gens *Pandore* vocata ducentos annos viuere scribitur, capillos canos à iuuentute: nigros in senio gerens: vide Solinum & Plinium. Hæc vnde nisi ex aëre?

At qualis aër saluberrimus est? Is certè qui calido, humidoque primigenio fouendo ad eum modum, quo supra insinuauimus, maximè congruit: quique neque crassior, vt non sit excrementorum ferax; neque purior, ne ad alendum non sit satis pinguis; neque calidior, ne inflammet; denique nec frigidior sit, ne calorem extinguat.

Quamquam aliquando frigus externum vitæ refocillandæ multum inferuiat, quatenus calorem internum cohibet, quemadmodum diximus cum de frigore disseruimus in tomo 5. Ideo in Suecia, Dania, Noruegia, &c. homines diu viuunt, & viuacissimi sunt: arbores etiam ibi maximè procera, ac annosa: denique bestiarum temperamento benigniori polleat, cutemque molliorem ac rariorem habent. Caterum id de iis viuentibus intellige, quæ à natiuitate talem aërem resorbent ac experiuntur: quia eorum corpus quodammodo exinde tali ac tanto frigori aptatur, vt eatenus compactum euadat, quatenus ad interna cordis penetrare frigus non valeat.

Tertiò ad longeuitatem confert alimentorum delectus, & parcitas: quibus adde moderatam corporis & animi exercitationem: quæ omnia fisis exequi nostri non est instituti.

Ex his à contrario colligi possunt causæ breuitatis vitæ.

Quæri solet hic à nonnullis, cur homines primæui, à quibus humanum genus propagatum est, adeo longævam vitam duxerint, cum modo vita sit adeo brevis. Respondent aliqui aquarum inundatione, quæ

tempore Noëmi contigit, vires ac vigorem terræ, & plantarum multum elinguisse, quasi hæc immensa eluies computresceret seminales rerum rationes, & vegetalem telluris calorem debilitarit. Sed *contrà*, post diluuium homines adhuc diutissimè vivebant. Noë post diluuium vixit 350. annos cum ante illud sexcentos transgessisset, Sem quoque à diluuiio vixit 500. alij 400. plus, minùs: & ita deinceps. Respondeo igitur id diuino consilio factum fuisse, vt humanum genus propagari commodè posset: atque vt longis experimentis homines valerent artes vitæ necessarias, morumque disciplinas ediscere: nec tamen ideo miracula ordini naturali diuinæ Providentiæ aduersa edidit Deus: sed præstantissimam calidi primigenij constitutionem primum creauerat: quæ postmodum successione propagationis degenerauit: quemadmodum, & quotidie modo nutritione marcescit. Adde ob varias aëris commutationes, pestilentias, & cum ex astris, tum etiam ex terræ motibus aut aliunde ortam intemperiem elementorum succos alimentitios modo alterari, ac quodammodo infici, vnde non sat conueniens alimentum fouendo calori naturali exhibent. Nihilque horum in primis illis seculis contingebat. Neque opinor probabile, quod quidam Iosephus Michelius scriptauit, Priscos illos humani generis progenitores aliqua vsos esse medicinam cœlitus reuelata, qua morbos, ipsamque tandiu mortem arcerent: friuolum enim id est, ac sine vlllo fundamento. Quare quod priùs diximus sufficit.

§. 3.

De pulsu.

EX dictis constat vitam in calido naturali consistere: eiusque fouendi, ac generandi quasi fornacem esse cor: in quo flamma vitalis perpetuo alitur, ex qua iugiter spiritus viuifici procreantur, atque in omnes partes momento confluunt. Ideo nonnullis eget adminiculis, quibus in equali, eaque debita intensiōe semper foueatur. Ea sunt tria hæc, *refrigeratio, congruum pabulum, excrementorum expulsio*. Determinatum enim ei feruorem à natura concessum esse oportuit, qui non inflammando, sed fouendo solum corpori aptus esset. Quia nobrem identidem ei refrigerium prouideri debuit. Aliunde nisi congruo aëre nutriretur, vt cæteri nostrates ignes, extingueretur: ergo sorbendus aër ei fuit; isque moderatus, ac lenis: denique nutriri nequit, quin fuligines exhalentur; quæ nisi expellantur, ipsæ sint flammam illam vitalem extincturæ: ergo expelli eas oportuit: & quia pari calore, licet non pariter intenso, reliquæ corporis partes vegetantur, etiam ibi simile quid accidit: sed non tanto cum apparatu, ac in corde. Ad hæc igitur tria distincta officia pulsus, & respiratio seruiunt. Pulsus primum in corde calidum naturale refrigerat, pascit, purgat: deinde similem vim licet minorem arteriis inde diffusis communicat. Respiratio hæc tria quoque

multo efficacius, sed cordi solum impertit.

Ergo pulsus est commotio, qua sese cor, & arteriarum modo dilatant, & modo contrahunt. Cordis *dilatatione* attrahitur à pulmonibus aer temperatè frigidus, & sanguis in dextrum cordis ventriculum influit: inde in sinistram ventriculum illapsurus, in quo perfectius elaboretur. Contractione vero fumosus & excrementitius vapor egeritur: & è sinistro ventriculo spiritus vitales illic ex sanguine procreati in arterias insperguntur.

Simili modo arteriarum, quæ vbique per corpus fusc sunt spiritus viuales deferentes dilatantur: & comprimuntur. Dum dilatantur, spiritum vitalem è corde alliciunt; dum comprimuntur verò, repellunt spiritum versus cor, & quidquid fuliginis, vel excrementi ex nutritionis actu in ipsis sedet, eliminant, ac foras amandant.

Sed hic continuo gravis exurgit difficultas, qua scilicet virtute pulsus fiat. Aristoteli videtur fere *ἡ ἀσπαστικὴ δύναμις* ex accidente obtingere: ac solum occasione sanguinis influentis. Ita ut per se duntaxat ipsi calefaciendi vis comperat. Ex occasione verò, pulsus: id quod sic secundum illum potest explicari. Cum sanguis in cor influit, ostium eleuat; ac intus vi caloris rarefit, & consequenter intumescit, unde necesse est tunc eam extimam cordis dilatari: & talis diductio vocatur *diastole* tum statim deferuescit, & vi expultrice in arterias exoneratur, unde comprimitur cor, & hoc dicitur *systole*. Ideo ipsa dilatatio non erit causa cur attrahitur aer aut sanguis: sed sola sanguinis appulsio causa erit dilatationis.

Simile quid voluit Haræus quidam Medicus Anglus cum Ioan. Vvalxo: sed inuento multum dissimili. Commentum enim ij sunt sanguinem iugiter per omnes corporis partes in gyrum fluere, ita ut è corde per vniuersi corporis arterias propellatur in venas, quæ arteriis vbique continuè supponuntur, & è venis rursus in cor regrediatur ac refluat. Circulationem sanguinis vocant hunc circuitum, & ut celeritè, sic sæpe sapiens in die volunt peragi. Hac ergo circulatione supposita sine alia vlla facultate sic pulsus explicant. *Diastole*, inquit, fit quando cor tum à spiritibus in fibras eius dilatatorias influentibus; tum à sanguine ex vena caua in dextrum ventriculum, & ex arteria venosa in sinistram per systolem illapso, ibidemque rarefcente, eodem momento secundum latitudinem, & profunditatem dilatatur, & intumescit. *Systole* verò fit, quando cor cum ob spiritus in fibras eius prolongatorias influentes, tum ob maximam sanguinis rarefacti ex eo expulsum partem, detumescit. Hinc quoque intumescere arterias volunt, sanguine rarefacto è corde in illas erumpente, atque ita reliquum arteriarum sanguinem propellente, eumque ac tunicas succutiente: deprimi verò ob sanguinis in eas impulsu refrigerationem, & aliquantam eius per poros in diastole magis dilatatos, euacuationem.

Verum communior opinio est eiusmodi pulsus non fieri per accidens, nec à solo sanguinis ingressu, vel exitu; sed ex primaria intentio-

ne naturæ, & peculiari ad id destinata facultate. Ita Medici, ut apparet apud Fernelium physiol. lib. 6. cap. 17. & optimè id monstrat Petrus Gassendi: tum quòd incongruum videatur actionem adeo necessariam animali, & tam regularem; imò & ineffabiliter continuatam solum ex accidenti elici: tum quòd ipsa cordis constructio prodere videatur ipsum eo sine sic fuisse à natura fabricatum ut ita sese attolleret, depumeretque: adeo natura incredibiliter, ut ita loquar cum Fernelio, pulsum machinata est. Tum etiam id experientia confirmatur: dum pulsus intra ouum formatur, & nihil adhuc nisi seminea quædam contextura extat, & albicans massa; priusquam sanguis vllus appareat, cordis pulsatio persequitur. Eadem deprehenditur in corde cyprini viui exempto, cum nullus adeest sanguis influens, effluensve: hoc idem confirmatur ex Bartholino lib. 2. *instit. anat. in cap. 6. append.* vbi ait quasilibet cordis particulas exsectas & sanguinis expertes adhuc pulsare: & cor exemptum à corpore, aut dissectum in frusta, leuiter compunctum acicula, statim pulsare: qua punctura nulla ebullitio; nullaque repletio cordi accedit.

Ergo ipsa pulsus vicissitudo, non ex eo præcisè prouenit quòd sanguis ingruat ac rarefiat, aut transmittatur, & deseruescat; sed ex aliqua facultate innata, quam Deus ad hanc sanguinis attractionem, & emissionem ex parte destinari: (sines enim alios supra retulimus.) Interim quærendum restat, quænam illa facultas sit? sunt qui solum calorem cordis sufficere dicant. Verum licet ea pulsifica vis nusquam sine calore vigeat; tamen haud profectò sufficere is potest. Quòd calore indigeat, patet, quia corda piscium pulsan't donec refrigerint, & si frige facta rursus calore aliquo refocillantur, rursus pulsationis motum incæptabunt. Quòd verò calor ille non sufficiat, hinc etiam fit euident, quòd calor commune sit vitalium functionum instrumentum. Ergo vis quædam alia particularis requiritur ad motus istos ita singulares. Quid ergo? sane vis hæc animæ propria est, non secus ac vis progressiua, &c. ex parte tamen corporis, vnâ cum illo calore ipsa cordis constitutio iuuat quatenus per varias fibras ineffabiliter coaptatas: tunica cordis protendi valeant ad minimi corpusculi aduentum vel rarefactionem, atque iterum reduci: & licet naturalis earum grauitas ad compressionem actualem sufficere quibusdam visa sit: Tamen crediderim opus insuper esse ipsa virtute animæ: alioquin difficile creditu foret quod naturalis hæc grauitas calentes fuligines superaret. Ita ordinatis vicibus sanguis, vel aer in cor receptus, eius calore rarefit, & inflatur, vnde tenduntur cordis tunica: identidemque propriam consistentiam repetit. Simile quidpiam de æstu maris diximus.

Notandum hic superest pulsum arteriarum è vi pulsifica cordis proficisci: sic enim cum corde coherent, ut & eius virtutem ad se quodammodo deriuatam experiantur: non item venæ, ut communiter asseritur: licet harum perinde, ac arteriarum tunicae cordi adhaerant: consentiunt ergo arteriæ cum corde, & cum istud sese attollit, attolluntur arteriæ

arteriæ; cum subsidet, illæ concidunt. Ideo ex pulsu illarum, pulsus & affectio cordis coniectantur. Idem porro Galenus hoc experimento comprobavit, si viui animalis arteria in longum secetur, & immittatur congruus canaliculus capacitate replens, per quem fluere sanguis queat: donec arteria super canaliculum ligata non fuerit, certè pulsabit ultra, citrà, supraque: at si circumligetur, solum pulsabit totà illà parte, quæ à corde est, vsque ad ligamen; non vero illà quæ ulterius. At nunquid in arteriis sufficiet spiritus vitalis in eas appellens, & inde diffuens, vt sine vlla alia virtute pulsus in iis vigeat? Resp. nequaquam, vt optimè monstrat Fernellius, quia ita non simul nec vno tempore cum corde micarent: quia licet perniciosissimè, non tamen vno & eodem momento possunt spiritus illi per omnes arterias transcurrere: iis ergo inest simul cum calore cordis participato, similis quædam vis, qua laxari ab influente spiritu, & se ad naturalem constipationem rursus reuocare, ac comprimere queant; dependenter tamen à corde; ideo, quo re notius ab eo arteriæ distident, eò debilius micant.

*Nota hæc
cont. Her-
ueium.*

Notandum denique, quòd quamquam arteriarum micatio, cordis pulsationi similitudine quadam magnitudinis, celeritatis, & frequentie respondeat, quemadmodum diximus, hæc tamen dilatantur in systole cordis; contrahuntur verò in diastole: quia dilatantur, dum compressum cor in eas spiritum immittit.

S. 4.

De Respiratione.

DIXIMVS suprà Cordi ob vehementiorem æstum non sufficere ipsam pulsus ventilationem: ideo adiunctam ei esse respirationem. Quare de hac modo paucis dicendum est. Respiratio ergo fit cum attrahitur aër per vocalem arteriam in pulmones: qui propterea sese habent sicut folles quidam naturales, ad attrahendum aërem maximè accommodati, itemque ad eundem expellendum: idcirco spongiosi sunt, & minusculis venulis distincti, vt facile dilatari & comprimi valeant: eo temperamento sunt, vt aërem calidiorem refrigerare, frigidiorem verò calefacere valeant, eà quæ cordi amica sit & competens, intensione. Idcirco etiam aërem intus in sese per poros pulmo recipit, aliquandiuque fouet, & emendat; vnde, si quando satis promptè hauriri extrinsecus aër non valeat, vt inter loquendum aut natandum, à pulmonibus suppeditatur ex eo, qui illic asseruatur.

Notandum est autem pulmonis carnem triplici vasorum genere instructa retis implicatorum contexti. *Primum*, est arteriosa vena, quæ à dextro cordis ventriculo in omnes pulmonis particulas diffunditur. *Secundum*, est arteria venosa, quæ ex omnibus eius particulis tenues ramusculos excipiens, trunco vniço in sinistram ventriculorum cordis intruditur. *Tertium*, aspera arteria, quæ à faucibus ducta, primo in duos

ramos distenditur, & inde in exiguas propagines dissecta, totum pulmonem percurrit. Præterea duos quasi folliculos pulmo habet, vnum in dextro, alterum in læuo latere: vt ex omni parte aër attrahi possit: & vno læso, ex defluxionibus cerebri, alter respirationis officium prosequatur.

At vnde illi contractionis & dilatationis principium? Resp. hac in re Medicos ab Aristotele dissidere. Hic enim ait id oriri à corde: negat Galenus, & cum eo communiter medici, volentes initium motus pulmonis ducendum potius esse à thorace, & à diaphragmate: vt ex textura, & quantitate musculorum, quibus hoc constat, probati solet, & à nonnullis hoc experimentum adducitur, quòd perforato pectore, pulmo concidat: & diaphragma interim palpitet, & cartilagine costasque spurias quibus adhæret, attollat: aëremque in pectoris capacitatem per eius vulnus attrahat, &c. At si forte duæ istæ sententiæ attentè ponderentur, haud ita multum dissident: nam ex vna parte certum est pulmones ad motum cordis non agitari, eùm pulsus cordis & articularum crebrior sit ipsa respiratione: & possit hæc cohiberi, illo pergente. Aliunde pulmones suum à corde calorem mutuuntur: atque à dextro illius ventriculo sanguinem cordiaco calore feruentē hauriunt, quo nutriantur, & incalescant: calorem autem commune esse motu instrumentum certum est. Quidquid sit, respirationi necessaria sunt ista. *Primò*, facultas motrix. *Secundò*, diaphragma: itemque thorax variis musculis agitur, tum iis, qui inter costas positi sunt, tum iis qui extrinsecus sunt adhibiti: quantoque iis, qui sunt in abdomine. *Tertiò*, aspera arteria, quæ respirationis est via. *Quarò*, pulmones. *Quintò*, materia spirabilis, quæ siue per os, siue per nares attrahitur.

Cùm ergo ardor nimis incessit, ipsamque vim animalem stimulat, thorax musculorum ope laxatur, & consequenter pulmones, hinc ambiens aër per arteriam influit. Secus verò cum thorax contrahitur, pulmones comprimuntur, & superuacuum aërem per eandem arteriam eliminant: pro modica respiratione, solùm sufficit diaphragma; pro ampliori requiritur insuper thoracis eleuatio: pro maxima demum, omnes relictæ musculi distendi debent: E contrario pro maxima expiratione, maxima quoque thoracis & musculorum compressio necessaria est. Ex his ergo patet, quòd respiratio ex diaphragmate pendeat: ideo si hoc læsum fuerit, aut crassioribus halitibus accensum, vel oppletum, spirandi difficultas oritur, vna cum laterum punctiõibus, ac propterea non minus ægrè quam pulmo curari potest, scil. ob continuam agitationem: nec denique minus vitæ necessarium est.

Hinc duæ alternis fiunt actiones, inspiratio scil. & exspiratio. Inspiratione aër intus adducitur: expiratione foras elicitur: vtriusque autem vicissitudo respiratio dicitur. Aër porro inspiratus omnes ramos arteriarum asperarum per pulmonem diffusos implet, ita vt vniuersam thoracis capacitatem inflatus pulmo occupet. Aër ille in pulmone præparatur, vt cruditate sua castigata idoneum calidi naturalis pabulum euadat: & tum

in sinistrum cordis ventriculum arripitur; ex quo, simulque ex purissimo sanguine vitalis spiritus procreatur: sed interim emergunt fuligines expellendæ, quibus aër etiam ferventior admixtus est. Tunc igitur thorax deprimitur, pulmones concidunt, & fuligines noxiæ foras trahuntur per asperam arteriam. Qui autem in venis est sanguis tenuis pulmonis contractione in dextrum cordis sinum haudquaquam remeat, sed in carnem pro alimento transmittitur.

Interim cor diastole ex pulmone per leues arterias præparatum aërem in sinistrum sinum rapit, & ex vena cava sanguinem in dextrum sinum allicit: idque patefactis horum vasorum valvis. Systole, ex dextro sinu per arteriosam venam, sanguinem in pulmones exonerat; ex sinistro verò confectum iam vitalem spiritum, in maiorem arteriam, quæ aorta dicitur, necnon in minores effundit. Hæc de ratione & instrumentis respirandi: supersunt quædam dubia.

PRIMUM dubium est, quæ ob finem necessaria sit respiratio. Resp. superiùs à nobis dictum esse calidum innatùm egere refrigeratione; pabulo; & fuliginum expulsionem: & quidem multo magis, quam arterias. His ergo præstandis suffecti sunt pulmones: quoddam autem refrigeratione opus sit, inde fit, quoddam alimenti accessione calor internus intendi soleat: aëremque semel respiratum, ipsasque fuligines ex eliquato sanguine resultantis inflammet, nisi novus, isque paulo frigidior aër intercurrat: ex qua inflammatione mors sequeretur, vt fit in iis, qui laqueo præfocantur: similiterque nisi humor alimentitius apponeretur, vorax ipsa cordis flamma interiores partes torreret, easque depasceretur.

At, inquires, quomodo aër refrigerabit, siquidem cum esse calidum diximus? Resp. aërem, quem respirando sorbemus, roscedum esse, nec non vaporibus plenum: alioquin non minùs, quam qui olympum superabant, vivere possemus.

Præter hunc finem est alius minùs principalis, nimirum olfactus gratia: is enim fieri non posset, nisi aër externus odores deferens per inspirationem attraheretur: & præterea cum constet cerebrum aliquando crassis humoribus oppressum: (vnde oritur grauedo capitis,) sternutatione leuari; actum retentione spiritus incallescere, respiratio ei vitis fuit, vt & refrigeretur spiritus calidior, & noxius expellatur: sed ex contrario modo fit in cerebro ac in pulmone: nam tunc aër attrahitur, quando cerebrum se se comprimit: quia sequitur aër vacui locum suppleturus, vide *Gal. lib. de orig. odoris: Arist. 2. de anima cap. 9.*

SECUNDUM DUBIUM an respiratio sit actio naturalis, an animalis, siue spontanea. Resp. solutionem petendam esse ex *Gal. lib. de motu muscul.* ubi notat motus, qui ex arteria & vena procedunt, esse naturales & involuntarios: qui autem à musculis, animales & voluntarios: eosque à naturalibus dignosci, quoddam fedari, festinari, aut tardari possint pro nutu animalis: huiusmodi tamen motuum naturalium duo sunt genera: alij enim deliberatione vel electione fiunt: & hi sunt propriè liberi, aut voluntarij: alij quodam impetu interno, qui Græcè *ἀναγκη* dicitur,

excitantur, quales in brutis, atque dormientibus perſepe ſunt. His poſitis cum Gal. & Platone reſpondeo reſpirationem eſſe motum anima-lem in hoc ſecundo ſenſu. Certè pendet à muſculis, cohiberi poteſt, ac frequentari, & cuique nota eſt hiſtoria illius ſerui Syri malefici, qui cùm ob maleficia ſupplicio eſſet afficiendus, reſpirationem ita cohibuit, ut animam exhalarit ut reſert Gal. hæc autem de pulſu nequaquam dici poſſunt: quoniam is nullo modo à noſtro appetitu pendet. Attamen reſpirationis motus multum de naturali participat, cùm è cauſis natura-libus pendeat; nimirum à corde & ab aëre naturaliter influente: ſicque aliàs naturaliter crebrior; aliàs tardior; neque ſupponat cognitionem, quæ prouocat appetitum: Denique continuatur regulariter, etiam in ſomno, &c.

TERTIUM DVBIUM an expiration ſue reductio pulmonum fiat ſola eorum grauitate ad eum modum, quo veſica inflata ſtatim ſe ſe compli-cat, cùm primum vis quæ illam diſtendebat, imminuitur. Reſp. licet ea grauitas aliquantùm iuuat, ut instrumentum naturale, tamen eam non ſufficere ſine animali facultate, de qua ſuprà. Ratio eſt, quia vix vn-quam ceſſaret pulmo inflari: nam ſemper adeſſent excrementa, & ſpiri-tus diſtendentes: tum liberè poſſumus magis aut minùs pulmones com-primere: nam qui clamat, magis eos conſtringit, quam qui ſubmiſſè loquitur: denique Galenus nobis author eſt alios à natura comparatos eſſe muſculos ad expirandum; alioſque ad inſpirandum.

in lib de
reſpir. cau-
ſis.

QUARTUM an omnes animantes vere reſpirent. Reſp. grauem hic excitari, præſertim de piſcibus, diſceptationem. Negat Ariſtoteles, affirmant Plato, Galenus, & conſequenter medici: vtrinque magni mo-menti rationes afferuntur. Pro Ariſtotele ſunt hæc: *primo*, fatentur anti-qui ſcil. Democritus, Anaxagoras, & alij piſces non expirare: ergo neque inſpirant: at reſpiratio ex his duabus integratur: ergo. *Secundo*, piſces non habent arteriam vocalem, nec pulmones: ergo. *Tertio*, ſi reſpirarent, non tam cito morerentur in aëre: ergo. *Quarto*, dum ani-malia quæ reſpirant, ſuffocantur in aqua, continuè apparent in extimis aquæ partibus bullæ quædam ex ſpiritu, qui vehementer à pulmonibus exprimitur, conſtare: nihil autem tale videtur in piſcibus. *Quinto*, piſces non egent tali refrigeratione, quia ſunt frigidi: ergo. *Sexto*, in aqua non eſt aër, quem attrahere valeant: quoniam quomodo in eam deſcen-diſſet: atin ea ſi fuerit, vel ita cum aqua concretus eſt, ut ſeparari non poſſit, quemadmodum aqua vino infuſa: vel ſic ab aqua diſcretus eſt, ut facile ſeparabilis ſit, ut iſ qui in ſpongiâ continetur: ſi primo modo, qua vi eum piſces percolabunt? ſi ſecundo, cur ipſemet ſua leuitate non diſſiliet? At his obſtat Plinius, qui ſic oppoſitum probat, pulmo-num vice, alijs poſſunt alia ſpirabilia ineſſe viſcera, ita volente natura, ſicut & pro ſanguine ineſt multis alius humor. In aquas autem penetra-re vitalem hunc halitum quis miretur, qui etiam reddi ab his eum cer-nat? & in terras quoque tantò ſpiſſiorem naturæ partem penetrare, ar-gumento animalium, quæ ſemper deſoſſa viuunt, ceptaſpæ? Accedunt

lib. 9. cap. 7.

szpe adnotata piscium æstiuo calore quædam anhelatio; & aliqua tranquillo cœlo velut excitatio: ipsorum quoque qui sunt in aduersa opinione, de somno piscium confessio. Quis enim sine respiratione somno locus? &c. His adde sequentia: quæcumque nutriuntur ea respirant: sed pisces nutriuntur. Ergo, secundo, habent quo respirent, & spirandi quoque instrumenta: ergo nihil abest, quominus respirationis illis actio denegetur. Antecedens patet: ex una enim parte commodus illis aër in aqua suppeditatur, ostendimus enim in tomo quinto, nullum elementum esse purum: ergo cum aqua maris immixtus est aër: alioquin quomodo pisces audirent, & olfacerent? quomodo sonus in aqua fieret, &c. Ex alia parte brachia ipsis vice pulmonis sunt, ut testatur Gal. quandoquidem crebris & tenuibus foraminibus sunt interceptæ, subtilioribus tamen, quam ut per hæc possit aqua transmeare: quamobrem per hæc branchias allicitur, ac fugitur humor circumstās, qui cum sit aqua spiritu aërio fecunda, in illo commeatu quasi percolatur, dum reliquis partibus densioribus, quæ sunt partes aquæ, solum forbentur subtiliores, quæ sunt aëris: tertio, idem confirmatur ex eo quod multi sunt pisces, quibus natura pulmones indidit, ut sunt Delphinus, Balena, Phoca, siue vitulus marinus, &c. Ergo hi respirant. Si hi, cur non alij? quarto, denique affertur experimentum piscium, qui possunt in vase angusti orificij diu viuere, si plenum aqua id fuerit, & apertum orificium relinquatur; alioquin statim moritur, si occludatur. Cur ita? certe non ob aliud, nisi quia sine aëre per ostium apertum influente viuere non possunt. Ergo similiter neque in mari sine aëre viuere possunt. Respondent ad hoc ideo non posse viuere pisces in vase concluso, quia certe indigent spiritu æthereo, & cœlesti: sed hunc distingui ab aëre: nec deesse in mari: quandoquidem eo vita omnium foueatur, nec sine illo cuiuspiam viuentis generatio esse valeat: denique non negari ab Aristotele, sed admitti. Sed contra primo, si spiritus ille sic fusus sit per omnia, quidneciam aër? secundo, si necessarius est ad fouendam piscium vitam, cur non inspirati eum oportebit, sicut aërem? tertio, si spiritus ille, quem sugunt ætherius est, adeoque subtilior aëre, cur non penetrat, sicut reuera terræ crassitiem permeat? Resp. aërem esse quidem immixtum aquæ, sed non posse eum excerni ab aqua. Contra primo, cur non saltem excerni poterit, sicut ille spiritus æthereus? Secundo, quid opus est tali segregatione, cum aër haustus communi respiratione non sit ab omni aqua deterfus, imo plurimum vaporosus, & humescens?

Propter hæc difficile reor litem omnino dirimere, nisi ad hancce distinctionem veniamus, qua respiratio alia propria dicitur ac manifestata; alia occulta, ac impropria: vnde sic soluemus quæstionem, dicendo sola ea propriè respirare, quæ pulmones habent, & diaphragmata: cætera verò solum impropriè: ex piscibus autem, aliqui pulmonibus præditi sunt, ut cetacei, Balena, Delphinus, &c. Ideoque hi dormiunt, & stertunt ore supra maris superficiem exerto; & quando retibus impliciti, diutius in imo depressi sunt, moriuntur. Denique cum per ima

va la pisces alios venantur, identidem foras exiliunt aërem resumpturi. Cæteri verò, quia sanguine, aut pauco, aut frigido præditi sunt, refrigeratione tanta opus non habent, quanta cæteræ animantes. Tamen cum nutriantur, neque vlla nutritio sine concoctione, neque concoctio, sine calore, & fuligine esse valeant: ideo aliquali etiam respiratione indigent, quod optime ni fallor Fernellius explicat, cū in 6. Physiol. c. 16. ait: *Aquasilia autem non aër, sed aqua humor trahitur, ut qui refrigerationis usum, & commoditatem illis suppeditat; ab humore, nonnihil etiam vaporis, & halitus pro caloris, spiritusque pabulo trahunt, in quem commode fumosa caloris supernacanea depellunt.* Tum differentiam hanc respirandi hinc deducit, quod animantes multo sanguine abundantes, ideoque calidæ, celeri refrigeratione, qualis fit ex aëre, egeant; pisces verò, ut exangues ferme, ac perparum calidi, solius aquæ contagione & appulsu satis commode sustententur. Ita ergo possunt pisces subtiliores aquæ partes tenuissimis branchiarum poris in pectus transpirare, cum quibus etiam aliquantum illud aëris, quod iis inest, sugunt; & quia is aptior est ad calidi naturalis nutritionem, naturâ duce, potius preparari potest ad id officij administrandum: unde si non respiratio perfecta: saltem quidpiam respirationi simile contingit.

Quintum dubium, an cæteræ animantes respirent, ut volucres, ranæ, &c. Etenim volucres etsi pulmones habeant, & arteriam asperam diaphragma tamen non habent. Ranæ verò diutissimè in aqua lutosa subsident, quin vlllo modo aërem sorbeant. At quid de insectis dicitur? ea enim neque pulmones, neque sanguinem, neque cor habent. Resp. tamen omnia hæc vel propriè, vel analogicè respirare: volucres respirant propriè: ut patet, ideo credendum est aliquid ipsis vice diaphragmatis esse datum à natura. Ad volandum enim debuit illis aptari sternum magis flexibile, ideoque costulas habent ad id muneris haud impares. Habent item pulmonem fungosorem. Ranæ verò, testitudines, &c. quia sanguinem habent frigidiorum, tardius quoque ac rarius respirant: ideo possunt diutius aëris ferre absentiam: insecta demum mucorem quemdam habent; qui in iis idem præstet, quod sanguis in animantibus aliis: ita quidpiam habent cordi, & pulmonibus æquiualens.

Sextum dubium, an infans in utero materno respiret. Id enim negat Andr. Laurentius l. 2. anat. quoddam eius cor, inquit, non moueatur: at contra alij. Resp. ergo ex quo primum factus animatur, respirare eum necesse est. Nutritur enim: & monetur reuera ipsius cor, utpote primum viuens, sed quomodo respirat? Resp. sanguinem attrahendo ex matre, sine dubio simul ab ea spirare quoque aërem, quo calor natiuus foueatur, expurgeturque.

CAPVT XIV.

DE AVGMENTO ET
nutritione viuientium.

§. I.

Quid accretio, nutritio, & aggeneratio: quibus etiam facultatibus peragantur.

NOVERCAM sanè, atque improvidam iure naturam appellaremus, nisi concepto & nato animali, (idem proportionem de plantis,) vim esset largita, qua crescere, necnon, & desideratam magnitudinis mensuram assequi possent; crescunt autem, dum nutiuntur; nutiuntur verò, cum alimentum appositum mutatur in substantiam non totalem, sed partialem rei, quæ nutritur; & hæc mutatio *aggeneratio* dicitur. Quare nutritio, & aggeneratio sunt idem quoad rem: & summum connotatis differunt, aggeneratio enim præcise sonat conversionem substantiæ in partem alterius iam existentis. Estque generatio substantialis alicui præexistenti, & manenti accedens; vt quando succus terræ mutatur in caudicem, ramos, &c. arboris. Nutritio est partis in corpore viuo deperditæ instauratio ex alimenti conversione: quam Gal. I. Aphor. definit *repletionem eius, quod euacuatum est*: Scaliger Exerc. 101. *alimenti transmutati unionem naturalem*: sed malim ex Fernelio Physiol. I. §. c. 3. dicere quòd sit adiecti alimenti in viuientis corporis substantiam conversio & assimilatio. Hac verò conversio-
ne alimenti in substantiâ viuientis fit accretio, quando per agglutinationem copiosioris nutrimenti omnes partes corporis viui extenduntur secundum omnem extensionem; vnde meritò definitur corporis viui quouersum portectio: quamobrem remisso hic paulisper accretionis examine; paucis, hic nutritionis principia, vires, officiaque exponamus.

Notandum ergo in primis calorem natium semper aliquid humidi radicalis, siue primigenij absorberi, adeo vt nisi adiectione pabuli refarciretur id, quod absumptum est, breui secutura sit vitæ extinctio. Ideo vim altericem animæ cuiuslibet naturæ auctor impertit, eamque à procreatrice distinctam; cum opus & officium nutritionis maxime ab iis generationis determinentur.

Hic autem alterici facultati, quasi subministras alias quatuor annexit, re distinctas, an ratione, haud refert. Hæ sunt attrahens, expellens, continens, concoquens: tum ipsa, quæ reliquarum est velut domina, seu finis, assimilandi, aggenerandique potentia: vna certè anima his

omnibus viribus à Deo instructa est. Actiones hic multæ intercedunt: sed idem omnium principium, vnus finis. Ergo ab eadem anima per sub-ordinatas virtutes symmetrico & regulari processu omnes eliciuntur.

Primum itaque nulla est, ne vel minima corporis particula, quam non alimenti benignitas attingat. Id autem non suoapte solum impetu per omnes partes dispergitur: neque enim recta patet via: debet igitur alieno tractu huic induci & allici: & quidem prout cuique parti congruum alimentum fuerit. Ita singulis partibus inest sympathetica vis alliciendi commodum nutrimentum, inest & retinendi allectum: alioquin frustra illa existeret: quin repellendi contrarium facultas antipathetica negari non debuit: nec est negata. Tum attractum concoqui, ipsumque exactius apparari ad formæ substantialis in illud introductionem, oportuit, & certè talem quoque creator virtutem indulsit.

At harum virium exercitiis obeundis insuper apta instrumenta pro singulatum conditione apparauit: nimirum fibras aliquas miris modis dispositas, quibus laxatis, aut reductis expelli, attrahi, cohiberi que illapla corpora valeant: adhibita insuper sunt in officiis vasorum, & vbicumque decuit, quedam caruncule ex similibus fibris, tanquam villis, siue neruulis contextæ (sphincteres vocant) quibus retineri naturaliter alimenta in locis necessariis, cum, & quandiu oportet, valeant: atque omnia hæc miro artificio constructa; mirabiliori adhuc, officiis quaque suis funguntur, vt reuera non minus in conseruatione, quam in donatione vitæ, conditoris sapientia elucescat: à qua qui opus nutritionis, vt & generationis distrahere student, & ad causas stupidas inertes, & impotentes, quales sunt atomi cum suis figuris, magnitudinibus, & dispositionibus merè naturalibus, omnia reuocare: nã ipsi sane infinito maius miraculum narrant, quam si dicerent posse horologium construui, cum omnibus suis artificiosis machinamentis, eorumque omnes motus regulariter perpetuo continuari, sine vllius artificis industria. quid enim proportionis inter horologium, & corpus animalis? & tamen moueri illud sine mouente rationali non posse autumant: moueri hoc vel sine Deo ipso, contendunt! An non sine Deo moueretur, si non peculiari aliquo afflatu, & afflatu, sed communi solum nutu, quo & horologi: ferramenta non destituit, viuentium functiones moliretur? Agnoscendus ergo est diuinus opifex in anima semper præsens, eique vires impertiens, quibus ipsa suum præsidem imitata, eius operationem fide suscipiat, perseueranterque prosequatur. Interim reliqua videamus, quomodo scilicet nutritionis opus peragatur.

Norandum in primis est admirabilem esse totius corporis fabricam, & licet innumerabiles de illo experientia factæ sint, & infinitæ sectones quibus quotidie medici summo studio arcana huius fabrefactionis inquirere studeant: tamen vix adhuc satis constat, quibus modis fiat nutritio, quod tendat alimentum, quot mutationes suscipiat, quibus in locis quæque fiat: per quas vias sigillatim traducatur, quot officinis egeat antequam in singulas partes perueniat, in quibus vltendò in sub-

stantiæque

stantiam aliti verti debeat: Dixi vix ea constare, quoniam licet multa deprehensa fuerint, plura tamen adhuc occultantur: & nouæ quot diebus in singula difficultates ingeruntur: neque omnes vno modo ea explicant. Causa porro eiusmodi difficultatum hinc præcipue oritur: *primo*, quod aliter corpus sic affectum, cum viuít ob participationem animæ, quam cum anima caret humores concreſcunt, aut variant, carnes concidunt: vasa omnia ſuis functionibus orbatá ſunt, &c. quamobrem cum ſectio non fiat, niſi poſt mortem, perſpicaciſſimos anato miſtas quam multa fugiunt, ex quibus amplior certè ac certior coniectura duceretur. *Secundo*, ex eo quod innumeræ ſunt fibræ, neruuli, arteriolar, venulæque adeo tenues, vt diſcerni vix, ac ne vix queant; multa item organula, quæ à carne diſtingui non valeant, multaque alia, quorum proprius vſus ignoretur. Ideo in his omnibus non minùs, quam in reliquis naturæ operibus dicendum eſt cum Eccleſiaſte, *Plurima Dei opera ſunt in abſconſis*. Et *cunctæ res diſciles, non poſſe eas homo explicare ſermonẽ*.

Idcirco grauiorem & enucleatiorem horum omnium diſquiſitionem Medicis relinquentes, ſolum ea hinc exerpemus, quæ certiora, clariora, & Philoſophi ſcopo congruentiora viſa ſunt.

Notandum enim eſt quaſi publicas aliquas vias in nobis eſſe, quibus in omnes partes alimenta deuehantur: aliasque minutiores & quaſi priuatos angiporſus, quibus vel minimis corporis particulis applicetur proprius cibus. Communes viæ ſunt hæc: *prima*, eſt vna maxima, quæ ab ore ad ventriculum deſcendit: *ſecunda*, à ventriculo tendit ad hepar: ventriculo ſubeſt oriſcium, quoddã *πίλωειν*, ſiue ianitor dicitur, ex quo ſuboriuntur venæ ad hepar, quas meſataicas, ſeu meſenterium vocant; hepar muliſ fibris obſepitur, ad deferendos humores: inſunt præterea innumeræ venæ per iecur diſſectæ, tenuiſſimæ tamen velut capillamenta. Hiſque hinc inde ſerpentibus interſecitur vena ſat ampla, quæ vena Porta dicitur.

Hiſ ſuppoſitis incipiamus ab ea cibi præparatione quæ in ore fit, ibi enim atteritur, vt coctioni ſit aptior: nec leuem tum conuerſionem accipit: admiſcetque ſibi quodammodo animalis qualitates, vt priſtinam ſpeciem vix retineat: id quod, vltra comminutionem potiffimum fit oris calore; pituiteque perſuſione: tum etiam tunice eius, quæ ipſi quoque ventriculo continuatur, attractione. Hinc per ſtomachum tanquam per communem viam in ventriculum detruditur, à quo etiam per vim attractiuam allicitur iuuantibus villis, ſiue fibris tranſuerſis, quæ in externa gulæ tunica perſperguntur: cùm enim aliquid deglutimus, tranſuerſæ fibræ quæ ſupra illud ſunt, contrahuntur: inferiores diſtenduntur. Attractionem ventriculi naturalis appetentia magis aut minùs augeſcit; prout hæc maior, aut minor fueſſit: tum ipſe obliquarum fibrarum adminiculo at diſſimè, & omni ex parte complectitur, imo conſtringit, id quod iam attraxit; pylorũque ſic obſignat, vt efluere nihil queat. Interim coctice facultate alimentũ cõcoquit, velut nature lebes:

non fibris quidem adminiculantibus, sed calore partim proprio, partim affuso ex vicinis & circumstantibus focis, nimirum iecore, liene, diaphragmate, vena cava, omēto, & præcipue corde. Ipse autem affectata sibi proprietate alimenta in vnum cogit: deinde minutissimè conterit, & tandem superatis discrepantibus qualitatibus, ea in vniuersi modi substantiam redigit, quæ quondam cremoris speciem retinet. Nec id satis: eam insuper subigit, eique qualitate in animali nutriendo accommodatam imperitur, & tum prima concoctio perficitur, ex qua consurgit *Chylus*, id est, substantia quædam albicans fluidaque, instar vini recentis ex vna calcata emanantis. An verò ab alimento essentialiter distinguatur, controvertitur: sed probabilius est distingui: nimia enim accidentium sit immutatio. Queritur item an concoctio illa sit per modum elixationis, quæ cum humido fit. Afirmat Aristoteles: ideo eam *ψυγιον* vocat. Alij contrà, id negant, eo quòd multi viri sint, qui vel per annum integrum à potu abstinant. In his ergo concoctio fit alimenti, sed sine humido, nisi velis humorem in his phlegmaticum abundare, ac vice potus concoctioni obsequi. Quidquid sit,

Chylus est substantia iniucunda gustu, & olfactu; adeo vt aliqui eam esse quid putridum arbitrati sint: sed perperam. Est tamen conueniens animali, & per se generata: eiusque aliqua portio ventriculo ipsi cedit in delicias: quod enim in cremore longè optimum est, id halitus specie ad se corripit, sugit, ac inter suas tunicas abscondit: ex ipso fructum, ac voluptatem percipit. Denique eo saturatur: at si Fernellio contra Galenum credimus, non propterea eo verè nutritur ventriculus sed sanguine: quòd animalium sanguineorum partes omnes solo sanguine nutrantur; ossaq; ipsa; tamen si ventriculo ignobiliora. Lis apud illos esto. Sic saturatio ventriculi, non nutritio dicenda est, sed dolori, qui ex vacuitate, & compressione laterum sese comprimantium, atque arescentia illa, quæ tum in illo fit, sedatio: assuetus enim ventriculus luceo illo imbibi, & impleri: suauitatem hinc quandam percipit, quæ dum caret, appetitus stimulat: sedaturque cum fruitur. Hactenus prima concoctio.

Sic satiato ventriculo, laxatur pylorum: transuersæ fibræ constringuntur: & arctatur ventriculus, chylum per pylorum in intestina traiectionis: quorum quoniam multiplex est anfractus: haud ita facile ille perlabitur: ideo in sinuoso illo traiectu non totus præterfluit; sed eius aliquid, venarum, quæ interim occurrunt, orificiis illabitur, reliquum verò in venas Melaraicas vadit, & quod inutilius, crassiusque fuerit, in intestina reliqua penitus à toto corpore mox excernendum, reicitur. Quod verò vtile conueniensque intestinis ipsis fuerit, retinetur, magis, magisque concoquitur: ac tum quoque per totum venas minores, ad maiores sensim permanat, donec ad iecur transfundatur: ad quod non nisi per multiplices, easque per angustas vias datur introitus. Interim vt per singulas venas Melaraicas chylus in iecur refunditur, ita per easdem à iecore ad intestina deferitur sanguis, quo nutrantur: inservientibus adhuc duplex officium diuersis quoque facultatibus, attrahentibus, expellentibus, ex-

crementibusque, &c. Cæterum non sola vis attractrix alimenta in eiusmodi venas, aut intestina pellicit, quia cum in sympathia fundetur, sæpe antipathetica recipiunt: vt in medicaminibus multis: & saturata, crebro suffareinantur superfluis, vt in helluonibus: propterea illam tractionem multum iuuant tenuitas, fluiditas, alixve qualitates eiusmodi alimentorum; sed in primis spiritus affluentes, ac resistentes: quibus alias rationes in peculiari addere facile esset, si liceret singula quæque percurrere. Sed sufficiet modo hoc notare, quod venæ mesaraicæ succum alimentitium sugant, magis coquant, purioremque efficiant, ac tandem conuoluant in hepar, ad eum fermè modum, quo videmus in arboribus alimentum benignus per fibras & capillamenta radicum ex humo sursum attrahi, & in medullam transfundi. Ita non sine admiratione considerabis, quanta sedulitate natura studeat alimentum attenuare: i. comminuit in ore: deinde subtilius fit in ventriculo; tum adhuc magis in intestinis; ampliusque in mesenterio. Nec tamen adhuc natura contenta est. Debet in minima redigi. Hoc autem fit in hepate adminiculo fibrarum & capillamentorum, quæ venam portam hepate conclusam irrigan.

Nam subtiles illæ chyli reliquæ per venulas illas in totum hepar distrahuntur; ibique cum ob exilitatem venarum, tum ob anfractus admodum implexos diu asservantur: interimque minuuntur, attenuantur, excoquantur, denique magis elaborantur. In venis mesaraicis iam aliquam sanguinis tincturam acceperant: in hepate ipsam formam & naturam. Hoc geniti sanguinis portionem quandam familiarem ac salutarem sibi adglutinat, & assimilât, reliquum in venam cauam fluere sinit, à qua in omnes corporis partes distribuit, prout cuiusque natura & qualitas exigunt: atque tunc in illis partibus tertia & consummata fit concoctio.

Verùm omiseramus dicere chylum in hepate, verti proximè in massam aliquam, quæ chymus appellatur, constantem quatuor humoribus: quorum temperatissimus sanguis dicitur: qui calidior, flaua bilis; frigidior & humidior pituita, frigidior, & sicior, melancholia. Hi quatuor humores simul creantur: sed & mox quoque discernuntur hoc modo. Flaua bilis delabatur, attrahiturque in folliculum fellestræ in splenem: pituita, sanguisque in venam cauam, quæ quoque uersum, seu via regia sese exporrigit, & innumeris ramusculis frondescit, quæ venæ capillares vocari solent, quod capillos exilitate & copia referant; & in omnes omnino partes corporis peruadunt. Tamen antequam sanguis in eas exoneretur, in subtilissimum vaporem resoluitur, qui ros alimentarius vocatur, & hoc modo singulis partibus adhibetur, in quibus instar glutinis concreuit: dictisque partibus insita vi caloris natui adhærescit, agglutinaturque, mox assimilatur; tandem convertitur.

At enim in illis partibus sanguis vltimò concoquitur, vt diximus, exque concoctione necessarîo exhalat aliquid excrementitium: aliud quidem exile, quod sola transpiratione per poros effluit, aut dissoluitur;

ceu vapor aliquis reiectaneus, qui quando que adeo teter est, vt morbos creet, scabiemque, &c. aliud crallum vt sudor, furfur, fuligo, sorditiesque corporis, pili, &c.

Ita ergo sese habet vniuersum nutritionis negotium, cui promouendo interuiunt, *primo*, fibræ innumeræ altricibus facultatibus ancillantes: earum autem aliæ sunt rectæ, aliæ obliquæ, aliæ transuersæ. Rectæ sunt, quæ ad perpendicularum è superiore parte in inferiorem descendunt, & hæ seruiunt facultati attractrici: obliquæ descendunt quidem, sed à perpendiculo declinando: & hæ obsequuntur re-tentrici: transuersæ, quæ ab vno latere in oppositum diriguntur: & hæ expultricem iuuant: pro concoctrice, assimilatrice, & immutatrice fibræ non dantur, sed calor cum virtute progeneratrice animalis sufficit. Notandum tamen, quòd ita dispositæ sint fibræ huiusmodi, vt plerumque ad distensionem aliquarum aliæ constringantur: vbi stringuntur: hinc propellunt; vbi laxantur, hac eiiciunt.

Secundo, principaliter omnes supradictas operationes iuuat calor naturalis. Is enim est commune instrumentum vitæ, & consequenter sine illo, ac sine spiritibus viuificis nihil in animali potest perfici: possunt quoque prodesse, vel obesse spiritus peculiare, qui cum alimento defecuntur: sed ista penitus inuestigare Medicorum est, potius quam Philosophorum.

§. 3.

Quale sit alimentum, & quàm necessarium.

MULTA hic occurrunt examinanda. In primis enim hoc debet indubitatissimum haberi, quod non omnia indifferenter ex quolibet ali possint: cum enim alitura debeat viuentis in partem succedere; eiusque quotidianas iacturas resarcire, sine dubio talis esse debet, quæ viuenti refocillando & reficiendo compar sit, & accommoda; quandamque cum eo conformitatem habeat. Hinc meritò Arist. 2. de gen. c. 8. dixit omnia ex iis nutriri ex quibus constant. Et cum necesse sit alimentum substantialiter mutari, vt in substantiam, & speciem rei nutritæ de-cedat: etiam necessario debet forma, & specie differre à re nutrita? Neque enim videmus vllam mutationem fieri è simili in simile simpliciter. Hinc merito dicitur alimentum esse oportere simile, ac dissimile: non solum ita vt dissimile solum sit ante vltimam concoctionem: deinde ea in exactâ similitudinem redigendum; sed ita vt ex natura sua, cum primum eligitur, & ore assumitur, vtrumque simul sit: ac sub forma, specieque dissimili, similitudinem quandam & conformitatem temperamenti, nec non vitrum multarum habeat: ne si dissimilior fuerit, concoctionem remoretur, ipsamque viuentis temperiem perniciosius vincat; neue si prorsus simile, generari conuertique possit nunquam. Hinc dici etiam solet in alimentum ascisci posse, quod siccum & calidum fuerit: quia

cum vita in humido, calidoque consistat, ita partim simile, partimque dissimile fiet. Verum non ita siccum illud esse oportet, quin reuera id humidum esse debeat, vt facile à facultatibus altricibus comminui, digeri, deferri, quin & agglutinari corpori viuo debeat. Imo cum omne viuens sit corpus mixtum, in quo vltra elementorum mixturam, partes diuersi generis sint, solide, humidaque ac præsertim diuersis spiritibus constet: à quibus præcipue corporum proprietates & efficacia manant: necesse est ea omnia crescere ac multiplicari beneficio nutritionis: & cum depredita vel absumpta fuerint, reparari. Ergo debet alimentum constare partibus solidis: alioquin totum in vapores efflueret; neque soliditatem redderet sicut oportet: debet & fluida naturæ habere quidpiam, ob rationem, quam modo dedimus: denique spiritibus factum sit, oportet: at non quibuscumque, sed congeneribus, & sympatheticis. Quæ omnia, si alimento conuenerint, quis mirabitur ab eo reparari quod depastum fuerit? an non etiam inde clarissima reddetur ratio, cur alimentum sugatur, & aliiatur tam auidè à viuento: ac tandem, cur tam arctè ipsi agglutinetur?

Hinc patet alimentum præcipuè in succis consistere: quia his prædictæ conditiones insunt communiter: neque videmus nutriri quidquam, nisi rebus succosis. Succus tamen ille debet esse non modo humidus, sed aëreus, & oleosus, ac maximè spirituosus.

Hinc vterius infertur difficile reperiri posse alimentum, quo totum id perfectè reparetur, quod calore nativo absumitur: quia vix quidquam est, quod spiritibus quibusdam, viribusque non polleat, repugnantibus, aut dissentaneis naturis cæteris. Ideo nusquam potest vita in æuum solo nutrimentorum beneficio perennari.

Infertur præterea succo alimentitio talem cum facultate vitali viuents proportionem inesse oportere, qualis exigitur inter passium, & actuum: alioquin vel alimentum destrueret viuens: vel à calido citius absumeretur. Ideo bene prouidit Deus, vt variè cibi præpararentur, antequam vel ad ventriculum, vel ad partes nutriendas deferantur: & animalibus voracibus vel dedit omasum, reticulum, & abomasum, vbi ruminarent: ne crudiora citius transferrent in ventriculum, vel certè ventriculum dedit magis carnosum & calidiorem, vt constat in auibus.

Denique ob hanc rationem Deus dedit singulis animalibus instinctum queritandi proprium, ac sibi consentaneum alimentum: quia cum solus nouerit proportionem illam debitam, solus debuit prouidere, vt eam illa inuenirent.

Cæterum ex iisdem principiis sequitur, pro vt viuens quodque nobilius est, atque præstantiori fabricatione præditum, tantè exquisitius requiri nutrimentum. Ideo plantæ sufficit succus, qui è terra, & elementis inuicem mixtis, nec non ex spiritibus ibi plerumque sparsis conficitur; præparatius & nobilius debetur brutis: ac excellentissimum homini: cruda enim brutis sufficiunt: hominibus non item, saltem vt plurimum: ac nisi degeneri naturæ belluina quoque consuetudo accesserit:

quod addo propter carniuoros & anthropophagos, quibus quid possit esse in natura portentosius, non video.

Denique satis ex his patet necessarium esse omni viuenti alimentum, quo nutriatur. Verùm quamquam hæc sat per se manifesta sunt: quædam nihilominus occurrunt dubia hic breuiter soluenda.

Primò quædam videmus animalia, quæ quilibet vident sine delectu vt struthio. Alia sunt, quæ cibis venenatis aluntur, vt viperæ, scorpionibus; sturni, cicuta; coturnices, veratro; gallinæ, aranciis; ciconiæ, & sues, serpentibus, &c. Imo & homines extiter, qui venenis educati, gauisique fuerint. Talis fuit Mitridates teste Plinio. Talis teste Alberto Magno puella quædam Coloniæ Agripinæ, quæ a ranearum aucupio laurè, ac opiparè vescébatur. Talis fuit ille Regis Cambaie filius, qui ex assuetudine veneni, sic venenatam carnem habebat, vt muscæ, à quibus mordebatur, sæda contagione interirent. His quoque addi potest familiare iætericorum exemplum, qui carbonibus, aliisque rebus nullam nutriendi vim habentibus impensè delectantur. Denique carniuoros, & anthropophagos huc attexe. Hi enim similibus planè ac congeneribus nutriuntur.

Secundò solet opponi, quòd multa viuientia sine alimento diutissimè viuere valeant. In primis Historiæ nobis homines aliquos, pluresque puellas exhibent, quæ plures annos integros impastæ omniuo transegerint. Et ne miraculum suspicetis, ex hæreticis erant, vt apud Kikermanum legitur. Rodeletius quoque lib. 1. de piscibus refert Romæ fuisse virum, qui 40. annis sine vlllo cibo, potuque vixerit.

Tertiò in hunc ordinem redigi debent ea, quæ vel sola aqua nutriuntur, vt pisces; vel sola terra, vt glires, talpæ, &c. vel quæ solo aëre vt Chamaeleon, de quo sic Tert. *Chamaeleon ieiunius semper, & indefessus, esitans vescitur, felicans ruminat de vento cibos*: idem quoque Plinius 8. lib. cap. 33. mitto cætera multa eiusmodi.

Resp. Hæc omnia non repugnare iis, quæ diximus. Primùm enim ex eo quòd alimentum debeat esse conforme temperamento, & item calori naturali viuentis, quod nutritur: rectè sequitur alia aliis esse consentanea, & quæ vni perniciem creant; ea salubria esse aliis: ideo ferum struthionis ventriculo vt potè æstuantissimo minùs repugnat, quàm humano: quamquam nec propterea sequitur id esse illi alimentum: I cet ab eo decoquatur, potest enim in emendatum egeri. Quæ autem nobis venena dicuntur iis animantibus, quæ naturaliter his velci solent, sunt salubres cibi. At hominibus præter naturam accidit, quòd non nocèat: non crediderim tamen eos veneno nutriti posse. At potestne consuetudo vim naturalem inuertere? quomodo enim cum nulla iteratione consuefcere possit lapis, vt sponte ascendat, vis naturalis tandem assuescet vt non lædatur? Resp. talèm consuetudinem inde contrahi, quòd alimentum aliquid agat in corpus nutriendum: ideo paulatim potest illi consimilem temperaturam indere: eique spiritus suos implantare. Si ergo aliquod sic per se primùm repugnans, & inimicum corpore alter

affectō; ipsique initio paulatim insinuetur, sensimque in maiori copia apponatur, tandem prior antipathia & disproportion tollentur; & quod initio noxium fuerat, fiet amicum & quasi consociatum: ita morbus ictericus immutat naturalem temperiem gustus, & etiam corporis: simili modo cœli & locorum dispositio præternaturalis, sic naturam hominis potest alterare, ut indebitis & repugnantibus alimoniis instar ferarum utatur, ut apud Brasilianos, Hurones, & alia id genus humanæ naturæ monstra. Quidquid tamen in suam nutritionem assument: dissimile prius fuit, quia mortuum; & item simile, quia in sese conuertendum.

Quoad viuientia, quæ sine alimento vixisse describuntur, Respondent aliqui posse id naturaliter obtingere: quia, inquirunt, potest ex morbo, vel aliter admodum imminui calor naturalis: & aliunde humor aduentitius, & pituitosus ultra modum abundare, præsertim in scæminis, quæ pituita opplentur. Tunc ergo calor ob imbecillitatem parum humidi naturalis absument, adestque præterea illi sufficiens humor externus, præsertim cum pituita facile queat in sanguinem verti. Cur non ergo sic diu sine externo alio pabulo vita poterit prorogari? Alij tamen id negant, & ad exempla Respondent ea vel miraculosa, vel præstigiōsa esse: & ad hoc propositum Henricus Regius Ultraiectinus Philos. nat. lib. 4. cap. 3. refert quandam scæminam Meursensem simili præstigiō diu abusam fuisse, ac tamen eius omnem fallaciam publicè omnibus innotuisse. Certum autem est miraculo diuino id pluries in viris sanctissimis contigisse: aliàs nusquam.

Denique ad illud de aërio vel elementari alimento Resp. certè nullum purum elementum pascendis viuentibus sufficere: quare pisces non aqua solum, sed alijs pisciculis: vel mixtis nonnullis, quæ sub vndis naturaliter crescunt: vel tempestatibus adducuntur: neque desunt spiritus varij piscium temperamento idonei. Similiter nec glires pura tellure sustentantur: sed vel mixtis in terra occurrentibus, licet forte sub sensum non cadentibus nutriuntur, vel dormiunt: vnde sunt hi versus.

Tota mihi dormitur hyems: & pinguior illo

Tempore sum, quo me nil nisi somnus alit.

Chamaeleon muscis, aut alijs corpusculis vèro circumgestis vescitur, vt testatur Scaliger exerc. 196. hinc cætera solui possunt dubia: cum enim elementa non sint pura, sed innumeris halitibus, & corpusculis tenuissimis, mixta tamen, & spiritibus mixtorum vires retinentibus repleta sint: non dubito quin iis vesci aliquæ animantes queant: cum & cibi solidissimi debeant prius in vapores æquæ, vel magis subtiles exolui, priusquam vltimum nutritionis effectum adhibeant: propterea crediderim posse aliquando solis odoriferis halitibus, saltem pro aliquo tempore vitam sustentari, si modo halitibus illi spiritus solidorum mixtorum admixti fuerint. Concludo itaque pura elementa non posse in alimentum seligi: ea enim ad corpulentiam corporum constitutionem, & ad mixtorum temperiem ordinantur. Ideo non nisi post mixtionem in

illa veniunt: & alimentum mixti, mixtum est: suosque habent in mixtis alios vsus quam nutrimenti, vt aliàs diximus: aqua tamen solet in potum adhiberi ad deuehendum facilius alimentum: vti & vinum, licet hoc & nutrire quoque valeat, non solum secundum crassiores partes, vt communiter traditur: sed propter subtiles, aëreosque spiritus, quibus abundat. Hinc spiritus vini ad vitam refocillandam valere plurimum dicitur. Aqua item os ventriculi refrigerat & humectat: atque ita impedit ne resolutio citius fiat: quod quidam nomine nutritionis intelligunt.

Ex his monita quædam pro ratione vescendi admodum necessaria inferam: primum confundenda non esse alimenta, neque opprimendum ventriculum ciborum varietate: dum enim cibi multiplicis temperationis ingeruntur, alij aliis citius concoquuntur, & massa chyli variè, inæqualiter, & inordinatè conformatur: item, ob contrarietatem temperamentorum excitatur pugna in ventriculo, vnde inflatio, ructus, & diuersitas, atque intemperies sanguinis proueniunt. Quamobrem verum est hoc axioma: *concoctio bona est, quando omnia simul eodem tempore concoquuntur.*

Secundum, circa nutrimenti sumptionem considerari oportet substantiam, qualitatem, copiam, ordinem, tempus: ac consuetudinem, de quibus multa scribunt medici: solum hic circa tempus regulam quandam Auicennæ referam, quæ licet non æquè conueniat omnibus: iis tamen qui parum corporeæ exercitationis edunt, multumque per diem student, maximè vsurpanda est, *totus, inquit, cibus, quem in prandio, & cæna assumere voles diuidatur in 3. portiones: & dua tertia assumantur in prandio, vna verò tertia in cæna. Sic enim fiet, vt, & quietius dormiamus, & maturius ad studia, & ad operas nostras surgero possimus.* Denique quoad ordinem notanda ista erit regula: quæ citius concoquuntur, prius sumenda sunt iis, quæ tardiùs; liquida solidis; & lubrica adstringentibus,

CAPVT XV.

DE AVGMENTATIONE
secundum quas partes fiat.

S. I.

Explicatur & soluitur questio.

DVPLEX præcipuè augmenti genus est: vnum quo adiectio quædam, molis externæ vi aliena, & ab extrinseco fit, vt quando lapis accessione terræ augetur: alterum, quo talis additio virtute interna rei quæ augetur, & intrinsecus fit. Hæc vocatur accre-

tio per intus susceptionem: & semper cum nutritione fit: cum nimirum maior alimenti copia in substantiam viuientis conuertitur, quam perditum fuerit ex humido radicali. Hanc autem triplex conditio sequitur: *prima*, vt fiat ex aliqua materia extrinsecus accersita: vnde cum ex aqua fit multò copiosior aër, non fit propriè augmentum eiusmodi, quia materia illa tota præfuit: nec noua accessit. *Secunda*, vt quod augetur, idem maneat. *Tertia*, vt per partes fiat. Hic modo quaeritur, quomodo id quod augetur, idem manere valeat: & secundum quas partes fieri debeat augmentum. Sunt enim alæ & similes, alii dissimiles: vt suprà diximus: difficultas autem hinc oritur, quod cum per hoc augmentum nouæ partes viuenti adueniant, loco aliarum, quas perdidit, necesse est, vt viuens secundum partes varietur: hoc autem si ita est, quomodo secundum totum non variabitur: quomodo ergo idem manebit?

Aristoteles 1. lib. de gen. cap. 5. ait *partem quamlibet augeri accedente aliquo secundum formam: ac non secundum materiam*. Id est augmentum viuientium fit secundum partes formales: non verò secundum partes materiales. Ibidem quoque dicit accretionem priùs terminari ad partes similes, & consequenter ad dissimiles: ita vt dissimiles augeantur eo ipso quòd similes accrescant. Hinc grauis inter Philosophos controuersia nascitur, quid Aristoteles per partes formales, quidve per partes materiales intelligat: id est: secundum quas partes idem maneat viuens, quod augetur. *Marfil lib. de gen. Scotus in 4. s. d. 44.* & alij dixerè viuens manere idem secundum æquivalentiam: quemadmodum dictum est de loco in Phys. cap. 33. §. 3. His ex Thomistis accessit *Ianelius 1. de gen.* Rursus *Albertus de Saxonia*, & alij per partes formales intellexerè partes porosas: Alij organicas: alij vt *D. Bonavent. in 2. d. 30.* partes certæ extensionis. *Alex. Aphrod.* intelligit humidum radicale, quod iugiter in vnoquoque idem manere censuit vsque ad interitum. Denique *Albertus & Pomponatius lib. de accret.* docent verè intelligi oportere animam ipsam: ac secundum ipsam re ipsa viuens idem penitus conseruari, quantumuis corporis partes varietatis sortem experiantur. Idem tuetur *Zabarella*, idque attribuit insuper *S. Thomæ*, id quòd equidem peroptatè, sed vereor vt oppositum asserat, saltè quoad stirpes, & animalia imperfecta.

CONCLUSIO. Probabile est viuens quandiu nutritur, & augetur, idem semper manere secundum animam: sane si verum est quod adstruximus suprà cap. 7. §. 2. animas omnes esse indiuisibiles, conclusio hæc per se se euident est: nec eget ampliori probatione: & quidem hic videtur esse germanus sensus verborum Aristotelis: alioquin certè dissillimum erit exponere, quomodo viuientia & animantes, quarum animæ cum materia defluerent, sub finem vitæ diuturnioris manerent eadem numero indiuidua: cum secundum se tota essent immutata. *Prætereà inusitatum est Aristoteli partes heterogeneas, vel ipsum humidum radicale, nomine formæ designare.* Dices cum ait Aristoteles fieri aug-

mentum secundum formam, sic posse intelligi, vt solum velit id fieri, secundum speciem. *Contra*: sic non monstraretur manere idem indiuiduum, quod tamen Peripatetici omnes asseuerant. Quod verò Auicenna & Auerr. dicunt de humido radicali, repugnat dicto Aristotelis, quod tamen ipsi acerrimè defendunt: nam ex Auerroë humidum hoc ad materiam pertinet: sed nunquid Scotus auspiciator erit in aucupanda veritate? haud quaquam. Enimverò si solum idem æquiuenter manet id quod augetur, sequitur v. g. Petrum post 20. annos omnino quoad rem alium esse: neque posse vllò vspiam pacto dici filium patris sui: quia simpliciter aliud fuit quod ab illo genitum est, & aliud quod eo nomine, ac sub tali specie significatur: id quod à fortiori de belluis, cæterisque viuientibus dici posset. *Confirmatur*: Arist. ait l. cit. t. 8. *maius totum generari alimento transmutato in eandem formam*: ac statim t. 4. v. qualis sit hæc forma, sic explicat: *hæc autem forma sine materia, vt immaterialis quadam virtus in materia est*: Si autem aliqua talis forma, seu victus, accesserit *materia*, cum sit potestate immaterialis, etiã habet quantitatem potestate: ipsa (scil. formæ) maiores immateriales. Quem textum sic explicat D. Thomas: *sic igitur virtus speciei, nimirum anima, non determinat sibi aliquam materiam signatam* (id est, determinatam ac definitæ magnitudinis,) *sed nunc saluatur in hac, nunc in illa: & est sicut species immaterialis potentia, quantum ad hoc, quod non determinat sibi materiam signatam, est tamen in materia semper aliqua*. Hinc autem quid aliud potest inferri, nisi quodd anima non diuidatur neque soluatur ad diuisionem, & solutionem materiæ: sed eadem realiter maneat in adueniente, quæ fuerat in absumptâ. *Dices*, solere aliter verti hunc textum & loco immaterialis poni tibiam sic: *hoc autem forma sine materia est, vt tibia, potentia quadam in materia: similiter quoduis aliud instrumentum. Quod si materies aliqua accedat, quæ potentia sit tibia, & potentia quantitatem habeat, hæc tibia maiores euadunt: sic vertunt Conimbricenses, & aliqui alij ante ipsos*. Resp. sic perperam verti ab iis qui nolunt inuito Aristotele animam esse vim quandam indiuisibilem, & quadatenus à materia signata independentem: nec volo aliud conuictionis argumentum, quam textum ipsum, qui ab omnibus eodem modo refertur: cum enim erroris occasio fluxerit ex nomine *αἰσλος* quod sub forma dissyllabi scriptum sic *αἰσλος tibiam*; sub trissyllabi verò sic *αἰσλος immaterialis* significat: Certum est vbiq; scribi *αἰσλος*: & ita referunt ipsi Conimbricenses: est & aliud quiddam variationis in textu: nam vbi quidam legunt *ἡ δὲ πρὸς τὴν ὕλην* si quæ materies accesserit: alij legunt, & vt puto, melius: *ἡ δὲ πρὸς τὴν ὕλην*: si quæ accesserit materiæ: plura item alia verba præter textus sinceritatem addita sunt: quæ legi poterunt.

Ex his infero nō opus esse, vt asseramus illud humidum primigenium, & radicale, quod è parentibus excerptissimum, manere omnino incorruptum. Id aliqui sic probant, quodd daretur aliqua caro incorrupta: verum responderi posset *primò* illud humidum non esse propriè carnem, vt suprà diximus, sed potius ipsum fomentum naturale caloris viuifici.

Secundo, satis esse, quodd in morte corrumpetur. Ideo malo illud inde infirmare, quodd in ipsum humidum perpetuò calor agat, sicut flamma candelæ in adipem, quo fouetur: tum quia sine ratione, ac sine necessitate id dicitur. *Zabarella* opinatur dari partes aliquas terreas, quæ nunquam absumantur: *contrà*; at quis nouit, an non cum excrementis cæteris egerantur? an non ex quotidiana nutritione aliz similes fœces procreantur? cur non aliz item eiiciuntur? alioquin quanta copia huiusmodi terrestrium sedimentorum coaceruaretur? Denique esto tales permanent; an sufficient, vt propterea idem perpetuò viuens persistere dicatur, si quidem partes omnes principales effluerent.

§. 2.

Quomodo sese habeat ad nutritionem.

QUÆRTVR præcipuè quomodo ab ea distinguatur, & qualis motus sit. *Marfil.* eam distingui negat: *Contrà*, *Ioan. Gandau. 4. Physic.*

CONCLUSIO: Augmentatio non est sola conuersio substantiæ alimenti in substantiam viuentis, quæ nutritio, uel etiam aggeneratio est; sed insuper inuoluit maioris quantitatis adeptionem. Ita *Aristot. 1. de gen. 5.* dum ait aggenerationem versari circa substantiam; augmentum uerò circa quantitatem. *Confirmatur* hoc ex eo quodd nutritio dicatur communiter fieri simul, ac puncto temporis; accretio uerò in tempore: ad hæc nutritio semper fit, non item accretio. Denique nutritio terminatur ad substantiam: accretio ad quantitatem.

Verum augmentum naturaliter consequitur nutritionem; quia hæc debet fieri ex adueniente materia in eodem viuente, & circa idem alimentum. Hæc autem ad augmentum pertinent; sed & sufficiunt, quando materia subministrata, & ascita in substantiam viuentis copiosior est, quam pars eiusdem viuentis absumpta.

Dices, vna sufficere potest actio, qua forma in materiam quantam introducat. *Resp.* augmentationem præcisè actionem esse, non qua substantia fiat, sed qua maior fiat: ideo actio, qua simpliciter introducit formam in materiam, non potest dici præcisè augmentatio, nisi maior quantitas acquiratur: si uerò forma in maiorem materiam inducitur, tunc simul cum aggeneratione fit accretio: sed nihilominus actiones, & motus distinguuntur ratione terminorum. Solumque dici potest, quodd accretio fiat per modum sequelæ: & per se nutritionem consequatur, sicut quantitas in materia sequitur ad esse, quod materiæ confertur ex aduentu formæ.

Interim si momentum aggenerationis, & nutritionis attentius, & præcisè perpendamus, verum erit dicere, quacumque nutritione, fieri augmentum; quia vt quacumque consumptione humidi, viuens simpliciter diminuitur: ita quacumque illius restauratione augetur. Non

dicitur tan- en augeri simpliciter, nisi quando in restauratione plus acquiritur, quam fuerat ipsa consumptione amissum : & in hoc sensu non semper augmentum fit. Si quæras cur ita? Resp. quia paulatim caro, & ossa potissimum fiunt duriora : ideo difficilius extenduntur, ut per poros liberum iter succurrenti alimento præbeant. Hinc etiam fit, ut adulescentes, & iuvenes soleant pinguiore euadere, nisi mollitie, ac delitiis diffuant : non verò ita maiores : quia corpora pro hac ætate communiter debite magnitudinis mensuram assecuta sunt. Ideo sic natura calorem cum membrorum soliditate concinnauit, ut solum resarciendis detriti corporis iacturis sufficiat : non accersendis additamentis.

At motus augmentationis est ne continuus, & successiuus, an discretus, & instantaneus? Resp. *primo*, augmentationem, quæ fit per totam vitam, esse sine dubio interpolatam : quia quàm multa interfluunt momenta, & tempora, quibus viuens nec actu crescit, nec nutritur : *Secundo*, ea quæ fit in singulis partibus, eodem modo procedit, quo nutritio : hanc verò respectu diuersarum partium successiuè fieri, haud repugnat : propterea enim partes alimenti applicantur, eatenus conuertuntur : sed applicantur successiuè. Ergo : at respectu vniuersiuiusque partis sigillatim simul fit, sicut & aggeneratio.

CAPVT XVI.

DE SENSU EIVSQUE
operatione.

§. I.

Quid sit actus sentiendi, an passio.

EXREDIVIMVS Deo fauente ea quæ ad partem vegetatiuam pertinebant, saltem præcipua : sequuntur modo ea quæ ad *ad sensum*, id est, partem sentientem. Quæ eò vegetatrice præstantior est, quòd res externas longe à se positas percipiat, earumque utilitates, commoda, & iucunditatem, aut opposita mala discernat, ut vel illorum fructibus potiatur ; vel à se propellat iniurias. Est ergo sensus vis quædam, quæ res singulas externas, vel etiam internas accommodato ad id corporis instrumento anima percipit. Circa quam primo quæritur, quid sit sentire, tum quibus mediis fiat?

In primis celebris olim fuit quæstio, an sentire sit pati, an potius agere : varique sententiarum circumferuntur.

Prima est, quæ asserit actum sentiendi esse solam receptionem speciei in organo, quatenus est repræsentatiua obiecti : ita *Agrill. 1. de cogn.*

Angel. Caiet. Venetus 10. summa de anima, & Nominales.

Secunda, voluit actum sentiendi fieri à quadam intelligentia separata, imaginem obiecti obsignante in organo. Ita communiter *Arabes*.

Terna est actum sentiendi partim in actione, partim in passione consistere; ita ut ab obiecto producatur in potentia: & ab eadem quoque potentia eliciatur in organo. Ita *Peripatetici*.

Quarta denique est Platonicorum dicentium potentiam solum agere; nihil verò pati: solumque in corpore recipi, quidquid immutationis, vel alterationis in sentione contingit. Sic *Plotinus l. 6. Enn. 3.* & alij: volunt enim actum sentiendi esse actionem animæ circa obiecta, quæ scilicet ipsa anima sese accommodat, afficitque ob sympathiam, vel antipathiam obiecti, quod vel per se, vel per qualitates à se manantes corpus immutat: sensum enim ex duobus constare dicunt, ex ipsa scilicet animæ facultate, & organo corporis: item duo alia exigunt, sc. receptionem imaginis, aut speciei obiecti: & iudiciū de obiecto per eius imaginem. Primum dicunt in organo peragi: secundum in anima. Ita, inquit, cum animus sentit in corpore, non ab illo aliquid patitur; sed in eius passionem attentius agit. Et sensus nihil aliud est, quam animaduersio attentiori illius operationis; aut iudiciū de corporea passione, & qualitate, excitatum ab attentiore illa animaduersione, ut fusè admodum probat, *Marsil. Fic. l. 7. Theol. c. 6.* & *Plotinus cit.* Idque admodum eleganter *S. Aug.* explanat *l. 6. de Musica c. 5.* *Videtur, inquit, mihi anima, cum sentit in corpore, non ab illo aliquid pati, sed in eius passionibus attentius agere, & has actiones, siue faciles propter convenientiam, siue difficiles propter inconuenientiam, non tam latere: & hoc totum est, quod sentire dicitur.* Existimauit ergo sensum creati ex eo, quod anima iis, quæ in corpore contingant passionibus attendit: seque ipsam applicat, & vel annuit si gratæ sint passionibus; vel renititur, si molestæ. Cum adhibentur ea, quæ nonnulla, ut ita dicam, alteritate corpus afficiunt, & exerit attentiores actiones, suis quibusque locis, atque instrumentis accommodatas. & tunc videre, vel audire, vel olfacere, vel gustare, vel tangendo sentire dicitur, quibus actionibus, congrua libenter associat, & molestè obsistit incongruis. Et quia talis attentio non excitatur ob passionibus familiares, quibus nullo modo alteratur organum; ideo eas neque sentiri ait: *Agit porro, inquit, luminosum aliquid in oculis: æreum, serenissimum, & mobilissimum in auribus; caliginosum in naribus; in ore humidum, in tactu terrenum, & intulendum: sed suo hac, siue alia distributione ista coniciantur: agit hac anima cum quiete, si ea quæ insunt in unitate valetudinis, quasi familiari quadam consensione conceperint.* Hoc totum maxime congruit opinioni Platonis, qui in Theæteto nullum sensum corpori attribuit, sed mauius sensuum functiones in eo solum declarari. Nec inde abludit Galenus, cum sensum esse arbitratu dignotionem alterationis in sensorio, factæ ab obiecto, & animi facultate. Quando nimirum sensuum instrumenta alterantur motu oppositi: dignotio verò illius alterationis à tota sentiendi facultate fit. Id ipsum autem totum ex Platone desumptum est in Philebo, nam ibi distinguit duo

genera passionum, quæ in corpus nostrum cadunt: alias nimirum, quæ prius extinguantur, quam ad animum permeent, alias quæ per utrumque permeent, & quandam utrique tum propriam, tum communem concussionem inducant: tum addit iis sensum nullum excitari, quæ latent animum, ut is prorsus ab iis liber existat: iis verò contra fieri sensum, quæ sic non latent.

Notandum est ergo in quolibet actu sentiendi distingui oportere apprehensionem obiecti à iudicio, quod de illo fertur: quamquam ista distinctio aliter in intellectu; & aliter in sensu cogitari debeat. In intellectu enim duo sunt actus; in sensu verò vnicius reuera sufficit, duobus solum æquiualens: sensus enim tum percipit rem aliquam in actu secundo, cum iudicat rem esse talem, intellige, iudicio perfecto, ut diximus in Logica c. 36. §. 1. Certum autem est obiectum concurrere quodammodo cum potentia ad actum huiusmodi, quatenus est apprehensio ut dicemus inferiùs: eaque ratione potentiam animæ ab obiecto moueri quodammodo. At dubitari potest solum, an obiectum per suas species dispositiue, an effectiue solum potentiam moueat. Quid porro inter effectiue, & dispositiue interlit, clarum est, si attendamus, vtriusque discrimina. *Primo*, quod effectiue agit in aliud, eius propriè perfectiue est, id quod eo in quod agit, saltem quatenus agens, perfectius esse supponit ut diximus in Phys. c. 18. §. 3. Quod verò disponit, non ita se habet: sufficitque si solum exhibeat aliquid, sine quo agens non operaretur: neque per id quod ex suo confert, intrinsecè perficit illud, ad quod dispositio destinatur. Ita dum mater fœtui debitam organizationem confert, disponit ad hoc, ut Deus creet animam: at non agit in Deum, neque in animam: & cum vides celebrari solemniter diuinum officium, disponitur animus ad Deum adorandum; non tamen propriè externa illa solemnitas effectiue agit in animam, &c. Hinc ergo fit, ut disponens non sit necessario quid perfectius disposito, sed potest esse ignobilius, sicut disponi potest Rex ipsa pauperculi cuiusdam fœditate, ut illi subueniat, sed non impelli, &c. *Secundo*, quod effectiue fit, debet in principio præhaberi formaliter, vel enimentè: quod verò ex dispositione subit, non ita debet in disponente præcontineri. *Tertio*, effectio ut talis per se refertur ad id quod fuit in potentia, & quod ab alio expectat actum: dispositio vero per se ordinatur ad id, quod potest actum ex seipso elicere. His positis facile nisi fallor quæstio solui potest.

CONCLUSIO PRIMA: Certum est potentiam animæ in eliciendis sensuum operationibus effectiue concurrere. Ita euidenter *Arist.* 2. de anima c. 37. ubi ait animam esse causam effectricem generationis, augmentationis, & sensationis: & 9. *Met.* t. 16. ait visionem esse immanentem actionem: atqui omnis immanens actio ab eo efficitur, in quo recipitur. Denique sufficiat quod omnis actio vitalis necessariò à principio vitali effectiue oriri debeat: atqui omnis sensio est actio vitalis. Ergo. Ma. est per se manifesta, quia cur vitalis dicitur? an quia recipi-

tur in subiecto viuente? Si hoc est, ergo in folio habitus supernaturalis erit actio vitalis, & infinitæ alix id genus; quod quis approbabit? nihil itaque superest, nisi vt talis dicatur eo quod sit à principio viuente elicita. Mi. æquè certa est, alioquin, cur non fieret in mortuo?

Hinc reñeitur prima sententia cum secunda: & *confirmatur*, quia si sola receptio speciei, siue ab obiecto, siue ab intelligentia proueniens, sit ipsa formalis sensus: cur non dicitur speculum sentire, cum speciem quodquæ recipit? an non etiam in apertis mortui, vel dormientis oculo species æquè imprimuntur? cur ergo in his non elicitur visio?

CONCLUSIO SECUNDA: Certum est etiam animam, siue animæ potentiam ab obiecto corpore moueri ad actum eliciendum. Probatur hoc omnibus illis argumentis, quibus demonstrari solet necessitas specierum: de quibus in fi. à. Hæ autem frustra penitus admitterentur, nisi vel saltem ad hoc essent viles, vt potentiam alioquin indifferenter determinarent ad hoc potius, quam illud sentiendum. Nec certè id negat Plato: in Timæo enim sic loquitur: *Cum in id quod moueri facile solet, (id est, corpus) perpassio aliqua vel exigua incidit; illius pars quævis sequentibus undique perpassionem eandem transfert, quousque ad prudentia sedem perueniatur, ubi quasi per hos nuncios, illius quod perpassionem attulit, facultas agnoscitur*: Et in Philebo sic ait, *quod in una affectione contingit in anima & corpore, vt communiter moueantur, hunc motum si sensum nominaueris, haud absurdum dixeris*. Ita his verbis indicat animam à corpore quasi moueri quodammodo, quatenus organis pulsatis aliqua qualitate, statim anima illius vel sympathia, vel antipathia sentit se commoueri, & ad attentionem adhibendam pellici: nisi autem quodammodo ab huiusmodi obiecto moueretur, quinam excitaretur ad attendendum huic potius, quam alteri? Restat ergo sola questio, an sensus moueatur ab obiecto corporeo effectiue, an dispositiue solum.

Certè ratio me multum in partes Platonis inclinat, si rectè perpendantur ea, quæ de discrimine causæ disponentis ab efficiente retulimus: neque enim vnquam plenè persuaderi potui, quod anima præsertim nostra suam à corpore perfectionem emendicaret. Excitari eam posse actione corporea, haud dubito, & ad præsentiam imaginis sensibilis sympatheticè, vel antipatheticè à se ipsa commoueri non nego: at pati eam propriè à corpore, ac per ipsum, & eius in se actione informari, perfici, percillique posse opinari potui nusquam: neque illud certè obliuisci valeo, quod à Diuo Augustino didici, qui dum 6. de mus. c. 5. de numeris musicis loqueretur, quibus per auditum vsurpatis tantopere solet anima delectari ait: *Quos non à corpore anima, sed acceptos etiam à summo Deo ipsa potius imprimit corpori*: tum huius rationem reddens subdit: *per absurdum est fabricatori corpori materiam quoquomodo animam subdere. Nunquam enim anima est corpore deterior: & omnis materia fabricatore deterior: nullo modo igitur anima fabricatori corpori est subiecta materies. Eset autem si aliquos in ea numeros corpus operaretur. Non ergo cum audimus, sunt in anima numeri ab iis, quos in sonis cognoscimus.*

quod addo propter carniuoros & anthropophagos, quibus quid possit esse in natura portentosius, non video.

Denique satis ex his patet necessarium esse omni viuenti alimentum, quo nutriatur. Verum quamquam hæc sat per se manifesta sunt: quædam nihilominus occurrunt dubia hic breuiter soluenda.

Primo quædam videmus animalia, quæ quilibet vofant sine delectu vt struthio. Alia sunt, quæ cibus venenatis aluntur, vt viperæ, scorpionibus; sturni, cicuta, coturnices, veratro; gallinæ, araneis, ciconiæ, & sues, serpentibus, &c. Imo & homines extiterunt, qui venenis educati, gauisique fuerint. Talis fuit Mitridates teste Plinio. Talis fuit Alberto Magno puella quædam Coloniz Agripinæ, quæ aranearum aucupio laute, ac opipare vescabatur. Talis fuit ille Regis Cambizæ filius, qui ex assuetudine veneni, sic venenatam carnem habebat, vt muscæ, à quibus mordebatur, fæda contagione interirent. His quoque addi potest familiare ictericorum exemplum, qui carbonibus, aliisque rebus nullam nutriendi vim habentibus impensè delectantur. Denique carniuoros, & anthropophagos huc attexe. Hi enim similibus planè ac congeneribus nutriuntur.

Secundo solet opponi, quodd multa viuentia sine alimento diutissimè viuere valeant. In primis Historiz nobis homines aliquos, pluresque puellas exhibent, quæ plures annos integros impastæ omnino transegerint. Et ne miraculum suspiceris, ex hæreticis erant. Vt apud Kickermanum legitur. Rodeletius quoque lib. 1. de piscibus refert Romæ fuisse virum, qui 40. annis sine vilo cibo, potuque vixit.

Tertid in hunc ordinem redigi debent ea, quæ vel sola aqua nutriuntur, vt pisces; vel sola terra, vt glires, talpæ, &c. vel quæ solo aëre vt Chamæleon, de quo sic Tert. *Chamæleon ieiunius semper, & indefessus, escitans vestitur, felicans ruminat de vento cibos*: idem quoque Plinius 8. lib. cap. 33. mitto cætera multa eiusmodi.

Resp. Hæc omnia non repugnare iis, quæ diximus. Primum enim ex eo quodd alimentum debeat esse conforme temperamento, & item calori naturali viuientis, quodd nutritur: rectè sequitur alia aliis esse consentanea, & quæ vni perniciem creant; ea salubria esse aliis: ideo ferum struthionis ventriculo vt pote æstuantissimo minùs repugnat, quam humano: quamquam nec propterea sequitur id esse illi alimentum: nec ab eo decoquatur, potest enim inemendatum egeri. Quæ autem nobis venena dicuntur iis animantibus, quæ naturaliter his vesci solent, sunt salubres cibi. At hominibus præter naturam accidit, quodd non nocet: non crediderim tamen eos veneno nutiri posse. At potestne consuetudo vim naturalem inuertere? quomodo enim cum nulla iteratione consuescere possit lapis, vt sponte ascendat, vis naturalis tandem assuescet vt non laedatur? Resp. talém consuetudinem inde contrahi, quodd alimentum aliquid agat in corpus nutriendum: ideo paulatim potest illi consimilem temperaturam indere: eique spiritus suos implantare. Si ergo aliquod sit per se primum repugnans, & inimicum corpori alter

affecto; ipsique initio paulatim insinuetur, sensimque in maiori copia apponatur, tandem prior antipatia & proportio tollentur; & quod initio noxium fuerat, fiet amicum & quasi confederatum: ita morbus ictericus immutat naturalem temperiem gustus, & etiam corporis: simili modo cæli & locorum dispositio præternaturalis, sic naturam hominis potest alterare, ut indebitis & repugnantibus alimoniis instar ferarum utatur, ut apud Brasilianos, Hurones, & alia id genus humanæ naturæ monstra. Quidquid tamen in suam nutritionem assument: dissimile prius fuit, quia mortuum; & item simile, quia in sese conuertendum.

Quoad viuentia, quæ sine alimento vixisse describuntur, Respondent aliqui posse id naturaliter obtingere: quia, inquit, potest ex morbo, vel aliter admodum imminui calor naturalis: & aliunde humor aduentitius, & pituitosus ultra modum abundare, præsertim in scæminis, quæ pituita opplentur. Tunc ergo calor ob imbecillitatem parum humidi naturalis absument, adestque præterea illi sufficiens humor exterræus, præsertim cum pituita facile queat in sanguinem verti. Cur non ergo sic diu sine externo alio pabulo vita poterit prorogari? Alij tamen id negant, & ad exempla Respondent ea vel miraculosa, vel præstigiiosa esse: & ad hoc propositum Henricus Regius Ultraiectinus Philos. nat. lib. 4. cap. 3. refert quandam scæminam Meursensem simili præstigio diu abusam fuisse, ac tamen eius omnem fallaciam publicè omnibus innotuisse. Certum autem est miraculo diuino id pluries in viris sanctissimis contigisse: alias nusquam.

Denique ad illud de aërio vel elementari alimento Resp. certè nulum purum elementum pascendis viuentibus sufficere: quare pisces non aqua solum, sed aliis pisciculis: vel mixtis nonnullis, quæ sub vndis naturaliter crescunt: vel tempestatibus adducuntur: neque desunt spiritus varij piscium temperamento idonei. Similiter nec glires pura telure sustentantur: sed vel mixtis in terrâ occurrentibus, licet forte sub sensum non cadentibus nutriuntur, vel dormiunt: vnde sunt hi versus.

Tota mihi dormitur hyems: & pinguior illo

Tempore sum, quo me nil nisi somnus alit.

Chameleon muscis, aut aliis corpusculis vèro circumgestis vescitur, vt testatur Scaliger exerc. 196. hinc cætera solui possunt dubia: cum enim elementa non sint pura, sed innumeris halitibus, & corpusculis tenuissimis, mixta tamen, & spiritibus mixtorum vires retinentibus repleta sint: non dubito quin iis vesci aliquæ animantes queant: cum & cibi solidissimi debeant prius in vapores æquæ, vel magis subtiles exolui, priusquam vltimum nutritionis effectum adhibeant: propterea crediderim posse aliquando solis odoriferis halitibus, saltè pro aliquo tempore vitam sustentari, si modo halitibus illi spiritus solidorum mixtorum admixti fuerint. Concludo itaque pura elementa non posse in alimentum seligi: ea enim ad corpulentam corporum constitutionem, & ad mixtorum temperiem ordinantur. Ideo non nisi post mixtionem in

illa veniunt: & alimentum mixti, mixtum est: suosque habent in mixtis alios usus quam nutrimenti, vt aliàs diximus: aqua tamen solet in potum adhiberi ad deuehendum facilius alimentum: vti & vinum, licet hoc & nutrire quoque valeat, non solum secundum crassiores partes, vt communiter traditur: sed propter subtile, aëreosque spiritus, quibus abundat. Hinc spiritus vini ad vitam refocillandam valere plurimum dicitur. Aqua item os ventriculi refrigerat & humectat: atque ita impedit ne resolutio citius fiat: quod quidam nomine nutritionis intelligunt.

Ex his monita quædam pro ratione vescendi admodum necessaria inferam: primum confundenda non esse alimenta, neque opprimendum ventriculum ciborum varietate: dum enim cibi multiplicis temperationis ingeruntur, alij alijs citius concoquuntur, & massa chyli variè, inæqualiter, & inordinatè conformatur: item, ob contrarietatem temperamentorum excitatur pugna in ventriculo, vnde inflatio, ructus, & diuersitas, atque intemperies sanguinis proueniunt. Quamobrem verum est hoc axioma: *concoctio bona est, quando omnia simul eodem tempore concoquuntur.*

Secundum, circa nutrimenti sumptionem considerari oportet substantiam, qualitatem, copiam, ordinem, tempus: ac consuetudinem, de quibus multa scribunt medici: solum hic circa tempus regulam quandam Auicennæ referam, quæ licet non æquè conueniat omnibus: iis tamen qui parum corporeæ exercitationis edunt, multumque per diem student, maximè vsurpanda est, *totus, inquit, cibus, quem in prandio, & cæna assumere voles diuidatur in 3. portiones: & dua tertia assumantur in prandio, una verò tertia in cæna. Sic enim fiet, vt, & quietius dormiamus, & maturius ad studia, & ad operas nostras surgero possimus.* Denique quoad ordinem notanda ista erit regula: quæ citius concoquuntur, prius sumenda sunt iis, quæ tardiùs; liquida solidis; & lubrica adstringentibus,

CAPVT XV.

DE AVGMENTATIONE
secundum quas partes fiat.

§. I.

Explicatur & soluitur questio.

DVPLEX præcipuè augmenti genus est: vnum quo adiectio quædam molis externæ vi aliena, & ab extrinseco fit, vt quando lapis accessione terræ augetur: alterum, quo talis additio virtute interna rei quæ augetur, & intrinsecus fit. Hæc vocatur accretio

tio per intus susceptionem: & semper cum nutritione fit: cum nimirum maior alimenti copia in substantiam viuientis conuertitur, quam deperditum fuerit ex humido radicali. Hanc autem triplex conditio sequitur: *prima*, vt fiat ex aliqua materia extrinsecus accersita: vnde cum ex aqua fit multò copiosior aër, non fit propriè augmentum eiusmodi, quia materia illa tota præfuit: nec noua accessit. *Secunda*, vt quod augetur, idem maneat. *Tertia*, vt per partes fiat. Hic modo quaeritur, quomodo id quod augetur, idem manere valeat: & secundum quas partes fieri debeat augmentum. Sunt enim alæ similes, alie dissimiles: vt suprà diximus: difficultas autem hinc oritur, quod cum per hoc augmentum nouæ partes viuenti adueniant, loco aliarum, quas perdidit, necesse est, vt viuens secundum partes varietur: hoc autem si ita est, quomodo secundum totum non variabitur: quomodo ergo idem manebit?

Aristoteles 1. lib. de gen. cap. 5. ait *partem quamlibet augeri accedente aliquo secundum formam: at non secundum materiam*. Id est augmentum viuientium fit secundum partes formales: non verò secundum partes materiales. Ibidem quoque dicit accretionem prius terminari ad partes similes, & consequenter ad dissimiles: ita vt dissimiles augeantur eo ipso quòd similes accrescant. Hinc grauis inter Philosophos controuersia nascitur, quid Aristoteles per partes formales, quidve per partes materiales intelligat: id est: secundum quas partes idem maneat viuens, quod augetur. *Marfil lib. de gen. Scotus in 4. s. d. 44.* & alij dixerunt viuens manere idem secundum æquivalentiam: quemadmodum dictum est de loco in Phys. cap. 33. §. 3. His ex Thomistis accessit *Ianelius 1. de gen.* Rursus *Albertus de Saxonia*, & alij per partes formales intellexerunt partes porosas: Alij organicas: alij vt *D. Bonauent. in 2. d. 30.* partes certæ extensionis. *Alex. Aphrod.* intelligit humidum radicale, quod iugiter in vnoquoque idem manere censuit vsque ad interitum. Denique *Albertus & Pomponatius lib. de accret.* docent verè intelligi oportere animam ipsam: ac secundum ipsam re ipsa viuens idem penitus conseruari, quantumuis corporis partes varietatis sortem experiantur. Idem tuetur *Zabarella*, idque attribuit insuper *S. Thomæ*, id quòd equidem peroptarem, sed vereor vt oppositum asserat, saltem quoad stirpes, & animalia imperfecta.

CONCLUSIO. Probabile est viuens quandiu nutritur, & augetur, idem semper manere secundum animam: sane si verum est quod adstruximus suprà cap. 7. §. 2. animas omnes esse indiuisibiles, conclusio hæc per se se euident est: nec eget ampliori probatione: & quidem hic videtur esse germanus sensus verborum Aristotelis: alioquin certè difficultimum erit exponere, quomodo viuientia & animantes, quarum animæ cum materia defluerent, sub finem vitæ diuturnioris manerent eadem numero indiuidua: cum secundum se tota essent immutata. *Praeterea* inusitatum est Aristoteli partes heterogeneas, vel ipsum humidum radicale, nomine formæ designare. Dices cum ait Aristoteles fieri aug-

mentum secundum formam, sic posse intelligi, ut solum velit id fieri, secundum speciem. *Contra*: sic non monstraretur manere idem indiuiduum, quod tamen Peripatetici omnes assueverant. Quod verò Avicenna & Auerr. dicunt de humido radicali, repugnat dicto Aristotelis, quod tamen ipsi acerrimè defendunt: nam ex Averroë humidum hoc ad materiam pertinet: sed nunquid Scotus auspiciator erit in aucupanda veritate? haud quaquam. Enimverò si solum idem æquivalenter manet id quod augetur, sequitur v. g. Petrum post 20. annos omnino quoad rem alium esse: neque posse vlllo vspiam pacto dici filium patris sui: quia simpliciter aliud fuit quod ab illo genitum est, & aliud quod eo nomine, ac sub tali specie significatur: id quod à fortiori de belluis, cæterisque viventibus dici posset. *(confirmatur: Arist. ait l. cit. t. 3. maius totum generari alimento transmutato in eandem formam: ac statim t. 4. qualis sit hæc forma, sic explicat: hæc autem forma sine materia, ut immaterialis quadam virtus in materia est: Si autem aliqua talis forma, seu virtus, accesserit materiæ, cum sit potestate immaterialis, etiā habet quantitatem potestate: ipse (scil. formæ) maiores immateriales. Quem textum sic explicat D. Thomas: sic igitur virtus speciei, nimirum anima, non determinat sibi aliquam materiam signatam (id est, determinatam ac definitæ magnitudinis,) sed nunc saluntur in hac, nunc in illa: & est sicut species immaterialis potentia, quantum ad hoc, quod non determinat sibi materiam signatam, est tamen in materia semper aliqua. Hinc autem quid aliud potest inferri, nisi quodd anima non diuidatur neque solvatur ad diuisionem, & solutionem materiæ: sed eadem realiter maneat in adueniente, quæ fuerat in absumptâ. Dices, solere aliter verti hunc textum & loco immaterialis poni tibiam sic: hoc autem forma sine materia est, ut tibia, potentia quadam in materia: similiter quodvis aliud instrumentum. Quod si materies aliqua accedat, quæ potentia sit tibia, & potentia quantitatem habeat, hæc tibiæ maiores euadunt: sic vertunt Conimbricenses, & aliqui alij ante ipsos. Resp. sic perperam verti ab iis qui nolunt inuito Aristotele animam esse vim quandam indiuisibilem, & quadantenus à materia signata independentem: nec volo aliud conuictionis argumentum, quam textum ipsum, qui ab omnibus eodem modo refertur: cum enim erroris occasio fluxerit ex nomine αἰλος quod sub forma dissyllabi scriptum sic αἰλος tibiæ; sub trissyllabi verò sic αἰλος immaterialis significat: Certum est vbiq; scribi αἰλος: & ita referunt ipsi Conimbricenses: est & aliud quiddam variationis in textu: nam vbi quidam legunt εἰς τὴν ποσὴν τῆς αἰλῆς si quæ materies accesserit: alij legunt, & ut puto, melius: εἰς τὴν ποσὴν τῆς αἰλῆς: si quæ accesserit materiæ: plura item alia verba præter textus sinceritatem addita sunt: quæ legi poterunt.*

Ex his infero nō opus esse, vtasseramus illud humidum primigenium, & radicale, quod è parentibus excerptissimum, manere omnino incorruptum. Id aliqui sic probant, quòd daretur aliqua caro incorrupta: verùm responderi posset primò illud humidum non esse propriè carnem, vt suprà diximus, sed potius ipsum fomentum naturale caloris viuifici.

Secundo, satis esse, quod in morte corrumpetur. Ideo malo illud inde infirmare, quod in ipsum humidum perpetuo calor agat, sicut flamma candelæ in adipem, quo fouetur: tum quia sine ratione, ac sine necessitate id dicitur. *Zabarella* opinatur dari partes aliquas terreas, quæ nunquam absumantur: *contra*; at quis nouit, an non cum excrementis cæteris egerantur? an non ex quotidiana nutritione aliz similes fæces procreantur? cur non aliz item ciiciuntur? alioquin quanta copia huiusmodi terrestriuin sedimentorum coaceruaretur? Denique esto tales permanent; an sufficient, vt propterea idem perpetuo viuens persistere dicatur, si quidem partes omnes principales effluerent.

§. 2.

Quomodo sese habeat ad nutritionem.

QUÆRITVR præcipue quomodo ab ea distinguatur, & qualis morus sit. *Marsil.* eam distingui negat. *Contra*, *Ioan. Gaudan.* 4. *Physic.*

CONCLUSIO: Augmentatio non est sola conuersio substantiæ alimenti in substantiam viuentis, quæ nutritio, vel etiam aggeneratio est; sed insuper inuoluit maioris quantitatis adeptionem. Ita *Aristot.* 1. de gen. 5. dum ait aggenerationem versari circa substantiam; augmentum verò circa quantitatem. *Confirmatur* hoc ex eo quod nutritio dicatur communiter fieri simul, ac puncto temporis; accretio verò in tempore: ad hæc nutritio semper fit, non item accretio. Denique nutritio terminatur ad substantiam: accretio ad quantitatem.

Verum augmentum naturaliter consequitur nutritionem; quia hæc debet fieri ex adueniente materia in eodem viuente, & circa idem alimentum. Hæc autem ad augmentum pertinent; sed & sufficiunt, quando materia subministrata, & ascita in substantiam viuentis copiosior est, quam pars eiusdem viuentis absumpta.

Dices, vna sufficere potest actio, qua forma in materiam quantam introducatur. Resp. augmentationem præcisè actionem esse, non qua substantia fiat, sed qua maior fiat: ideo actio, qua simpliciter introducitur forma in materiam, non potest dici præcisè augmentatio, nisi maior quantitas acquiratur: si verò forma in maiorem materiam inducitur, tunc simul cum aggeneratione fit accretio: sed nihilominus actiones, & motus distinguuntur ratione terminorum. Solùmque dici potest, quod accretio fiat per modum sequelæ: & per se nutritionem consequatur, sicut quantitas in materia sequitur ad esse, quod materiæ confertur ex aduentu formæ.

Interim si momentum aggenerationis, & nutritionis attentius, & præcisè perpendamus, verum erit dicere, quacumque nutritione, fieri augmentum; quia vt quacumque consumptione humidi, viuens simpliciter diminuitur: ita quacumque illius restauratione augetur. Non

dicitur tan- en augeri simpliciter, nisi quando in restauratione plus acquiritur, quam fuerat ipsa consumptione amissum: & in hoc sensu non semper augmentum fit. Si quæras cur ita? Resp. quia paulatim caro, & ossa potissimum fiunt duriora: ideo difficilius extenduntur, vt per poros liberum iter succurrenti alimento præbeant. Hinc etiam fit, vt adolescentes, & iuuenes soleant pinguiore euadere, nisi mollitie, ac delitiis diffuant: non verò ita maiores: quia corpora pro hac ætate communiter debite magnitudinis mensuram assecuta sunt. Ideo sic natura calorem cum membrorum soliditate concinnauit, vt solum refarcientis detriti corporis iacturis sufficiat: non accersendis additamentis.

At motus augmentationis est ne continuus, & successiuus, an discretus, & instantaneus? Resp. *primo*, augmentationem, quæ fit per totam vitam, esse sine dubio interpolatam: quia quàm multa interfluunt momenta, & tempora, quibus viuens nec actu crescit, nec nutritur: *Secundo*, ea quæ fit in singulis partibus, eodem modo procedit, quo nutritio: hanc verò respectu diuersarum partium successiuè fieri, haud repugnat: prout enim partes alimenti applicantur, eatenus conuertuntur; sed applicantur successiuè. Ergo: at respectu vniuscuiusque partis sigillatim simul fit, sicut & aggeneratio.

CAPVT XVI.

DE SENSU EIVSQUE
operatione.

§. I.

Quid sit actus sentiendi, an passio.

EXREDIvimus Deo fauente ea quæ ad partem vegetatiuam pertinebant, saltem præcipua: sequuntur modo ea quæ ad τὸ αἰσθητικόν, id est, partem sentientem. Quæ eò vegetatrice præstantior est, quòd res externas longe à se positas percipiat, earumque utilitates, commoda, & iucunditatem, aut opposita mala discernat, vt vel illorum fructibus potiatur; vel à se propellat iniurias. Est ergo sensus vis quædam, qua res singulas externas, vel etiam internas accommodato ad id corporis instrumento anima percipit. Circa quam primo quæritur, quid sit sentire, tum quibus mediis fiat?

In primis celebris olim fuit quæstio, an sentire sit pati, an potius agere: varietate sententiarum circumferuntur.

Prima est, quæ asserit actum sentiendi esse solam receptionem speciei in organo, quatenus est repræsentatiua obiecti: ita *Agill. 1. de cogn.*

Angel. Caiet. Venetus 10. summa de anima, & Nominales.

Secunda, voluit actum sentiendi fieri à quodam intelligentia separata, imaginem obiecti obsignante in organo. Ita communiter *arabes*.

Tertia est actum sentiendi partim in actione, partim in passione consistere; ita ut ab obiecto producat in potentia: & ab eadem quoque potentia eliciatur in organo, Ita *Peripatetici*.

Quarta denique est Platoniorum dicentium potentiam solum agere; nihil verò pati: solumque in corpore recipi, quidquid immutationis, vel alterationis in sensatione contingit. Sic *Plotinus l. 6. Enn. 3.* & alij: volunt enim actum sentiendi esse actionem animæ circa obiecta, qua scilicet ipsa anima sese accommodat, afficitque ob sympathiam, vel antipathiam obiecti, quod vel per se, vel per qualitates à se emanantes corpus immutat: sensum enim ex duobus constare dicunt, ex ipsa scilicet animæ facultate, & organo corporis: item duo alia exigunt, sc. receptionem imaginis: aut speciei obiecti: & iudicium de obiecto per eius imaginem. Primum dicunt in organo peragi: secundum in anima. Ita, inquirunt, cum animus sentit in corpore. non ab illo aliquid patitur; sed in eius passione attentius agit. Et sensus nihil aliud est, quam animadversio attentiori illius operationis; aut iudicium de corporea passione, & qualitate, excitatum ab attentiore illa animadversione, ut fusè admodum probat, *Metaph. Phys. 1. 7. Theol. c. 6.* & *Plotinus cit.* Idque admodum eleganter *S. Aug.* explanat *l. 6. de Musica c. 5.* *Videtur*, inquit, *mihi anima, cum sentit in corpore, non ab illo aliquid pati, sed in eius passionibus attentius agere, & has actiones, siue faciles propter convenientiam, siue difficiles propter inconuenientiam, non tam latere: & hoc totum est, quod sentire dicitur.* Existimauit ergo sensum creati ex eo, quod anima iis, quæ in corpore contingant passionibus attendit: sequè ipsam applicat, & vel annuit si gratæ sint passionibus; vel renititur, si molestæ. Cum adhibentur ea, quæ nonnulla, ut ita dicam, alteritate corpus afficiunt, & exerit attentiores actiones, suis quibusque locis, atque instrumentis accommodatas. & tunc videre, vel audire, vel olfacere, vel gustare, vel tangendo sentire dicitur, quibus actionibus, congrua libenter associat, & molestæ obstitit incongruis. Et quia talis attentio non excitatur ob passionibus familiares, quibus nullo modo alteratur organum; ideo eas neque sentiri ait: *Agit* porro, inquit, *luminosum aliquid in oculis: æthereum, serenissimum, & mobilissimum in auribus; caliginosum in naribus; in ore humidum, in tactu terrenum, & lentum: sed suo hac, siue alia distributione ista conisciantur: agit hac anima cum quiete, si ea quæ insunt in unitate valetudinis, quasi familiari quadam consensione concesserint.* Hoc totum maxime congruit opinioni Platonis, qui in Theæteto nullum sensum corpori attribuit, sed mauult sensuum functiones in eo solum declarari. Nec inde abluat *Galenus*, cum sensum esse arbitratur dignotionem alterationis in sensorio, factæ ab obiecto, & animi facultate. Quando nimirum sensuum instrumenta alterantur motu oppositi: dignotio verò illius alterationis à tota sentiendi facultate fit. Id ipsum autem totum ex Platone desumptum est in *Philebo*, nam ibi distinguit duo

enr in subiecto viuente? Si hoc est, ergo infusio habitus supernaturalis erit actio vitalis, & infinitæ alix id genus; quod quis approbabit? nihil itaque superest, nisi vt talis dicatur eo quòd sit à principio viuente elicit. Mi. æquè certa est, alioquin, cur non fieret in mortuo?

Hinc reuocatur prima sententia cum secunda: & confirmatur, quia si sola receptio speciei, siue ab obiecto, siue ab intelligentia proueniens, sit ipsa formalis sensus: cur non dicitur speculum sentire, cum speciem quoque recipit? an non etiam in apertò mortui, vel dormientis oculo species æquè imprimuntur? cur ergo in his non elicitur visio?

CONCLUSIO SECUNDA: Certum est etiam animam, siue animæ potentiam ab obiecto corpore moueri ad actum eliciendum. Probatur hoc omnibus illis argumentis, quibus demonstrari solet necessitas specietum: de quibus in h. a. Hæ autem frustra penitus admitterentur, nisi vel saltem ad hoc essent viles, vt potentiam alioquin indiffertentem determinarent ad hoc potius, quam illud sentiendum. Nec certè id negat Plato: in Timæo enim sic loquitur: Cum in id quod moueri facile solet, (id est, corpus) perpassio aliqua vel exigua incidit; illius pars quævis sequentibus vndique perpassiõnem eandem transfert, quousque ad prudentie sedem perueniatur, vbi quasi per hos nuncios, illius quod perpassiõnem attulit, facultas agnoscitur: Et in Philebo sic ait, quod in vna affectiõne contingit in anima & corpore, vt communiter moueantur, hunc motum si sensum nominaueris, haud absurda dixeris. Ita his verbis indicat animam à corpore quasi moueri quodammodo, quatenus organis pulsatis aliqua qualitate, statim anima illius vel sympathia, vel antipathia sentit se commoueri, & ad attentionem adhibendam pellici: nisi autem quodammodo ab huiusmodi obiecto moueretur, quinam excitaretur ad attendendum huic potius, quam alteri? Restat ergo sola questio, an sensus moueatur ab obiecto corporeo effectiue, an dispositiue solum.

Certè ratio me multum in partes Platonis inclinat, si rectè perpendantur ea, quæ de discrimine causæ disponētis ab efficiente retulimus: neque enim vnquam plenè persuaderi potui, quòd anima præsertim nostra suam à corpore perfectionem emendicaret. Excitari eam posse actione corporea, haud dubito, & ad præsentiam imaginis sensibilis sympatheticè, vel antipatheticè à se ipsa commoueri non nego: ac pati eam propriè à corpore, ac per ipsum, & eius in se actione informari, perfici, percellique posse opinari potui nusquam: neque illud certè obliuisci valeo, quòd à Diuo Augustino didici, qui dum 6. de mus. c. 5. de numeris musicis loqueretur, quibus per auditum vsurpatis tantopere solet anima delectari ait: Quos non à corpore anima, sed acceptos etiam à summo Deo ipsa potius imprimis corpori: tum huius rationem reddens subdit: per absurdum est fabricatori corpori materiam quoquomodo animam subdere. Nunquam enim anima est corpore deterior: & omnis materia fabricatore deterior: nullo modo igitur anima fabricatori corpori est subiecta materies. Esse autem si aliquos in ea numeros corpus operaretur. Non ergo eorum amamus, sunt in anima numeri ab iis, quos in sonis cognoscimus.

Itaque firmiter tenet, nobilius non posse respectu deteriotis haberi ut subiectum; de quo & in quo ab hoc deteriori aliquid fabricetur: & corpus deterius esse anima. Vnde constantissimè infert animam, multa quidem agere circa corpus, & in corpore: sed vim & efficaciam agendi non à corpore, sed à superiori principio, nempe à Deo accepisse: sic tamen, ut passio corporis sit dispositio ad hoc, ut animus seipsum in actum redigat; seque illi accomoder.

Possent præterea hæc confirmari ex eò quod actus sentiendi sit actus vitalis & spiritalis. Ergo non potest effectiue ab obiecto corporeo & inanimato per imagines multò adhuc inferiores prodire. Item non potest species simul cum potentia concurrere ad eundem actum, nisi cum ea in vnum principium coalescat: id autem fieri nequit, nisi potentia specie informetur. At quomodo potentia spiritalis specie corporea informabitur? Mitto alia quam plurima.

Itaque secundum hanc opinionem hoc quod est sentire, est actus animæ realiter ab ea progrediens, & in eandem receptus, non inditus ab externo motore; neque aliena vi, sed propriè in seipsa exorians. Denique actio est, non propriè transmutans, sed solum perficiens.

Quo sensu etiam dicere possumus sensationem non esse passionem; sed simpliciter actionem. Duplex enim vel à Peripateticis distinguitur passio: altera corrumpens, qualis fit in ligno, quando suscipit calorem: altera perficiens, qualis fit in aëre, quando illuminatur. Prior simpliciter vocatur passio: posterior verò, solum actus. Ita in sensu non fit propriè passio: quia nihil in eo corrumpitur, nisi per accidens, cum à vehementiori obiecto nimium alteratur organum sensus: fit tamen actus, quia perficitur. Denique sensus passio dici potest, quatenus eius organum obiecti specie incipit informari: actio verò, quatenus anima percipit, & iudicat obiectum per hanc organi passionem, siue assimulationem, & ita conciliari possunt authores.

Dices, hinc sequi quòd sensus æquè sit independens à corpore, quam intellectus. Resp. nego, quia sensus essentialiter exigit exerceri per speciem corpoream in instrumento corporeo, non verò intellectus. Hinc sequitur aliud discrimen, quod operatio sensus, sit propriè totius compositi saltem *ut quod*: & ad eum modum, quo superius diximus, potentias sentientes non cōpetere soli animæ: secus est de intellectione & ita intelligi potest Aristot. cum sæpe ait sentire esse actum compositi. *Tertio*, inde sequitur ulterius, quod intellectio exerceri valeat ab animo separato: non sensus. *Quarto* denique potest intellectus versari circa vniuersalia, & ab omni corpore abstracta: sensus verò solum circa singularia, corporea, & præsentia.

Obiicies, forma quæ constituit potentiam in actu primo ad agendum, concurret effectiue ad actum, atque illam perficit: & non est mera dispositio: sed species ab obiecto emissa constituit potentiam in actu primo, quia quod est animæ formali principium assimilandi sese obiecto per actum secundum, id reuera constituit eius potentiam in actu primo, seu forma perficiens: nihil autem est aliud, cuius efficacia tale pr-

cipium ipsi conueniat nisi species. Ergo. Confirmatur argumento Theologico, quia secundum Theologos diuina essentia in visione beatorum conturrit effectiue cum eorum intellectu, solum eo quod speciei intelligibilis munus impleat.

Resp. Hoc argumentum esse admodum efficax in via Peripateticorum: atque inde facile monstratur, quomodo obiectum in actu, & potentia in actu idem sunt, quia uidelicet potentia iam specie informata, virtutalem obiecti formam induit: ac deinceps actuale, cum actum parit illi speciei conformem. Verum in via Platoniorum nihil urget: admittunt enim ipsi in anima rationes virtuales obiectorum sensibilibum, tanquam numeros quosdam formales, mira operandi vi præditos, à summo Deo in anima impressos, vt diximus suprà ex D. August. & fusiùs exposuimus in fine Logicæ. Quamobrem dicunt illos sufficere: neque aliud ex parte animæ requiri principium formale: ac iuxta id ipsum facile declarari potest, quomodo animus sentiens fiat obiectum actu: quia scilicet ex eo quod per has rationes virtuales erat potestate, & initiatiue talis, quale obiectum, fit postmodum actu talis, dum actu sentit. Neque argumentum Theologicum illis nocet: fatentur enim lubentissimè Deum siue per essentiam suam, siue per ideas esse posse animæ tale formale principium.

§. 2.

Cuius sit, siue de obiecto sensus in genere.

MVLTA sunt à quibus pendet sensus operatio: in primis est ipsa facultas animi, de qua non est hic aliud apponendum præter id quod supra c. 11. §. 1. quæsimus: secundum est obiectum, circa quod sit: tertium, formale instrumentum obiecti, quo scilicet obiectum potentiam mouet, quod vocatur species, siue imago eiusdem obiecti: quartum est organum, in quo actus exercetur: de quibus modo sigillatim dicendum est.

Obiectum ergo siue sensibile est id quod sensu apprehenditur. Et aliud est per se, aliud per accidens: illud est, quod secundum propriam formam à sensu percipitur: vt color, sonus, &c. istud quod per alienam, vt substantia, iustitia, &c. Prius adhuc diuiditur in sensibile proprium, & sensibile commune: illud est, quod vni solum sensui competit, vt color visui, sonus auditui, &c. istud, quod pluribus, vt magnitudo, quæ à visu tactuque discerni potest, &c. Nec dicitur commune, quasi sit vniuersale: nam sensus eo vel maximè differt ab intellectu, quod iste solus sit vniuersalium; ille solum singularium. Sensibile igitur commune ad has ferme species reuocatur, quæ sunt motus, quies, numerus, magnitudo, distantia, figura. Ista enim non tantum videmus, sed audimus, tangimus, olfacimus, &c. dum currus mouetur, visu, auditu, & etiam tactu id percipimus, &c. Per quas autem species, & qua modifica-

tionem, dicemus postea.

Sensibile proprium in quadam symmetria, vel cognatione cum potentia cognoscente consistit: ideoque ex utriusque consortio nascitur vitalis similitudo, quæ cognitio dicitur. Exurgit autem hinc quæstio, an circa sensibile proprium aberrare sensus queat. Academici olim nullum certum à sensu iudicium fieri posse opinabantur: Aristoteles contra, sensum nullum circa proprium obiectum falli unquam posse docuit: de Academicorum opinione quid sit sentiendum, diximus in Log. c. 4. §. 4. ad dictum verò Aristotelis quod attinet, potest id ea ratione breuiter confirmari: sensus est perceptio quædam obiecti: ergo si sensus sit, rei quæ sentitur perceptio sit oportet: aut si eius perceptio non sit, sensus non est huius; sed alterius obiecti, utique proprii: quia non potest sensus, nisi circa proprium sensibile occupari. Hoc voluit Plato, cum dixit in Theæteto, *sensus igitur semper est eius rei, quæ existit: & minime fallax, quia scientia est.*

Alit non leue est inter Peripateticos dissidium, quo sensu id axioma debeat usurpari: nam cum dixerit Aristoteles sensum falli posse circa sensibile commune, ut cum visus iudicat solem esse palmaris solùm magnitudinis; circa proprium verò, nusquam: videmus tamen id quod est album aliquando subnigrum apparere, & viride iudicari violaceum: & quod dulce, amarum: ac sic de cæteris. Auerroës ait dictum Aristotelis intelligi oportere cum hac restrictione *vs plurimum*; at nunquid idem occurreret de sensibili communi? quid, nonne ut plurimum etiam visus videtur sibi videre colores, ubi non sunt, scilicet in cælo? addit Auerroës non errare sensum circa rationem formalem obiecti, sed solum circa subiectum: v.g. non errare visum circa candorem, quasi iudicet non esse candorem, sed falli in eo quod putet id esse niuem, vel aliud quid? Contra, an non sæpe iudicat subnigrum, quod est album. *Alb. Mag.* ait ideo non aberrare sensum, quia semper iudicat secundum quod aptum est, ac debet iudicari: nempe secundum modum representationis, quo per species debet representari: ita ut etiam si nigrum repræsentet id quod cæruleum est, tamen verè ob distantiam tale debeat apparere: sed nunquid similiter circa sensibile commune sic afficitur? *Themistius, Simplicius,* & alij dicunt tres requiri conditiones, quibus positæ vera semper sit regula. Harum prima est, ut organum rite dispositum sit: secunda, ut medium congruo modo paratum adsit: tertia, ut requisita distantia interueniat, id est, neque maior, neque minor. Sed contra si quis fane appendat carbonem ardentem & eum rotet, visus repræsentabit circum igneum. Item qui digitis in modum crucis decussatis, aliquid vnum contigerit, id tanquam duplex tangere videtur, &c. ac in his & similibus multis prædictæ conditiones non desunt. Ergo non bona est regula. Alij prædictis conditionibus addunt, ut obiectum debito situ proponatur, & debito tempore, sitque eius debita magnitudo. Sed si licet ita conditiones multiplicare, similiter occurreret sensum nunquam falli circa sensibile commune. Nam si & hoc iisdem fuerit conditioni-

bus affectum, certè nusquam circa illud fallatur sensus *Toletus in 2. de anima*, ait illud dictum esse verum quoad rationem genericam obiecti, non quoad specificam; v.g. licet falli possit visus circa nigrum, vel alium: at nunquam circa coloratum. *Contra*, etiam sic non errat circa sensibile commune: quia licet fallatur, dum iudicat flexum id quod est rectum, tamen verè iudicat, quantum & figuratum. Alij denique præsumentur: malle se relinquere Aristotelem inexplicatum, suoque inuolutum ænigmate, quam sese magis implicare: verum fatendum est certè sensum ex seipso falli nusquam, sed solum ex accidente, cum aliquid eorum, quæ ordinata sunt ad sentiendum desideratur: quamobrem, ista duo verissima sunt: *quod sensus aliquando imò saepe tam quoad proprium, quam quoad commune sensibile fallatur*. Et *quod per se nunquam fallatur*. Illud enim provenit ex eo quod omnis per se requisita non ad sint; ut cum titio circumferatur, videtur circulus igneus, cum non sit, quia requiritur aliquanta requies, ac mora, ut videatur in loco solo in quo est, &c. Secundum provenit ex eo quod sensus agat naturaliter secundum vires à Deo institutas, quæ rectæ sunt, nec ad fallendum destinantur. Quamobrem dum à longè video aliquid subnigrum, quod tamen est violaceum: id video per species imperfectas, & obiectum eiusmodi sub tali distantia cum tali vel tanto lumine non est aliter visibile: ideo apparet, quale debet apparere, & eatenus non fallitur propriè sensus per se, licet absolute verum sit non ita rem sentiri, qualis est in seipso: sicut si lupus ovina pelle indutus obijciatur visui, iudicabitur ovis: non errabit visus, sed animus: visus enim videt ut oportet, & consentaneè ad rectum naturæ suæ finem: sed errat animus, qui aliunde debet discernere verum lupum: sic videt oculus remum fractum: non errat, quia talis debet videri: errat verò animus iudicans esse fractum, quia ex superiori rationis lumine debet discernere refractionem, quæ naturaliter talem apparentiam facit. Et nisi animus peccato fuisset stupendum in modum obcæcatus, habuisset semper ex se abundè luminis, unde deceptionum ansas dispexisset: ut etiam ex iis quæ non apparent sicut sunt, verè discernere potuisset, qualia hæc esse debuissent.

Interim obiectum commune à proprio multis titulis distinguitur; *primò*, quia proprium immutat sensum secundum propriam formam: commune verò solum per formam proprii; *secundò*, sensus proportionatur obiecto proprio, non obiecto communi; *tertiò*, quia commune percipitur à pluribus; *quartò*, quia proprium specificat sensum; at non commune; *quintò*, proprium primatiò terminat actum potentiz, non commune, v.g. cum video laminam auri longam, & tunc in solo positam, color fulvus per se visionem specificat, & terminat: longitudo tamen, tenuitas, quies, &c. videntur quatenus solum color talium partium videtur è locis, in quibus ipse sunt: quamobrem nihil addit, quod ad visum pertineat: sed sola dispositio partium, quæ videntur, discrimen facit communis sensibilis à proprio. Imò cum ea dispositio non habeat præcisè secundum serationem formalem obiecti sensi-

bilis: neque enim est colorata, sonora, &c. Ideò hæc potius à ratione discerni debet quam à sensu: satisque sensui est, quod videat in obiecto sensibili, quidquid ipsi sensibile est. Quare & cùm in auro singulæ partes optimè sint visibiles, omnes quoque videntur: & eo ipso sine vlllo alio fictitio additamento à sensu videtur vt longum, tenue, &c. licet non ipse sit, qui discernat ipsam longitudinem, ac tenuitatem; sed ratio. Ita nequaquam opus erit, vt aliæ species fingantur pro eiusmodi obiectis communibus: neque modificationes specierum, quæ sine fine difficultates multiplicant. Satis ergo est, quòd è singulis partibus vbi, & quando sunt, species proprii obiecti emittantur.

§. 3.

In quo fiat, siue de organo.

CVILIBET sensui adhibitum est peculiare organum obiecto proprio contemperatum, ita vt temperamentum vnius commensuretur dispositioni alterius, vt ostendemus, dum sensus singulos explicabimus. Necessitatis ratio ea est, vt nimirum actionem obiecti possit sensus excipere.

1. de anima
9.5.

Quædam de illo conditiones communiter solent obseruari. Prima est, vt vacuum sit forma reali, ac naturali obiecti proprii; si enim imbutum esset ea qualitate, quæ percipienda est, sensationem impediret. Hinc commune hoc in Philosophia est adagium *intus existēs prohibet perceptionem*: vt si oculi essent tincti vermiculo, non perciperent colores: si aures sono essent oppletæ, sonum non sentirent: sic de cæteris. Ratio est, quia talis affectio impedit actionem obiecti externi, propter quod solum sensus instituti sunt. Adde actionem eiusmodi obiectorum ex medio illi à natura designato quodammodo temperari, & modificari, vt lenior, ac subtilior sit: cum enim voluerit Deus ob commodum animalium obiecta remota posse percipi: dedit iis obiectis vim quandam traductitiam, quæ posset ab iis in sensum distantem transgredi per medium proportionatum: & quia videmus illam vim eò minorem ac remissiorem fieri, quò longius sese exporrigit, sequitur eam esse maximam, & vehementissimam in principio. Ideo quemadmodum, cum prætergreditur debitæ distantie terminum non percipitur, ita neque cum eandem distantiam omnino antegreditur. Ideo dictum axioma vel maximè in sensibus externis viger.

Hinc sequitur istud aliud axioma haud multum à primo distinctum, *sensibile immediatè supra sensum positum, non facit perceptionem*: quod quidem Alexander, & alij restringunt ad tres hos sensus nimirum, visus, auditus, & odoratus; propterea quòd hi potissimum dati sint animantibus ad quærenda commoda externa & dissita: & aliunde in his euidentior est experientia. Auerroës, quem sequuntur communiter alij Peripatetici, voluit illud pronunciatum esse verum in omnibus quinque sensi-

bus: idque probatur primo, quia sensus est potentia spiritualis: ergo moueri debet quodammodo spiritualiter, id est, per speciem intentionalem, non per qualitatem realem: sed Responderi posset, quòd solum organum patiatur, illud autem omnino corporeum est: ad eius verò commotionem prouocatur animæ intentio, vti diximus suprâ. Ideo aliter id probatur, ipsa nimirum inductione: nam quoad tres primos, res est manifesta. Res colorata non mouet, nisi mediante diaphano lucido: sonora non nisi per aërem leniter commotum: odorifera, non nisi per leuem euaporationem: sed hæc tria non possent obtingere, si obiecta immediatè organis hærent: quoad tactum verò sic probatur. Qualitates tactiles sunt primæ qualitates, & nonnullæ ex his ortæ: si autem hæc immediatè tangerent sensiterium, id immutarent: v. g. si ignis immediatè id tangeret, nimium calefaceret: & vltimè temperiem requisitam à tactu: similiter aqua nimium frigefaceret, &c. sapores verò non percipiuntur, nisi mediante humiditate, quæ cum non immediatè tangi valeat, sequitur nec sapores: at quidni posset responderi excessus eiusmodi esse per accidens: hæcque rationes non habituras locum, si talia obiecta moderatè suis qualitatibus organo inferrentur: Quamobrem quid quisque voluerit de duobus his vltimis sensibus opinetur, non obstat ratio: at nec inducit.

Secunda conditio est vt actio, qua sensus ab obiecto mouetur sit moderata, alioquin læderetur: vnde est axioma *vehemens sensibile destruit sensum*. Duplex est sensus: primus, an nimis alteretur organum, vnde soluat debita eius tēperies, & conformatio. *Secundus*, an etiam iudiciū sensus peruertatur: quoad primum dupliciter adhuc possumus obiectum considerare: primo, vt agit per qualitates suas primas, sicut cum adspicio ignem cominus, non est dubium, quin dissolui tunc possit tēperies oculi: & de hoc sensu nulla est difficultas. *Secundo*, vt agit per vim assimilatricē, vel effectricem sensationis. In hoc sensu licet negetur à nonnullis, tamen communiter à Thomistis defenditur: & quidem verissimè. Neque difficile id ex iis, quæ mox subiiciemus, elici poterit. Ostendimus enim ab obiecto vsque ad potentiam diffundi aliquam vim, seu motionem realem, atque multum efficacem. Hæc autem sine dubio potest esse vehementior: sicut & remissior: aliunde mouet reuera & ferit organum, vsque aliquid physicum imprimi, ratione cuius animæ intentio excitetur. Hinc videmus ab albo visum disgregari: congregari à nigro: item obiectum agit in sensum per medium certo quodam temperamento affectum: at potest hoc excedere iustam mediocritatem. Quando ergo in his non seruabitur debita proportio agentis ad passum, necesse est lædi sensum: & cum à recta organi constitutione pendeat iudiciū, quod de re percepta fertur, non est dubium, quin etiam ex læsione organi, sequatur quoque iudicii corruptela. Vides ergo sensum, qui pericitur ab obiecto, quando per medium debite temperatum, & cum debita distantia in eum agit, ab eodem lædi, cum debita siue medij, siue actionis proportio, exceditur.

CAPVT XVII.

DE SPECIEBVVS INTENTIONALIBVS.

An sint admittenda, & quid senserint authores.

ARDVAM planè modo tentamus quæstionem, quæ Philosophorum ingenia mirum quantum exercuit. Cum enim indubitissimum sit moueri sensum ab obiecto distante, & aliunde videamus solere semper id quod mouet moto esse coniunctum vel per se, vel per aliquid à se in rem motam corruatum; quæritur quid illud sit quod obiectum sensibus incurrit, dum eos ad sui proritat attentionem.

Nominatiles quibus addi *Durandus* debet, aiunt ab obiecto in medio, atque etiam in oculo produci reales qualitates suis consimiles; nec minus à colorato colorem spargi, aut odorem ab odorifero, quam calorem à calido. Addunt tamen duo maximè notanda: *primum* est, quòd ad eliciendam sensationem nihil sit opus diffundi per medium, sed posse obiectum distans immediatè in potentia agere, in eaque perinde actum exerere, ac si reuèrta intra potentiam contineretur inclusum. *Secundum*, quòd qualitates in medio multiplicatæ, adeo remissæ sint, atque in subiecto adeo raro vt sentiri non possint; nisi, vt contingit aliquando, medium illud addensetur. *Tertium*, quòd hæ qualitates multiplicentur ob naturalem vim multiplicatiuam, quæ omnibus formis competit, non propter necessitatem sensationis. *Quartum*, quòd obiecta nihilominus ad mouendum sensum immediatè per propriam vim ex natura sua medium quoddam exigant, iuxta diuersitatem sensuum, diuersa quoque conditione affectum v. g. color, inquit, vt actu videatur ex natura sua exigit medium perspicuum, liberumque, quo sic præsupposito, ipse per rectam lineam in oculum agat, non realem per illud transferens qualitatem, sed realem in oculo pariens actum. *Quintum*, quòd ex actu sensus externi producat naturaliter in sensu interno qualitas quædam, quæ per modum obiecti percipi possit ab interno: id quod præcipuè contingere aiunt, cum sensibile vehemens est, vnde fit ita vt postquam sub intensissimo lumine quidpiam intuiti fuerimus, id aliquandiu postea, etiam clausis oculis videre videamur. *Sextum*, quòd ex actu externo producat primus actus internus, post quem producat habitus inclinans ad similes actus. His Durandus addit in spiritibus corporeis relinqui quasdam species siue impressiones, quæ apprehensæ à sensu interiori aut somnia pariunt, aut memoriam: in quo differt à

Nominalibus, qui memoriam vel somnia solum vi habituum productorum post primum actum internum explicabant.

Ex his itaque inferebant inutiles esse species intentionales: neque dari: licet tamen in medio reales qualitates perducerentur: ita in rubore v.g. qui à solis radio vitrum rubeum permeante pingitur in pariete, realis ac naturalis rubor fit, cui color proprius parietis cedat. Si verò iis obieceris species verè in speculis, in aquis pellucidis, & aliis eiusmodi pingi solere. Respondent, haudquam videri speciem, siue imaginem in speculo: neque inde probari posse illarum specierum necessitatem. Quamobrem dicunt speculum esse duntaxat causam reflexionis actionis obiecti: ita ut cum obiectum recta linea in oculum agat, opposito speculo actio reflectatur; atque ita ipsum propriè videri obiectum. Horum autem argumenta inferiùs adducemus.

Democritus, Epicurus, & qui atomis deliciantur, admittebant quidem simulacra subtilissima obiectorum, quæ ab iis in sensum proicerentur: sed volebant ea esse quædam veluti ramenta, quæ iugi attritu, ex superficie obiectorum eraderentur, ac pro figurarum, vel magnitudinis, aut dispositionis varietate diuersos sensus procrearent. Notat tamen D. August. eo rectiùs Democritum sensisse quam Epicurum, quòd atomorum concursioni quandam vim animalem, & spirituales admittam agnouerit Ep. 56.

His haud dubiè Plato multum accessit in Timæo, ubi siue quòd ænigmaticè, aut poëticè scribat; siue quòd Timæi Locrensis Pythagoræ sententiam solum referat; siue quòd in Physicis Democritum, sicut Socratem in Moralibus magna ex parte secutus sit, sic scribit, *unum ex omnibus* (scil. elementorum particulis) *corpus efficiebant, & in hoc ipsum tum influente, tum effluente corpore anima immortalis periodos illigabant: & mox ab iis omnibus* (elementaribus obiectis,) *per corpus motus usque ad animam transeunt, qui propterea & initio, & nunc sensus cognominati sunt.* Mundum itaque hunc adspectabilem comparat gurgiti, motibus perpetuis agitato. Sic mundus iste hominem nullum in se quietum esse sinit: sed continuis atomorum profluuiis vel influentibus ab obiectis in sensuum instrumenta, vel ab his refluentibus versus obiecta sine fine percellit, ac permutat dum nimirum è corpore halitus, excrementa, spiritus exeunt: & in id rursus alimenta, particulæque rerum sentiendarum incurrunt v.g. in visum flammulæ ab obiectis coloratis & lucentibus; in olfactum vapores ex rebus odoriferis prouectantur, & sic de cæteris.

Cæteri ferme Peripatetici admittunt species, quas vocant intentionales, ab obiecto circūquaque continuè prouectas, quæ sint non substantiæ, sed accidentiæ; de genere qualitatis: ipsarumque naturam in eo solum consistere dicunt, quòd sint imagines, & participationes obiectorum modo quodam spirituali existentes in medio & in potentia, in quantum primo, ibi sunt veluti rationes quædam ac formæ puræ sine materia ut ait Aristot. Secundo, in quantum non sentiuntur ipsæ: sed solum sunt principium sentiendi, & obiecta repræsentant. Terrio, in quantum

seruiunt actioni spiritali, vel proxime ad spiritualement accedenti: cuiusmodi sunt actus vitales sensuum. *Quarto*, addunt aliqui esse illas à materia in qua sunt independentes: alij volunt eas esse quoque indiuisibiles: quod tamen alij negant: omnes tamen in eo coeueniunt, quòd in medio sint totæ in toto & totæ in singulis eius partibus, sicut de lumine, quod à copore lucido emittitur, concedi necesse est. Dubitant tamen de ipsarum origine: sunt qui dicunt eas principaliter ab intelligentia quadam cœlesti produci: Suesanus putat eas à Deo solo effici. D. Thomas ait corporibus duplicem actionem competere, *unam secundum proprietatem corporis*, ut scilicet agat per motum; *alteram secundum quod attingit ad ordinem substantiarum separatarum*, ut participant aliquid de modo ipsarum, sicut natura inferiores consueverunt aliquid participare de proprietate nature superioris, ut apparet in quibusdam animalibus, que participans aliquam similitudinem prudentia, que propria est hominibus. *Hæc autem est actio corporis*, que non est ad transmutationem materiam, sed ad quandam diffusionem similitudinis forma in medio secundum similitudinem spiritualis intentionis, que recipitur in sensu, vel in intellectu, & hoc modo sol illuminat aërem, & color speciem suam multiplicat in medio. de potent. q. 5.

§. 2.

De prædictis fertur iudicium.

CONCLUSIO prima, Haud probabile est ab obiectis perpetuas egredi atomorum quisquilias, seu raffles exuias, ut voluere Democritus, & Epicurus, Id S. August. Ep. 56. inde refellit, quòd *venientes tam magna* (id est, tam multæ, ac tam immensæ) *in tam breuem animam, si corporeus, ut illi volunt, tam paruo corpore includitur, tota ille tangere non possunt*: atque id reuera modo etiam de animo brutorum, necnon & de nostris organis corporeis dici posset. Quomodo enim ex omnibus illis corporibus, quæ simul videntur, dum vastam planiciem terræ infinitis colorum, & formatum generibus distinctam video, in indiuisibilem oculorum meatulum simul confluere possent? Cùm autem hi auctores velint cogitationem, siue iudicium de rebus sensu perceptis fieri, dum ad animum subtiliores adhuc atomi deferuntur, quam cæ sint, quæ ad sensus externos appellantur. S. August. subdit: *Quæro utrum etiam ab ipsis atomis affluant imagines? si affluunt, quomodo iam sunt atomi, à quibus aliqua corpora separantur? si non affluunt, aut potest aliquid sine imaginibus cogitari, quod vehementer nolunt; aut unde norunt atomos, quas nec cogitare poiuerunt? sed iam pudes me ista refellere, cùm eos non pñaueris ista sentire, &c.*

Secundò, idem improbat ex eo quòd vix explicari posset, cur illa ramenta non sentirentur per se, & ut coniuncta, quemadmodum vapores odoriferi, calor, frigus, &c. vti de lumine probauimus lib. de cœl. cap. 13. §. 2. Quibus hoc solùm hic addidero, saltè effluere non posse, quia

quin illa corpuscula, quæ reflectuntur à speculo, viderentur, vti superficie speculi circumfusa, & non vt profundius dissita.

Tertio, maximè repugnat sensui, & rationi, quòd singulis momentis ac tandiu tot ac tam vasta ramenta, iugiterque ab eadem superficie disciendantur, quemadmodum oporteret. Sumo enim vnum apiculum litteræ in tabella quadam, quæ sit in publicum exposita: quot annis integer integer ipse videbitur? & interim singulis momentis non solum vnum eius ramentum, sed tot, quot sunt puncta in circulo circumferentiæ maximæ, id est, remotissimæ, ex qua videri potest, nam si centrum oculi ponatur in quolibet tali puncto hinc per rectam lineam videbitur prædictus apiculus. Ergo ex eo ad illud atomica illa imago debet profluere: & cum quantò hæc circumferentia fuerit remotior, tantò etiam sit amplior, & consequenter, tantò plura in ea sint puncta: tantò etiam magis debebunt multiplicari atomi, quantò longius exporriguntur: singe modo 100000. puncta remotissimæ circumferentiæ respondere vni puncto circumferentiæ primæ & immediatæ, per quam incipiunt atomi spargi: tum vel 100000. atomi, quæ perueniunt ad 100000. puncta circumferentiæ vltimæ, simul emanant ab apiculo per vnicum illud primæ circumferentiæ punctum: vel vnica solum primò educitur, & ex ea defluunt aliæ: atque ex his aliæ similiter. Si primum dixeris, sequitur penetrari atomos illas 100000. Si secundum, ergo atomi non erunt atomi, vt optimè argumentatur S. August. suprà. Quòd si ex suppositione Gallendi, ex digitali candela vna hora delibrentur ex ordine 547000000. membranulæ, id est, tot quot partes sensibiles terræ à sole percurruntur: saltem tot debebunt ab illo apiculo detergi. Imò infinitò plures, nimirum quot partes sensibiles primi mobilis percurruntur. Iam totidem non semel, sed toties, quot sunt in vltima circumferentia puncta, id est, infinities deradi debebunt. Cogita ergo, quam infinitus esse debeat pellicularum eiusmodi, quæ ex illo apiculo singulis horis profunderetur, numerus. Cogita in super, quot sint horæ in anno, imò in 100. quibus apex ille perpetuo visibilis manet, atq; inuariatus. An possibile est vt tot detrahi possint ex illo apiculo particule, & tamen tandiu omnino integer maneat an dices reparari eū posse aliis atomis supercre-scentibus? sed qua arte in eandem figuram, & mensuram, vt nec maior, nec minor, nec rubicunda, nec viridis, sed nigra solum effigies fiat? &c. an imagines, aut litteræ tanto cum artificio primum effictæ, postmodum sine arte, ac sine mente cum exactissima imitatione resciantur?

Dices, cur opus est, vt singulis momentis illæ atomorum deflexiones fiant? Resp. quia remoto alioquin obiecto, sensus non desineret: quemadmodum ablata res odorifera, percipitur aliquandiu post odor, quia vapor odorifer nec continuè, nec sic continuè ad singula circumferentiæ suæ puncta directè funditur: sed halitus confertim primò eructantur, ac dein liberius laxantur, dispergunturque in aëre, qui inde totus odorifer redditur, etiam si non alij, & alij halitus perenniter fluant: quia prior res aliquandiu permanent.

Quarto, idem præterea impugnatur, quod non facile appareat: primo, quia vi atomi huiusmodi discindantur à corpore solido, in quo sunt. *Secundo*, quia etiam virtute tam rectè, ac tam celeriter in singula puncta circumferentiæ dirigantur; & sic earum singulæ missiones distribuuntur, ut duæ particule ad idem punctum, & per eandem lineam non tendant, sed singulæ per singulas inconfuse rectâ pergant ad proprios distinctosque terminos. *Tertio*, cum in sphaera perceptibilitatis debeant sursum, deorsum, dextrorsum & sinistrorsum dirigi, quodnam in apiculo principium assignabunt, à quo tam difformes motus producantur, tam celeriter, ac tam regulariter?

Quinto, cum totæ superficies obiectorum percipiantur à sensu continuatæ, ac non discretæ; deberent superficiei illæ exuuiæ aut extimæ membranulæ totæ simul à reliquo corpore abripi, & sic indiscerptæ, ac indiuisæ ad sensum porrigi, quod repugnat. Innumera sunt eiusmodi, quæ prædictam opinionem adeo rationi repugnantem efficiunt, ut merito D. August. cit. eam inter *senientiarum portentosa numeret, quæ otia doctorum contereere potuerunt*. Quamobrem ne nostrum magis conterant, his contenti simus.

Dices, quidni solis ignea vi potest aliquid è mixtis subito sic rarefieri, ac tantum, ut tenuissimæ particule sufficiant ad replendum longissimum interuallum, sicut videmus ad lapsu scintillulæ in spiritum vitæ, illicd vastissimam flammam erumpere? idque videtur inde facilius suaderi, quod nullum mixtum sit, in quo non quidpiam substantiæ igneæ, siue proximè inflammabilis contineatur: id autem quod eiusmodi est, an non potest facile rarefcere à Resp. etsi nihil eo casu forte appareat, quod repugnet: tamen superfluum omnino id est, nec speciei locum tenere potest. *Primo*, quia non posset hoc esse imago totius mixti, sed ad summum substantiæ igneæ, à qua promicaret. *Secundo*, quia neque continuè, neque singulis instantibus nouæ particule tantû rarefieri possent, ut ab obiectis tam immensis, atque adeo distantibus iugiter emanarent ad oculum. *Tertio*, etiam per hoc reddi non posset ratio, cur aliæ species puncto temporis, ac rectâ lineâ transuolent ad sensum: aliæ vero non. *Quarto*, multo plures & ampliores æstate quam hyeme producerentur species. *Quinto*, quia tales particule perciperentur ipsæ potius quam obiecta repræsentarent, &c. Quamobrem facessant eiusmodi simulacra. An verò ex obiectis lucidioribus leues quædam flammulæ scintillare valeant, dicemus inferiùs, cum de coloribus loquemur.

CONCLUSIO secunda, probabilius est qualitates reales in medio non diffundi, quæ sint eiusdem rationis cum iis quæ sunt in obiectis. Probatu breuiter, quia si color à colore, & odor ab odore generentur, necesse erit aërem, in quo fiet euadere formaliter coloratum, odoratum, &c. sicut ex eo quod calorem verum à calore recipiat, verè calidus efficitur: & sane quid est coloratum, nisi id quod habet colorem? at si aër vicinus, ac proximus oculo coloratus fuerit, visionem impedit, ut dicimus inferiùs. Tum cum Deus & natura nihil frustra efficiant, non potest

cetè admittendæ illæ qualitates in medio, si nullum ibi effectum exerant: at secundum earum Authores nullum ex ibi exerunt: siquidem neque aëri effectum vllum formalem imprimunt: neque viles sunt ad eliciendas sensuum actiones: ad quid ergo? quod verò dicunt eas ex naturali fecunditate formarum oriri, quatenus formis omnibus naturale est, vt sese multiplicent: hoc, inquam, nihil est: nam vnde habent omnibus formis eam vim sese multiplicandi naturaliter competere? si non conuenit formis spiritualibus per se substantibus, vt Angelis; cur ex necessitate naturæ formæ enines corporeæ. ità illis inefficaciores, atque à puro actu remotiores hoc sibi priuilegium vindicabunt? quambrem, quibus hoc conuenit, ex Dei prouidentia, opificioque conuenit: Deus autè nihil nisi propter finem aliquem efficit. Ergo si nullus possit assignari fructus talis multiplicationis, non est ea pro solo nutu admittenda. Denique si medium sic ab obiectis realiter immutaretur, contraria simul, eaque intensa susceperet: atque ex innumeris partibus in idem confluerent omnes cuiuscumque generis qualitates,

Quid ergo, an non vitrum coloratum colorat parietem? item si claudas cubiculum, vnumque in fenestra foramen exiguum reliqueris, atque supra illud chartam candidam appenderis, ita vt ab obiectis externis recta ad illam linea duci queat, eorum colores in ea charta pingentur. Respond. propter hæc experimenta multos concedere in sententiam Nominalium: sed non conuincunt: quia ea est luminis efficacia, vt quas secum defert species, reflecti quoque secum eas faciat magis vel minùs, prout magis, aut minùs perfectū, intensumque fuerit: atque etiam prout corpus, ex quo sit reflexio, magis aut minus tersum occurrerit. Ex speculo namque cum speciebus omnes colores distincte cum distantia representantibus reflectitur: ideo in eius profundo videntur obiecta: ex charta superposita foramini fenestræ reflectitur cum speciebus representantibus colores, sed paulo confusius: ac sine distantia. Ideo videntur in superficie tantum: ex pariete vero soli radij directi cum speciebus colorem vitri representantibus reflectitur. Ad summum lux ipsa videtur potius tingi colorum differentiis, quam medium.

CONCLUSIO tertia. Probabile est dari species intentionales eo modo quo à tertia opinione defenduntur. Probatur in primis autoritate. Aristoteles namque illas euidenter adstruit *lib. 2. de anima* r. 39. dicens obiectum externum esse causam effectricem perceptionis sensuum: tum *text. 71* ait id quod colores suscipit, esse sine colore: & *text. 73* ait, color quidem mouet perspicuum, puta aërem: ab hoc autem continuo existente, mouetur sensus organum: & hinc Democritum refellit, qui dicebat, si vacuum in mundo foret, vel formicam in Cælo positam visum à nobis iri. Hoc impossibile est, inquit Aristot. *patiente enim aliquid sensitivo, sit rursus: ab ipso igitur, qui videtur, colore, impossibile est: relinquitur igitur, quod à medio: & text. 121. oportet igitur vniuersaliter de omni sensu accipere, quod sensus est id, quod est susceptivum formarum sine materia, vt cera annulli, sine ferro, et auro accipit signum: accipit autem aurum, aut aërem signum,*

sed non ut aurum, aut as, &c. Denique lib. 3. ait sensibilia non esse in anima, & in sensu: sed formas ipsorum; *non enim lapis est in anima, sed species, & forma lapidis*: quid clarius? idem etiam fuse, ac disertè probat D. August. 11. de Trin. cap. 2. *hac ratione*, inquit, *colligimus nequaquam nos potuisse sentire, nisi fieret in sensu nostro aliqua similitudo conspecti corporis*: neque enim cum annulus cera imprimitur, ideo nulla imago facta est, quia non discernitur, nisi cum fuerit separata, &c. Ita quoque Plato manifestè in 6. de rep. *In genere visibili portio una imagines continebit: voco autem imagines, primum umbras. Deinde simulacra, quæ in aquis apparent, & quæ in corporibus densis, lenibus, tersis, ac lucidis, & omne quodcumque tale, si tenes: portio verò altera comprehendet ea, quorum hæ similitudines quedam sunt, animalia, &c.*

Ratione item roboratur, primo, quia necesse est moveri sensum ab obiecto; alioquin cur eius præsentia tantopere exigeretur? at nihil agit in distans, nisi per medium ut probatum est in Phys. cap. 25. §. 2. Saltem actio agentis continuari debet in medio: ubi autem actio aliqua est, debet ibi & aliquis ab ea terminus, siue forma emanare: nam quid est actio, nisi forma emanans? Item obiecti actio in sensum, est assimilatrix; ut constat ex omnium opinione. Ergo eius terminus est imago, seu species: nec potest continuari actio, nisi per suam formam emanantem: ut enim ab vno instanti in aliud non potest continuari, nisi in medio interstitio forma eius iugiter fluat: ita neque ab vno loco in alium, nisi similiter in medio toto intervallo perpetuo fluat.

Secundo, ea fere omnia quæ à perspectivis demonstrantur, species suadent: neque enim posset reddi ratio, cur obiectum videri debeat sub recta linea, vel si reflexe, sub his aut illis angulis, nisi veniat aliquid ab obiecto in medium, à quo, & reflecti queat servatis aliquibus proportionibus geometricis: & quomodo quis in speculo videret ea quæ à tergo eius sunt? cur item in speculo fracto plures apparerent eiusdem rei representationes? &c.

Tertio, idem quoque probatur ex actibus sensus interni: in confesso enim est apud omnes in memoria servari rerum semel perceptarum imagines: illæ autem quid sunt? Item sensum in actu evadere rem perceptam: quomodo? an ita ut ipsiusmet forma naturali, realive informetur? at hoc quis posset somnare? Restat igitur, ut eius formali similitudine informetur; hæc sunt argumenta, præcipua quæ communem hanc opinionem sat probabilem reddunt.

§. 3.

Quid sint, & quibus modis explicari queant hæ species.

QUÆRITUR quid sint. Respondent Peripatetici eas esse qualitates: sed instatur: quænam sint, & quale obtineant esse in medio atque in organo? vidimus supra secundum quosdam eas esse reales qualitates

ei usdem naturæ cum obiectis, quæ proinde in medio & organo esse physicum, ac reale fortiantur: verum id iam reieciimus. Ideo restant aliquot alij modi eas defendendi, vnus est Peripateticorum, alter Platonico-
rum.

Peripatetici communiter aiunt eiusmodi species esse qualitates quidem reales, quæ ad tertiam speciem prædicamenti qualitatis pertineant: *essetamen intentionale* solum habere in medio, & in organo: per hoc autem *esse intentionale*: non intelligunt aliquid oppositum enti reali, sed solum quidpiam imperfectum, & degenerans à sua causa, quod non habeat esse fixum, sed ingiter ab ea manans. Hoc ergo modo species intentionalis dicitur esse qualitas realis, sed imperfecta, & alterius naturæ ab obiecto, à quo fluit, in medio, & in organo inherens: sed cum perenni dependentia ab eodem obiecto, gerens tamen quandam ipsius characterem, ac veluti typum. Quamobrem si quaeris an huiusmodi qualitates denominent subiectum, in quo sunt, Resp. negando, quia ob debile illud esse, quod habent, subiectum suum nullo modo censentur aspicere.

Si secundò quaeris, an sint diuisibiles ad diuisionem subiecti, R. affirmando, quia per se ab obiecto reuera corporea, & diuisibili oriuntur: & in medio diuisibili excipiuntur, à quo pendent vt à subiecto; tum etiam quia franguntur, multiplicantur, commiscuntur in speculis, vitris, &c. Nihilominus accedunt quadamtenus ad naturam rei spiritualis, & in esse cognoscibili trāseunt de genere rerum materialium ad aliud genus spiritualium; vt quemadmodum in ordine formarum substantialium dantur animæ viuentium, quæ indiuisibiliter in materia diuisibili vigent & operationes indiuisibiles edunt: sic in ordine accidentium, species illæ spiritualiter, & indiuisibiliter quodammodo in medio diuisibili, vt in subiecto propagentur. Ideo vt supra diximus à rebus materialibus emanant, non prout purè materiales sunt; sed potius, vt participant naturam rerum cælestium: adeo vt velint aliqui virtute intelligentiarum has effici, quod equidem non reor. Et quidem si de speciebus, quæ inferuiunt visui, sermo fuerit, S. Thomas existimat eas virtute solis à coloribus emitti, quatenus scilicet ipsa luminis efficacia sit, vt colores species multiplicent suas: lumen autem proprius effectus solis est. Reliquas verò fortè à cælo per motum eius continuum pendere sufficiet: Cæterum, vt dixi probabile non est eas ab intelligentiis vllis emanare. Quoniam ipsæ nihil in hoc mundo visibili efficiunt præter motum: tum etiam quia id omnino frustrā fingitur. Denique hinc sequeretur rem materialem secundum se non esse sensibilem contrā Arist. & experimenta.

„ PLATONICI paulò aliter hòc explicant: negant enim tales in
„ medio species fundi, quæ sint qualitates propriè dictæ. reales formas
„ sine materia secum aduchentes, tanquam typi & formales imagines
„ obiectorum: sed simplicem quandam motionem, & virtua-

11 de Trin.
cap. 2.

affirmant: ita ut medium nullo modo patiatur: aut quidquam forme
accidentaliter sibi inhaerentis, aut ex se educendæ suscipiat. Hanc esse
veram sententiam Platoniorum existimo. In primis Plotinus Enn. 4.
l. 5. c. 1. Forre, inquit, non necessarium est pati medium, dum quod passio-
naturaliter est expositum, velut oculus patitur: aut situnc oculus patitur,
aliud quid iam patitur: quandoquidem neque calamus medius inter pis-
cem illū suprefacientem nomine Narcem, atque manum patitur, quod ma-
nus ipsa patitur. D. Aug. clarè loquitur, cum aliquod corpus videmus,
hæc tria, quod facillimum est, consideranda sunt, & dignoscenda. Primo ip-
sares quam videmus, sine lapidem, sine aliquam flammam, sine quid
aliud, quod videri oculis potest. Deinde visio, quæ non erat, prius quam rem
illam obiectam sensui sentiremus. Tertio quod in ea re, quæ videtur quan-
diu videtur, sensum detinet oculorum, id est, animi intentio. In his tribus non
solum est manifesta distinctio, sed etiam discreta natura, &c. & infra: Hæc
igitur tria, corpus quod videtur, & ipsa visio, & quæ utrumque coniun-
git intentio, manifesta sunt ad dignoscendum, &c. Et licet admittat for-
mam aliquam speciemque sensui ab obiecto infigi; et tamen quo sen-
sui intellexerit: nullo modo, inquit, eiusdem substantiæ est corpus, quo
formatur sensus oculorum, cum idem corpus videtur, & ipsa forma, quæ ab
eodem imprimatur sensui, quæ visio vocatur. Ita sentire visus est Alex.
Aphrod. dum scribit medium nullum colorem patiendi recipere, sed
à coloribus moveri ad præsentiam, & habitudinem quandam ad cor-
pora colorata. Ita quoque Philoponus docet colores sic agere in sen-
sum visus, ut in perspicuum nullam affectionem immittant: sicut
multi.
Probatur conclusio, quia qualitas secundum Arist. c. de qualitat. est
quæ denominatur quales, & ex D. Thom. ipsa est modus substantiæ.
Ergo repugnat esse qualitatem ullam in aëre à qua ipse non denomi-
natur talis: sed non denominatur à speciebus: Ergo, &c. Confirmatur,
ut nequit figura esse in aliquo, quin illud efficiat figuratum; neque
calor, quin calidum: sic nequit esse imago, quin simile illud reddat;
at species non reddit aërem obiecto similem. Ergo non datur.
Secundo probatur, quia vel sunt diuisibiles, vel indiuisibiles, at
neutrum dici potest: nam diuisibiles eas si dixeris, multa sequuntur
explicatū diffillima. In primis enim sequitur medium corporea co-
ditione per speciem affici, neque posse in quolibet puncto medij co-
tam vniuersi obiecti similitudinem figurari, sed vnam partem in vno
aliamque in alio: quomodo ergo per partes ita dispersas in pupilla
pene indiuisibili & ex quolibet puncto medij, non solum vnius, sed
innumerabilium obiectorum, longè, lateque patentium integra ma-
gnitudo percipitur? aut si omnes omnium obiectorum partes simul in
quolibet puncto fuerint, quanta confusio! Præterea totidem solo nu-
mero distinctæ species erunt admittendæ, quot sunt puncta in medio
ex quibus obiectum eorum videri potest; & hoc est falsum. Ergo. Ma-
patet, quia alioquin quomodo sufficeret vnica, nisi transiret &

subiecto in subiectum? quomodo item laxari, retrahi, huc & illuc dirigi
posset, vt in tot diuersas pyramides aptari posset, quot in toto medio sūt
puncta diuersa, ex quibus obiectum representat? Min. suadetur, quia sic
alię successiue per alias multiplicarentur, & vim representandi obiecta
traducerent: & consequenter vltimæ solum mouerent sensum non pri-
mæ: tum si species solum representat id à quo emanat, species vltimæ
potius representarent species priores, à quibus immediatè procedunt,
quam obiectum. Ita innumeræ oriuntur difficultates ex eo quod hæ
species admittantur diuisibiles: si verò indiuisibiles admitteris; tunc ma-
ior difficultas orietur, quomodo scilicet ab accidente spiritali distin-
guatur, & vnde illis hæc indiuisibilitas cōpetat cum enim sint ab obiecto
diuisibili, & ita quidem vt quam vna eius pars emittit, non emittat alte-
ra, quomodo à tam diuersis partibus eiusdem totalis obiecti, species vna,
eademque indiuisibilis deriuari poterit: recipitur etiam in subiecto diui-
sibili, atque etiam id essentialiter exigit.

Rursus huc deduci possunt argumenta Nominalium quæ sunt eius-
modi: quod representat aliud debet esse primò cognitum: quoniam ita
fese habet obiectiue ad potentiam cognoscentem, vt cognoscēs est. *Con-*
firmitur, videtur absurdum id per quod venimus ad cognitionem alte-
rius, esse penitus incognitum: sed species quæ admittuntur à Peripateti-
cis, sunt eiusmodi. Ergo non sunt ea ratione admittendæ: quomodo
ergo?

Duplex est modus, alter videtur esse Plotini, alter Theophrasti: prior
consistit in eo, quod obiectum per sympathiam agat in sensum: *Sensa-*
tiones, inquit Plotinus, *in nobis sunt per vitæ cōmunis sympathiam quādam,*
quæ ab vnicā mundi anima (aut certè melius per operationem spiritus
vniuersalis, quo Deus vt instrumento vtitur ad omnes obundas natura-
les actiones) *ad partes suas pronenit: efficitque vt tanta sit sensuum cum*
obiectis consensio, vt obiecta re sensus illam suapte natura comprehendat. Hæc
ille: nec omnino improbabiler: potuit enim Deus res naturales con-
dere sub tali ordine sympathetico, vt tale obiectum per tale, aut tale
medium sensibus connexum, illico sine alia virtute diffusio sensus affici
fese persentiscerent. Simile enim quidpiam Theologi admittunt in An-
gels, vt vnus alium absentem compellare possit, ac alloqui. Neque po-
tèst id non videri probabile, cum dicamus id ex diuina ordinatione pro-
ficisci. Si enim Deus hoc ita voluerit statuere, vt ad præsentiam obiecti
symmetrica ratione ad sensum compositi, sensus ab illo moueatur, an
non diuina voluntas maximè efficax est, an non quidquid voluit fecit in
cælo, & in terra?

Alij malunt admittere quendam actum à medio independentem, per
illud tamen deuectum, & iugiter fluentem ab obiecto vsque ad sensum,
quem sic ex Theophrasto describit Priscianus. Lydus, *Assero igitur quem-*
admodum res illuminans perficit diaphanum, dum videlicet res illuminantis
actus diaphanum separabiliter adest, atque oculo per diaphanum; non quia dia-
phanum aliquid inde propriè passum fuerit, sed quoniam ipsum quoque per

„ actum luminis separatim sit perfectum : ita colorem illustratum agere in
 „ diaphanum, actione videlicet separatim diaphano infidente, sine potius
 „ peruecta, qua quidem propterea non succedente per partes distributione, sed
 „ semel tota, simulque toti, ubique sit individue præsens Quamobrem ip-
 „ se coloris actus non mixtus sit oculo præsens, quamquam non aliter præsens,
 „ quam diaphano visens quasi currum quando quidem aduehit immixtum. Si-
 „ mile quid habet Philoponus dicens, non ipsos colores, sed colorum actus
 „ deferri per perspicuum. Simile quid docet D. Bonau. cum loquens de
 „ lumine ait id comparari ad aërem, sicut ad deferens solum : non sicut ad
 „ subiectum : idque in medio non habere principium materiale, ex qua, sed
 „ potius originale a quo finis. Denique D. Thomas in 3. Meteor. lect. 6.
 „ volens probare, quod lumen habeat esse naturale ac reale in medio, &
 „ non solum intentionale ut species, ait forma aliqua in eo habet esse reale,
 „ ac naturale, in quo generatur ab agente secundum naturam, secundum quod
 „ huiusmodi, per reductionem de potentia ad actum, &c. Ergo secundum D.
 „ Thomam species intentionalis, quæ non habet in medio esse reale ac natu-
 „ rale, est aliquis actus noneductus à potentia subiecti, per quod transit.
 „ Quid ergo est talis actus ? R. secundum Platonicos dari multos eius-
 „ modi, quibus nulla alia conuenit ratio, nisi motionis, aut efficaciz fluen-
 „ tis, quæ peculiare vnum prædicamentum *motus* constituat. Ergo emitti
 „ volunt ab obiecto æthanam quandam energiam, siue vim inde fluentem,
 „ ac progredientem in sensum ; vbi imprimit sui principij characterem,
 „ spiritusque sensorios imbuunt propriis obiecti qualitatibus eo modo, quo
 „ dicemus inferius. Huiusmodi actus respondet motioni, quam Peripate-
 „ tici admittunt in lapide proiecto ; in penicillo pictoris, in ferro quod à
 „ magnete trahitur, in reti quod à torpedine alteratur, &c.
 „ Huiusmodi porro actus distinguitur ab accidente absoluto, quod
 „ istud ex suo proprio fine sit actus, perfectioque subiecti, seu modus eius,
 „ ac character commensuratus. Ille verò actus fluens ex suo fine ac secun-
 „ dum naturam nihil sit aliud quam virtutis actiue traiectio. Ideo forma-
 „ lem nullum effectum exercit circa medium, in quo est ; sed solum in sub-
 „ iectum, in quod dirigitur. Non est item substantia, quia non est quid
 „ subsistens : nec propria forma pollet : non creatur, quia exit à potentia
 „ eius, cuius est actus ; nec educitur ex medio, quia non habet ibi esse natu-
 „ rale ac immanens : sed transitorium solum ac fluens : neque eius ori-
 „ go ex medio est, sed solum ex obiecto : non potest tamen esse sine medio,
 „ quia actus est imperfectus. Simile quid dicunt aliqui Theologi dum as-
 „ serunt gratiam non educi ex anima, sine qua tamen esse non potest, aut
 „ virtutem quandam diuinam fluere per sacramenta, à quibus non educi-
 „ tur, & in quibus nihil imprimit. Sic ergo possumus dicere obiecta per
 „ medium traicere virtutem suam sine vlla immutatione mediæ : quæ virtus
 „ sit indiuisibilis, ut supra dixit Priscianus. Neque efficiunt argumenta
 „ relata §. 2. Nam in primis citatæ authoritates solum declarant, quod
 „ obiectum moueat potentiam per tale, vel tale medium, & in sensu ve-
 „ re imprimat species, siue similitudines, quarum actuali impre-

ipsamet sensus perceptio, vt patuit ex ipsamet D. Aug. Addo forte etiam in quibusdam subiectis idoneis posse imprimi quiddam simile representationibus, quæ sunt in sensu, vt in speculis, in Echo, &c. quamquam neque hoc sit necessarium, vt videbimus.

Quod verò requiratur medium, inde est, quod vis motiua obiecti per quidpiam sibi symmetricum deferri debeat, vt paulo superius diximus. Illud respectu colorum est diaphanum; respectu reliquorum obiectorum est quid innominatum, potestque respectu soni dici *resonabile*, respectu odoris, *odorabile*, &c. Ideo si vacuum intercederet, non fieret sensus.

Ad rationes Resp. ad primam moueri sensum ab obiecto per medium. cum additur, *vbi est actio, debet hic aliquis ab ea terminus emanare*. Resp. vbi est actio tanquam in subiecto per se intentio, & capax, ibi est terminus: *Concedo*, vbi est, tanquam in puro medio: *Nego*, Dicis; obiecti actio est assimilatrix: *concedo*, sed subiecti proprii, non medij: *addis*: non potest continuari actio, nisi per formam: *Nego*: vel si malis distinguo sic, actio sumi potest duobus modis, i. in actu secundo, & vt cōpleta: & sic est ipsamet forma oriens è potentia: & talis nusquam est sine suo termino: ac per ipsum continuatur: *secundo*, prout est actus primus progrediens ab agente: seu vis ab hoc in illud transiens per virtutem intermediam, & sic potest esse, & continuari sine termino, per aliquid aliud sibi consentaneum.

Ad secundam Resp. ea omnia copiosè saluari ex eo quod tale, vel tale medium requiratur.

Ad tertiam Resp. species verè in sensu interno effici, sed non immediate ab obiecto, verum ab ipsius sensuum functionibus, vt à causis determinantibus, à phantasia verò, vt à causa effectrice: ideo imaginatrix dicitur, & à Platone in Sophista vocatur simulacrorum, & phantasmatum effectrix. Aristoteles 2. de anima t. 155. ait *phantasiam esse, quæ phantasma in nobis fit*, quia vt interpretatur Simplicius ibid. *vbi excitata fuerit*, ex se ipsa promit phantasmata. & effingit figuras, quæ vel æquæ similes sunt sensibilibus formis, vel aliquid amplius habent adiunctum. Idem ait Priscianus Lydus cit. se phantasiam non accipere formas, & phantasmata ab externis, sed ex se ipsa. Idem Alex. Philoponus, Iamblicus, &c. Cætera per se manifesta sunt. Habes diuersa dogmata, peneste sit eligere quod magis placuerit.

CAPVT XVIII. DE VISV.

§. I.

Quodnam sit eius organum.

PLATO in Timæo sic oculorum, ac visus naturam explanat. Ex omnibus, inquit, faciei partibus primi Luciferi oculorum orbis coruscant; hac causa dati; ignis certe illius, qui non visus quidem, sed illuminando suauiter diem inuehit mundo, participes oculorum orbis diu fecerunt. Intimum siquidem nostri corporis ignem huius ignis germanum. sincerumque per oculos emanare voluerunt, in quibus lenis, congestusque ubique ignis huiusmodi sit: sed per eorum duntaxat solidiorem, angustamque moderatam ignis purior euolet, crassior verò cohibeatur. Ita oculos planè igneos efficit: Aristoteles contra organum videndi potius aqueum facit. Prius autem quam soluamus hoc dubium, videndum est breuiter, quænam sit oculi constitutio naturalis.

In primis constat tres esse in oculo humores, vnum qui crystallinus dicitur; alterum vitreum; tertium aqueum, seu albugineum. *Primus* est instar glaciæ purissimæ lucidus, ac consistens: secundus est instar vitri liquifacæ, clarus quidem ac albus: tertius fluxus ac humescens.

Hi autem sic disponuntur: in centro rotundi oculi est ipse crystallinus, quoque rotundus: cuius media pars ad cerebrum vergens tegitur humore vitreo: altera medietas tegitur tunica, quam vocant *araneam*, quia subtilissima est, ideoque pellucida, quamquam & fortissima: hæc separata, si super opacum ponatur, speculum efficit. Pupilla igitur hanc cum crystallino complectitur.

Præterea nërui vocatus opticus, (eò quodd visui seruiat:) è cerebro ad oculum venit per foramen, quod est in concauitate caluariæ: & quando est propè humorem vitreum, degenerat à natura nerui; ac dilatatus ambit eiusmodi humorem vsque ad extremitates tunice araneæ, ipsam interim non ambiens araneam quoad vllam partem. Hoc intelligentum, tunica retinea dicitur, quod simile sit reti, vtpote variis arteriis distinctum: quæ spiritus & sanguinem deferunt ad humorem hunc nutriendum.

Nerui opticus procedit à cerebro circumdatus duabus tunicis existentibus inter cerebrum & os caluariæ: datur & alia pellicula, quæ dicitur tunica vana totum ambiens oculum, excepto foramine, quo via patet à crystallo ad obiecta. Ea nigra est instar vix: altera insuper pellicula dilatatur circa totum oculum, & dicitur cornea, media sui parte verso

obiectum transparent : estque fortissima, ita vt in laminas, vt & cornu, diuidi queat aliquando dicitur maior iris oculi, habetque diuersos colores in diuersis, & solis hominibus ex Aristotele. Est autem fortis, quia debet tueri reliqua, quæ sunt in oculo, ipsa existens extrema : Ab aranea vsque ad corneam & vream extenditur humor albugineus : ibi enim est quoddam spatium, cum vrea sit amplior aranea : humor autem hic sustinet partes vream : humectat etiam crystallinum, & tunicam araneam : præterea tunica exterior capitis dicta pericranium extendit sese per oculum : estque pinguis & calida, vt eum foueat ; ac proinde vocatur consolidatiua, coniuncta, adunata, necnon tunica alba addunz alij vnam aliam tunicam supercilianam ab extremis araneæ ad vream, expotrectam. Toletus ait esse potius venulas, quæ deferant alimentum ab vrea ad araneam.

Huic tunicæ albæ coniunguntur sex muscoli, per quos spargitur nervus alius distinctus ab optico proveniens à cerebro per foramen calvaria, quod paululum ad latus declinat : cum opticus per foramen directè oppositum centro oculi ferri describatur, per eum autem communicantur spiritus, vt & per hoc foramen laterale veniunt lacrymæ inter tunicam albam, & palpebras, atque adeo extra oculum.

Per hosce musculos oculus sex motibus cietur, duo recti sunt, vnus sursum, alter deorsum : duo semicirculares nempe cum versus cælum rotantur, aut cum versus terram : duo reliqui sunt obliqui : vnus ad nasum, alter ad oppositum. Hæc autem omnia geminatur in habetibus duos oculos.

Quamobrem duo sunt nervi optici vnus scilicet pro vno quoque oculo : sed ita primum sibi mutuo accedunt, vt in vnum desinere videantur, & coniungi : ac deinde rursus diducuntur, & quisque ad suum oculum pergunt : adeo vt dubitatum fuerit, vtrum in formam litteræ X. decussentur : nervo scilicet vno transeunte à parte dextra cerebri in sinistrum oculum : & altero à sinistra in dextrum : an verò solum contingant sese, ac denique reducantur in oculum collateralem dexter ad dextrum, & sinister ad sinistrum : hoc tamen secundum videtur verius ; sicut tamen vt medulla vnus cum alterius medulla, quodammodo misceatur, possitque spiritus ab vno nervo in alterum fluere : vnde si vnus oculus latus fuerit, licet optimè clausus teneatur, actio luminis per alterum suscepti, in hunc transmeat, & dolorem affert.

Musculi etiam adeo sunt inter sese connexi, vt vnus moveri nequeat, quin alij quoque congrua flexione adducantur : Rursus æquè semper necessariò distant, vt videlicet ambæ pupillæ eadem proportionem indivisibili obiecti motionem excipiat, quæ requiritur, vt vnum obiectum semel videriqueat : vnde si hanc proportionem paululum immutaveris, oculos vi aliqua distorquendo, tunc idem obiectum duplex apparebit, duasque visiones mutuo sibi non communicantes exeret : sicut dum decussatis digitis, videmur palpare duas nuces, cum vnam duntaxat contingamus.

His positis ad propositam questionem veniamus, nimirum an orga-

l. 3. de visu
part. c. 10.

num visus sit aqueum, an verò igneum.

l. de sens. c. 2.

In primis Galenus scribit, quam rationem habet sol in vniuerso, eandem obtinere oculum in homine, vt minore mundo: quia est organum lucidissimum, eoque soli quam simillimum: & Hippocr. ait visum esse ex æthere, olfactum ex aëre; auditum ex igne; gustum ex humido; tactum ex terra l. de struct. hom. quod autem hoc ita sit, probatur primo, experimento, quo sæpe igniculi ex oculis scintillare videntur etiam noctu, vt contingit in multis, dum irascuntur: secundo, quia Arist. id testatur, cum oculus monetur, ac torquetur, ignis species eluces, ac prodit, quod in tenebris, vel palpebris obductis vsuuenit. Et infra: Quibusdam vulneratis in bello iuxta tempora, ita vt abscisissent meatus oculorum, accidit fieri tenebras, sicut lucerna extincta, eo quod quas laterna quedam, abscissum fuit perspicuum. Ibidem item concedit nullam esse corporis partem, quæ tardius, & minus quam oculus, frigoris incommoda sentiat. Priscianus Lydus in Theophr. hinc illud probat, quòd cū sentire sit quodammodo agere, itemque pati, in adpectu siue oculus agat, siue color, eò certè facilius futura est actio, quo maior inter oculum, & colorem naturæ communio intercedet. At colores sunt veluti flammula quædam, fulgorque à singulis corporibus emanans, vt docet Plato in Timæo.

l. 7. de decr.
Hippocr. &
Plat.

l. 10. de visu
part. 5.

Præterea Galenus testatur multos esse, qui noctu è somno expectecti patefactis repente palpebris magnam ante oculos lucem videre sibi viderentur. Et vidi ego aliquos, qui tantum luminis emittere aliquando solerent, vt aliquādiu clarè legere quæcumq; scripturam potuissent. Idem etiam Gal. asserit in suffusis saluam ad huc videndi vim existimari, si altero oculo clauso, alterius pupillæ foramen laxius appareret, quod à lucido spiritu ex oculo prodeunte dilatatio eiusmodi efficiatur. In Leonibus etiam, & Pardis, aliisque animalibus, quibus oculi lucent, noctu circa pupillam splendidum orbem apparere, vbi eum ad nares contorserint. His adde quæ de C. Mario, Tib. Cæsare Augusto, & aliis scribi solent, quòd se. eorum oculi, seu fulgetra coruscarent. Adde tandem quæ de oculis felium potest quisque singulis noctibus experiri.

l. 1. de visu.

Respondet Zabarella, lucere quidem oculos, sed luce aliena sicut vitrum, crystallum, &c. Contrà. Hæc solum emittunt lucem candidam, quia perspicua complanata sic radiant. Sed oculi rubeam, quod signum est ignis delitescitis. Secundo, vitrum non illuminat; illuminant oculi. Terrio, vitrum non splendet, nisi præsentè aliquo corpore lucido, at oculi noctu lucent, &c.

Dices, etiam quercum pultridam, & noctilucam lucere noctu: an propterea ignem continent? Resp. ex Zabar. cit. in iis esse parum opaci terrefactis, & plurimum aquæ, cui, inquit, commixtus est ignis, qui licet deficiat esse ignis, aliquid tamen sui splendoris reliquit. Ergo quo quidpiam plus lucet, eo id magis igneum est: at cur ignis esse deficiat? an quod in nullo mixto secundum substantiam amplius esse non possit? verum id falsum esse iam docuimus t. 5. c. 17. §. 3.

Propter hæc igitur? latonici volunt oculum esse ignem constructo-

nis: ignisque luculentam qualitatē, ut ait S. August. velut eliquari, ac
 subuolare in excelsum cerebri locum, tanquam in cœlum corporis nostri; unde ^{7. in gen.}
 de & radij emicant oculorum, &c. Hoc modo substantiā oculi talem sta-
 tuunt, quę sydeream imitetur: sicque lucida, transparens, compacta, &c.
 sed in primis solaris luminis capax: cuique assint iugiter spiritus sub-
 tilissimi, calidi, lucidique, nec non & sicci: quorum virtute ipsa obiecti
 species, siue imago in organo recepta, cum adhuc corporea sit, repur-
 getur, & mirabili quodam modo in incorpoream commutetur, talisque
 ad animum tanquam ad iudicem ab ipsis spiritibus, quasi sensus in-
 temunciis deferatur. Ideo necuis opticeis, in quibus hi vigent maximē,
 oppilatis, aut stupefactis, licet cœtera sana sint, visio impeditur.

At ex altera parte Aristoteles Democriti partes aduersus proprium
 præceptorem tuetur: & oculum esse aqueum hisce potissimum argu-
 mentis conatur demonstrare: primo, quod defluit ex oculis cum læsi sunt,
 aqua planē videtur. Secundo, si oculus ignis esset, cur etiam in tenebris
 non cerneret? nam ad speculum extinguī dicere in tenebris, cum exiit, id quod ^{lib. de sensu.}
 Timæus affirmat, prorsus nihil est, quā enim extinctio luminis est? omne enim ^{& sensib. c. 2.}
 quod calidum & siccum est, vel humore, vel frigore extinguitur, ut ignis qui
 in prunis est, & flamma; quorum neutrum lumini contingit. Quod si forte
 id contingit, sed propter paruitatem id nos fugit: profecto & interdū, & in
 aqua extingui lumen oporteret: & cum gelu omnia obrigescunt, maximē te-
 nebras existere.

Verū ad hæc Responderi potest pro Platone, quodd ignis, quo con-
 stant oculi, lenis admodum sit instar ætheris; actalis naturæ, ut non à
 contraria qualitate, expugnetur; sed sola subiecti opacitate dissipetur,
 quemadmodum lumen.

Interim Iacobus Carpentarius in Alcibiades. cap. 15. Platonem cum Ari-
 stotele sic nititur conciliare, ut Platonem velit de solis spiritibus intel-
 ligi: Aristotelem verò de humore crystallino: atque ita verum esse, quodd
 spiritus sint ignei; humor verè ille aqueus: id quodd etiam potest ex ip-
 so Galeno confirmari. Quamquam enim is lib. de decr. Hipp. & Plat.
 defenderit contra Aristotelem oculi naturam esse igneam, tamen lib.
 10. de visu partium affirmat eam esse aqueam, propter humores, quibus
 oculus abundat.

Defendi sane id potest probabiliter, tamen si reuera dici possit etiam
 ipsam oculi substantiam ex naturali sua constitutione igneā esse. Primo,
 quia si solum ratione spirituum scintillaret, cur non etiam audiret, & alij
 sensus similiter promicaret? an non iis quoque seruiūt spiritus calidi? at
 forte non tam ignei: ergo naturā suā oculos spiritus magis igneos exi-
 git? quare, nisi ob conformitatem, & sympathiam? Secundo, quia humor
 ille crystallinus, ex quo præcipuè natura oculi pensanda est; non est ve-
 rè aqueus: sed solidus, durus, albicans, ac splendidus, & quidem adeo ut
 reliquas quoque oculi humores illustret: unde ipsemet Zabarella fate-
 ri esse videtur, ac in eo aliquid ignis inesse, licet aqua, inquit, prædomi-
 nat. At quidni potius prædominabitur ignea qualitas in aquea per spi-

cuitate? hoc profecto potius videtur exigere ipsa natura lucis, cui debet plurimum conformari. Deinde idem visus est aliquando Aristoteles ipse tenuisse: vlt. enim problem. ait *oculum esse ignem*: neque loquitur de spiritibus. *Deca*, Aristoteli non esse credendum, cum non ex professo aliquid profert. Egregiam sane laudem pro tanto Philosopho! vitur, inquires, communibus sententiis in exemplum, scpe non vetis: bene est. Ergo communis ante ipsum hæc fuit sententia, atque non sine causa.

Dices denique organū visus esse oportere in potentia solum id, quod color est actu: at non potest esse in potentia color, nisi sit actu sub opposito coloris, & consequenter actu aqueum, Resp. Inde inferri, potius id debere esse aëriū: quia aër magis est in potentia ad colorem, ut pote magis perspicuus. Resp. ergo organum affici debere vltima dispositione ad actum coloris exprimendum, quæ sane à temperata lucis, ignisve participatione pendet, uti à principio proximo.

Hic modo quæritur, quodnam sit proprium subiectum visionis: multi enim multa in hoc propositum adducunt: sed ne furfuribus pascamur. Resp. *pr. mō*, haud satis congruè id quæri: siquidem visio non in organo propriè, tanquam in subiecto recipitur, sed in anima. Est enim actus vitalis, & consequenter spiritualis, saltem apud nos. Ergo solum in anima potest recipi: idemque proportionem seruata dicendum erit de cæteris. *Secundo*, cum ad sensationem requiratur iudicium, & perceptio rei sentiendæ; ac præterea eiusdem assimilatio, siue perfectissima impressio virtutis obiectiuz edita in organo. Quoad iudicium, & perceptionē admodum probabile est vtrumque exerceri per organum sensus communis, quod est in cerebro: nam ideo sensuum instrumenta eò desinunt: impressionem verò, quam assimilationē vocant, fieri in humore crystallino credederim. Ita enim Galenus, docēs huius humoris gratia cæteras oculi partes esse factas, ut illum vel alant, vel contineant. *Lucidum enim inquit id esse, purum, & splendidum, quod facile, & sincere à coloribus alterandum est, quia simile simili est familiare*. Ita Vitellio, Alhazen, & Aguilonius excellentissimi Optici. Ratio præcipua est, quia cum à quolibet obiecti puncto infiniti radij profiliant, etiam inde in externam oculi superficiem tot affluunt: quot in ea sunt puncta: ita summā confusio huiusmodi radiorum visualium fieret, nisi centrum esset aliquod, in quod à quolibet obiecti puncto vnicus solū radius desinat, per quem illud distinctè videatur. At tale centrum est in ipso medio crystalloidis. Idem tuetur Aristot. 1. de gen. anim. cap. 5. & 1. de hist. anim. cap. 9. &c.

Zabarella vltà crystalloidem ait esse humorem vitreum satis profundum, ut radij promicantes ex obiectis, quæ pyramidis apicem pupillæ insigunt, ad tunicas interiores coloratas non pertingant: sed exinaniantur, ac dispereant in vitro: quia alioquin reflecterentur, & reflectione sua colores tunicæ reūbrarent in oculum, vnde visio impediretur.

Interim nosse quoque oportet antiquis quibusdam Platonice visum fuisse, quod illa similitudo recipiatur in actu vitali animæ, quæ scilicet et corpori vitaliter, atque animaliter copulatur: supponunt enim.

mam non formari ab obiectis, sed habere secum rationes rerum sentiendarum, quas, dum coextenditur corpori, è statu potenciali reducit in actualem: Anima, inquit Priscianus, propterea dicitur rei sentienda species possidere, quòd illius proferat rationem: nec ullò modo tanquam ab illa de anima formam aliquam velut à sigillo suscipiens. Ratio permanet intus, & essentialis est anima: vita verò quæ complet animal, à rationibus quidem dependet essentialibus insuspena: secundum vero extensionem quandam ad corpus subsistit: & hæc quoque sensualis est. & terminus, perfectioque animalis: quocirca in hac vita rei sentienda similitudo perficitur. In instrumento autem est imperfecta, atque cum passione miscetur actio: & passio quidem incidit ab externis: actio vero procedit à vita. Item species quidem in vita est animalis: iudicium vero, cogitatioque in ipso rationis actum consistit. Sunt tamen alij, qui putant in spiribus, alij in nervis principalem organi immutationem, è qua resultat sensus agnitio, contingere. Aguilonius suprà cit. lib. 1. licet admittat principium visus fieri in crystalloide, tamen prop. 27. maxime illum ait fieri in ea nervi optici parte, quæ aranea dicitur: quia, inquit, in eamaximè fit visio, quod maxime patitur: sed talis est eiusmodi nervus. Ergo. Verum non hic de passione solum agitur: nam hoc ad genericam tactus rationem, quæ omnibus sensibus communis est, pertinet: sed distincta, & vitalis obiecti assimilatio, siue ultima energix obiectivæ impressio per distinctam radiorum eius terminationem attendenda est: quæ maxime fit in crystalloide: ideo prima expositio mihi probabilior videtur. Cæteraque potius crediderim esse instrumenta huius principalis impressionis edendæ: non vero subiectum: summum aranea potest utilis esse ad actionem obiecti forte roborandam, & intendendam: quod facile concedetur.

Sed Dices, cum geminus sit humor ille crystallinus, duplex quoque imago sigillabitur: cur ergo duplex visio non fiet? Resp. huius quæstioni declarationem evidentius apparituram, cum sequentes difficultates expenderimus.

§. 2.

De obiecto visus.

NEMIT dubium est duo præcipuè, visum movere, lucem scilicet & colorem: ex quibus vnicum resultat obiectum adæquatum: color illustratus, siue lux colorata: neque enim color ullus sine lumine: neque lux sine colore aliquò cernitur. Ideo lux merito quasi ratio formalis, quæ, quid visibile efficitur: color verò, ut res quæ visibilis est, considerantur. Neque opus est, ut in his diutius immoremur: difficior imminet quæstio, quid sit color.

De hoc enim diuersa sensere Philosophi. Alij enim nihil eum, nisi externam, & apparentem corporis superficiem esse dixere: alij atomorum nescio quam modificationem, quæ ineffabili battologia explicabatur: & reperit modo aliquos alioquin doctos, qui talia de coloribus com-

miniscuntur, ut ineptius nihil, nihilque fabulosius fingi queat: quibus omiſſis ſolum venio ad ſolidiores opiniones, quæ duæ ſunt: altera Platonis; Ariſtotelis altera: ille voluit colorem eſſe lucis participationem in corpore perſpicuo terminato, ſeu ſtammulam è ſingulis corporibus emanantem. Hic verò, ſolum dixit eum extremitatem eſſe perſpicui in corpore terminato. Haſ nos explicare oportet: ſed quia tria ſimul inuoluuntur, nempe *lumen, perſpicuum, color*: ſingula paucis explicemus.

Ep. 1. ad V.
luſitanum.

De lumine iam abunde multa diximus in lib. de Cælo cap. 13. & in meteor. cap. 12. §. 1. ſolumque pauca ſubnotauero: primum eſt lucem, à qua promicat lumen, ſumi ſolere duobus modis: primo prout eſt proprietates corporis lucidi; & ſic eſt qualitas: ſecundo pro ſubſtantia, cuius eſt proprietates; ſicut humor aliquando pro aqua; aliquando, pro eius proprietate uſurpatur: quo etiam modo ſolet ſubſtantia ſubtilis intelligi. In eo igitur ſecundo ſenſu inuenies aliquando lucem accipi, ut quando D. Auguſt. ait hominum ſenſus nihil poſſe cogitare niſi corpora, ſive iſta graſſiora, ſicut ſunt humor, aut humus; ſive ſubtiliora, ſicut aër, & lux: ſed tamen corpora. Vnde quidam olim exiſtimauere lucem eſſe formam ſubſtantialem corporis omnium nobiliſſimi, cuius participatione maiori, vel minori corpora eſſe nobilius, aut vilius ſortirentur. Ideoque empyreum totum ex luce; terram verò, fere totam ſine luce exiſtere: cætera ex his plus, minusve conſtare. Quod verò nihil ſit experts lucis, inde probari poſſe, quod nullum ſit corpus opacum, quod ſi multum expoliatur, lucidum non euadat. Hanc opinionem citat, & probabilem æſtimat S. Bonauent. & ſubdit hæc; ſicut lux incorporata eſt principium coloris in ipſo corpore terminato, qui quidem color eſt acci-dens, & paſſibilis qualitas; & ſenſu percipitur: ſic etiam in corpore lu-minoſo eſt principium cuiusdam fulguris, qui ad modum coloris eſt acci-dens, &c.

in 2. d. 13.
q. 1. g. 1.

lib. 2. cap. 7.
& 9.

Secundo notari velim ab eodem Seraphico Doctore lumen, quod è luce fulgurat ſic optimè declarari: *Lumen*, inquit, *in medio dicit virtutem actiuam egredientem à corpore lu-minoſo. per quam corpus lu-minoſum agit, & imprimit in hæc inferiora, & hæc eſt virtus ſubſtantialis ipſi corpori. Et de hac dicit D. Damasc. quòd lumen quod eſt ex igne, non eſt aliquid miniſteriale ipſius ignis, vel accidentale: ſed virtus ei con-naturalis, & conſubſtantialis, &c. nimirum, ut Platonici dicunt: ſed etiam dicit quandam qualitatem ſenſibilem, qua ſenſus viſus efficitur ſentiens in actu, & illa eſt qualitas acci-dentalis, in tertia ſpecie qualitatatis, &c. Hinc ait lumen ad aërem compara-ri non ſicut ad primum ſubiectum, ſed ſicut ad deferens, & ad medium unde lumen in medio non habet principium materiale ex quo, ſed potius origi-nale, à quo ſluit. denique pauld inferiùs diſtinguit lumen ab acci-dente naturali, quia iſtud ſuſtinetur, & dependet ab eo. in quo eſt principaliter, & ei coniungitur inſeparabili vinculo. Lumen verò quamuiſ ſit in aëre, cauſa-tur à corpore lu-minoſo, & ab illo principaliter dependet: nec eſt in aëre ſicut in ſuſtentante, ſed ſicut in deferente: & ideo durationem, & mutationem, & numerationem potius recipit à lucido inſtante, quam ab aëre ſuſcipiente. Hæcenus D. Bonauentura luminis naturam explicare conatus eſt modo*

facis consentaneo iis, quæ iam alius diximus, cum autem negat omnino lumen ex aëre tanquam è principio materiali educi: solum vult principaliter pendere à lucido: atque ab eo iugiter fluere: ideoque non sortiri aliquod esse fixum in subiecto: vti diximus lib. de Cælo cap. 13. vide quod diximus suprâ cap. 17. §. 3. ex Prisciano.

Perpicuum 2. de anima definitur corpus transparentis, non coloratum ex se, sed aptum ad recipiendos omnes colores. Huius formale dicitur lumen: hoc enim definitur *altus perspicui*, materiale est corpus lumini peruium, ut aqua & aër. Est autem duplex perspicuum; unum indeterminatum, quod propriis caret terminis, sicut aër & aqua. Alterum est terminatum, quod suis figuris, & terminis definitur, ut solida, quæ lumen solum recipiunt in extrema superficie, non quidem mathematicè indiuisibili, sed physicè: ita ut parua diuisibilitas reputetur pro nulla. Terminari autem potest perspicuum, vel ob solam partium condensationem sub raritate, quæ sit qualitas. Sic alstra sunt corpora perspicua terminata: vel per immixtionem corporis opaci, ut fit in speculis. Hæc iterum mixtio dupliciter fit, vel cum corruptione elementorum, quæ miscentur, ut fit in mixtis: vel ita ut quædam elementata immisceantur elementis perspicuis absque corruptione: quod quoties contingit, perspicua ex huiusmodi accessione opaci fiunt alba, vel circiter: ut aqua congelata, & nix: iis enim admiscentur aliqui fumi, seu halitus terrestres, quamquam rarissimi. Dum corrumuntur elementa, mixtum suscipit diuersos colores: sed tunc semper aliquid lucis igneæ cum opaco terreo, & perspicuo aërio, vel aëreo temperatur: & ex varia horum symmetria diuersæ colorum species resultant: vti mox exponemus. Si verò igni admisceatur leuis opacitas emittet candorem splendens, ut flamma; si maior: rubet ut carbo.

Hinc facile discemus, quid sint colores, & quomodo fiant. Cum enim ex dictis pateat corporibus omnibus lucem quandam, siue magnam, siue parvam insitam esse, hæc certè conspicua, siue colorata efficere valet corpora, quibus inest: Ideo color rectè definiri potest *flammula*, id est, splendor è singulis corporibus procedens, quæ visui accomodata sit: còque respexit Auicenna, cum definiuit colorem *qualitatem, quæ percipitur ex luce*. Quamobrem melius putauerim sic definiri, quam dum dicitur *extremitas perspicui in corpore terminato*: nam vel colores sunt formaliter completi sine lumine: vel lumen est forma colorum: si secundum, debuit hoc exprimi in definitione: & præterea poterit esse huiusmodi extremitas sine colore, ut in tenebris: ergo tota definitio subsisteret sine natura rei definitæ: Si primò, reuera erit color etiam in profundo corporum: & an non internæ partes mali granati rubræ sunt? an non trans corpora diaphana intus videtur alius color? scio Zabarellam respondere non esse colorem, nisi qui externæ superficiæ suffunditur: in exteris verò partibus inesse quidem potestate colorem, at non actu: sed quid de iis coloribus, qui trans perspicua collucunt? apparentes inquit, sunt; nos de veris & realibus loquimur: sed quid si non differant formaliter?

& sane quī poterunt differre, si lumine ambo finiantur? aut si veri colores sine lumine formalem habent coloris essentiam, cur non internæ malignatæ partes actū ruber dicendæ erunt? Sed questio hæc haud levis est: paulò copiosius est discutienda.

2. l. de anim.
lect. 19.

Quæritur ergo utrum color formaliter per lumen constituatur: communis sententia recentiorum id negat: secus verò id affirmant antiqui: Avicenna, Avempace, Albertus, &c. volebant colorem nihil aliud esse, quam participationem lucis in perspicuo terminato: siue lucem refractam, & diuersimodè participatam. D. Thomas idem sentit, dum ait colorem nihil esse, nisi lucem obscuratam ex admixtione corporis opaci. Addit tamen Albertus præter formale coloris, quod est lumen, præsupponi debere dispositionem quandam resultantem ex mixtione primarum qualitarum, nimirum ex igneæ luce, perspicuitate aqueæ, vel æthereæ, & opacitate terrena: eam autem dispositionem vult esse qualitatem, eamque permanentem. Ita quoque lauellus, & Zabarella.

in 2. de anima
lib. 1.
de visu.

CONCLUSIO. Probabilius est colorē formaliter constitui lucis participatione, ut verè sit lux participata in perspicuo apto ad mouendum visum. Probaturs; primo, ex Aristot. qui lib. de sens. & sensat. ait, quemadmodum in aëre hoc quidem lumen est, hoc tenebra; sic & in corporibus album, & nigrum. q. d. præsentia luminis in corpore terminato creari albedinem, absentia verò, nigredinem. Idem docet S. Th. lect. 6. in 3. meteor. ubi probat colores iridis habere essentiam & formam veri coloris, licet secundum esse debile. Quia, inquit, in iride actū concurrunt omnia principia coloris secundum veritatem: scilicet perspicuum aliquo modo terminatum in ratione materiae, & lumen ibi existens actū in ratione forme.

2. l. de anim.
cap. 7.

Secundo, quia color ab eodem definitur motuum perspicui secundum actum suum. q. d. colorem esse formaliter id, quo potentiam habet visum immutandi. Atqui hoc non est aliud quam lumen: ab eo enim solo color habet, ut sit visibilis. Confirmatur, quia ex eodē color est perse ac per essentiam visibilis. Ergo quidquid est perse visibile, est essentialiter color. Atqui lumen in opaco est perse visibile. Ergo est essentialiter color.

Tertio, in quibusdam corporibus non terminatis, ut nubibus sola præsentia luminis creat albedinem; eiusdemque absentia nigredinem. Ergo quidni etiam in terminatis? præterea luna est perspicuum terminatum, sed constat sola luminis lunaris præsentia resultare in ea candorem. Item cum parum de vino rubeo infunditur in puro vitro, sol penetrans vitrum, generat in fundo albedinem: si verò multum infundatur, albedo in fundo non amplius micabit. Quare? quia lux penetrare non potest, ut in fundo refringatur, aut dilatetur.

Dices, hosce colores esse solum apparentes: contra, quidquid est verè visibile, est verè color: alioquin videretur aliquid reuera carens ratione constitutiva obiecti visibilis: sed illi colores, quos vocas apparentes, verè ac realiter visibiles sunt. Ergo,

Verum è contrariè multa obiciuntur: primo, omnis participatio a-

cis splendet: sed non omnis color splendet: &c. Ergo. *Secundo*, color & lux en sunt species dispartæ. Ergo vna non potest definiri per aliam. *Tertio*, omne lucidum etiam noctu cernitur, vt oculi felis, noctiluca, &c. sed color noctu non cernitur: Ergo. *Quarto*, color est qualitas orta ex mixtione primarum; non lumen. *Quinto*, idem nequit dare essentiam duobus contrariis: at album & nigrum sunt contraria: ergo nequeunt ab eadem luce opposita sortiri naturam: *confirm.* contraria contrariis principiis formalibus constituuntur, sed lumen non est luminis contrarium: ergo lumen non potest esse principium formale albi, & nigri. Denique colores manent: absurdum enim esset absente lumine omnia esse pariter coloris expertia: hoc enim perinde esset, ac si quis diceret omnia musica instrumenta fistulas scilicet, lyras, cymbala, &c. donec situs, aut pulsus aduenerit ex aquo esse insonora.

R. hæc minime vrgere, si naturam coloris exactè nouerimus: est enim qualitas, siue perfectio corporum, qua videlicet ipsa proximam potestatem habent terminandi visum. Quæ quidem potestas ulterius exigit actum illuminationis, vt actu queat organum visus mouere: vt inde intentio excicetur. Quamobrem color per se distingui debet ab actu illuminationis: tamen quandoque eodem actu constituitur in esse coloris, quo fit actu motuius organi visui: hoc autem sic explicatur: suprâ distinximus lucem à lumine: diximusque omnia corpora lucis aliquali participatione pollere: distingui ergo debet lux interna, (quæ qualitas quædam ignea est aliquali opaco immixta:) à lumine, quæ actus est diaphani. Quandoque autem lux illa intrinsecè participata ita debilis est, vt nequeat mouere visum nisi corroborata externo lumine, & hæc constituit colores permanentes: aliquando ita viuax, & intensa, vt sola sufficiat, vt in carbone, oculo felis, &c. aliquando nulla, vel fere nulla lux interna est: cùm tamen reliqua contèperatio perspicui cum opaco subiaceat, & tunc adueniens lumen, vtrumque præstat; vim terminandi, ac specificandi visionem conciliat, vnde fit color; & actum insuper mouendi organum effert, vt in nubibus, collo columbæ, &c. In quibus meminisse oportet, quod diximus in meteor. cap. 22. §. 1. scil. diuersas reflexiones, seu refractiones æquiualeere posse opaco. Quo fit, vt ex diuerso adpectu diuersi colores appareant.

Hæc confirmantur ex D. Th. in 3. meteor. lib. 6. vbi colores apparentes distinguit à permanentibus ex eo solùm, quòd illi proueniant ex lumine quodammodo extrinsecus solùm, & secundum diuersos situs in-
eidente: isti verò ex lumine intrinsecò, & fixo.

Hinc ad argumenta Resp. ad primum nego Ma. sola enim ea splendent corpora, quæ rara sunt, quibusque cum tenuitate partium insunt pori recti & æquales: alioquin si obliqui, confusi & inæquales, haud radiant.

Ad secundum, Resp. verum esse Antecedens de colore, & lumine externo, falsum de luce interna.

Ad tertium, Resp. nego Ma.

CAPVT XVIII. DE VISV.

§. I.

Quodnam sit eius organum.

PLATO in Timæo sic oculorum, ac visus naturam explanat. Ex omnibus, inquit, faciei partibus primi Luciferi oculorum orbis coruscant, hac causa dati; ignis certe illius, qui non urit quidem, sed illuminando suauiter diem inuehit mundo, participes oculorum orbis dii fecerunt. Intimum siquidem nostri corporis ignem huius ignis germanum, sincerumque per oculos emanare voluerunt, in quibus lenis, congestusque ubique ignis huiusmodi sit: sed per eorum duntaxat solidiorem, angustamque medietatem ignis purior euolet, crassior verò cohibeatur. Ita oculos planè igneos efficit: Aristoteles contra organum videndi potius aqueum facit. Prius autem quam soluamus hoc dubium, videndum est breuiter, quænam sit oculi constitutio naturalis.

In primis constat tres esse in oculo humores, vnum qui crystallinus dicitur; alterum vitreum; tertium aqueum, seu albugineum. *Primus* est instar glaciæ purissimæ lucidus, ac consistens: secundus est instar vitri liquescenti, clarus quidem ac albus: tertius fluxus ac humescens.

Hi autem sic disponuntur: in centro rotundi oculi est ipse crystallinus, quoque rotundus: cuius media pars ad cerebrum vergens tegitur humore vitreo: altera medietas tegitur tunica, quam vocant *araneam*, quia subtilissima est, ideoque pellucida, quamquam & fortissima: hæc separata, si super opacum ponatur, speculum efficit. Pupilla igitur hanc cum crystallino complectitur.

Præterea neruus vocatus opticus, (eò quod visui seruiat:) è cerebro ad oculum venit per foramen, quod est in concavitate caluarie: & quando est propè humorem vitreum, degenerat à natura nerui; ac dilatatus ambit eiusmodi humorem vsque ad extremitates tunice araneæ, ipsam interim non ambiens araneam quoad vllam partem. Hoc integumentum, tunica retinea dicitur, quod simile sit reti, utpote variis arteriis distinctum: quæ spiritus & sanguinem deferunt ad humorem hunc nutriendum.

Neruus opticus procedit à cerebro circumdatus duabus tunicis existentibus inter cerebrum & os caluarie: datur & alia pellicula, quæ dicitur tunica vasa totum ambiens oculum, excepto foramine, quo via patet à crystallo ad obiecta. Ea nigra est instar vutæ: altera insuper pellicula dilatatur circa totum oculum, & dicitur cornea, media sui fere versus

obiectum transparens: estque fortissima, ita vt in laminas, vt & cornu, diuidi queat aliquando dicitur maior iris oculi, habetque diuersos colores in diuersis, & solis hominibus ex Aristotele. Est autem fortis, quia debet tueri reliqua, quæ sunt in oculo, ipsa existens extrema: Ab aranea vsque ad corneam & vteam extenditur humor albugineus: ibi enim est quoddam spatium, cum vtea sit amplior aranea: humor autem hic sustinet partes vteæ: humectat etiam crystallinum, & tunicam araneam: præterea tunica exterior capitis dicta pericranium extendit sese per oculum: estque pinguis & calida, vt eum foueat; ac proinde vocatur consolidatiua, coniuncta, adunata, nec non tunica alba: addunt alij vnam aliam tunicam supercilianam ab extremis araneæ ad vteam, expocretam. Toleus ait esse potius venulas, quæ deferant alimentum ab vtea ad araneam.

Huic tunicæ albæ coniunguntur sex musculi, per quos spargitur nervus alius distinctus ab optico proveniens à cerebro per foramen calvarie, quod paululum ad satus declinat: cum opticus per foramen directè oppositum centro oculi ferri describatur, per eum autem communicantur spiritus, uti & per hoc foramen laterale veniunt lacrymæ inter tunicam albam, & palpebras, atque adeo extra oculum.

Per hosce musculos oculus sex motibus cietur, duo recti sunt, vnus sursum, alter deorsum: duo semicirculares nempe cum versus cælum rotantur, aut cum versus terram: duo reliqui sunt obliqui: vnus ad nasum, alter ad oppositū. Hæc autē omnia geminātur in habētibus duos oculos.

Quamobrem duo sunt nervi optici vnus scilicet pro vno quoque oculo: sed ita primum sibi mutuo accedunt, vt in vnum desinere videantur, & cōiūri: ac deinde rursus diducuntur; & quisque ad suum oculum pergunt: adeo vt dubitatum fuerit, vtrum in formam litteræ X. decussentur: nervus scilicet vno transeunte à parte dextra cerebri in sinistrum oculum: & altero à sinistra in dextrum: an verò solum contingant sese, ac denuo reducantur in oculum collateralem dexter ad dextrū; & sinister ad sinistrum: hoc tamen secundum videtur verius; sic tamen vt medulla vnus cum alterius medulla, quodammodo misceatur, possitque spiritus ab vno nervo in alterum fluere: vnde si vnus oculus laesus fuerit, licet optimè clausus teneatur, actio luminis per alterum suscepti, in hunc transmeat, & dolorem affert.

Musculi etiam adeo sunt inter sese connexi, vt vnus moveri nequeat, quin alij quoque congrua flexione adducantur: Rursus æquè semper necessariò distant, vt videlicet ambæ pupillæ eadem proportionē indivisibili obiecti motionem excipiat, quæ requiritur, vt vnum obiectum semel videriqueat: vnde si hanc proportionem paululum immutaveris, oculos vi aliqua distorquendo, tunc idem obiectum duplex apparebit, duasque visiones mutuo sibi non communicantes exeret: sicut dum decussatis digitis, videmur palpare duas nuces, cum vnam duntaxat contingamus.

His positis ad propositam quæstionem veniamus, nimirum an orga-

l. 3. de visu
part. 6. 10.

num visus sit aqueum, an verò igneum.

l. de sensu.

In primis Galenus scribit, quam rationem habet sol in vniuerso, eandem obtinere oculum in homine, vt minore mundo: quia est organum lucidissimum, eoque soli quam simillimum: & Hippocr. ait visum esse ex æthere, olfactum ex aëre; auditum ex igne; gustum ex humido; tactum ex terra. l. de struct. hom. quod autem hoc ita sit, probatur primo, experimento, quo sæpe igniculi ex oculis scintillare videntur etiam noctu, vt contingit in multis, dum irascuntur: secundo, quia Arist. id testatur, cum oculus monetur, ac torquetur, ignis species eluces, ac prodit, quod in tenebris, velpalpebris obductis vsuuenit. Et infrà: Quibusdam vulneratis in bello iuxta tempora, ita vt abscississent meatus oculorum, accidit fieri tenebras, sicut lucerna extincta, eo quod quasilaterna quadam, abscissum fuit perspicuum. Ibidem item concedit nullam esse corporis partem, quæ tardius, & minus quam oculus, frigoris incommoda sentiat. Priscianus Lydus in Theophr. hinc illud probat, quòd cū sentire sit quodammodo agere, itemque pati, in adpectu siue oculus agat, siue color, eò certè facilius futura est actio, quo maior inter oculum, & colorem naturæ communio intercedet. At colores sunt veluti flammula quædam, fulgorque à singulis corporibus emanans, vt docet Plato in Timæo.

l. 7. de decr.
Hippocr. &
Plac.

l. 10. de visu
part. 1.

Præterea Galenus testatur multos esse, qui noctu è somno experrecti patefactis repente palpebris magnam ante oculos lucem videre sibi viderentur. Et vidi ego aliquos, qui tantum luminis emittere aliquando solerent, vt aliquandiu clarè legere quæcumq; scripturam potuissent. Idem etiam Gal. asserit in suffulis saluam adhuc videndi vim existimari, si altero oculo clauso, alterius pupillæ foramen laxius appareret, quod à lucido spiritu ex oculo prodeunte dilatio eiusmodi efficiatur. In Leonibus etiam, & Pardis, aliisque animalibus, quibus oculi lucent, noctu circa pupillam splendidum orbem apparere, vbi eum ad nares contorserint. His adde quæ de C. Mario, Tib. Cæsare Augusto, & aliis scribi solent, quòd se. eorum oculi, seu fulgetra coruscarent. Adde tandem quæ de oculis felium potest quisque singulis noctibus experiri.

l. 1. de visu.

Respondet Zabarella, lucere quidem oculos, sed luce aliena sicut vitrum, crystallum, &c. Contrà. Hæc solum emittunt lucem candidam, quia perspicua complanata sic radiant. Sed oculi rubeam, quod signum est ignis delitescens. Secundo, vitrum non illuminat; illuminant oculi. Tertio, vitrum non splendet, nisi præsentè aliquo corpore lucido, at oculi noctu lucent, &c.

Dices, etiam quercum pultridam, & noctilucam lucere noctu: an propterea ignem continent? Resp. ex Zabar. cit. in iis esse parum opaci terreftris, & plurimum aquæ, cui, inquit, commixtus est ignis, qui licet desierit esse ignis, aliquid tamen sui splendoris reliquit. Ergo quo quidpiam plus lucet, eo id magis igneum est: at cur ignis esse desit? an quod in nullo mixto secundum substantiam amplius esse non possit? verum id falsum esse iam docuimus t. 5. c. 17. §. 3.

Propter hæc igitur Platonici volunt oculum esse ignem continuatio-

nis: ignisque luculentam qualitatē, ut ait S. August. velut eliquari, ac subuolare in excelsū cerebri locum, tanquam in cælum corporis nostri; unde & radij emicant oculorum, &c. Hoc modo substantiā oculi talem statuant, quæ sydeream imitetur: sicque lucida, transparens, compacta, &c. sed in primis solaris luminis capax: cuique assint iugiter spiritus subtilissimi, calidi, lucidique, nec non & sicci: quorum virtute ipsa obiecti species, siue imago in organo recepta, cum adhuc corporea sit, repurgetur, & mirabili quodam modo in incorpoream commutetur, talisque ad animum tanquam ad iudicem ab ipsis spiritibus, quasi sensus intemunciis deferatur. Ideo neruis opticis, in quibus hi vigent maximè, oppilatis, aut stupefactis, licet cætera sana sint, visio impeditur.

At ex altera parte Aristoteles Democriti partes aduersus proprium præceptorem tuetur: & oculum esse aqueum hisce potissimum argumentis conatur demonstrare: primo, quod defluit ex oculis cum læsi sunt, aqua planè videtur. Secundo, si oculus ignis esset, cur etiam in tenebris non cerneret? nam ad speciem extinguī dicere in tenebris, cum exit, id quod Timæus affirmat, prorsus nihil est, quæ enim extinctio luminis est? omne enim quod calidum & siccum est, vel humore, vel frigore extinguitur, ut ignis qui in prunis est, & flamma; quorum neutrum lumini contingit. Quod si forte id contingit, sed propter paruitatem id nos fugit: profecto & interdum, & in aqua extingui lumen oporteres: & cum gelu omnia obrigescunt, maximè tenebras exsistere.

lib. de sensu.
& sensib. c. 2.

Verū ad hæc Responderi potest pro Platone, quod ignis, quo constant oculi, lenis admodum sit instar ætherij: actalis naturæ, ut non à contraria qualitate, expugnetur; sed sola subiecti opacitate dissipetur, quemadmodum lumen.

Interim Iacobus Carpentarius in Alcibiades. cap. 15. Platonem cum Aristotele sic nititur conciliare, ut Platonem velit de solis spiritibus intelligi: Aristotelem verò de humore crystallino: atque ita verum esse, quod spiritus sint ignei; humor verè ille aqueus: id quod etiam potest ex ipso Galeno confirmari. Quamquam enim is lib. de decr. Hipp. & Plat. defenderit contra Aristotelem oculi naturam esse igneam, tamen lib. 10. de usu partium affirmat eam esse aqueam, propter humores, quibus oculus abundat.

Defendi sane id potest probabiliter, tametsi reuera dici possit etiam ipsam oculi substantiam ex naturali sua constitutione igneā esse. Primo, quia si solum ratione spirituum scintillaret, cur non etiam auditus, & alij sensus similiter promicarēt? an non iis quoque seruiūt spiritus calidi? at forte non tam ignei: ergo naturā suā oculos spiritus magis igneo exigit? quare, nisi ob conformitatem, & sympathiam? Secundo, quia humor ille crystallinus, ex quo præcipuè natura oculi pensanda est, non est verè aqueus: sed solidus, durus, albicans, ac splendidus, & quidem adeo ut reliquas quoque oculi humores illustret: unde ipsemet Zabarella fatebatur esse non tantum, ac in eo aliquid ignis inesse, licet aqua, inquit, prædominetur: at quidni potius prædominabitur ignea qualitas in aquea perspi-

cuitate? hoc profecto potius videtur exigere ipsa natura lucis, cui debet plurimum conformari. Deinde idem visus est aliquando Aristoteles ipse tenuisse: vlt. enim problem. ait *oculum esse ignem*: neque loquitur de spiritibus. *Deca*, Aristoteli non esse credendum, cum non ex professo aliquid profert. Egregiam sane laudem pro tanto Philosopho! vitur, iniquis, communibus lentis in exemplum, sæpe non veris: bene est. Ergo communis ante ipsum hæc fuit sententia, atque non sine causa.

Dices denique organum visus esse oportere in potentia solum id, quod color est actus: at non potest esse in potentia color, nisi sit actus sub opposito coloris, & consequenter actu aqueum, Resp. Inde inferri, potius id debere esse actum: quia aer magis est in potentia ad colorem, utpote magis perspicuus. Resp. ergo organum affici debere vltima dispositione ad actum coloris exprimendum, quæ sane à temperata lucis, ignisve participatione pendet, uti à principio proximo.

Hic modo quaeritur, quodnam sit proprium subiectum visionis: multi enim multa in hoc propositum adducunt: sed ne furfuribus pascamur. Resp. *pr. mo.* haud satis congruè id quaeri: siquidem visio non in organo proprie, tanquam in subiecto recipitur, sed in anima. Est enim actus vitalis, & consequenter spiritualis, saltem apud nos. Ergo solum in anima potest recipi: idemque proportionem seruata dicendum erit de cæteris. *Secundo*, cum ad sensationem requiratur iudicium, & perceptio rei sentiendæ; ac præterea eiusdem assimilatio, siue perfectissima impressio virtutis obiecti edita in organo. Quoad iudicium, & perceptionem admodum probabile est vtrumque exerceri per organum sensus communis, quod est in cerebro: nam ideo sensuum instrumenta eò desinunt: impressionem verò, quam assimilationem vocant, fieri in humore crystallino crediderim. Ita enim Galenus, docēs huius humoris gratia cæteras oculi partes esse factas, ut illum vel alant, vel contineant. *Lucidum enim inquit id esse, purum, & splendidum, quod facile, & sincere à coloribus alterandum est, quia simile simili est familiare*. Ita Vitello, Alhazen, & Aguilonius excellentissimi Optici. Ratio præcipua est, quia cum à quolibet obiecti puncto infiniti radij profiliant, etiam inde in externam oculi superficiem tot affluunt: quot in ea sunt puncta: ita summa confusio huiusmodi radiorum visualium fieret, nisi centrum esset aliquod, in quod à quolibet obiecti puncto vnicus solus radius desinat, per quem illud distinctè videatur. At tale centrum est in ipso medio crystalloidis. Idem tuetur Aristot., 1. de gen. anim. cap. 5. & 1. de hist. anim. cap. 9. &c.

Zabarella vltà crystalloidem ait esse humorem vitreum satis profundum, ut radij promicantes ex obiectis, quæ pyramidis apicem pupillæ insigunt, ad tunicas interiores coloratas non pertingant: sed exinaniantur, ac disperseant in vitro: quia alioquin reflecterentur, & reflectione sua colores tunica reuibrarent in oculum, vnde visio impeditur.

Interim nosse quoque oportet antiquis quibusdam Platonice visum fuisse, quod illa similitudo recipiatur in actu vitali animæ, quæ in se ipsa set corpori vitaliter, atque animaliter copulatur: supponunt enim,

mam non formari ab obiectis, sed habere secum rationes rerum sentiendarum, quas, dum coextenditur corpori, è statu potenciali reducit in actualem: *Anima*, inquit Priscianus, *propterea dicitur rei sentiende speciem possidere, quòd illi proferat rationem: nec vllò modo tanquam ab illa formam aliquam velut à sigillo suscipiens. Ratio permanet intus, & essentia- lis est anima: vita verò quæ complet animal, à rationibus quidem dependet essentialibus insuspen- sã: secundum vero extensionem quandam ad corpus subsistit: & hæc quoque sensualis est. & terminus, perfectioque animalis: quocirca in hac vita rei sentiende similitudo perficitur. In instrumento autem est imperfecta, atque cum passione miscetur actio: & passio quidem incidit ab externis: actio vero procedit à vita. Item species quidem in vita est animalis: iudicium vero, cogitatioque in ipsa rationis actû consistit. Sunt tamen alij, qui putant in spiribus, alij in nervis principalem organi immutationem, è qua resultat sensus agnitio, contingere. Aguilonius suprà cit. lib. 1. licet admittat principium visus fieri in crystalloide, tamen prop. 27. maxime illum ait fieri in ea nervi optici parte, quæ aranea dicitur: quia, inquit, in eam maxime fit visio, quod maxime patitur: sed talis est iusmodi nervus. Ergo. Verum non hic de passione solum agitur: nam hoc ad genericam tactus rationem, quæ omnibus sensibus communis est, pertinet: sed distincta, & vitalis obiecti assimilatio, siue vltima energiz obiectivæ impressio per distinctam radiorum eius terminationem attendenda est: quæ maxime fit in crystalloide: ideo prima expositio mihi probabilior videtur. Cætera quæ potius crediderim esse instrumenta huius principalis impressionis edendæ: non vero subiectum: summum aranea potest viliis esse ad actionem obiecti forte roborandam, & intendendam: quod facile concedetur.*

Sed Dices, cum geminus sit humor ille crystallinus, duplex quoque imago sigillabitur: cur ergo duplex visio non fiet? Resp. huius quæstioni declarationem evidentius apparituram, cum sequentes difficultates expendimus.

S. 2.

De obiecto visus.

NEMINI dubium est duo præcipuè, visum movere, lucem scilicet & colorem: ex quibus vnicum resultat obiectum adequatum: color illustratus, siue lux colorata: neque enim color vllus sine lumine: neque lux sine colore aliquo cernitur. Ideo lux merito quasi ratio formalis, quæ, quid visibile efficitur: color verò, ut res quæ visibilis est, considerantur. Neque opus est, ut in his diutius immoremur: difficior imminet quæstio, quid sit color.

De hoc enim diversa sensere Philosophi. Alij enim nihil eum, nisi externam, & apparentem corporis superficiem esse dixere: alij atomorum nescio quam modificationem, quæ ineffabili battologia explicabatur: & reperi modo aliquos alioquin doctos, qui talia de coloribus com-

miniscuntur, vt ineptius nihil, nihilque fabulosius fingi queat: quibus omiſſis ſolum venio ad ſolidiores opiniones, quæ duæ ſunt: altera Platonis; Ariſtotelis altera: ille voluit colorem eſſe lucis participationem in corpore perſpicuo terminato, ſeu ſtammulam è ſingulis corporibus emanantem. Hic verò, ſolum dixit eum extremitatem eſſe perſpicui in corpore terminato. Haſ nos explicare oportet: ſed quia tria ſimul inuoluntur, nempe *lumen, perſpicuum, color*: ſingula paucis explicemus.

De lumine iam abunde multa diximus in lib. de Cœlo cap. 13. & in meteor. cap. 12. §. 1. ſolumque pauca ſubnotauero: primum eſt lumen, à qua promicat lumen, ſumi ſolere duobus modis: primo prout eſt proprietas corporis lucidi; & ſic eſt qualitas: ſecundo pro ſubſtantia, cuius eſt proprietas; ſicut humor aliquando pro aqua; & aliquando, pro eius proprietate uſurpatur: quo etiam modo ſolet ſubſtantia ſubtilis intelligi. In eo igitur ſecundo ſenſu inuenies aliquando lucem accipi, vt quando D. Auguſt. ait hominum ſenſus nihil poſſe cogitare *niſi corpora, ſive iſta graſſiora, ſicut ſunt humor, aut humus; ſive ſubtiliora, ſicut aër, & lux: ſed tamen corpora*. Vnde quidam olim exiſtimauere lucem eſſe formam ſubſtantialem corporis omnium nobiliſſimi, cuius participatione maiori, vel minori corpora eſſe nobilius, aut vilius ſortirentur. Ideoque empyreum totum ex luce; terram verò, fere totam ſine luce exiſtere: cætera ex his plus, minusve conſtare. Quod verò nihil ſit expertus lucis, inde probari poſſe, quod nullum ſit corpus opacum, quod ſi multum expoliat, lucidum non euadat. Hanc opinionem citat, & probabilem æſtimat S. Bonauent. & ſubdit hæc; *ſicut lux incorporata eſt principium coloris in ipſo corpore terminato, qui quidem color eſt accidens, & paſſibilis qualitas; & ſenſu percipitur: ſic etiam in corpore luminoso eſt principium cuiusdam fulgoris, qui ad modum coloris eſt accidens, &c.*

Secundo notari velim ab eodem Seraphico Doctore lumen, quod è luce fulgurat ſic optime declarari: *Lumen*, inquit, *in medio dicit virtutem actiuam egredientem à corpore luminoso. per quam corpus luminolum agit, & imprimit in hæc inferiora, & hæc eſt virtus ſubſtantialis ipſi corpori. Et de hac dicit D. Damasc. quòd lumen quod eſt ex igne, non eſt aliquid miniſteriale ipſius ignis, vel accidentale: ſed virtus ei connaturalis, & conſubſtantialis, &c. nimirum, vt Platonici dicunt: ſed etiam dicit quandam qualitatem ſenſibilem, qua ſenſus viſus efficitur ſentiens in actu, & illa eſt qualitas accidentalis, in tertia ſpecie qualitatibus; &c. Hinc ait lumen ad aërem comparari non ſicut ad primum ſubiectum, ſed ſicut ad deferens, & ad medium unde lumen in medio non habet principium materiale ex quo, ſed potius originale, à quo ſuit. denique paulò inferiùs diſtinguit lumen ab accidente naturali, quia iſtud ſuſtinetur, & dependet ab eo, in quo eſt principaliter, & ei coniungitur inſeparabili vinculo. Lumen verò quamuis ſit in aëre, cauſatur à corpore luminoso, & ab illo principaliter dependet: nec eſt in aëre ſicut in ſuſtinente, ſed ſicut in deferente: & ideo durationem, & mutationem, & numerationem potius recipit à lucido influente, quam ab aëre ſuſcipiente. Hæcenus D. Bonauentura luminis naturam explicare conatus eſt modo*

Ep. 3. ad V.
Inſtantum.

in 2. d. 13.
a. 2. q. 2.

lib. 2. cap. 7.
& 9.

satis consentaneo iis, quæ iam alias diximus, cum autem negat omnino lumen ex aëre tanquam è principio materiali educi: solum vult principaliter pendere à lucido: atque ab eo iugiter fluere: ideoque non fortiri aliquid esse fixum in subiecto: vti diximus lib. de Cælo cap. 13. vide quod diximus suprâ cap. 17. §. 3. ex Prisciano.

Perpicuum 1. de anima definitur corpus transparentis, non coloratum ex se, sed aptum ad recipiendos omnes colores. Huius formale dicitur lumen: hoc enim definitur *actus perspicui*, materiale est corpus lumini peruium, vt aqua & aër. Est autem duplex perspicuum, solum indeterminate, quod propriis caret terminis, sicut aër & aqua. Alterum est terminatum, quod suis figuris, & terminis definitur, vt solida, quæ lumen solum recipiunt in extrema superficie, non quidem mathematicè indiuisibili, sed physicè: itavt parua diuisibilitas reputetur pro nulla. Terminari autem potest perspicuum, vel ob solam partium condensationem sub raritate, quæ sic qualitas. Sic alstra sunt corpora perspicua terminata: vel per immixtionem corporis opaci, vt fit in speculis. Hæc iterum mixtio dupliciter fit, vel cum corruptione elementorum, quæ miscentur, vt fit in mixtis: vel ita vt quædâ elementata immisceantur elementis perspicuis absque corruptione: quod quoties contingit, perspicua ex huiusmodi accessione opaci fiunt alba, vel circiter: vt aqua congelata, & nix: iis enim admiscuntur aliqui fumi, seu halitus terrestres, quamquam rarissimi. Dum corrumpuntur elementa, mixtum suscipit diuersos colores: sed tunc semper aliquid lucis igneæ cum opaco terreo, & perspicuo aërio, vel aëreo contemperatur: & ex varia horum symmetria diuersæ colorum species resultant: vti mox exponemus. Si verò igni admisceatur levis opacitas emittet candorem splendens, vt flamma; si maior; rubet vt carbo.

Hinc facile discemus, quid sint colores, & quomodo fiant. Cum enim ex dictis pateat corporibus omnibus lucem quandam, siue magnam, siue parvam insitam esse, hæc certè conspicua, siue colorata efficere valet corpora, quibus inest: Ideo color rectè definitur *flammula*, id est, splendor è singulis corporibus procedens, quæ visui accomodata sit: eoque respexit Avicenna, cum definiuit colorem *qualitatem, quæ percipitur ex luce*. Quamobrem melius putauerim sic definiti, quam dum dicitur *extremitas perspicui in corpore terminato*: nam vel colores sunt formaliter completi sine lumine: vel lumen est forma colorum: si secundum, debuit hoc exprimi in definitione: & præterea poterit esse huiusmodi extremitas sine colore, vt in tenebris: ergo tota definitio subsisteret sine natura rei definitæ: Si primū, reuera erit color etiam in profundo corporum: & an non internæ partes mali granati rubræ sunt? an non trans corpora diaphana intus videtur alius color? scio Zabarellam respondere non esse colorem, nisi qui externæ superficiiei suffunditur: in cæteris verò partibus inesse quidem potestate colorem, at non actu: sed quid de iis coloribus, qui trans perspicua collucunt? apparentes inquit, sunt; nos de veris & realibus loquimur: sed quid si non differant formaliter?

cis splendet: sed non omnis color splendet: &c. Ergo. *Secundo*, color & lumen sunt species disparatę. Ergo vna non potest definiri per aliam. *Tertio*, omne lucidum etiam noctu cernitur, vt oculi felis, noctiluca, &c. sed color noctu non cernitur: Ergo. *Quarto*, color est qualitas orta ex mixtione primarum; non lumen. *Quinto*, idem nequit dare essentiam duobus contrariis: at album & nigrum sunt contraria: ergo nequeunt ab eadem luce opposita sortiri naturam: *confirm.* contraria contrariis principiis formalibus constituuntur, sed lumen non est lumini contrarium: ergo lumen non potest esse principium formale albi, & nigri. Denique colores manent: absurdum enim esset absente lumine omnia esse pariter coloris expertia: hoc enim perinde esset, ac si quis diceret omnia musica instrumenta fistulas scilicet, lyras, cymbala, &c. donec situs, aut pulsus aduenerit ex æquo esse insonora.

R. hæc minime vrgere, si naturam coloris exactè nouerimus: est enim qualitas, siue perfectio corporum, qua videlicet ipsa proximam potestatem habent terminandi visum. Quę quidem potestas vlteriùs exigit actum illuminationis, vt actu queat organum visus mouere: vt inde intentio exciretur. Quamobrem color per se distingui debet ab actu illuminationis: tamen quandoque eodem actu constituitur in esse coloris, quo fit actu motuius organi visui: hoc autem sic explicatur: suprà distinximus lucem à lumine: diximusque omnia corpora lucis aliquali participatione pollere: distingui ergo debet lux interna, (quę qualitas quędam ignea est aliquali opaco immixta:) à lumine, quę actus est diaphani. Quandoque autem lux illa intrinsecè participata ita debilis est, vt nequeat mouere visum nisi corroborata externo lumine, & hæc constituit colores permanentes: aliquando ita viuax, & intensa, vt sola sufficiat, vt in carbone, oculo felis, &c. aliquando nulla, vel fere nulla lux interna est: cū tamen reliqua contēperatio perspicui cum opaco subiaceat; & tunc adueniens lumen, vtrumque præstat; vim terminandi, ac specificandi visionem conciliat; vnde fit color; & actum insuper mouendi organum effert, vt in nubibus, collo columbę, &c. In quibus meminisse oportet, quod diximus in meteor. cap. 2. 5. 1. scil. diuersas reflexiones, seu refractiones æquivalere posse opaco. Quo fit, vt ex diuerso ad spectu diuersi colores appareant.

Hęc confirmantur ex D. Th. in 3. meteor. lib. 6. vbi colores apparentes distinguit à permanentibus ex eo solū, quòd illi proueniant ex lumine quodammodo extrinsecus solū, & secundum diuersos situs incidente: isti verò ex lumine intrinsecò, & fixo.

Hinc ad argumenta Resp. ad primum nego Ma. sola enim ea splendent corpora, quę rara sunt, quibusque cum tenuitate partium insunt pori recti & æquales: alioquin si obliqui, confusi & inæquales, haud radiant.

Ad secundum, Resp. verum esse Antecedens de colore, & lumine externo, falsum de luce interna.

Ad tertium, Resp. nego Ma.

Ad quartum, Resp. colorem oriri ex commixtione primarum qualitatum per accidens, quatenus illa contemperatio lucis cum opaco in materia perspicua ex mixtione elementorū resultat: & etiam quia varia calidi, frigidiue actio in diuersa participatione humidi, & siccī varias species colorum inducit, vt dicemus inferius.

Ad quintum, Resp. idem comparatum cum diuersis diuersos effectus quidni efficiet? an non calor humoris, & siccitatis est causa? eadem ergo forma prout oppositis dispositionibus superuenit, habet rationē oppositi principij formalis, quoniā principium quodque dicitur in ordine ad effectū. Sic lux diuersimodē participata diuersam coloris speciem, imo & oppositam constituit.

Ad sextum, Resp. manere cum luce participata vt diximus.

§. 3.

De diuisione colorum.

QUæ qualitates abnegant difficillimè colorum species discernunt & communiter ad diuersam modificationem luminis accurrunt. Sed ita modificationes modificationum innumeras superadstruunt: lumen enim non aliter putant euenire nisi modificatione vel atomorum, vel corpusculorum. Quomodo ergo ea modificatio iterum aliter modificabitur? Et cum in corpusculis non agnoscant nisi magnitudinem, figuram, motum, & pondus: Hæc quatuor vltimè determinata sunt in lumine; Quomodo iterum determinabuntur? si magnitudinem spectes, illa corpuscula dicuntur esse omnium subtilissima: si figuram; ab aliis orbicularia, ab aliis acuta: si motum; velocissimus, ac rectus: si pondus, leuissimum; quid ergo superest? Alia, inquis, veniunt ad sensum circumrotando, & quasi arietando in aëre; & hinc fit albedo; alia sine huiusmodi circumductione, & fit nigredo: Egregium planè commentum! quis hoc nisi somnians possit fingere? Quæ causa tam multiplices motionis? Quæ ratio illud cōminisciendi? Quæ autoritas? Quod experientatum? Quæ demonstratio? Quid illa corpuscula sic arietabit in cerebro, quando somnando colores omnis generis videmus intueri? Mitto cætera, quoniam quæ sine ratione dicuntur, vel ea sola ratione firmissimè refelluntur, quod ratione careant.

Si tamen patrocinium quærent, aliquale ipsi à Platone possent mutuari, quod tamen non aduertunt: sic enim ipse in Timæo. *Quæ ab alijs delata partibus in adspæctum cadunt, partim minora, partim maiora, partim visus ipsius partibus equalia sunt: equalia quidē sentiri non possunt, quæ diaphana nominantur. Minora verò, aut maiora partim discernere, partim contrahere visum dicimus, instar eorum, quæ caliditate, vel frigiditate carnem, aut eorum, quæ attritionia, vel acumine, aut caliditate linguam contrahunt, vel discernunt: atque ea quæ visum sic afficiunt; alba, nigraue vocamus, quæ quidem passionis eorum sunt, quæ modo narrabam, et mox, quod*

visum disgregat, album; quod congregat, nigrum appellandum est. Hæc Plato more Democritico, vel potius Pythagoræo, ut pote sub persona Pythagoræ Philosophi loquens ait, an verò sincere, & sine ænigmate, haud affirmo. Crediderim tamen solum his verbis voluisse innuere, motionem acutiorẽ alterius ignis, i. lucis, quã visus dispergitur, ut mox ipse subdidit, aut obtusiorẽ, quã congregatur. Ita per corpuscula maiora intelligere possumus maximam opaci permixtionem; per minora, maximam lucis; per æqualia, talem, quã debetur perspicuo, & à qua ob perfectam conformitatem non alteratur organum visus, vnde nec intentio excitatur.

Sed videamus interim, quomodo colores procreantur: Cùm unus ignis, inquit Plato, velut è corruptione quadam exilit, & alter ingreditur, atque in humido extinguitur, multiplices ex hac commixtione colores creantur. Quasi dicat ex mixtione luminis externi cum luce interna humidi aquei conspersione temperata oriri colores: sic tamen ut ex magna luce albus; ex minima, niger, ex nulla, nullus color existat. Ex horum duorum commixtione alij medij sunt: ii que sunt numero quinque, nimirum ex albi, nigrique mixtione, rubeus; ex multo albo, paucoque nigro, flauus; ex maiori rubri, quàm albi portione, croceus; ex maiore albi, quàm rubri participatione, viridis; ex multo rubro, & pauciori nigro, purpureus. Ex his aliz multæ subdivisiones, & species colorum subnascuntur: prout maior, aut minor dictorum participatio inest: subdit tamen sapientissimè Plato, quo autem mensura modo singula singulis misceantur, etiam si quis noverit, narrare prudentis non est: præsertim cum neque necessariam, neque verisimilem de his rationem asserre nullo modo possit.

Uterius sic: ex actione primarum qualitatũ nascuntur colores. Calidum nigredinem generat, cum partes terrestres adurit, ita ut expresso, & eiecto aërio & aqueo humore maximè comprimantur, lucemque siue igneum spiritum sibi admisceri non patiantur. Secus albedinem procreat, dum rarefacit, subito aëri locum parans, ut in calce, &c. Itemque dum aërium humidum extrahens, aqueum cum subtili terreno spiritu permixto coagulat: ita albumen oui coctione fit candidum: idem etiam facit dum aliquid crassi terrei, cum subtili aëreo continuat, ut in osse. In his enim cum multo diaphano poris laxioribus innatanti lux ignea prædominatur.

E contrario frigus quoque colorum causa esse potest, cùm soluit vel coagulat diversimodè opaca cum perspicuis: aliquando enim ob sympathiam inducit humidum aqueum, & fit albedo; aliquando terrestres partes coagulat, porosque obstruit, lucisque ingressum occludit, & fit nigredo: actionibus ex his mixtis, mixti quoque colores generantur: In quibus quodammodo idem analogicè contingit, quod in nubibus, aliisque coloratis apparentibus. In his enim talis admixtio colorum procreatrix evidentiùs manifestatur: nam experimur vaporem aqueum fumoso & terrestri halitu multum disperso refertum, accedente luce ru-

bescere: ac similiter in viridi ligno, dum accenditur, flammam rubicundiorē esse, quā si siccum fuerit, non ob aliud, nisi quia tunc fumus densior, & abundantius humidum aqueum in ea commiscetur. Sic dum calor naturalis florum à circumstante frigore intro compellitur; atque humidum accenditur, & intumescit: inque partes exteriores propellitur, rubedo procreatur: vbi verò totum absumptum fuerit, restantibus solum terrestribus partibus, nigredo succedit. Ex his conice cetera.

Inde facile inferri potest, cur albedo visum disgreget: ipsa enim, præsertim si magna sit, plurimum splendoris emittit, mouetque organum motione acutiori, & ita maiorem spirituum visualium copiam euocat: ipsam pupillam magis rarefacit, & humorem crystallinum fusioribus radiis conspergit. Licet autem obiecto albo parum inesse aliquando splendoris videatur, tamen lumen ipsi affusum copiosius inde reflectitur vt etiam constat ex eo quod aula cuius parietes albi sunt, splendidior sit, clariorque. Præterea maior obiecti splendor, minorem oculi lucē extenuat, & offendit quia vt ait Theophrastus, ignis maior minorem interimit. Hinc compressus oculorum humor lacrymas fundit: comprimitur autem, à splendore intimè penetrante. His omnibus hoc vnum addo, cum obiecta non distant ab oculo, probabiliter ab his posse igniculos quosdam subtilissimos in illum assilire plures, aut pauciores, prout plus, aut minus igneæ qualitatis in obiectis fuerit: vnde non mirum, si sæpe inde lædatur visus. Aliunde etiam ipsa externi luminis in oculum actio, qua organum ab obiecto mouetur, interdum adeo intensa est, vt reuera Physicè ipsum organum alterare queat, vt pluribus experimentis fit euident.

Inde facile quoque intelliges, cur qui per niuem iter faciunt, grauius eius candore offendantur. Itemque cur qui ex obscurissimo carcere iussu Dionysij Siciliae tyranni in clarissimam lucem educebantur sæpe occæbantur; & lupi similiter ex inspectione æris cadentis visum amittant. Ratio patet ex dictis.

§. 4.

De modo quo fit visio.

CELEBRIS olim quæstio fuit, an visio fiat emissionē specierum ab obiecto in oculum; an verò emissionē spirituum ab oculo ad obiectum. Aristoteles primum asseruit; Plato secundum.

Aristoteli modo adhærent ij, qui species intentionales explicant per corpuscula pressa, vel erasa ex obiectis. Hi enim primo supponunt in neruo optico, qui pertingit usque ad cerebrum esse innumerabiles fibrillas, & subtilissima fila: secundo, dicunt in singulas illas fibrillas intrudi prædicta corpuscula: tertio, per has actione perniciosissima deferri ad cerebrum, in quo ceu agnata obiecti simulacra impressionem, quæ vocat;

tur visio, faciunt: verum multa essent aduersus hoc disputanda: constat eas fibrillas esse potius institutas ad deferendos spiritus opticos, & animales ad oculum, quam ad recipienda eiusmodi corpuscula: alioquin quare tot spiritus egrederentur? quot enim exeunt ex oculis irati; quot ex oculis menstruatæ speculum inhientes? quot ex oculis felis, &c. cum quia cur humor crystallinus prius reciperet imaginem obiecti? adhuc vel à singulis partibus obiecti eiusmodi corpuscula immituntur: vel non: si secundum, quomodo ergo videntur singulæ? si primum, ergo non plures partes obiecti simul videri possunt, quam sint fibrillæ huiusmodi: atqui obiecti magnitudo æquali crassitie nerui optici totidem saltem partes debet continere, quot fibrillas continet neruus. Ergo nunquam posset simul detegi ab oculo maior obiecti magnitudo, quam sit magnitudo nerui optici, quæ nequidquam lentem adæquat. Adhuc cur, cum à longe campum adspicio iam florulentum, totus apparet vel candidus, vel purpureus, licet innumeri in eo sint flosculi discolors? si à singulis partibus sigillatim singulæ veniunt particularum visualium series in singulas tales fibrillas; cur illos non repræsentant? quia, inquis, illæ in fibrillis eiusmodi non subeunt; sed cur non subeunt? quid causæ est, cur solæ illæ non subeant? quid delectum facit? &c. Denique cum fibrillæ optice, discretæ sint & discretos meatus contineant, per quos simulacra ordine quæque suo transire debeant, obiectum discretè repræsentarent: non continuum, &c.

Aristoteles vult ab obiecto immitti species intentionales, quæ in potentia visiva obiectum diuisibile, quasi indiuisibiliter repræsentent: imprimendo scilicet imaginem quasi spiritalem, qua simul inconfusè omnes obiecti partes eo modo, quo in se sunt, repræsententur. Id autem potissimum asseruit aduersus Platonem, qui volebat emitti potius ab oculo spiritus ad obiecta.

Hæc sententia potest potissimum his argumentis suffulciri: si visio fiat per extramissionem, fieret extra oculum: at hoc repugnat. Ergo. Mihi patet, quia visio cum sit actus vitalis, debet necessariò recipi in ipso vidente. Adde quòd visio sit proprium accidens animalis. Ergo debet in animali suscipi.

Secundo, si visio sit iper extramissionem, quando spiritus transirent per ærem procellis, aut vehementibus ventis agitatum, quomodo non etiam interturbarentur? & dum in profundo fontis frigidissimi denarium inspicio, an non spiritus ignei extinguerentur aut concreverent?

Tertio, eam in succino videtur musca, quomodo huc spiritus penetrarent, cum succinum maximè solidum sit.

Quarto, nulla ratio reddi posset, cur quæ per vitrum viride videntur, viriditæ quoque appareant, nisi dicas species ab obiecto venientes infici calore vitri, & sic intinctas in oculum tendere?

Quinto, quia si sic exirent spiritus, in tenebris videremus, præsertim ubi multa hominum frequentia esset, quia ingens scintillarum spirituum copia in ærem effunderetur.

Aliqui superioribus argumentis satisfacere se putant, si dixerint spiritus opticos primum recta pergere ad obiectū, & deinde subito reflecti in oculum, & tum visionem fieri. Ita tam esse in animali, *Contrā* primo, quomodo puncto temporis spiritus tam exigui possunt hinc pergere ad lydera firmamenti, & inde illico refundi versus nos? *Secundo*, quomodo tot spiritus effluere è nobis possunt quot in firmamento stellarū, aut quot in vastissimo campo aristæ peruidentur? *Tertio*, quomodo, cum vastissimum montem à longè prospicio, inde reflecti radius visualis potest, cum is glaber sit, & inæqualis: reflexione interim corpus politum exigente?

Nihilominus opposita sententia celeberrima olim fuit, quam cum Platonicis communiter optici & perspectiui docent: Quod nimirum egressu radorum ab oculo fieret visio: id quod duobus modis exponi animaduerto: primus est quem olim Stoici, & Pythagoræi, ac postmodum Macrobius 7. *Saturn.* c. 14. & Vincent. Bellouac. *Specul. natur.* l. 25. c. 29. sequuntur, ut scilicet spiritus optici citissimè in obiecta euolent: & ab illis eademmet pernecitate ad oculum remigrent renunciaturi, quod tetigerint. Eosque propterea ita subtiles asserunt, ut nullum sit diaphanum quantumuis crassum, aut solidum, quod sine resistentia non penetrant: & adeo veloces, ut puncto temporis Physicè indiuisibili ad firmamentum vsque pergere, & inde reuerti valeant: nulli interim vento cessuri. Is modus, quamquam non impossibilis, certè incredibilis est, neque vlllo modo necessarius.

Secundus modus est, quem exponit Plutarch. 4. de placitis ubi sic ait

101. Theophrastus
de anim.
v. 32.

v. 19.

7. de decr.
Hipp. &
Plat.

Plato docuit per splendoris coitionem οὐρανίου lumen ab oculo vsque ad aliquantum spatium profluere in cognatum, & congenerem aërem, aliudque contrā à corporibus, &c. Priscianus Lydus idem docet: Plato, inquit, vult etiam apparitionem corporalium specierum quandam imaginalem ὁμιλίαν in ipso visionis prodeuntis aëthra circa leue quoddam, nitidumque corpus, non quidem per fluxum quandam corpoream à corporibus: sed per specierum umbratilem quandamfigurationem in apparendo, atque videndo. Idem quoque Alcinoüs. Hic sane (spiritus) cum per totum oculum, tum maxime per pupillam erumpit, qui est omnium purissimus, & valde sincerus; qui cum externo consentiens, similis cum simili, videndi sensum præstat. Sed præstat audire Galenum. Si oculus, inquit, expectaret, vaporis aliquam, aut facultatem, aut simulacrum, aut qualitatem ex corporibus extrinsecus obiectis ad se accederet, rerum magnitudinem nullo modo perciperemus, verbi causa, vasti alicuius montis: tam magnum siquidem spectrum quantum ipse est, in oculos nostros ingredi oporteret: quod penitus absurdum est: si contra spiritus vicinus exiret, sc. vsque ad obiecta quoque remotissima, nulla ratione posset tanta diffusionem dilatarı, ut omnes visui expositas res circumfusum completeretur: nam quid aliud esset, quam illa commensicia Stoicorum gutta, quæ cum tototari commiscetur? Restat igitur adhuc ut aër circumfusius tale instrumentum nobis sit, quale est semper neruus in corpore: siquidem eodem pacto aër nos ambiens à spiritus visui occursu, quo à solis splendore officii videtur.

nam & ille supremo aëris termino contacto, statim vim suam fulgidam in totum dispergit, & nostra per visorios nervos acies progressa spiritali substantia prædita, cum in aërem incidit, primo appulsu in eam alterationem inducit, quæ longè latiusque in continuum scilicet nos ambiens corpus, sparsa repente in totum diffunditur. Ex his satis conspicuum fit, quomodo exponi debeat genuina Platonis opinio: Ita scilicet ut aër externus illuminatus solari, vel alio lumine, obiecti speciem, vel actionem deferens, non possit sufficienter imprimere oculo illius imaginem, nisi luce spiritus visorij magis clarificatus, & formatus: atque ita perfecta sympathia inducatur. Hoc autem est, quod significat Plato, cum ait in Timæo: diurnum lumen applicat se visus radio, tunc ea duo inter se similia concurrentia, atque commixta, quo oculorum acies diriguntur, ibi in unius iam demeristi corporis coherens speciem, ubicumque videlicet tam intus, quam externi luminis sit concursus. Totum igitur hoc propter similitudinem passionem eandem sortitum, cum quid aliud tangit, vel ipsum ab alio tangitur: motum huiusmodi ad corpus omne; perque id ad animam usque diffundens sensum efficit, qui visus vocatur: q. d. cum ab oculo effluant spiritus visorij, lucidique, & ab obiecto item lucida coloris species veniat, in certa quadam medijs distantia visioni accommodata commisceri debent, ut commodè ab illo pati oculus, eiusque recipere visualem imaginem valeat: quemadmodum enim naphtha occultos ad flammam paululum distantem halitus vibrans, per eos quoque flammæ lucem subito allicit; ita spiritus visui, ad lumen exterius refusi illico afficiuntur specie, siue actione obiecti, quæ per aërem luminosum deferitur: similisque affectio per eundem spiritum continuatur usque ad pupillam, & inde per nervos opticos usque ad cerebrum, quandiu scilicet continuantur illi spiritus, & ibi excitantur rationes animæ innatæ: unde fit iudicium ferme ad eum modum, quo si filum aliquod sulphure tinctum usque ad ignem distantem protenderis; statim atque ignem attigerit, totum illico inflammatur; & eodemmet instanti retro ad manum, à qua protenditur, inflammationem traiecit suam. Sic propemodum fit in nostro casu: spiritus continuatus à cerebro ad lumen externum, eius affectionem illico suscipit, deferretque ad originem, ex qua prodit: ubi suscitatur rationes innatas colorum externis congruentes, & sic fit visio. Congressum ergo illum vtrorumque radiorum inter se haud aliud esse crediderim, quam ipsius obiecti, sensusque sympathiæ, quæ *συνάφεια*, quasi cor-radiatio dicitur, quia lumen externum clarificatur, & vitali quadam virtute adspersitur ab interno: internum verò modificatur, & alteratur actione colorifera externi. Eaque propter similitudo quædam cum aliquali alteritate requiritur: ut constat ex 1. de Elem. c. 8. §. 2. Est autem spiritus visualis teneberrimus, & facillimè alterabilis, ita ut lenissima quaque circumfusi obiecti actione afficiatur, totus usque ad centrum cerebri, à quo emititur, & etiam facillimè provocatur ab externa luce. Hæc germana est, ut reor Platonice de visione opinionis interpretatio, quam sæpe multa mihi probabilem reddunt.

g. de Gen.
anim. 2. 1. sub
fin. Et 3. l.
Meteor. c. 5.

Primò saltem hoc cōcedit Aristoteles, quòd tã facile possint omnia, quæ ad visionis differentias spectant, explicari, si ea fiat emissionē spirituum, quam si receptione specierum. Ex quo eius interpretes hoc cōguntur inferre, quòd eius tempore celeberrima fuerit prior opinio, non modo Platonis, & Empedoclis; sed omnium opticorum autoritate firmata: & certè eandem tenuit Euclides in præmio de optica: Ptolemæus in catoptrico, & alij: quorum, fateor, hæc in re maximè operè me authoritas ad hoc credendum impellit: illorum enim nemo nescit; nemo non admiratur in hisce scientiis eruditionem, animiq; solertiam. quamobrem non est, quod quidquam obiciatur ex optica: illis id non potuit esse incognitum: & tamen vel ex eo ipsi suam sententiam firmaverunt: Seio equidem doctissimos nunc esse opticos, qui Peripateticæ doctrinæ per omnia sese conformantes hanc spirituum emissionem impugnant ut Franc. Aguilonius in opticis & dioptricis, & alij.

l. de vera
virgin.

l. 9. de Tri-
nit. c. 3.

Sed quis eos cum Euclide conferre audeat? mouet etiam me Doctissimorum Patrum sententia, D. Basilii, quo non eruditior alter, sic ait: *Tactis luminum radiis, veluti quibusdam corporeis manibus, quæcumque volueris minius tangit: & quæ corporeis manibus attingere in potestate non habet, ea oculorum tactibus passim complectitur.* S. August. *Per oculos corporis videmus alia, non hos ipsos, quia radios qui per eos emicant; & quidquid cernimus, tangunt, refringere ac retorquere in ipsos non possumus, nisi cum speculati inuenimur: possem alia multa eiusmodi recitare, sed veniendum ad rationes.*

Propos. 13.

g. de Gen.
anim. c. 1.

Dubitari non potest, quin per poros netui optici spiritus affluant in oculorum orbes, vim cognoscendi impertientes: Quos etiam constat esse lucidos naturâ suâ, fulgoremque suum habere à flamma, quam à prima origine conceperunt, ut ex Galeno fatetur ipse Aguilonius 1. optice. propos. 11. & suprâ quoque demonstrauimus. Neque sat congruenter, ut puto, ipsemet Aguilonius subdit postmodum lumen hoc oculi neutiquam prodesse ad visionem eliciendam: Si enim ita est, cur aliis sensibus non insunt spiritus ita lucidi? aut si insunt, cur non videntur ex auribus, ex naribus, & aliunde scintillare? cur in animantibus quæ noctu vident fatetur ipse oculorum iridem splendidam esse ac lucidam, & inde illustrari obiectum exterius, à quo iterum is fulgor ad crystallinum humorem cum rerum coloribus, ac formis resultabit? At, inquires, si lumen internum datur, quomodo non prohibebitur visio? Resp. tale id esse, quale lucifer color exigit, ut sui similitudinem imprimat: hoc est, quod ex igni mediocriter cum humore temperato resultet. Quoniam, inquit Arist. *humoris copia transpici satis non potest.* Ideo Empedocles dixit nigros oculos plus aquæ, quam ignis habere: & ideo noctu deficere ob ignis inopiam: cælios verò, plus ignis; ideo inter diu acutè cernere non posse. Debet itaque inter hæc tria lumen exterius, lucem spirituum, & pelluciditatem crystallini, proportio perfecta, & symmetrica intercedere, qualem forte mortalium nemo hæcenus exactè nouit.

Inde differentiam visionum possumus utcumque derivare: sic: quibus

modicus spiritus est, & facile dissolubilis, diu obtutum figere non possunt; quibus lucidus, & copiosus; hi clarioribus & remotiora, nec non minutissima discernunt: quibus crassus & multus, non bene remota dispi-
ciunt, sed in videndo non fatigantur, &c. Addiderim duo ex parte vi-
dentis distinguere oportere, *organum & spiritus*: ex optima utriusque dispo-
sitione perspicacissima oritur videndi facultas: ex alterius defectu, im-
becillitas, v.g. quibus organum bene dispositum est, spiritus verò exilis
est, & imbecillus, prope videt acutè; non remotè: quibus utrumque à de-
bita constitutione degenerat, propinqua non vident, quia fortiori obiecti
præsenti actione perstringuntur: actio enim maior minorem vin-
cit. Sed ob contrariam rationem obiecta remotiora & grandiora, quo-
rum actio ipsa longinquitate languescit, sat bene percipiunt, ut senes.

Euclides cit. ita probat emissionem radiorum: qui attentè legit pa-
ginam minusculis typis scriptam, et si attentissimè legat, & pæ tamen ali-
quas literas transit haud visas: ac si visio fiat per intromissionem specie-
rum, cum è singulis litterulis, earumque punctulis omnibus procedere
deberent species in pupillam, cur omnes determinatè, & distinctè non
viderètur? potentia, enim æquè applicata est omnibus, & omnes ex æquo
agunt, & procedunt species: cur ergo non omnes viderètur æquè distinctè?

Secundo, id probat ex ipsa oculi structura: nam organa Deus suis
quæque obiectis percipiendis coaptavit: aurem, quia recipere sonos de-
buit, concauam fecit, similiter reliquorum sensuum instrumenta: ocu-
lum ergo, quia conuexum fecit, inferre decet cum non recipiendis, sed
emittendis spiritibus fuisse destinatum.

Cardanus ita: si oculus solum patiendo videt, nulla esset ratio, cur qui
acutè propè vident, longius videre non possent: nam in patiendo quali-
bet virtus sufficit, modo instrumentum non sit corruptum: uti reuera
non est in iis, qui acutè vident proxima. Rursus, si visio sit occursum spe-
cierum, prodesse non possent ocularia cum prope oculos collocantur.
Siquidem supplere deberent vires, quæ defunt obiectis ad mouendum
oculos. Ergo deberent potius ipsis obiectis immediatè circumponi: &
non oculis, ut nimirum speciem initio à re ipsa prodeuntem efficerent
validiorem. *Confirmatur*, quia ex Aristotele visus debilitas provenit, vel
ex humoris abundantia; vel ex pupillæ rugositate, ac crassitie, ut in se-
nibus: tenuem namque eam esse decet ac læuem, ut ab obiecto si-
ne impedimento moveri queat: at hæc ocularium auxilio non immi-
nuuntur: imo multiplicantur. At secundum nos ideo ea profunt, quia cum
lumen externum perstringat aciem oculi, uti debiliorem: nec radij viso-
rij sat virium habeant: duo per ocularia fiunt: *primo*, temperatur lumen ex-
ternum oculo propius; *secundo*, spiritus visuales recepti in vitro magis
aduniantur, & sic corroborantur: ac ita per ipsum congruentior fit con-
gressus luminum. *Confirmatur secundo*, Ipsa ocularia quibus oculorum
subuenitur infirmitati, potissimum adinueta sunt ab opticeis, qui visionem
feri egressu radiorum existimant: iique secundum principia huius
sententiæ instrumenta hæc confixerunt. *Præ cæteris autem mirari nos*

oportet oblonga illa, quæ haud ita pridem inuenta sunt, quibus quæ ad plura millia passuum distant, clarè dispiciuntur, cum sine his vix à 20. passibus cerni possent. Tubus est vtrique rotundo vitro conclusus, sic tamen vt quæ parte oculo apponendus est, vitrum sit angustius; ex altera verò parte paulò latius. Quamobrem diceres merito talem construi, vt spiritus ab oculo effluentes intra eiusmodi tubum collecti corroborentur, cum ex mutua compressione, tum ex iugi aliorum affluentium accessione: vtq; ita ex politico vitro exeuntes, vt sunt robustissimi languescencentem obiecti tam distantis actionem, siue virtutem, siue speciem, quasi viuificent, atque ad oculum mouendū iuuent: item hac ratione fit, vt spiritus illi multò longius eant: quæ etiã ratione efficitur, vt ex imo putei stellæ interdū discernantur. At si nihil exit ab oculo, quid ocularis ille tubus proderit? fac nauem aliquam in plano maris æquore 30. millibus passuum distantem iis perspicillis videri, vel specierum suarum pyramidem (sic enim dicunt optici desinere eas in oculum oportere) vsque ad terminum perspicillorum protendit, aut non; si protendit; cur si oculus ibi sonatur, nauem non videbit? si non; quid proderit oculare? solum enim id colligere posset species, aut reflectere, aut refingere, aut multiplicare: sed ea omnia supponunt eas hucusque pertingere: at si pertinent, difficile vitabis, quin visionem eliciant.

Denique afferri posset experientia speculi vrentis, quod in certa quadam medijs distantia, obiectum mirum in modum adauget: obiecto adiunctum, id non nisi confusissimè exhibet; oculo adhibitum, omnino abscondit: multa inde inferri possent vltro, citroque secundū optices regulas disputanda: sed solum hoc infero, inde admodum probabiliter posse inferri, quoddam luminum congressus fieri debeat in medio, sub determinato intervallo. Idque confirmatur ex eo, quodd experiamur opus esse, vt obiectum aliquantisper ab oculo distet, aliter non videndū. Atq; hæc, sufficiant: quæ sic dicta velim, non vt omnino sententiam Aristotelis improbem: (neq; enim quidquam video aduersus illā obici posse, quod solui non possit.) Sed solum vt eā Plat. saltem probabilem arbitremur.

Hinc autem facile solui possunt, quæ pro Aristotele 1. obiecta sunt. *Ad primum*, patuit visionem fieri intus in animali: *ad secundum*, Resp. primo, radios oculares non extendi per totum aërem procellosum, sic elubis cadit obiectio: *dico secundo*, eos ita esse subtiles, vt ea omnia facile queant penetrare: & supra diximus eos æthereorum more non à frigore quasi contrario expugnari, sed ab ipsa potius opacitate: *ad tertium*, R. succinum, vti & vitrum poros rectos habere quibus permeare spiritus illi valeant: vitrum tamen ex transuerso collocatum visionem impedire, quia ob obliquatas pororum vias, nec spiritus, nec luminis actio rectā incedere possunt: *ad quartum*, R. hanc esse vim luminis, vt coloris viuida luce radiantis actum in subiecta rite disposita deferat, in iisque eius imaginem pingat: Neque hoc obesse radorum emissioni: *ad quintum*, R. in tenebris quidquam non videri, quia obiecta non agunt defectu externi luminis: & quia lux interior non sufficit: ad reliqua iam res consensum est supra.

Interim moneo secundum utramque opinionē eadem obseruari optices, ac dioptrices præcepta; nimirum ut ab oculo ad obiecta rectæ lineæ duci queant, sic tamen ut dilatentur versus obiecta, vnita interim circa oculum; pyramidemque imitentur, cuius basis in obiecto sit: conus verò, seu apex in oculo: ita vtrinque pari modo explicantur experimenta. Euclides ait radios ex oculo prodire instar pyramidis, cuius conus sit in oculo; basis in obiecto. Alij contrà, dicunt species ab obiecto instar similis pyramidis emitti; ita ut in oculi centrum, tanquam in commune punctum desinant. Pariter refractiones, quæ fiunt ex ocularibus, speculis, aquâ, &c. secundum utramque sententiam eodem modo explicantur. Euclides ait ex oculis eius, qui se contemplatur in speculo spiritus exire in speculum, & ab eo reflecti versus illum: vnde suos menti cæcores & lineamenta, per proprios oculos, ac per eandem reflexionem renunciant. Alij dicunt solùm ab eo species resiliare in speculum, & inde reflecti in oculos, &c.

Hinc illa sunt communia principia optices secundum Euclidem: *primum*, radios ab oculo emisso in rectam lineam ferri, aliquoque intervallo distare.

Secundum, figuram à radiis comprehensam, esse conum, qui verticem habeat in oculo, basim verò in extremis rerum visarum.

Tertium, ea solùm cerni, ad quæ radij perueniunt.

Quartum, quæ sub maiore angulo cernuntur, maiora; quæ sub minore, minora existimari; quæ sub equali, æqualia; quæ sub pluribus angulis, accuratius videri.

Quintum, quæ à sublimioribus radiis videntur, sublimiora; quæ à depressioribus, depressiora; quæ à dexterioribus, dexteriora; & quæ à sinistrioribus, sinistriora apparere. Ex his omnes demonstrationes optices infert: è quibus omnibus hanc solùm subijciam, quòd *nullum adspicibile simul totum cernatur*. Quia cùm radij ab oculo egressi dispergantur, non feruntur continuè in obiectum: ergo relinquunt aliquid in medio, quod non feriunt: ergo id non videbitur; & consequenter, nec totum: existimatur tamen totum cerni simul propter delatorum radiorum celeritatem. Hæc sufficiant: qui plura volent Euclidem ipsum videant, ac alios Perspectiuos.

§. 5.

Quædam quæstiones ad visum pertinentes solvuntur.

QUÆRITUR PRIMO, cur tametsi duo sint oculi, vnica solum visio fiat. In qualibet enim pupilla, obiecti species recipitur: cur non hinc gemina quoque perceptio resultat? Respondet Galenus causam esse nervos opticos, qui antequam ad cerebrum pertingant, vniuntur ut suprà diximus. Ideo Vitello lib. 3. prop. 20. Et Alhazem lib. 1. n. 27. volunt visionem tum primum compleri, cùm forma visibilis humore

crystallino recepta, ad communem neruum opticum peruenerit. Verum in primis nunc constat ex anatomia hos duos neruos se quidem contingere, sed non ita coire, vt vnum efficiant. Præterea suprà diximus etiam secundum Galenum visionem non exerceri in huiusmodi neruo. Alij Respondent ideo vnam visionem elici, quia vnica facultas visiva est. Sed fatentur omnes posse à nobis aliquando idem obiectum, vt duplex apparere, vt quando neruorum dispositio violentè distorquetur. At annon tunc vnica facultas est? Aguilonius Respondet plures species idem semel representare propter exactam similitudinem, quam à rebus, à quibus profectæ sunt, acceperunt. Sed præcipua ratio est, ni fallor, quod vterque oculus eandem prorsus radiorum ad idem obiectum proportionem seruet, ac sub iisdem omnino angulis illud amplectatur: denique vnica & eandem radiorum basim in illo stabiliant. Hinc omnino eadem impressione mouetur, sine vlla loci, aut situs differentia: ideo vnicum obiectum apparet: & vnica intentione percipitur. Cum neruorum illa dispositio distorquetur, alia fit angulorum radiatura: ideo & obiectum sub alio & alio situ exhibetur. Sic quando decussatis digitis, aliquid vnum tangimus; id duplex apparet, quia tangitur, quasi sub duplici situ: quoniam iis partibus illud tangimus, quibus solemus ea tangere, quæ saltem toto digitorum interuallo distant: vnde similis excitatur intentio, ac si distantia tangerentur.

QVÆRITVR SECUNDO, quomodo distantia percipitur? Resp. quia videt oculus longitudinem rei alicuius mediæ, vt vel itineris; vel parietis, &c. Ideo cum nihil eiusmodi intermedium cernitur, distantia non apparet: vt cum montes aliquos à longe prospicimus, quorum vnus ab alio multum distat, & sublimior est: is vt coniunctus apparet. Sic cælum cum terra iungi videtur: præterea ex debilitate virtutis, qua obiectum mouet potentiam discerni potest, si aliquid multum distet: cum scilicet aliquid ita obscurè, & imperfectè videtur, quemadmodum videri solent ea, quæ multum distare scimus.

QVÆRITVR TERTIO, vnde magnitudo videatur, & situs? Resp. vnumquodque videri è loco, è quo recta ad oculum linea venire consuevit. Hinc quælibet pars obiecti videtur in loco, in quo est. Et quod inter extrema plures partes continuatæ videntur, ed id maius existimatur. Adde quartum axioma relatum §. præc. Inde motus etiam percipitur, quando idem modo in vno, deinde in alio loco esse apparet. Quies verò, quando diu in eodem percipitur.

QVÆRES QVARTO, cur quæ magis distant minora videntur, maiora verò, quæ propius? Responso communis perspectiuorum est, quia remotiora faciunt angulum minorem in oculo. Quæ autem ita se habent, minora videntur, vt patet ex principiis optices suprà relatis. Quo enim angulus radiorum vel egredientium ab oculo; vel illuc perreptantium, minor est in crystalloide, ibi minorem rei speciem exprimit: maiorem verò, quò maior. Inde etiam euenire volumus, quod vbi radij refringuntur, visio varietur: quodque specula, vel ocularia, quæ

radios dispergunt, ita vt ampliores in oculo angulos faciant: obiecta quoque repræsentent ampliora: secus, quæ sic contrahunt, vt minores angulos creent, minora. Hæc tamen ratio haud placet omnibus, quia quæ recedunt ab oculo sub figura pyramidali, ex omnibus suis partibus eundem in oculi centro angulum creant: & tamen partes, quod longius abscedunt, eò maiores apparent, saltem vsque ad certum aliquod interuallum: intra quod etiam idem æquale semper videtur, siue proximum, siue remotum fuerit: & tamen proximum creat angulum minorem: ideo est alia responsio. Id quod remotius est videtur minus, quia eius minusculæ partes debilius agunt, quam vt excitent visum, ideo non videntur: eoque fit, vt maiores solæ videantur. Ita id apparet tum paucioribus partibus prædictum: illæ autem maiores etiam ob distantiam debilius agunt, ideo confusiores, & imperfectiores in oculo speciem progenerant: vnde discerni nequeant particulæ, quæ nō videntur, ab iis quæ videntur. Ob eam quoque rationem, si à longe præter videris: licet in eo sparsim discolors herbæ pullulēt, hæc non videbuntur, sed vniuersum præter vnius coloris apparebit. Similiter, si à longè corpus aliquod diuersis angulis constās videris, rotundū id apparebit, quia lii anguli minus mouent visum: vnde non videntur: denique inde quoque accidit, vt quæ alba sunt, à longè pallida, vel subnigra; quæque splendidiora, etiā obscuriora videantur; quia cum agant in oculum virtute luminis, quo affunduntur, hæc actio, quod longius pergit, eò magis ab efficacia, quæ accipit à suo principio, deficit: & minus habet claritatis. Hinc innumera alia deduci possūt, quæ quisque vel facile inferre possit ex dictis; vel apud perspectiuos discere. Interim notare oportet, si duo sint corpora æqualia, quorum alterum constet concoloribus partibus; alterū discoloribus, & æqualiter distent: quod partes habet concolores, cæteris paribus videbitur maius, quam alterum; quia illa varietas iuuat ad clariorē partium distinctionem, & ita distinctius partes minores discernuntur. Denique ex pari ferme principio pendet, quod titio ardens, dum velocissimè circunducitur, videatur circulum igneum pingere. Ratio est, quia cum in breuissimo interuallo singulas huius circuli partes percurrat, ex quibus eum videri oportet; ob celeritatem non potest oculus discernere partes, in quibus ignis non est, ab iis in quibus est: ideo existimatur esse in omnibus: ob eandem rationem diximus supra ex Euclide obiectum nullum simul totum videri, apparere tamen visum simul ob celeritatem radiorum.

QVÆRES QVINTO, ad quid profit lumen, seu pro quo requiratur. Aliqui enim dixere lumen solū ex parte obiecti requiri, vt Auempace; alij ex parte solius medij ad recipiendas species, vt Auerroës: alij ex parte videntis vt illustrentur oculi. Resp. paucis requiri pro his omnibus: quamquam non tam necessariū pro medio. Clara in primis Platonis opinio in 6. de Rep. vbi vt indubitatum supponit lumen requiri, vt res actu visibiles euadant, & vt actu oculus videat: & quidem quod ex parte obiecti requiratur euidentissimè liquet ex iis, quæ diximus §. 3.

Lib. optie.
prop. 42.

Ex Arist. 5.
de gen. ani-
mal. c. 1.

& Confirmatur, quia solum lumen est, quod facit, vt colores actu vim suam per medium transiciant in oculum: vnde Aristot. optimè dixit in 3. de anima t. 18. Lumen facere, vt colores potentiales euadant colores actu: & in 1. t. 86. ait vt colores non videntur sine lumine; sic acutum & graue non audiri sine sono; atqui sonus coniunctus est. Ergo, &c. Hinc haud illepidè Aguilonius dixit lumen eius esse efficaciat, vt colores otiosos suscitet, & ceu propria hypostasis decisor ab obiecto vehat. Certè solius luminis efficacitate fit; vt rerum coloratarum imagines per aquè coloratæ sapè pingantur in pariete, in charta, & in aliis superficiebus politis ac teris: vt superius diximus cap. 17. §. 2. conclus. 2. Quod etiam requiratur prò vidente, patet ex dictis §. 4. & confirmatur ex Aristot. qui lib. de sensu & sensib. cap. 2. ait videtur sicut exteriori non sine lumine, ita & interius: & rursus, necessariò perspicuum est receptiuum luminis, quod est interius oculis. De medio verò maior est difficultas, quia qui esset in profundissimo puteo, tenebris obseptus, posset stellas, etiam interdiu cernere: item noctu videmus à longe pharum: denique medium non videtur: nihilominus, cùm lumen sit actus perspicui: & medium visionis exercendæ sit perspicuum, eo ipso maximè requiritur lumen in medio, nimirum vt per illud actio, siue virtus obiecti deferri valeat. Ad instantias Respondetur lucè ipsam sibi sufficere ad actionem suam transfundendam per quodcumque medium natura sua transparens: secus colorem: quia color est lux imminuta, & quasi inchoata, cui actio nulla, aut certè non satis efficax competit, nisi ab externo lumine per medium fuso roborentur. Hæc fundatur in experientia, quæ in his omnibus efficac per se censetur argumentum.

QVÆSTIO SEXTA, quousque radij oculorum exporrigi valeant? Resp. diuerfas eas de re olim fuisse sententias, quas refert Piccolominius lib. de sensu visus cap. 15. Hipparchus & aliqui alij veteres perspektiui: & ex modernis Basso medicus voluerunt eos extendi ad quodcumque visibile quantumvis distans. Macrobius 15. de somnio Scipionis, & 7. Saturn. extendi ait ad 180. stadia. Proclus ad 2000. stadiorum. Cùm incerta in his multa, & quædam absurda dicantur, melius est nihil hic affirmare. Solùm hoc vnum reor verum, quod haud longè abeant spiritus ab oculo exeuntes, & quod longè agant obiecta visibilia: plus, minùsve prout lucis plus, aut minus participant.

QVÆSTIO SEPTIMA, quare noctu perspicacius videant noctu, quam interdiu? Resp. id peti ex dispositione oculorum: alij enim debent vehementer affici ab obiectis: alij leuiter, alioquin non visuri. Oculi enim caui, nigri, & duri debent moueri vehementer ab obiecto: ideo debet obiectum illis maximè appropinquari: tales sunt oculi cancrorum: secus, qui debiles sunt, vehementem actionem ferre non possunt, vt in senibus: ideo debent ab his obiecta remoueri. At sunt quoque alij admodum lucidi, & eminentes, qui facile ab externo lumine disgregantur, & offenduntur, vnde clara, distinctaque colorum perceptio impeditur: ob insitam tamen lucem noctu cum tantillo lumine externo acutiùs

acutius vident, tales sunt oculi noctuorum, equorum, &c.

QVÆSTIO OCTAVA, cur Antipheron Oritæus, de quo loquitur Aristoteles 3. meteor. cap. 4. semper coram oculis suis sui videbat imaginem? Resp. quia præhumidus cum esset, ex oculis crassos semper vapores exhalabat, quibus aer incrassatus, instar speculi eius reddebat imaginem. Aristoteles aliam causam reddit, nimirum, quod ob debilitatem visus, aer eodem modo cum refringeret, ac si reuera densus, crassusque esset instar nubis radios solis inde refringentis. Hæc responsio supponit veram Euclidis opinionem.

QVÆSTIO NONA, cur pupillam dilatamus aliquando, aliàs verò restringimus? Resp. id ita fieri, experimento certissimè constare: dum enim aliquid subtile, aut propinquum cernere volumus, pupillam contrahimus, ut videlicet confertioribus, & magis collectis radiis id videamus: secus cum remota prospicimus: tunc enim latius spargi debent in aëre spiritus ad diffusiorē externi obiecti actionem excipiendam. Item si fenestram magis, aut minùs obduxeris, ut tabellam aliquam sub maiori, aut sub minori luce contempleris, experimento discès contrahi pupillam, cum sub maiore luce illa considerabitur: quia cum maior lux spiritus nimium dispergat; natura huic malo succurrit pupillā contrahendo, ut cohibeantur spiritus, ne nimis dissipentur: secus, si sub minore luce: tunc enim liberior requiritur radiorum emissio.

QVÆSTIO DECIMA, cur post conspectum solem aliquandiu videmur nobis videre corpuscula discoloria? Resp. quia intensiore hac leui actione multum alteratos fuisse spiritus necesse est, qui lucidiores facti, dum feruente adhuc æstu foras turbinatim effluunt, in ipso aëre, qui semper apud nos vaporibus abundat, colores quosdam lucidos, apparentes tamen, creat, donec humor crystallinus ad pristinam luciditatis mediocritatem reuocetur. Adde quòd splendentes nimium spiritus aliis oculi humoribus interspersi, eiusmodi apparentias edere valeant. Denique calore solaris luminis resolui aliquid humorum visualium potuit: quod dum in aërem externum exhalatur, materiam forte suggerit colorum eiusmodi. Similiter ex perturbatione horum spirituum provenit: ut ebriis, & iis, qui vertiginem patiuntur, siue ex ægitudine; siue post multas gyrationes, videantur omnia in orbem fieri: Talis namque agitatio spiritibus inest, non obiectis.

QVÆSTIO VNDECIMA, an imago ipsa, quæ creatur in speculo, videatur, nec ne; videri eam simul cum obiecto, quod repræsentat; docuere *Anerr. lib. de sensu & sensib. D. Thom. de veris. q. 8. & 1. p. q. 38. art. 3.* & quidem an non id prima facie apparet manifestum: quis enim audeat credere, quod quis videt in speculo, id non esse in speculo? vel nihil illi imprimi, quod videatur, aut videri queat? hanc estimationem auct, quod figuræ in speculis intermicantes situm feruent valde diuersum à situ obiecti, quod repræsentant: nam pars dextra in sinistro situ conspicitur: si speculum planum fuerit secundum horizontem, pars obiecti superius, apparet inferior in imagine: denique si fracta sint spe-

cula; multiplex imago efficitur, cum sit vnica res representata. Tamen multi hoc negant, & praesertim, qui perspectiuam proficiuntur vt constat apud *Ciruelum lib. 2. persp. cap. 2. Vitello lib. 5. Agnitionis lib. 1. prop. 47. &c.* multique hoc probant argumentis: sed praecipua hæc mihi videtur: primum, quod si in speculo species, siue imago aliqua imprimitur, hæc erit in superficie. Ergo si ipsa videretur, ex superficie sese proderet: quod tamen est falsum. Secundum, quod me præ omnibus mouet, est eiusmodi. Species, si formetur in speculo, ea semel tota in determinata parte speculi produci deberet, vt inde videretur vbi esset. At hoc falsum est: nam nulla est speculi pars in qua, & ex qua quælibet obiecti pars videri non possit ab eo, qui ex diuerso situ illud intueri voluerit. Et sic oculus, eiusque partes singulæ, nasus, cilia, barba, labia, &c. in singulis speculi partibus sese depingerent: quanta ergo confusio? ut harum omnium partium imagines, non viderentur ex singulis speculi partibus: &c. Adde omnia argumenta, quæ superius aduersus species adduximus: hic enim vigent. Quid ergo? Respondeo primum non esse opus, vt in speculo species vlla producat: omnia enim abunde possunt explicari, si asserueris obiecti actionem reflecti à speculo. At cur ergo, inquit, obiectum in fundo videtur, & nō in proprio suo situ? Resp. quia in ordine ad visum linea reflexa æquiualeat rectæ: & representatio situs, loci, ac exterorum pendet ex directione radij visualis ad obiectum. Quare cum radius oculi tui per rectam lineam à te dirigitur versus fundum speculi, ibi te ipsum videas necesse est quod vero videaris sub opposito situ, hoc inde fit, quod secundum perspectiuæ leges actio, seu virtus obiecti, dum obliquè cadit in speculum, versus oppositum latus æquali obliquitate reflectatur: vt quod videtur, semper videnti appareat oppositum; & nunquam situ in eodem. Dum enim vides amicum coram te, eius dextera respondet tuæ sinistræ: sic dum temet contemplaris, opponis te tibi: & in hoc mirabilis elucet in speculis cudendis conditoris industria. Infinita sunt quæ de his dici possent: sed perspectiuos consule. Solùm addidero ex actione illa reflexa in speculum emergere quandam apparentiam imaginis, in fundo speculi latitantis, quæ forte ad Authoribus intelligi potest, dum videri in eo speciem asseuerant: sed species hæc phantastica est, non realis. In speculo solum vis illa recipitur, qua sensus communis inducitur ad tale quid imaginandum. Tandem ita dici potest nullam aliam verè obiecti speciem, siue imaginem procreari, quam ipsam sensationem, vt suprà ex D. August. tradidimus.

Interim quoniam de speculis loquimur, illud Senecæ adnotes velim: *Inuenta sunt specula, inquit, non ut barbam, faciemque velleremus, aut ut faciem viri poliremus, sed ut homo ipse se nosceret.* Hinc Socrates, Apuleio teste, speculo solum ad morum disciplinam utebatur, adolescentibus præcipiens, eo se solum sine contemplari, vt si pulchros se cerneant, ne vitis deformarent: si deformes, sese honestarent. *reutibus.*

De speculis quoque loquitur Plato in Timæo, ac paulo verbis rémi-

Nat. quæst.
lib. 2. q. 17.

re explicat, dicens mirabiles illas imagines inde videri, cū ignis oculorum, cum eo igne qui est in conspectu effusus, circa lene, nitidumque corpus, se confundit. *Dextera* verò videntur, quia leua sunt, quia contrariis partibus oculorum insolito more contrarias partes attingimus, &c.

Ista omnia concludo his verbis eiusdem Platonis: postquam enim dixisset præcipuum finem, ob quem Deus oculos nobis dederit, hunc esse, ut ex contemplatione cælestium, & diuinorum ad finem veræ, ac perfectæ Philosophiæ perduceremur, subdit: *Nobis verò asserendum est, ob hanc potissimum rationem Deū oculos genuisse, ut mentis circuitus, qui in cælo peraguntur, intuitu in usum redigamus nostræ mentis; cogitationisque nostræ discursiones illis cognatas, sed perturbatas quodammodo ad illorum temperiem reuocemus. Et cum illos agnouerimus, & recta ratione secundum naturam præditi singulorum ordinem perceperimus, conuersiones Dei, quæ sine ullo errore aguntur, imitemur, atque ad earum exemplum discursiones nostræ cogitationis vagas, & erraticas componamus.*

CAPVT XXIX.

DE AVDITV.

§. I.

De ipsius organo.

SEQVITVR modo auditus, cuius quisque satis vtilitatem sentit, quin opus sit ut eam pluribus explicemus.

Ante omnia autem nosse oportet septem nervorum coniugationes oriri à cerebro. *Prima* venit ad oculos, visui seruiens. *Secunda* iterum eodem tendit musculorum motibus ciendis accommodata. *Tertia* dispergitur per linguam, gustus gratiâ. *Quarta* eidem operi destinata in palatum distribuitur. *Quinta* exporgitur ad aurículas propter auditum. *Sexta* descendit ad musculos laringis, quibus movetur lingua. *Septima* denique descendit ad intestina.

Ergo duonervi ad aures à cerebro veniunt, unus ad vnam, & alter ad alteram: vterque autem, postquam ad cellam auriculæ, quæ *tympanum* dicitur, pervenit, diffunditur in duos ramos, quorum maior circumdat tympanum, minor verò, foramen auriculæ spectat. Est autem nervus iste optico crassior, sicciiorque: servitque maximè ut spiritum animalium ad aures deferat, eumque iterum reducat ad cerebrum, ut impressio soni edita in organo ad phantasiam, sensumque communem delata, illico attentionem animi prouocet, ac iudicium. Isque pariter spiritus haud ita subtilis est, ac visiorius; neque per se lucidus:

*Aures*stant variis anfractibus, ut aer sonum deferens aliquandiu

retardetur, ne inopina & vehementior soni actio auditus offendat instrumentum: tum ne soni semel intus recepti dissipentur, priusquam eorum actio ad cerebrum perueniret, intencionem excitatura. Post anfractus eiusmodi sequitur cavitatis quædam in osse quodam arido, & duro, quod *petrosus* dicitur, effossa; in qua continetur aer implantatus, de quo infra. Os istud est instar cocleæ, & cartilagineum. Vesalius testatur sese inuenisse in hac cavitatis ossicula duo, quæ tunica nervi quintæ coniugationis copulantur; quorum vnum simile sit denti molari, affixum duabus radicibus in eadem tunica, ex altera parte simile incudi: alterum referat malleoli speciem, ab vna parte cuspidem, ex altera geminum caput exhibens.

Foramini huius ossis petrosi protenditur membrana quædam instar tympani, quæ dura est, & sicca, & in oscitatione præter naturam tenditur, adeo ut si tangatur, fiat tunc læsisio. Quando tangitur, partes vicinæ dissiliunt; ideo decidit humor tussim excitans. Membrana hæc tenuis est, ut aer perfonare queat; sicca verò, ut ex incudis & mallei percussione magis resonet, nec rumpatur. Quibus à naturæ crassior hæc obuenit, ij difficile auditunt: Si quid crassioris humoris illi adhæserit, parum inducit audiendi difficultatem.

Denique aer ille, quem diximus esse in cavitatis ossis petrosi, est substantia quædam viscosa, & humescens: unde aëria dicitur: ab aliis aer innatus, vel complantatus appellatur; quod aeris speciem referat. Secundum quosdam in eadem concavitate continetur alia pars elementaliter aëre plena, qui dum intro comprimitur, sonum edit ad modum bombi.

His ita expositis, quæritur quodnam sit organum auditus: seu pars illa corporis, in qua completur & terminatur actio soni exterioris: sunt qui velint eam contineri duobus illis ossiculis: quod ideo videantur à natura sic aptata, ut sonum intus perficiant. Alij contrà, dicunt hæc ossicula non propter auditum esse instituta, sed solum ad confirmationem prædictæ cavitatis; & ad sustentandum tympanum. Brevis tamen sit

CONCLUSIO. Admodum rationi consentaneum est, præcipuam partem organi auditus esse aërem illum implantatum: ossicula verò reliqua esse partes famulantes, & adiutrices. Ratio inde petitur, quod illa censeri debeat pars principalis, quæ actioni virtutis obiectivæ suscipiendæ, ac terminandæ sit accommodatissima: sed talis est aer ille. Ergo. Ma. est indubitata. Mi. patet, quia sonus solum sit in substantia fluida, quæ facile moveri valeat, qualis est aëria. Ergo tale maxime debet esse auditus organum: Sicut enim organum visus est substantia pellucida, ut similis sit mediò pellucido, in quo coloris actio recipitur: Idem à pari fit in isto casu: & quemadmodum Aranea vnâ cum aliis humoribus, & tunis oculi iuvare ad perficiendam actionem coloris in crystallino: Ita malleus ille, atque incus cum tympano possunt quodammodo inferuire ad actionem soni consummandam in auribus. Neque enim credibile est ossicula illa tam aptè ad hunc effectum fuisse à natura comparata, nisi ad auditum potius concurrere. Neque tanta opus erat apparatu, ut

aurem possent duntaxat sustentare. Adde studio anatomicorum deprehensum fuisse musculum malleo adhaerentem, unde coniectandi locus relinquitur, motum aliquem huic malleo cōpetere: saltem quo aliquantum in incudem queat inclinari. Quamobrem ea inclinatio sonum in aëre implantato receptum expergefācit & corroborat, &c.

Obiciēs organum esse partem animatam, aërille non est pars animata. Ergo. Resp. nego. Mi. *Dices*, est eiusdem naturæ cum externo, & æquē elementalis. Resp. nego, est enim substantiæ animalis pars, eaque animata; uti & crystalloides: vocatur tamen implantatus ob similitudinem: nutriturque vel ex spiritibus, qui veniunt è cerebro, vel ex quadam alia substantia prætenui, & in eum illapsa. Neque est permanens, quia defuncto animali dissipatur, ita ut vix dignosci valeat. Distinguitur ergo hæc substantia ab aëre elementari, quem etiam diximus intus existere.

§. 2.

De sono, ac præsertim de voce.

VT color ad visum, sic sonus sese habet ad auditum: Est autem qualitas ex corporum solidorum collisione in aëre, vel saltem in aqua proveniens. Sic Aristot. 2. de anima: verum aliquando corpus fluidum, si modo resistat alteri sonum ciet: catenulque solido æquipollet; ut cum bacillo aërem percutis, fit sibilus: aut cum nubes mutuo sese collidunt, tonitru, aut cum aër agitur, fit ventus, &c.

Diuiditur in naturalem & animale. Ille genericam soni notionem retinet: hic propriè vox appellatur, fit autem hæc ut sequitur. Ab ore ad pectus duplex via sternitur; vna tendit ad ventriculum, & dicitur gula. Altera extra medium colli, pauloque anterior ad pulmonem dirigitur, magis ad ossis, quam ad carnis temperiem cōparata: habetque anfractus circulares, estque aspera arteria; similiter à pulmone procedunt duæ viæ usque ad cor: altera dicitur arteria venosa: altera, vena arteriosa, in cuius superiore orificio versus os fit magna concavitas, ita ut collum ea parte protuberet, & gurgulio dicitur, seu larinx. Ibi tres sunt cartilaginee, & vasa quædam, quibus muscoli circiter viginti interseruntur: quibus in omnem modum dilatari, aut contrahi valeant: larinx habet figuram nucis. Ac ne inter respirandum aliqua cibi particula in eam decidat, in superiore eius parte lingula quædā apponitur, ἐπιγλωττις dicta, seu clauicula, quæ facile, vel eleuatur, vel deprimitur per musculos ipsi connexos, prout loquendi vel tacendi appetitus incessit.

Voci autem articulandæ palatum, lingua & dentes plurimum profunt. Palatum, seu quoddam vocis refractorium, eam auget, lingua se habet ut plectrum; dentes ut chordæ harmonicæ; palatum ut testudo, seu quemadmodum in organis musicis, videre est follis ventum; fistulas, siue tubicatos in quos immittitur; clauiculos, & digitum pulfantem:

sic in nobis pulmo follibus; arteria fistulis; dentes, claviculis; lingua, digito, spiritus, vento æquipollent: cum ergo thoracis muscoli comprimuntur, aër pulmonis expellitur in arteriam, & pro maiori vel minori laringis dilatatione grauior, vel acutior sonus gignitur: & prout in palato ad dentes, vel ad labia flabello linguæ, hoc aut illo modo colliditur: hunc vel illum vocalium sonum efficit. Nectamen sic illud Aristotelis abduco, quod ait 2. de anima c. 8. Vocem effici, cum aër ad arteriam gutturalem alliditur: hoc enim quoque verum est: neque dictis opponitur.

Vox definitur *sonus ab anima editus per vocalem partem, cum imaginatione aliquid significandi*; scil. vel conceptum, vel affectum. Ergo animalia, quotquot pulmones habent, propriè vocem emittunt, quia si non conceptus, vt homo; saltem affectus vel doloris, vel delectationis cum imaginatione rei molestæ, vel iucundæ testantur. Pisces non vocem propriè, sed sonum attritu branchiarum edunt. Tussis, cachinnus & similia voces non sunt.

Vox diuiditur in confusam & articulatam: illa communis est brutis: ista locutio propriè dicitur; & soli homini congruit. His ita suppositis, videndum modo est, quid sit sonus, & qualis: quare sit

CONCLUSIO PRIMA: sonum esse qualitatem sensilem, quæ ad tertiam speciem qualitatis pertineat, producit enim passionem in sensu: Estque distincta à corpore, necnon à motu locali. Ex sola enim coniunctione corporum sonantium nihil producitur; aliunde motus non est sonus: siquidem differentia sonorum essentielles graue, acutum, & nullatenus in motum cadunt: præterea motus percipi potest à pluribus sensibus: sonus à solo auditu, &c.

Quod verò aliqui dicunt, eas differentias oriri à diuersis figuris corpusculorum, quæ mouentur, & à crebritate, vel raritate motus, seu ictus, quo pulsatur aër, aut sonora illa corpuscula, lusus est & mera somniantis imaginatio. Nam esto subtilior aëris percussio sonum acutorem edat: at certè sonus non est: ipsa enim percipi potest visu, & tactu, quibus nequit percipi sonus. Et quidni vir graui voce tot actam crebras frequentationes dicere poterit, quam puer acutâ? Fideæ, inquis, quo magis tenditur, crebriores ictus acceditus edit, quam laxior: atque pari proportionem acutiùs sonat. Resp. primò, si fides aliqua multò subtilior minus tendatur, quàm crassior, et si rariore ictus ediderit, acutiùs sonabit: ergo subtilitas soni non provenit ex frequentatione motus. Secundo, per accidens se id habet ad sonum, vt chorda, quò tenuior, ictus crebriores patitur. Cur ergo, inquis, fides intensior acutiùs sonat? R. quia quò magis tenditur, eò eius pori magis stringuntur: vnde minus habet aëris interclusi: aliunde ipsa sicciior, ac subtilior euadit: ideo subtiliùs, atque concisùs aërem frangit: ac ita permutatur soni qualitas: pendet enim hæc maximè ex fractione aëris ad corpus solidum, vtrumque tamen concavum, durum, ac læue, vt ait Aristor. 2. de anima c. 8. His adde variari quoque posse vocem, cum sub eadem frequentatione idem

aër concutitur : sicut dum eadem voce acuta differentias vocalium pronunciamus, a, e, i, o, u, &c. Denique quod de corpusculorum figuris additur, merum somnium est : nam licet aliquando sicciora quaedam corpuscula dum vi separantur, aërem tanta & tam crebra verberatione refringant, ut inde crepitus, aut stridor audiantur, ut dum torrentur castaneæ, aut ignitum ferrum aqua inspergitur : tamen haud semper id evenit, sed videmus sola corporum solidorum collisione dum flatus intercipitur, sonum cieri. Præterea sine his sonorum differentia fiunt.

Dices, cur ergo Plato vocat sonum acrem, validamque aëris percussionem? & Aristoteles aëris motionem? R. his causam pro effectu nominari; sicut cum 7. Ethic. delectatio vocatur operatio. Ideo Arist. 2. de anima t. 78. ait. *percussio est, quæ facit sonum.* Interim hic nosse oportet sonum non sequi proximè, ac immediatè ipsam aëris collisionem : sed potius fractionem aëris intermedij ; quod de vide Aristot. cit. t. 80.

Neque etiam volumus motionem ipsam per se causam esse soni : Hac enim aliud nihil producitur præter terminum : sonus autem non est immediatus terminus motionis. Solum ergo corpora sonantia ictu edendo sonum efficiunt actione distincta, quæ sonatio dici potest.

Sed quid ? an non Aristoteles ait vocem acutam fieri ex motus velocitate : grauem ex tarditate? R. velocitatem distingi à frequentatione : quia velocem motionem vocat Aristoteles, quæ cito sensum penetrat : frequentem alij vocant eam, quæ spiritus repetito ictu identidem verberatur : solum ergo Aristoteles voluit sonum acutum, utpote ictu subtiliore genitum, citius in sensorium penetrare, sicut telum acutum citius ac profundius penetrat : gravis, contrà : ideo dicit, *acutum mouet sensum in paucis temporibus, graue autem in multis parum.*

Denique obici potest sonum esse corpus, idque graue, quia facilius ex inferiori parte auditur. R. id non sequi; quod enim ex inferiori parte melius audiatur, id solum inde fit, quod deorsum maior eius fiat reflexio : & aliunde aër superior multis halitibus crassescens, sonum impedit.

CONCLUSIO SECUNDA : Sonus est qualitas successiua, cuius singulæ partes respondent singulis motus partibus. Ita Aristot. de sensu & sensib. Ratio nulla melior, quam experimentum : nec valet eorum responsio, qui dicunt sonum ideo successiuum vocari, & videri ; quia successiuè propagatur. Contrà, calor ita propagatur etiam successiuè, an propterea dicitur qualitas successiua ? At, inquires, obiecta reliquorum sensuum in aliquo permanente consistunt. Ergo similiter & sonus. R. Nego consequi, quia singulis sensibus inest aliquid proprium.

Dices, omne successiuum constat indiuisibilibus videntibus, quæ instantibus æquipolleant : at in sono nihil eiusmodi potest fingi. R. primo, eodem modo componi sonum, quo in Phys. diximus componi continuam, nempe indiuisibilibus. R. secundo, à Peripateticis solere in sono quasdam particulas indiuisibiles assignari, quas barbarè sonas esse nuncupant, et in notu mutata esse constituunt.

Aliquot quæstiones ad sonum spectantes solvuntur.

QUÆSTIO PRIMA, In quo subiecto sit sonus. R. id esse principaliter aërem. Ita Aristot. problem. 24. & inde patet, quod per aërem deferatur: & in aëre collisio fiat. Ideo dum oscitamus, minus audimus sonos externos; quia intrò attrahitur aliquis aër, qui collisus sonum intus efficit. Præterea ideo cymbalum multò tempore tinnit: quoniam aër inclusus aliquandiu agitatur: & ita diutius sonum seruat, vel edit potius: & in instrumentis musicis, non ob aliam rationem, ob diuersas figuras diuersus cietur sonus, nisi quia diuersa sit aëris refractio. Quamobrem nec in fidibus propriè sonus Cytharæ, neque in arteriis vox efficitur: sed in aëre intercluso, qui proximè illis subest: vtque concedam in iis aliquid soni exprimi, certè is perexiguus est.

Inde patet ea, quæ magis aëria sunt magis sonare; si tamen siccæ ea fuerint. Ideo aurum argento; calybs ferro; fagus lignis aliis melius sonant, &c. aër autem ideo ad sonum aptus est, quia quadamtenus compactus est, quippe qui poris caret, ideo nec diuidi, nec cedere, neque penetrare faciliùs potest, quam oportet: sed collisus potius frangitur.

Inde quoque patet corpora sonantia debere esse concaua. Sed interim læuia, & quodammodo dura: concaua enim requiruntur, vt aërem contineant: læuia & teresa; quia quæ partes habent inæqualiter prominentes vt aspera, vix queunt aërem interceptum collidere: ideo molliora, ceteris paribus, si fuerint læuia, magis personant, quam duriora: durities denique requiritur, vt aëris resistentia dometur.

Denique vt maximè sonent hæc corpora, debent ita collocari, vt tremere, ac mutare situm secundum omnes partes valeant, vt Campanæ pensiles. Ita enim aër melius verberatur: adde quod medium deferendi soni sit ipsemet aër, vt tremulus, ita vt sicut diaphaneitas in deferenda colorum specie, sic leuis quædam aëris agitatio, seu tremor in deferenda sonorum specie pernecessarius esse videatur.

QUÆSTIO SECUNDA, an possit etiam in aqua fieri? Responso affirmatiua, communis est, ita tamen vt multò imperfectiùs hoc fiat. Docet enim Arist. 4. de hist. animalium pisces audire in aqua: fuisse item dicitur in piscinis Cæsaris piscis quidam, qui nomine vocatus, accederet: an non etiam nubes mutuo in sese compactæ sonant? sunt tamen aquæ. Denique non modo ranæ in fundo lacus audiuntur; sed & vrinatores, dum manibus plaudunt; vel lapides collidunt, sonum edunt, qui facile auditur: neque iuuat, inquirunt, recurrere ad aërem huc admixtum, si enim aliquis insit, hic profecto exilior erit, quam vt tanto sono vbilibet aquarum efficiendo, deferendo, & audiendo sufficiat: nihilominus Alb. Aegydius, Iauellus, Bannez in 1. p. q. 78. Complur. &c. id negant: quia ex Aristot. 2. de anima t. 79. oportet solidorum repercussionem: sed ad inui-

cem, & ad aërem. Id quod sæpiùs repetit D. Thomas ibidem. Ratio est, quia pisces nantes non audiuntur à piscatoribus: ideo aiunt solum quidemaërem esse subiectum, in quo fit sonus, licet is possit per aquam transire species intentionales. Atque ita quoties in aqua fit sonus, sat ibi aëris recondi: vnde post sonum editum bullæ aëris supernatant, quia expulsus aër huc ascendit. Vtrumque probabile, nihil demonstratum hic esto.

QVÆSTIO TERTIA, an diffundatur per medium, & quomodo? Resp. non esse dubium, quin à longo intervallo audiatur, & item quin per muros interiectos. Quæritur solum, an sonus realis ad aurem referatur, sicut calor realis ab igni ad manum: an verò per speciem intentionalem. Sunt enim aliqui, qui affirmant, vt omnes qui Epicuri, aut Democriti partes tuerentur, quibus etiam accedit Auicenna: ex Peripateticis, alij volunt quemlibet sonum aliquousque per successiuos aëris percussu circulos deferri: ac inde solum intentionaliter vsque ad aures: cum enim cœtū sit aërem, vt & aquam, percussū, circumcirca vndantes circuitus glomerare, qui vsque ad quemdam terminum multiplicantur, & succedunt. Eatenus ipsi dicunt multiplicari etiam realem sonum: ita *Themistius, Alexander, Auerroes, Vitruuius l. 3. de Architect.* Alij id negant.

Resp. ergo in primis non posse negari, quin aliquando realiter multiplicetur, ac tunc præsertim, quando post ictum principalem tinnitus, aut murmur aliquod perdurat; vt in tympana, cithara, campanis, &c. alioquin certè crediderim nusquam realiter propagari. Enimvero certum est aërem extrinsecus commotum non posse aërem implantatum ingredi: foramen enim quo ad illum via patet, ita exiguum est, vt extremam acus aciem vix capiat; vnde ob anfractus, & subtilitatem foramen cæcum dicitur: *Secundo* etiam certum est sonum realem ad aurem non pertingere, quia sonus audiretur semper vt proximus; tum quia sonus, qui prope aurem excitatur, distinctè percipi non potest. Certum etiam est eum in medio per illos aëris vndantis circuitus realiter non deferri; quia ibi quoque audiretur boatus aliquis, vt fit circa campanas; & cum multi secum confabulantur, non posset non perturbari, ac confundi sonus ille in medio: quia hoc diuersis, atque oppositis motibus agitur.

Instantiam vnā solum video, qua possint authores oppositi conniti: nempe quòd sæpe sonus non audiatur, vbi primum elicitur: videmus enim tonitruū flammam, antequam ictū, qua excitur, audiamus: ita & in tormentis bellicis. Id autem cur, nisi quia sonus vsque ad quendam terminum, ex quo deinceps intentionaliter auditur, realiter propagatur? R. si hæc causa esset vera, inferendum necessariò esse, quòd qui prope sunt, sonum toto illo tempore durantem audirent, quo realiter propagatur, sicut qui prope sonantem campanam sunt, bombum eius, ac murmur obaudiunt. Dicendum ergo id inde oriri, quòd actio, vel species soni deferatur tardiùs ad auditum: quoniam defertur per cōtinuum

quendam, & iugem tremorem aëris, vt coloris actio per lumen: tremor autē ille subtilis ita est vt parietis poros permeet: procedit tamē semper successiuē; sed ita vt eius successione vsque ad certum terminū tarditate sensus discernere nequeat, queat verò, quò longius progressus fuerit. Id autem comprobatur experimentis, quibus compertum est, quoslibet sonos, siue magnos, siue paruos, in eodem loco excitatos æqua velocitate ferri ad locum, è quo audiuntur: quia scilicet actio intentionalis, cum non habeat cōtrarium, æquo semper incessu prouehitur: sicut dum duo corpora grauius cadūt per medium, cuius totam resistantiam superarunt, et si dispari grauitate, pari tamen velocitate descendunt.

Secundo, id etiam confirmatur ex eo quòd sonus semper æqualiter feratur, neque enim secundo vento flante acceleratur, neque aduerso retardatur. Quia scilicet talis est efficacia actionis intentionalis; vt patet in lumine: aliunde tremor ille aëris impediri non potest, quia naturali quadam proprietate semel inceptus in vna parte per reliquam aëris substantiam serpit. Quare potest quidem ventus aliò sonum diuertere; sed non retardare. Ita fit vt vento procul dispellente aërem, per quem ad nos sonus ferebatur, eum quasi à longinquiori, & debilius audiamus, sed tamen æquē citò.

Interim nihil vetat primis aëris glomerationibus sonum aliquem excitari, tam leuem, vt audiri nequeat. Etenim cum certum sit grauiorem ictum grauiori quoque hominē, vel tinnitu resonare, negari vix potest, quin proportionē seruata minor ictus, minorem bombum efficiat: ita tamen vt non audiatur sæpissimè, & aliquādo etiam hæc *regyraciones* impediantur, dum interim æquē vox percipitur. Et hoc maximè videtur velle *S. Thom.* in 2.^o d. 2. q. 2. & in 2. de anima, l. 16. vide *Complut.* *Sic. & Bannez* in 1. p. q. 78.

QVÆSTIO QVARTA. Quid sit Echo, & quomodo fiat? Resp. *Anicennam* voluisse eundem numero sonum, qui exit à corpore sonante reflecti ab obstaculo ad audientem: *Toletus* & alij putant Echo fieri, cum soni species reflectuntur, sicut cum species coloris repercutiuntur à speculo. *Bannez* putat ex percussione corporum sonantium aërem in gyros glomerari: qui vndulosè ad locum, in quo sit Echo, progressi hinc reflectuntur in contrarium: idque ex *Aristot.* in 2. de animal. 80. atque ex *D. Thom.* ibidem probat. Echo, inquit *Arist.* fit, cum ab aëre uno factio propter vas determinans (i. concauum locum,) & prohibens diffundi: iterum aër repellitur sicut sphaera. Ita Echo explicatur ab aliis nonnullis Thomistis, quos vide apud *Complutenses*, & à *Conimbric.* & *Suarez.* &c. Verum in hac opinione hoc vnum me commouet, quod difficillimè crediderim eandem circumgyrationem aëris, quæ à voce articulata primū tanto humani spiritus, aut instrumenti musici artificio facta est, posse à rupis indigesta, rudique superficie; & à semper simili tam dissimiles reformari: reformari dico, quia nequit illa regyratio repercuti, nisi quasi secundariò formetur in aëre. Quamobrem ipse crediderim sufficere, si actio soni per aërem delata, cum eodem reflectatur

à loco concauo, & obſiſtente: quàmobrem à pari, idem de huiusmodi ſono reflexo dixerim, quod de imagine reflexa è ſpeculo. Interim cum præmonuerimus ſupra tremorem quendam, ſiue agitationem ſonoram in aëre ſupponi, quo mediante deferatur actio ſoni: abunde per hanc poterimus S. Thomam, & Ariſtotelem interpretari.

Quemadmodum autem vnum ſpeculum alteri oppoſitum; iterum reddit, necnon & multiplicat obiecti ſpeciem: & quidem toties, quot erunt ſpectula ita præparata: ad eum modum loca ſoni reflexiua poſſunt ita ſucceſſiue digerì, vt ſpecies, ſiue actiones ſonorum ſæpiùs multiplicentur, ſonosque toties audiri faciant: conſque vt decies ſepties, & aliquando etiã vicies ſexies, eadem ſyllaba ſucceſſiue reddita fuerit.

*Olim apud
Carenſiẽ
ubi nunc eſt
canobium
Carmelita-
rum.*

Notandum eſt interim ſonum reflexum nõ audiri, aut ſaltẽ diſtingui non poſſe ab iis, qui propiùs accedunt ad locum, in quo Echo fit: quia ibi eodem momento reflexus fit, quo huc directus peruenit: at tunc ibi debet audiri, qui illic fit, ſimulque qui eò peruenit, tunc ſolùm auditur, cum peruenit. Ergo ſimul vterque obauditur: at quia ſonus reflexus minoris eſt efficaciz, quam directus, ideo longiori ſucceſſione propagatur, & auditur tardiùs. Et quoniam ſæpe ſonus directus eò perducitur cum reali quadam, & ampla aëris circumgyratione, quæ locum concauum ſubiens, murmur aliquod excitat, ideo qui prope ſunt, illud audiunt, non qui longè.

Ex his ſequitur quòd à viciniõibus pauciores; à remotioribus plures ſyllabæ audiri debeant: itemque quò intensior ſonus directus fuerit. Hinc vix ſciri poteſt, quot ſyllabæ reflecti queant: auditum aliquando fuiſſe integrum hexametrum, ſunt qui affirmant.

QVÆSTIO QVINTA. Cur ſoni harmonici hominem præſertim delectent? Reſp. alij alias rationes afferunt, ea certè mihi placet, quæ ſolet à Platoniciſ adhiberi: quia nimirum ſolus homo inter animantes, animam habet rationibus & regulis anticipatiuis omnium proportionum fœctam & ſigillatam vt diximus in fine Logicz, & ſuprà cap. 1. §. 3. Adde quòd ſolus homo differentias ſonorum verè iudicare, eaſque inter ſe conferre, & vnius præ alio excellentiam noſſe, valeat.

CAPVT XX.

DE OLFACTV.

§. I.

Eius organum describitur.

*l. de organo
olf.*

HAUD facile est decidere, qua in animalis parte, constitui debeat olfactus organum. Ipseque Aristoteles adeo parè hac de re locutus, est ut eum Galenus incuset, quod cum eloquentiæ patens sit, rem tamen hanc nequaquam sermone illustrauerit; sed potius ita inuoluerit, ut quid senserit, nos oporteat vaticinari. *In primo de hist. animal. & 5. de Gen. anim.* videtur in naso illud ponere. *In probl. sect. 13. probl. 5.* in cerebro: *in l. de sensu & sensib. c. 2.* prope cerebrum, vix quidquam expressius inuenies: ex quo saltem inferendum est, rem non esse ita manifestam, quin dubitationi maximum locum relinquat: verum ut clarius procedamus, prius quæ certa sunt, expendamus.

In olfactu primum considerandus est nasus, ad tria potissimum idoneus, *primo* ad aërem respirandum; quem partim ad cerebrum, partim ad cor attrahi necesse est: *secundo*, ad excrementa cerebri emungenda; ideo proclius factus est: *tertio*, ad odorandum: quæ autem naso longiore prædita sunt, ea sagaciora videntur: quibusdam tamen animalibus nasus datur instar manuum, ut proboscis Elephantis: alia ut eumque odores percipiunt branchiis, vel quibusdam fistulis, aut præcinctu aliquo, analogum quid ad nares præferente ut insecta.

In superiore porro narium extremitate duo sunt tubercula, seu carunculae, quæ mammillares, siue papillares solent nuncupari, eò quod mammillæ caput quodammodo imitentur. Per has cerebrum exonerat excrementa sua in nasum, & odores attrahit: perque illas duo quoque nervorum rami à quinta coniugatione cerebri procedunt, ut per hos spiritus animales odoratus administri à cerebro in nasum, vim odorum excepturi; iterumque è naso in cerebrum attentionem excitaturi fluunt, refluuntque.

His duobus tuberculis, siue processibus mammillaribus subest os cribrosum instar cribri, spongiæque multis minutis, & obliquis foraminibus pertusum, ut aër, quo solet odor deferri, quasi cribretur, attenuetur, & percoletur: ac ita vitali excitandæ odoratus actioni euadat aptior: vocaturque spongoides, seu spongiosum: eo præterea impeditur, ne aër copiosior, aut intemperatus in cerebrum facilius surrepat. Eidem ossi credunt aliqui supernè membranam quandam pertinaciter adhærescere, quæ *crassa meningx* appellatur; similiter omnino pertusam, sicut os illud spongiosum: ita ut in hæc foramina desinant processus mammilla-

res Hanc Aristoteles videtur nomine operculi cuiusdam innuisse, quod ^{1. de anima} vult ipsa respiratione attolli, vt odor organum subeat: verum id alij ne- ^{c. 9.} gant, quod nullum tale operculum anatome deprehendatur: ac nihilo- ^{l. de sensu} minus hæc duo conciliari possunt; ita vt non detur quidpiam operculo ^{c. 5.} simile distinctum ab illa membrana; detur verò hæc: eaque operculij fungatur officio. Talis ergo, ac tantus est apparatus, quem natura in- stituit ad purgandum, & aliquandū halitum odoriferum, vt dum sen- siterium mouet, non officiat cerebro.

Quæritur modo, in quo præcipuè constitui debeat olfactus organum. Diuersas lego sententias, vix vllam rationem. Gal. 8. de vsu partium il- lud intra cranium collocat, atque in ipsis cerebri anterioribus ventricu- lis, vaporosum quendam spiritum continentibus. *Auerroes* 2. collect. in nervo, aut in membrana. *Auicenna*, *Albertus*, &c. in carunculis illis mammillaribus.

CONCLUSIO: Quamquam ea omnia, quæ sunt enumerata cõcur- rant ad olfactionem: ipsiusquæ completi organi parte sint: id tamen in quo principalior odorum actio fit, est processus mammillaris. Quod omnia concurrant, patet quia natura nihil facit frustra. Idemque in ol- factus organo, quod in organis visus & auditus, ipsa obseruauit, in qui- bus varia construxit, eaque necessaria adminicula iis sensibus excitan- dis. Aliunde recolendum est quod supra diximus, cum de organo visus loqueremur, ipsam propriè attentionem non fieri, nisi in cerebro, vbi est sensus communis; quamquam vi principalis cuiusdam impressionis in singulari organo editæ, ea sequi debeat. Atque hoc est quod modo quæ- rimus, quod illud principale sit organum.

Hoc autem non esse intra cranium, vel quidpiam cerebri, patet: tum quia in eo sedes est sensus communis, & phantasia: ergo non debet con- stitui sedes vllius sensus particularis: quamobrem cerebrum est veluti aula prætorij, in qualicigantium causæ decernuntur: sensus verò, sunt velut aditus per quos ea deferuntur. Rursus frustra esset tantus ille dis- positionum apparatus, quo nares Deus locupletauit. Denique experi- mur sensationem, id est, actionem odoris, quæ attentionem animi exci- tat, terminatque, in naribus fieri.

Aliunde quod ea non fiat in ossè cribroso, patet ex ipsomet *Aristot.* 1. de anima: quia id expers omnis sensus est; ac nimis durum, & terreum. Neque item in membrana, aut tunica, quia hæc vsque ad linguam por- rigitur. ergo ea odores cur non perciperet? Neque denique in nervis, quia sunt eiusdem temperiei cum cerebro, nimiumque terrei, & ætiusque solum seruiunt. Ergo, &c.

Probatum rursus, atque explicatur conclusio sic: organum præcipuè in ea parte situm est, quæ congruentius, efficaciusque mouetur ab odoribus: illud autem debet esse quidpiam viximè commensuratum, & cognatum subiecto illorum. Hinc enim summa erit præditum aptitudine ad eorum excipiendam energiã. Ob hanc etiam rationem ex Galeno lucidum de- buit esse acutum in oculo, quod erat à coloribus alterandum: & ac-

rium in auribus, quod à sono. Ita etiam vt optimè possit organum olfactu salterari ab odoribus, id debet maximam cum odorum natura sorti:ri affinitatem: hisque qualitatibus eximè affici, quas in præstantissimo suo subiecto ipsi exoptant. Ita enim ob summam sympathiam, & proportionem facillimè actione, & virtute illorum afficietur. Atqui nihil esse potest, quod proprio subiecto odorum sit affinius, quam eiusmodi caruncula papillaris: siquidem subiectum proprium odorum est aliquid aëre densius, & aqua tenuius: itemque nec omnino siccum; nec omnino humidum: talis autem est illa caruncula.

*l. de usu part.
lib. 1. c. 8.*

Præterea, experimur olfaciendo nos intus in huiusmodi recessus attrahere aërem odoriferum, inspirando videlicet, ac intus eum quodammodo constringendo: posseque nos etiam cohibere odoratum, comprimendo interiores quasdam narium partes. Ergo debet organum odoratus constitui in ea parte, quæ laxari, & comprimi expirando, & inspirando possit: talis autem est illa substantia, vbi notabis interim ex Galeno cit. Quoddam obstruētis ab aliquo naribus (sicur & Plato alicubi dicit) odor quidem nullus pertransit, spiritus verò, (siue aër subtilissimus) odore priuatus, ipse solus sequitur. Ex quo sequitur primo, quod olfactio pendeat ex aliqua parte, quæ facile comprimi, aut laxari queat: secundo, odorem esse quid crassius aëre subtili: tertio, eum subire intra organum per meatus aliquos paulò laxiores poris ipsis eiusmodi partium: quarto, olfactus non esse infra eiusmodi carunculas: quinto, denique id optimè ab Aristot. & D. Thoma locari prope cerebrum, extra tamen.

*l. de sens.
lib. 1.*

Ex his iam penè constat, qualis sit illa substantia papillaris, aut qualis temperiei. D. Thomas post Aristot. 2. de anima, respondet, organum odoratus esse aëris, vel aquæ. Quamobrem existimauerim esse quidem aërium, affinius tamen aqueo, quam aërem illum implantatum, quem in aure admisimus. Ita enim maior seruabitur proportio cum obiecto: ac denique id ex mollitie, crassitieque huiusmodi caruncularum euincitur.

D. Thomas cit. (vel author eius commentarij, quisquis sit,) asserit organum olfactus esse frigidum, & humidum; quia, inquit, debet esse in potentia, id quod odor, actus, qui est per calorem, vel ignem, & ita oportet, quod sit potentia calidum: potentia autem calidum est materia frigidi: nec enim potest esse in potentia ad vnum, nisi secundum quod est actus sub altero, vel perfectè, vel imperfectè. Verum pauca hic notanda existimo.

Primo, debet organum alicuius sensus omnino per se carere actuali qualitate, qua constat eius obiectum, vt organus visus, caret actu colore. Secundo, debet præcipuè constare principiis maxime consentaneis huiusmodi qualitati: quemadmodum diximus organum visus constare ex aliqua participatione ignis, eo quod hæc maxime colori consentiat. Tertio, id quod est in potentia ad aliud, illi non omni ex parte debet dissimile præsupponi, vt diximus in l. de Gen. Ergo debet illi aliqua ex parte simile existere. His positis dico organum olfactus non esse omnino frigidum, quia non est sat conforme odori, alioquin multum cali-

do: at neque debet multum esse siccum; sed temperatè, quantum scilicet exigit iusta proportio eius cum natura media inter aërem, & aquam. Vnde in eadem illa substantia saepe aër, qui frigidior inspiratur, solet calefieri, ne cerebro noceat. Aliunde spiritibus animalibus sat calidis abundat: adde quod notauit Hippocrates olfactum, cum pituitoso defluxu, aut alio quouis humore scatet, parum sentire. Ergo esse non debet multum humidum.

At cur, inquires, ab Aristot. l. de sensu, igni attribuitur odoratus? R. D. Thom. quia ibi sumitur odoratus non in potentia, sed in actu: quomodo factus odor in actu, debet esse calidus, & siccus. Adde quod exhalationibus calidis, & siccis affici solet.

Interim cum Aristotele notare oportet ea solum animalia cum inspiratione olfacere, quæ tale operculum habent, id est, talem carnem, talemque membranam, quæ contrahi, aut dilatari valeat: cetera verò, ut pisces, & insecta sine huiusmodi inspiratione odorem persentiscere, sponte in eorum sensiterium semper patens illabentem: sicut solæ animantes, quæ habent palpebras, earum apertione inspiciunt: secus quæ illis carent, ut locustæ: oculos enim semper apertos gerunt.

§. 2.

De Odoribus.

THEOPHRASTVS, Galenus, & alij multi volunt odorem esse vaporem, aut exhalationem corporis odoriferi, eoque concedunt omnes, qui omnia ex corpusculis, atomisque faciunt: sed nihilominus sit

CONCLUSIO: Odor est qualitas, qua corpus fit odorabile: vel fortè melius, est qualitas orta ex sicco prædominante cum humido blandius temperato per calorem vniuentem & resoluentem.

Quod sit qualitas, patet ex eo vel maximè, quod corpus ut corpus non sit per se sensibile, ut sæpe diximus: cetera verò indicant principia, ex quibus emergit, quod sic explico. Ad odorem requiritur siccitas, sed prædominans: sicut ad saporem humiditas, quapropter subiectum odoris debet esse vapor quidam calore potissimum exsiccatus: vel exhalatio peculiari quadam ratione, per calorem cum aliquo humore temperata. Hoc significauit Plato, cum dixit in Timæo: *Omnis odor aut fumus est, aut caligo: Sed horum quod ex aëre mutatur in aquam, caligo: quod verò ex aqua in aërem, fumus. Hinc fit ut aqua odores tenuiores sint, aere crassiores.* Idcirco semigeniam eorum naturam dixit, quod medix naturæ sint inter aëream, & aqueam: quasi quid ex vtraque mixtum, prævalente nihilominus siccitate, & calore resoluente. Ita verè materia odoris est fumus humidus & aërius: sitque potissimum ex commutatione vnus in alterum: cum vel vapor subtilior, & humidior sit siccior & crassior, id quod nomine caliginis intelligit, quia in quandam

opacitatem desinit: vel exhalatio densa, crassa, & frigida, fit humidior, subtilior, & calidior: id quod fumum nominat, seu suffitum. His ergo nihil aliud vult, quam quod docuit Hippocrates, necessarium esse, vt siccum & tenue prædominentur in odore: ita vt neque siccum igneum sit, quia hoc est sine humiditate: neque terreum, quia sine calore: sed ærium, vt odor facile diffundatur, & transmeet: ipsoque tandem ære crassius, vt organo euadat affine. Calor requiritur, vt humiditatem concoquat: non verò frigus, ne poros adstringat. Hæc autem omnia confirmantur,

Primo, ex eo quod aromata soleant accendi, vt odorem spargant: aut conterri, vt fumus, vel euaporatio æria valeat liberius vi caloris efflari. Hinc odorifera melius æstate, quam hyeme; interdiu, quam nocte; calfacta, quam frigida sentiuntur.

Secundo, quod quæ impensè olent, amara sint communiter, quæ nimis cocta, & arida: in locis item aridioribus, & calidioribus suauiores odores nascuntur, vt in Arabia, Syria, &c. vnde pretiosiora solent aromata deueni. Et è contrario, quæ bene olent, si nimis humescunt, odorem amittant: ideo in Ægypto propter frequentem Nili exundationē pauca nascuntur plantæ odorifera: quæ verò ob ariditatem non olent, humectata, olerè incipiant: vti terra semente fragrante consista, quæ vix nisi paululum madescat, eius odorem perspirat.

Tertio, quod omnia mixta calida dicantur esse odorata: vixque vllum odoratum sit frigidum. Quod si rosas, nymphæas, &c. obiceris, quæ videntur esse frigida; & tamen odorata. Respondent Medici in iis esse aliquas partes calidiores aliis, easque solum fragrare, licet frigidiores mole reliquas superent: quo fit, vt ex odore vnius plantæ, de temperie totius plantæ æquum iudicium ferri non possit, saltem in genere, licet in particulari sæpius ex odore rei, bene iudicetur an bona, an corrupta sit, vt an vinum sit austerum, an dulce: an pomum sit acidum, &c. odor piperis, eius acrimoniâ prodit, &c. quo fit, vt Physici aliqui dixerint odorem esse, *saporem exhalantem*: vel dicito eiusmodi flores solum comparatè, ac cum hominis corpore collatos, dici frigidos, quod vim aliquam habeant id refrigerandi, licet modicè.

Quarto, quod salsa, & acerba parum sint odora, quia sicco nimis terreo constant.

Quinto, quod dulcia minùs oleant, quia humidum in iis præualet.

Sexto, quod bene olentia sint diuretica, i. urinam moueant, quia vis ignea illis inspersa partes magis attenuat, easque magis fluxiles, ac penetrantes facit.

Ex his & aliis multis euidenter infertur odores consistere in mixtis siccis, & calidis benigna tamen humiditate temperatis. Eorumque causam efficientem esse calorem cum internum, tum externum: internus enim alterat, coquit, & miscet humidum lapidum cum sicco; externus corpora odorata relaxat; atque ex iis odorem, seu melius halitus odoriferos educit.

Ita odorum formatio ex multis pendet: *Primo*, à forma mixti, nam eius plerumque proprietates sunt: ab ea tamen proueniunt mediante temperie, quæ illi per se debetur: quæ quia plurimum ex soli, cælique variis influxibus pendet, inde fit, vt quædam odorata vnain ament mundi plagam, alia verò aliam; & quædam calidiorem: alia magis tepentem: quia prout ad excessum, vel defectum humidi, vel sicciproniora sunt, diuerso quoque debita temperationis principio externo egent. Hinc myrthus bene olet in Ægypto, vbi vix quidquam aliud fragrat: Iris melior in Illyride, quam in Macedonia; nihil olet in Thracia. Præterea serenitas aëris multum iuuat, ideo mane fragrantius, quam vlllo alio tempore flores olent, quia neque æstu meridiano, humiditas, neque vaporibus vespertinis, siccitas minuuntur. Adde quod, in puriori aëre purius ab humoribus organum sit. Denique certa concoctionis mensura exigitur diuersa in diuersis, quo fit, vt quædā syluestria melius, quam hortensia oleant, vt mespila, pira, sorba, &c. quædam, contrā, vt rosa: quædam siccata odorem seruent vt rosæ, non alia vt violæ: nonnulla solum secundum aliquas partes, alia secundum se tota fragrent, &c. At hæc coctio debet esse lenis; non torrens: quapropter gummi, & lacrymæ odoratæ, igne exustæ, nullum odorem spargunt: quia flamma citius absorbit sufficiens odoratos; ob quam etiam rationem aromata diutius odorem seruant cinere suffita, quam igni. Aliunde sæpe flores & res odoratæ procul melius olent, quam prope, quia vapor odoratus prope adhuc plus humoris alimentitij, vel radicibus adhaerentis retinet, à quo hinc recedendo, vi caloris extrahentis, & attenuantis expurgatur.

Sed quid, an non sunt multa præhumida, quæ bene olent, vt opobalsamum, vinum, aquæ stillatitæ? &c. R. iis contineri spiritus aliquos naturæ sicciores & igneos, qui cum reliqua mixti humiditate blandè se temperantur, vt bene oleant.

§. 3.

Aliquot quæstiones explicantur.

RESTANT modo aliquæ quæstiones paucis expendendæ.

QUÆSTIO PRIMA, Quot & quales sint odorum differentiar. R. eas minus accuratè posse discerni. eò quod homo non multum exquisitā habeat vim olfaciendi: ideo quemadmodum animantes quædam sunt oculis duris, & corneis præditæ, quæ non facile omnes colores discernunt, sed solum lucidissimos, ita homo solum vehemētiores odores percipit, quia humidior debuit cerebro donari ad melius, & sincerius iudicandum, firmitusque reminiscendum, atque ita Plato & Aristoteles.

Tamen distingui possunt odores hoc modo: alij sunt grati: alij insuauis. Gratus vocatur *fragrantia*; insuauis. *sator*: ille oritur ex temperie olfacienti cōsentanea; & *sympathetica* iste ex dissenteanea, & antipathetica. Ideo forte quæ nobis sunt ingrata, grata sunt aliis: videmus enim porcos, cornos, vultures, &c. deliciosè allici ab iis, quæ grauolentia sua

nos valde absterrent. Solet tamen à nonnullis suaueolentia per temperatorem, & perfectiorem coctionem sicci, & humidi definiri: ita vt hæc fiat ex subsidientia, vel segregatione partis, & humoris crassioris, & terrestri, tum spumosi, & aquosi attenuatione, exhalatione, segregatione, &c. Plato nullam aliam diuisionem adduxit.

Alij quidam odorem diuidunt pro varietate humidi sapidi, ex quo prouenit vt alius acris; alius amarus; alius acerbus dicatur: alij ratione intensioris, quæ penes acutum & ignauum attenditur, vt acutus sit, qui è longinquo, & acriter; ignauus, qui eominus, & tardè sentiatur.

QVÆSTIO SECVNDA, an odores spargantur realiter cum prædictis halitibus vsque ad olfactum, & quomodo eum afficiant? R. communiter affirmari cum odore simul euaporationem in cerebrum penetrare. Idque ex multis experimentis quæ vulgariter referuntur, efficitur: nam constat ex sola herbarum olfactione leuari, aut grauari sæpe numero cerebrum: ea interdum delirium sanat: aliquando inducit, vt docet *Gal. l. de instr. olfactus*. Item videmus herbas odoras, ex nimia olfactione flaccescere, quòd scilicet nimium illi halitus euaporent. Ideoque vnguentarij odoramenta miscunt cum oleo omphacino, vt visciditate, & adstrictione olei ex oliuis immaturis fumi illi non dissipentur. Item nemo nescit odore electri, aut aliis suauissimis cerebrum incalescere, sanguinem in venis feruescere, animantes quasdam interfici, fugari, &c. Denique odores in medio sese mutuo impediunt, vento dispelluntur, &c.

Attamen in sensiterium debent agere actione spiritali, & nobiliori: vt ad vitalem sui representationem concurrere queant. Ita *D. Thom. in 2. de anima lect. 20.*

An verò possit odor è longinquo mittere speciem intentionalem, problema est, cuius vix quidquam potest determinari: qui affirmant fundantur in eo quod post bellum Trojanum vultures, aut corui legantur à plusquam 500. milliariibus venisse ad cadauera: non est autem, inquit, credibile potuisse halitus tam immensum tractum implere. Qui verò negant respondent, vel vultures eiusmodi casu illuc conuolasse, allectos, scilicet, à cadaueribus vicinioribus: vel non esse mirum, quòd tanta euaporationum vis ex innumeris cadaueribus exire queat, vt illæ deinde millecuplo magis rarefactæ in longissimas oras dispergantur. Cæterum ex eo quòd soleamus inspirando olfacere, ac olfaciendo simul sentiamus cerebrum calefactum, sat manifestè inferitur odorem cum ipso halitu in organum immeare.

QVÆSTIO TERTIA, quem ob finem odoratus utilis sit? & quomodo profit cerebro? R. *primo*, animalibus odoratum esse necessarium ad alimentum procul diiudicandum: item ad obsequium præstandum hominibus. Etenim experimento constat sæpe ea odore ciborum ad illos allici: item videmus sæpe ea escam primum odorari, antequam comedant: deinde vestigia hominum subolfaciunt, vt eos sequi possint: itemque feras odore inuestigant, &c.

Secundo, R. homini quoque viles esse odores, tum ad discernendos cibos, & liquores, rerumque multarum proprietates indagandas, vt patet, tum vel maximè ad cerebrum refocillandum, atque ad iuuandam, reficiendamque memoriam; denique ad sese exhilarandum. Marfil. Ficinus l. de vita producenda t. 2. c. 189. ingeniosis spiritu laborantibus tria præcipuè conducere ait, *purum aërem, fragrantem odorem, & dulcem musicam*. Et meritò quia sassistus, qui suauem odorem deferunt, blandè caldi sunt, & spirituosius, ideo frigidiorè, aquosamque cerebri humiditatem aëria corrigunt, & memoriam tenaciorem reddūt. Adde quòd halitus illi sua uolentes cum spiritibus animalibus salutarem affinitatem habent, facileque in eorum substantiam commutantur.

Quòd verò etiam ad recreandum hominem per se odores à Deo conditi sunt, hinc patet, quòd solus plerisque odoribus, ideo sine vllò alio commodo delectetur, quia olfactui grati sunt; bestia odoribus afficiuntur, quatenus sunt quædam ciborum irritamenta. Neque canes tantopere recentis graminis fragrantia exhilararentur, nisi putarent esse gramen alimentitium. At homines rebus odoriferis, quas optimè norunt esse insipidas, nec esui accommodas, mirificè delectantur.

Inde fit vt licet homo vincatur à bestiis in olfactus intensiōe, ea tamen vincat in discretione: bestia enim possunt minores odores, & à longinquiori etiam acutiùs percipere: homo verò eorum differentias, pluresque, & perfectiùs discernit.

QVÆSTIO QVARTA, quid sibi velit Plato, cùm ait, *hoc quidem, sc. odor molestus, disturbat, violatque omnem eam capacitatem quia à summo capitis vertice, ad umbilicum protenditur*. Illud verò, id est, odor gratus, eandem mulcet, & amico quodam ingressu naturalem eius seruat habitum. R. quosdam putasse Platonem voluisse sedem principalem, ipsumque organum animæ, in quo de sensibus ipsa excercet iudiciū esse cor: sed malo credere iis verbis solū significari, quòd halitus odorati recepti in cerebrum sympatheticè, si grati; aut antipatheticè, si ingrati sunt, afficiant spiritus animales: qui subitò in viscera procurentes, organum irascibilis proritant, si molesti; aut concupiscibilis mulcent, si iucundi. Ob eandem rationem dixit, *vocem esse pulsationem quandam ab aëre, per aures, cerebrumque & sanguinem*, (quo spiritus vitales, & animales devehuntur) usque ad animam penetrantem: natam quoque ex ea motionem incipientem à capite, & in sedem iecoris desinentem, auditum esse. Ita significat animam seinel affectam à sensu externo, totam commoueri, tam secundum phantasiam, quæ viget in cerebro, quam secundum affectus, qui vigent in iecore, aut in corde: affici autem spiritibus per sensoria diffusis, quasi rerum sensilium imagines, vel impressiones præcipuas deferentibus.

In Timæo.

CAPVT XXI.
DE GVSTV.

§. I.

Quod eius organum.

VT reliquostres sensus externos, sic & istum exordiemur ab organo, Platonem secuti, qui sic eum describit in Timæo. *Tenduntur à lingua vena ad cordis sedem saporum nuncia:* Ita linguam ipse facit gustus organum, & merito. Idemque docet Aristoteles multis in locis, præsertim 1. de hist. animal. c. 11. *Lucet inquit, pars sentiens saporem lingua: vix istam sentiendi præcipuè obtinens parte sui primore: nam si interiore tangat, minus sentiet.* Hæc ad radicem habet os firmum, seu bāsin Græcè *ὄσθις* instar Y. ibi illa latior est, & faucibus hæret, estque substantiæ raræ, & spongiosæ, vt facile humorem imbibat; unica præternui conuestitur, ostotum ambiente. Nouem constat musculis, quos media lingua hinc inde diuidit: venis præterea duabus maiusculis, totidemque arteriis instruitur: duo item habet neruorum paria: alterum mollius saporibus percipiendis; durius alterum, mouendis musculis destinatum: hi nerui ex tertia, & quarta coniugatione proueniunt, & alij per mediam linguam, quæ eius cuspis dicitur, vsque ad extremitatem exportriguntur, & ramulos quosdam ad latera spargunt: alij similiter ad palatum: præter hæc omnia in radice linguæ duæ sunt glandes carnez, quæ tonsillæ nominantur. Hic generatur salua. Communis autem sententia est organum gustus in illo neruo linguæ consistere: vel vt alij malunt in cuspide linguæ & palato: verum ne in superfluis immoremur: breuiter dicam totam linguam esse organum: & non solum neruum, quia tota lingua saporibus discernimus. Deinde in glādulis etiam sic gustatio, quia ibi abundat salua, quæ vehiculum est, mediumque saporum; tum quia experimur sumpto amaro aliquo pharmaco, circa fauces diu sentiri amaritudinem. At præcipuè hic sensus vigere in cuspide linguæ dicendum est, vt ipsa testatur experientia: per hanc autem interiorem intelligo linguæ tunicam, qua parte circa medium maximè neruosa est: Etenim *primo*, ille neruus spiritus vehit maximè necessarios ad quamcumque sensationem; *secundo*, si obstruatur, vel transponatur, vel quocumque alio pacto lædatur, gustus deperit.

Dices, neruus ille terreus est: organum verò gustus secundum Galenum est substantia quædam humida & aquea. R. *primo*, negat ab Aristotele 2. de anima t. 10 §. quòd organum illud sit actu humidum: quia debet esse in potentia ad saporem, qui est humidus, ex quo Compluten-

ses inferunt illud organum esse debere actu siccum. R. secundo, esto, sit actu humidum, quod forte verius est, uti Galenus asseruit, neque negavit Aristoteles secundum Toletum, tamen nervi illi gustatorii sunt molles, & multum ad aqueam humiditatem accedunt. Dixi, neque id forte negasse Aristotelem, quia cum dixit organum illud non esse actu humidum, id ita Toletus interpretatur, ut solum de humido sapido intelligi debeat, q. d. organum non esse actu prædictum eo humido, qui est super, quod certe conceditur ab omnibus: licet humore communi polleat, per quem proximè disponatur ad actionem, speciemue saporis excipiendam. Hoc confirmatur ex eo quod siccior lingua saporis non sentiat: ideo saliva debet dilui, & ægroti ob eiusdem ariditatem nihil saporant: itemque Zinziber, & alia sicciora non sapiunt linguæ nisi madefactæ. Propterea saliva dicitur medium externum; epidermis verò linguæ, atque etiam caro musculosa est medium internum, per cuius poros qualitas gustatilis in gustandi organum influit.

Sed quid sibi vult Plato, dum ait tendi à lingua venas ad cordis sedem saporum nuncios? R. idem quod sæpius docuit Aristoteles, ipse enim l. de sensu c. 2. sic ait, *Tactuum autem terra, Gustatum vero species quadam tactum est.* Et ideo circa sensiterium est ipsum, scilicet gustus, & tactus: cerebro enim oppositum est cor, atque calidissimum: ubi hæc addit S. Thom. Nec tamen oportet esse duo principia sensitiva in animali: unum circa cerebrum, ubi constituitur principium visuum, odoratum, & auditivum: & aliud circa cor, ubi constituitur principium tactivum, & gustativum, sensitivum enim principium primo quidem est in corde, ubi est fons caloris in corde animalis. Nihil enim est sensitivum sine calore, ut dicitur in 2. de anima. Sed à corde derivatur virtus sensitiva ad cerebrum, & inde procedit ad organa trium sensuum, visus, auditus, & odoratus: tactus autem, & gustus referuntur ad ipsum cor per medium coniunctum. Propterea Plato notavit venas linguæ ad cordis sedem tendere. Repugnant tamen Galenus, & Medici volentes primarium principium sentiendi esse in cerebro, quia ibi est facultas imaginatrix, sine qua sentiri potest nihil, ut patet in dormientibus, & iis qui apoplexia laborant: & ideo nervi gustatorii procedunt à cerebro, ut scilicet per eos spiritus qualitate gustatili affecti, eius impressionem deferant ad organum phantasie, ubi excitatur attentio. Quidquid sit, optimè possumus cum Plat. & Arist. dicere maiorem esse communionem gustus, & tactus cum corde, quam cæterorum, esto quoad actionem iudicandi immediatius à cerebro pendeant. At physicam impressionem realis qualitatis, qua immutantur magis, quam sensus reliqui ad cor traiciunt: unde sæpe ex læsione alicuius membri sentimus illico nos in corde quasi pungi, & vulnerari.

Pergit verò Plato: & quomodo fiat gustus sic explicat: *In quas (venas linguæ) si que ita inciderint, ut humidam carnis molliem penetrantia, terrestris sua natura modicè liquefacta, venas ipsas contrahant, aresciantque, sapes eiusmodi efficiunt.* Ergo gustum fieri per immutationem physicam tenet: quod quod fiat patebit ex his quæ sequuntur.

De Saporibus.

DEMOCRITVS saporē per figuras corpusculorum explicabat, id quod modo etiam quam multi faciunt. Sic autem ille, apud Theophrast. l. 6. de causis plant. rem explicabat. Saporē dulcē appellavit, qui rotundus, ampliusque est: acerbū, qui figura magna perficitur: asperum, qui multis angulis distinguitur, minimeque orbiculatus est: acutum, qui mole constat acuta, & nucis pinex speciem gerit, & incurvus, & tenuis, multoque orbe conglobatus est: acrem, qui orbiculatus, tenuis, angulatus, & incurvus est: salsum, qui angulatus, magnus, distortusque est & cruribus paribus constat: amarum, qui rotundus: levis atque distortus, parua cum magnitudine: pinguem, qui tenuis, rotundus, parvulusque, &c.

Plato, qui hactenus ea quæ naturæ sunt, figuris more Democritiano- rum, & Pythagoræorum explicuerat, modò clariùs mentem suam aperit, & saporē clarè qualitatem vocat. *Quando* verò, inquit, *ingredientium qualitas humida est, lingua qualitati naturaliter concors & consentanea, & lenis, mollique eam, contractamque demulcet asperitatem, & que præter naturam contracta, vel sparsa fuerunt, relaxat, vel colligit, ac summam naturalem singulis restituit habitum, suæ huiusmodi, dulceque vocatur:* in hoc cum eo sentit Arist. sit ergo

C O N C L U S I O : Sapor est *paribilis qualitas orta ex humidi aquei cum siccis terrestri temperatura, vi caloris facta, qua gustum afficere potest.* Hæc descriptio desumitur ex Arist. i. de sensu, & sens. c. 4. eamque sic refert Theophrastus eius discipulus: Sapor, inquit, est qualitas orta ex percolatione humoris per siccum terrestre, ut cum aqua percolatur per cineres.

Quòd sic qualitas, & non atomi, probatur ab Aristotele *primo*, quia figura sunt sensibile commune, non proprium, & certè ab omnibus sensibus secundum Democritum, & Epicurum percipiuntur. Quomodo ergo per eas figuras diuersi sensus possent constitui? Cur tanto, ac tam diuerso apparatu naturæ singulorum sensuum distinxit organa? an solum propter maiorem, aut minorem huiusmodi figuratarum atomorum subtilitatem? At cur non sufficisset organa quoque angustiora, vel ampliora tamen generis eiusdem efficere? quid, quòd atomi sint indiuisibiles: atque earum vna non sit crassior altera. Ergo aliud necessariò præter figuras, etsi darentur, admittendum est, à quo sensus specificentur, ac distinguantur: *secundo*, quia cum sint infinitæ species figurarum, etiam essent infinitæ saporum species, &c.

Quòd verò sapor ex concretionē humidī cum siccis terrestri oriatur, patet ex communi sensu, & experimento, quo constat neque purè terrea sapere nisi madefiant, neque humida nisi calore aliquo concoquantur, & cum siccis paululum crasso temperentur. Sic cum fontes &c

flumina percolantur per venas terræ minerales, saporem contrahunt. Itemque fructus & semina pro varietate terrestrium partium diuerso quoque sapore afficiuntur. Ergo sicci terrei participatio requiritur. quia gustus crassus cum sit, maximeque assinis tactui, exigit etiam gustabile crassum, & terreum: requiritur quoque participatio humidi: quia siccum super linguam positum actu sine humido non sapit.

Interim dubitatur primo, an in sapido humidum prædominari debeat, ut humidum in odorato: hoc enim grauem difficultatem patitur: quia multa sunt valde sapida, quæ parum humidi habent, ut piper, zingiber, &c. Imo Galenus docet, *saporis amari materiam esse siccam & terrestrem, quæ humidum in se paucissimum habeat*. Adde quod sapor sit propria qualitas alimentis: hoc autem videtur potius esse siccum & calidum, quia famēs 3. de anima definitur appetitus sicci & calidi. R. aliquos propterea sentire non esse id per se ad saporem necessarium, ut humidum prædominetur. At alij respondent humidi prædominium se habere ex parte principij saporis, non per ordinem ad subiectum, ita vt semper sapor principaliter ab humore oriatur: licet is humor exiguus sit in subiecto. Ita fatentur multa esse sapida, quæ sicciora sunt, ac perparum humida: ipsum tamen, etsi tenuem, huiusmodi esse principale principium saporis, qui in iis est. Quidni etiam dicamus sufficere, si sapidum cum actu sapit, humore præualeat?

Secundo, dubitatur, an humidum illud necessario debeat esse aqueum. Multi enim hoc affirmant, ut maiorem saporiferæ substantiæ cum gustu conformitatem, atque adeo crassitiem adstruant. Sed tamen id alij negant asserentes sæpe sapores præsertim dulces oriri ex humido aërio, quod quia tenue est, ac pingue, ideo sese suauiter dilatat & linguæ gratissimum fit, atque aptissimè nutrit: quod enim nutrit debet blandè ac leniter agglutinari partibus alendis. Ideoque secundum Arist. *Nutritum hominis debet esse dulce, aut dulci permixtum*. Hinc saccharum, mel, mánna, & similia dicuntur esse aëria. Et quod nos manna vocamus, Galenus mel ætherium, siue aëreum nominat *et cetera*. Esto id ergo saltem probabile.

Probl. 20.
scit. 13.

Modo ad diuisionem saporum veniamus: septem communiter species numerantur, & in hoc Plato & Aristoteles conveniunt. Hi autem sunt *dulcis, amarus, salis, acris, austerus, ponticus, acutus*. Octauum his addit Theophrastus *pinguem*. Sed hic ad gustum nihil videtur attinere, ideo à Platone prætermittitur. Aristoteles pinguem reducit ad dulcem, sicut flauum ad album. Plinius numerat 27. genera saporum, quia singula priora 7. genera possunt adhuc subdiuidi: de his tamen nihil certi potest stabiliri.

Plato singulorum illorum effectus sic explicat, ut dulcis linguæ humorem deliniat; acris turbet, acutus inflammet; amarus abstergat, ac liquefaciat; salis purget, & exsiccet; ponticus linguæ meatus leniter obstruat; austerus leniter contrahat. Ratio istorum petitur ex diuersa primarum quantitatum, quibus constant, mixtione: cum enim calida

dissoluant, frigida constringant, sicca abstergant; humida diluant, quæ quidque proportionem illa participat, eadem illorum effectus prodit, & cum gustus magna cum tactu sympathia cohareat: etiam effectus formales gustatiliū qualitatum proximè cum effectibus tactiliū coniuncti sunt.

Sapor ergo *dulcis* oritur ex temperato, & mediocri sicco terrestri, & ex humido præfectum aërio: Eius multi sunt gradus: aliter enim panis; aliter vinum, aliter adeps, oleum, &c. aliterque mel & saccharum dulcia sunt. Per se autem is lenis, & demulcet linguam, eiusque temperiei maximè concors & symmetricus est.

Amarus oritur ex nimio calore, & sicco terrestri copiosiori & adusto: penetrat, abstergit, exsiccatur, à putredine liberatur. Hæc patent in absinthio, aloë, &c. hic tamen negotium facessit opium, quod ut nihil amarius, ita nihil frigidius: narcoticum enim est, ac præ frigiditate stuporem inducit. Resp. aliqui partes in eo alias esse calidiores, easque pauciores, & ab iis amariorem procedere: alias item frigidiores, à quibus effectus reliqui permanant. Sed cur harum frigus cum illarum calore non pugnat, pugnandoque cur aut non vincit, aut non vincitur? & quam mirum est, quod cum tanta vi polleat, & sanguinem in venis glaciare, spiritus incrassare, ac vitalem calorem, non secus ac glacies extinguere queat, non queat tamen paululum caloris sibi permixtum remittere? Ideo aliqui ad virtutes occultas, & ad astrorum influxum recurrunt: aut forte melius asseuerant eiusmodi omnes qualitates occulto quodam instinctu à formis substantialibus oriri, ac per se emanare: ita ut licet communiter certas quasdam primarum qualitatum concrectiones exigant, tamen aliquando ex peculiari vi formæ substantialis cum oppositis qualitibus ritenaturaliterque permaneant, utrumque dici potest.

Salsus ex humido aqueo, & sicco terreo crassiori & præassato: abstergit, exsiccatur, putredinem arceat, appetitum proritat, &c.

Aris ex sicco tenui vehementis admodum caloris vi adusto: calefacit, exsiccatur, incidit, separat, ut piper, zinziber, allium, sinapi, &c.

Acidum, ex humido & sicco tenuioribus per calorem modicum cōiunctis, ut acetum: appetitum proritat, quia os ventriculi suo sicco corrugat, humidoque perfundit.

Asternus ex humido crassiori, & sicco terreo per calorem modicum contentemperatis, ut pomum sylvestre, vinum crudius, &c.

Acerbus, seu *poncticum*, ex humido valde crudo, & sicco adhuc: crassiori per calorem omnium debilissimum iunctis, ut pruna sylvestria, poma quercina, &c.

Galenus ab Aristotele in eo differt, quod sapores extremos faciat acrem & acerbum, in quo secutus Platonem est: Aristoteles verò, dulcem & amarum; ambo quidem rectè, sed respectu diuersorum. Si enim mixta ad quorum temperiem proueniunt, consideres, vera est Platonis & Galeni opinio. Dulcis enim naturæ temperatæ; acer verò præcalidæ, subtilisque: acerbus contrà, valdè frigidæ, crassæque iudicium est. At

si effectus pensitaueris, verum est quod Aristoteles docet. Dulcis enim gustum suauissimè, amarus contrà molestissimè afficiunt. Quod item dulce est maxime nutrit; quod amarum minimè.

QVÆRES PRIMO: Quibus competat gustus? R. omni animali ex Arist. l. de sensu & sens. c. 1. *Dices*, ostreis, zoophytis, &c. non inest lingua. Ergo nec gustus. R. inesse gustum imperfectum; & aliquid quod lingua æquipolleat.

QVÆRES SECUNDO: Cuius finis gratia sit gustus? R. ad discernenda consentanea alimenta: vtque illorum suauitate prouocentur animantes ad conseruationem vitæ.

QVÆRES TERTIO: An saporès iidem sint respectu omnium: atque adeo an differentias suas habeant à seipsis, an verò à diuersa complexione gustantium? videmus enim id quod ingratum est humano gustui, pergratum esse porcino: quodque sanum recreat; nauseam ægroto affert. R. saporès esse reales qualitates in re sapida verè ac determinatè inherentes: diuersitatem verò illatam ex diuersa dispositione gustantium provenire: quod duobus modis explico, *primò* sic: sapor afficit organum mediante carne, nec non & cum salua. Ergò his inæqualiter temperatis mutatur sensus gustationis: sicut dum color verè rubeus per vitrum viride cernitur, viridis; si per cæruleum, cæruleus apparebit: eodem modo etiam immutata oculorum temperie ob vehementiorem solis adspèctum, colores alij videntur, cærulei, candicantes, &c. *Secundo* sic, idem sapor eandem immutationem faciens in gustu, si tamen per se dissensatus sit naturæ animalis, illi haud gratus apparebit: secus, si consentaneus: sicut experimur sæpe homines diuersi temperamenti eundem saporem, eodem modo dulcem, aut acidum percipere, & tamen vnum eo recreari, aliam affligi: quia scil. eadem rei eiusmodi dulcis temperies, concors est; dissensata verò temperiei alterius.

QVÆRES QUARTO, quo medio sapor egeat? R. interno, de quo supra. Neque enim temotus sapor percipitur, *unde & si in aqua essemus, sentiremus utique appositum dulce*, puta mel aut aliud eiusmodi procul à lingua delibutum, *non autem esset nobis tunc sensus per medium, sed ex eo quod misceretur humido sicut in potu*: eius enim partes, spiritu sue tenuiores occultè per aquam defluerent vsque ad nos. Quoad saluam verò, aliqui volunt eam esse medium externum: alij volunt esse solum condimentum saporum, sed quæstio est de nomine.

Interim præter actionem Physicam, qua realiter organum immutatur, admittenda est actio intentionalis, qua ob sympathiam in anima producat vitalis imago rei gustatilis.

CAPVT XXII.
DE TACTV.

§. I.

Quid sit, & cuius.

INTER omnes sensus externos iste maximè communis est: *primo*, quia nullum animal eo caret: *secundo*, quia per omnes, & singulas penè totius corporis partes diffusus est: *tertio*, quia non extinguitur saltem totaliter, nisi cum vita. Nam & vel in agonia sentitur dolor. Ergo instrumentum eius communissimum sit oportet. At quid illud, non ita clarè. Arist. 2. 1. de partib. anim. c. 1. ait organum tactus esse carnem, aut quidpiam, quod carni proportionè respondeat: quod addit propter animantes, quæ non carnem, sed aliquid carni æquiualens habent. At 2. de anima t. 116. negat carnem esse organum tactus, quia est medium: nam *super sensorium*, inquit, *apposita non sentiuntur: super carnem verò apposita sentiuntur*. Ergo caro non est sensorium tactus. Ideo ipse vult hoc esse quidpiam intra carnem reconditum. Commentator & alij volunt id esse cor. Galenus cum aliis, neruum: alij omnem partem carnosam & neruosam ex æquo: præter ossa & ossa, vt Suares & alij, solutio certè difficilis, nec tamen est magni momenti: eam enim totam video in questionem de nomine resolui posse. Certum est enim neruis ac etiam carne sentiri res tactiles: quippe quibus inest exquisitissimus sensus doloris: hisque refrigeratis, aut corruptis, perit sensus. Denique vbi magis hi concurrunt, ibi perfectissimus, ac viuacissimus sensus est vt in vola manus vel pulpis digitorum. At qui Aristotelis opinioni 2. 1. de anima expressè religiosissimè adhærere volunt, quasi nefas sit ab eo discedere, dicunt carne sentiri vt per medium: adduntque rem appositam carni perinde sentiri: ac si membranæ super carnem ex parte extræ apponeretur: sed forte negari posset hæc instantia. Quidquid sit, crediderim certè neruum præcipuè huic sensui inservire; deinde quoque membranam: quia expectantur his citissimè, & exactissimè tangi obiecta: tum denique carnem, per se verò, an ratione neruorum & membranarum artificissimè cum carne coherentium, dubito: quia nulla experientia id decerni potest, neque enim vlla potest esse caro viua, omnino à neruis denudata: Dico ideo, cor, pulmonem carere neruis, æquè ac venas, & pericranium capitis, & tamen in his omnibus sentiri dolorem. R. dubium esse an in corde, iecore, & pulmone, sparsi sint neruuli: certum verò est, nullum posse sensum peragi, sine spiritibus animalibus, illi autem quibus vehiculis deferuntur, nisi neruis?

Qui negant carnem esse sensiterium, duabus potissimum rationibus innituntur. *Prima* est, quod sensibile positum supra sensorium non sentiat: tactile autem positum supra carnem sentitur: ergo caro non est sensorium tactus: *Secunda*, quod organum tactus debeat esse terreum, quia omnium crassissimum: nervus verò eiusmodi est: non caro.

R. ad primam per hanc instantiam admodum efficacem: si nervus à carne denudetur, & pungatur, verè sentit, item quoque si secetur. Ergo etiam tunc tactile positum super sensorium sentitur. Ergo hæc regula non usquequaque in tactu vera est. At, inquires, sentit ratione meningum duarum: quibus induitur? *Contrà* primò meninges hæc pertinent ad contextum nervorum: *secundò*, hæc sentiunt: cur non etiam nervus?

Ad secundam R. si debet esse terreum, cur ergo non sentiunt ossa? quia, inquis, non sunt satis temperata, fateor, sed inde concludo carnem posse quoque organum rite constitui, quia idoneam habet temperaturam: ut constabit, si priùs exposuerimus, quorum sit tactus.

QVÆRITUR itaque, circa quæ versetur tactus? communis responsio est, versari principaliter ac primariò circa primas qualitates: nempe circa calidum, frigidum, humidum, & siccum: consequenter verò circa cæteras, quas in ill. de Elem. c. 4. exposuimus, scil. asperum, lzue, &c. de quibus paulò post. Interim quia ex primis illis qualitatibus necessariò mixtum omne constituitur: ideo necesse est etiam sensiterium illarum, quodcūque sit, ex illis constari: at tunc occurrat illud axioma *intus existens prohibet sensationem extranei*: quod quidem experimento cæterorum sensuum verum apparet; nam visus colore tinctus non videt, aures tintinnantes non audiunt; & nares odore præoccupatæ, neque hunc, neq; simile olent, &c. accedit quoq; ratio Peripatetica: quia ut moveatur organum debet esse in potètia, &c. Accedit & Platonicæ, quia nō excitatur attentio, nisi per insolitam actionē inæqualis qualitatis. Quid igitur fiet in tactu? Responsio communis est, ipsius organum esse quid temperatum, ut saltem ab excedentibus qualitatibus primis moveri queat: atque inde fieri, ut variata temperie tangentis, varius quoque sit sensus rei tactilis. Qui enim ridendo flet, quia genæ ob diffusum sanguinem multum calent, lacrymas sentit frigidas: qui verò ex tristitia flet, cum ob fugam sanguinis ad cor, frigidior sit, sentit calidas, & pluvia æstate apparet frigidior, quam hyeme, &c.

Ex hoc autem sequitur carnem etiam per se posse tictè constitui organum tactus: quia temperata est. Quoniam tamen requiritur spiritus animalis, ut commune instrumentum; neque hic sine nervis est, ideo semper requiruntur nervi aliqui subtertexti. *Dices*, nervi sunt terrei, scil. frigidi, & sicci, ut ossa; neque sic temperantur, ut caro. Ergo non debent constitui organum. R. *primò*, nervos temperari per suos spiritus. Interim aliqui volunt nervis magis sentiri dolorem, qui sit ex diuisione continui, quia sunt compactiores, & ita vim maiorem patiuntur. Carne verò magis sentiri excessum primarum qualitatum, quia temperatior est.

Aliquot quæstiones attinentes ad tactum expenduntur.

QUÆRITVR PRIMO an læue, asperum, molle, durum, leue, & graue, &c. sint per se obiecta tactus, à primis qualitatibus distincta. Resp. vix negari posse, quin ita sit: quia diuersum modum habent efficiendi tactum, primæ namque qualitates afficiunt instrumentum tactus mediante alteratione. Hæc verò aliæ, mediante motu locali, quo partes animatas comprimunt, pellunt, vel diuidunt. v.g. graue sentitur, dum multum comprimit tangentem; leue, dum parum; durum, dum premit resistentiam superando; molle, cedendo; asperum, dum inæqualiter; læue, dum æqualiter; acutum, dum diuidit; obtusum, dum macerat, &c.

Ex diuisione autem oritur dolor: quem propterea Galenus vult ex solutione continui provenire: quatenus hæc sectionem, contractionem, dilatationem, aut distinctionem partium cõprehendit: quid sit dolor, diximus in moralibus cap. 17. §. 5. Addam solum à quibusdam eum definiri qualitatem noxiam ex diuisione continui resultantem, animalis temperamento dissentaneam. Negant alij esse qualitatem, sed solum affectionem naturaliter in animo nascentem ex ipsa inordinatione partium naturæ dissentaneam. Hac itaque solutione facta in corpore, illico spiritus animales in cor, vel cerebrum aufugiant, huiusce commotionis speciem illuc deferentes.

Ex contractione ventriculi similiter nascitur species doloris, quæ est fames: aut vt malunt alij, ex fuligine quadam ascendente ad os eiusdem ventriculi, eique noxias imprimente qualitates. Sitis quoque est species doloris ex intemperie faucium, & ventriculi ob nimiam ariditatem oborta; vbi notes velim ex dolore statim moueri appetitum boni cuius priuationem ille inducit. Ideo ex dolore famis nascitur appetitus calidi & sicci, quo supra dicta ventriculi contractio, intemperiesque sedentur. Ex dolore sitis, appetitus humidi & frigidi; quo nimia ariditas arceatur. Ita sub alia ratione hæc ad tactum, sub alia verò ad appetitum spectant: ad illum enim, vt sunt obiecta, quæ physicè partes animalis internas distorquent; ad hunc verò, quatenus habent rationem mali fugiendi, aut boni appetendi.

QUÆRITVR SECUNDO, quotuplex sit tactus? Resp. posse vnicum admitti cum Simplicio, Plutarcho, Philopono, Alexandro: posse quoque plures cum Thomistis, Auerroë, Tanduno, Egidio, &c. Id paucis distinguit S. Th. in 1. p. q. 78. a. 3. ad 3. dum ait: *Sicut philosophum videtur dicere in 2. de anima, sensus tactus vnus est genere: sed diuiditur in multos sensus secundum speciem: & propter hoc est diuersarum contrarietatum: (scilicet calidi & frigidi; humidi & sicci; duri & mollis; asperi & leuis, &c. cum tamè sub aliis sensus non cadat, nisi vna contrarietas propriè: vni vultu vna est*

cōtrarietas, sc. albi & ingri; ceteri enim colores sunt medij, &c.) pergit
 vciò: *Quitamen non separantur ab inuicem secundum organum, sed per totum
 corpus se concomitantur: & ideo eorum distinctio non apparet. . . . Posset ta-
 men dici, quòd omnes illa contrarietates, & singula conueniunt in vno genere
 proximo: & omnes in vno genere communi: quod est obiectum tactus, secundum
 rationem cōmūnem. Sed illud genus commune est innominatum: sicut ge-
 nus proximum calidi, & frigidi est innominatum.* Vide Bannesium ibidem:
 confirmari hæc possent ex vnitatem organi: nam siue dolor, siue voluptas,
 siue qualitates motrices, siue alteratrices, tactu non sentiuntur, nisi se-
 cundum idem organum: eodem enim quo sentio calorem, sentio etiam
 duritiem, &c. ergo signum est esse determinatā aliquam rationem omni-
 bus tactilibus communem, licet nobis incognitam, à qua vnus tactus
 queat denominari. Interim hoc vnum addiderim vel vnum esse admi-
 tendum tactum, vel certè tot, quot sunt modi diuersi, quibus affici
 possit tactus. Vnde qualitates primæ motrices, compressiua, dolor &
 voluptas, fames & sitis, merito diuersos tactuum sensus sibi vendicaret,
 vt placuit Cardano, Auicennæ, &c. Nota tamen cum Alex. Alensi 2. p.
 q. 66. m. 2. tactum præ cæteris sensibus maximè adhærere ipsi esse ani-
 malis, & secundum ea, quæ pertinent ad compositionem immediatè ac-
 cipi.

QVÆRITVR TERTIO, an qualitates tactiles egeant medio? Auerroës
 enim affirmat, cum Ianduno, & aliis. At D. Th. cum Alb. ait dura non
 posse tangi sine intermedio aëre, vel aqua: posse verò mollia. Resp. cum
 communi sententia non opus esse medio externo, scilicet aëre & aqua:
 nam ignis penetrans cutem sensum excitat, &c. præterea spiritus calidi,
 aut frigidi possunt penetrare carnem sine aëre, & sentiri. Imo aër ipse
 contiguus carni nudæ, si sit intemperatus, an non sentitur? Auerroës ait
 aërem in sua naturali constitutione esse velut locum nostrum naturalem,
 qui non agit in locatum: *contrà*, non agit vt locus: sed vt tactilis. *Dices*,
 cum sentitur aër frigidus, aut calidus; non aër infrigidat, aut calefacit,
 sed spiritus extranei. *Contrà*, quid hoc refert, dummodo hi spiritus sine
 intermedio aëre sentiantur? At nunquid medium quoddam internum
 requiritur? quidam exultimant carnem esse medium huiusmodi; sed su-
 prædiximus eam etiam sentiendi capacem perse esse. Sed forte cutis erit
 eiusmodi? at nunquid interiora sentiunt? imo cutis ipsa sentiendi quo-
 que est instrumentum: distingui tamen in ea decet externam membra-
 nulam, quæ vocatur epidermis, à cætera ipsius compagine crassiore, quæ
 fibrillis ac nervulis tota ramescit, & intertextitur. Certum est hanc inte-
 riorem cutis partem exercendi tactus viuax esse organū: non verò epi-
 dermim: quare restat, vt hæc rationem medij habeat, licet non necessa-
 rij: quatenus sepe obiecta externa suos effectus ea mediante, & non sen-
 tiente, inferunt intrò in organum.

QVÆRITVR QVARTO, an agant per species intentionales? Resp.
 breuiter in primis certum esse, quòd ab iis, vel ad earū præsentiam pro-
 ducatur imago quædam vitalis in potentia animæ: quomodo autem id

fiat, dictum est suprà cap. 16. § 1. vbi demodo, quo potentiz immutetur ab obiectis dictum est. Ex his enim apparet, quòd dum organum tactus physice immutatum fuerit, eo ipso propter naturalem sympathiam in anima fiat actus vitalis, quo corporea illa immutatio representetur: id quod fit quatenus anima rationes virtuales, quas habet, hisce obiectis externis respondentes excitat: & ex eo quòd erat solùm in potentia ponitur in actum. *Secundò*, dicere possumus, quòd huius immutationis corporea species, siue vestigium quoddam, aut quasi typus, in spiritibus animalibus quoque imprimatur: deferaturque ad cerebrum, vbi fit sensus communis: aut ad præcordia, vbi excitantur affectus: aut conformatio factus efficitur.

Sed statim alia subnafeitur quæstio, nimirum an ea ipsa qualitas realis, quæ subit ipsum organum intrinsecè, ipsumque afficit, ab eodem percipiat. Ratio difficultatis est, quia *intus existens prohibet sensationem extranei*, vt diximus suprà. Ideo Complut. hic, & alij volunt solùm eam percipi à parte vicina, non ab ea, in qua inest: verùm nullam video necessitatem querendi huiusmodi distinctionem. Etenim illud axioma solùm concludit, antequam aliquid sentiat, opus esse, vt organum careat ea qualitate, quæ sentitur, vt videlicet aliter affici, atque immutari dicatur, vnde excitetur attentio. At quòd cum noua quædam, & insolens fit impressio qualitatis alterius, vel solum intensioris, hæc non sentitur, certè non video, quid impediat. *Dices*, si oculus realem colorem susceperet, cum tunc non videret: ergo à pari. *Resp.* nego paritatem: *primò*, quia singulis sensibus aliquid peculiare est, & visus exigit fieri per medium, non verò tactus. *Secundò*, visus non potest reali colore infici, nisi quodam humore crasso, & colorato imbuatur, hic autem pelluciditatem oculi destruit.

Quærit denique hic potest vltimò: qui sensus in quibus animalibus præcellant? *Resp.* primò concedi posse cum Aristotele 3. de animalibus, quòd omnia animalia perfecta saltem terrestria, sanguinea, & progressiua quinque sensibus externis polleant: adeo vt etiam ipsi talpæ visus non degeat, licet contrarium velle videatur ipsæ Aristoteli 4. & 5. de part. animal. qui tamen exponi solet ita vt nolit talpam perfectè videre: verùm quòd aliquantisper videat, conuincitur ex eo quòd teste eodem Aristoteli, oculos habeat sub cute latentes, quæ diaphana est: cùm per eam discerni possit motus aliquis oculorum talpæ: habet item humorem crystallinum. Ad quid, nisi ad videndum? Deus tamen ita velaui eius oculos, ne terræ glebis, subitis lucis externæ intermicationibus facile læderentur. Solet quoque de Apibus controuerti, an audiant. Aristoteli aliquando id negat: aliàs ambigit: probabile tamen est eas audire, non ita vt sonos articulos discernere queant, vt canes, elephantes, simia, & alia bruta disciplinæ capacia: sed solùm ita vt tintinnum, & bombum percipiant: solent enim ad alucaria noua leui quodam sono adlocari; & contrario detineri: item cùm migrandum est, vox quædam solitaria, & peculiaris aliquot antè diebus intus emittitur: & tem-

pore matutino silent omnes, donec vna gemino, vel terno bombo cunctas excitet: & tunc omnes ad opus peruolant.

Resp. secundo, excessum & præstantiam sensuum solere his versibus contineri:

Nos aper auditu, lynx visu, simia gustu;

Vultur odoratu, præcellit aranea tactu.

Verum hæc non ita certa sunt, quin à multis negentur. Sed difficile potest in iis de veritate ferri iudicium: qui enim nosse poterimus, quid, quousque & quantum sentiant, audiant, videantque aquilæ, lynces, apri, &c. Conjecturis solùm id indagari potest, quæ tamen nec de omnibus capi possunt: & per sæpe fallaces sunt.

CAPUT XXIII.

DE SENSIBVS INTERNIS.

§. I.

Quid sint, & qui eorum actus præcipui.

NON fuit satis animantibus dari externa quædam instrumenta, quibus obiecta exteriora perciperent, nisi alius foret, qui exteriorum omnium communis iudex esset, ac velut centrū vni-forme. Ideo tam Plato, quam Aristoteles præter 5. sensus externos, sensus quosdam internos admittunt. Hisque consentiunt omnes Philosophi. Solùmque dissident in assignando numero, & officiis: omnes *sensum communem, phantasiam, estimatiuam, memoriam, reminiscentiam* ore circumferunt: sed an distinguantur, quæve sint eorum officia, non sic apprimè definiunt.

Plato in Theæreto sensum communem stabilit, tanquam ipsam internam animi facultatem, qua externa sentimus, conferimusque inter se: negatque propterea externa illa 5. organa, de quibus hætenus egimus, esse propriè sensus: quatenus scilicet illorum immutatio ad actua-lem actum sensationis minimè sufficit sine iudicio, quod fertur ab hoc sensu interno: sensus tamen functiones in iis declarari voluit, ideoque instrumenta sentiendi nuncupauit. His quodammodo consentit Aristoteles 2. de sensu & sensib. ubi negat animum eum, qui videt, in extremo oculo situm, sed intrà nos esse: & 3. de anima cap. 2. demonstrat ad-mittendum esse sensum vnum communem, & interiorem, qui omnes rerum sensu perceptarum imagines recipiat; ac per eas de obiectorum differentis iudicet.

Præter hunc sensum Plato Imaginationem, siue Phantasiam memi-nit, vti facultatem imitatricem rerum, ac simulacrorum magistratam. In

Sophista verò duplicem phantasiam statuit, vnam vocat assimilatricem, qua res vt sunt comprehenduntur, ac formantur; alteram phantasticam, qua imagines variæ prout nutu representantur, vt quando chimæra configuntur. Hanc cum Perspectiua comparat, quod circa res solum apparentes versetur: itemque cum Protheo, cuiuscumque generis figuras mutantis: in quo etiam quoad sensum non dissentit ab Aristotele, licet in modo loquendi ab eo discedere voluerit Aristoteles, vt illi contrarius videretur, vt dicemus postea. Memoriam item Plato commemorat tam in Philebo, quam in Theæt. vbi eam Matrem Musarum appellat, & cor animæ. Sed vt horum sensuum natura liquidius noscatur, videamus paucis, quænam propria eorum officia sint, propter quam præsertim eos admitti oporteat.

SENSVS
COMMUNIS.

Itaque sensus communis primo ponitur, vt anima sentire sese agnoscat: Secundo, vt rerum sentiendarum differentias possit agnoscere. Vtrumque requiritur ad perfectam, & exactam rerum externarum agnitionem. neque solis externis sensibus competere potest. Etenim sensus externus directus est. neque potest in sese vlla ratione reflecti, aliunde sine hac reflexione iudicium de re cognita fieri non potest, atque adeo neque à sentiente actus sentiendi discernitur: neque potest mouere appetitum, nisi discernatur. Hæc autem patent in dormiente; tangatur, aromatibus perfundatur, &c. Immutabuntur organa, perinde ac in vigilante. Sola deerit sensio: quare? quia deest attentio. Obiecti species, siue imago imprimitur: & forte etiam in anima propter sympathiam excitatur, & fit similitudo notionalis. Quæ dici potest ipse primus actus sensus externi. Quia tamen nulla fit reflexio, non consummatur sensus. Ideo hic sensus communis vocari solet radix, ac consummatio sensuum externorum: ita vt sine illo nullus exerceri sensus possit: neque ille sine aliquo illorum. Præterea imperfectus esset sensus, nisi possemus percipere differentiam dulcis ab albo, ac iudicare hoc non esse illud, & sic de reliquis: id autem vt à facultate aliqua fieri queat, debet hæc necessarium tendere in earum omnium obiecta, vt in quo singula differant, videat. Ergo debet ideo admitti vna facultas, quæ sensuum omnium particularium obiecta in sese colligat, ac per easdem species, siue actiones intentionales moueatur, & iudicet. Hæc porro distincta notitia requiritur, vt distinctus ac determinatus appetitus inde proliciatur. Hactenus sensus communis præcipuas functiones delibauimus: alij alias referunt, vt quod is agnoscat priuationes oppositas v. g. album & non album, lucidum & tenebrosum, &c. item quod per se sensibile commune percipiat v. g. motum, figuram, &c. Verum cum sensus iste nihil cognoscat, nisi quod sensibus externis nuntiatur; nec nisi per species eorumque sensuum, non video, cur aliter possit percipere priuationes obiectorum, quàm sensus ipse particularis, scilicet nihil percipiendo: similiter nec potest aliud obiectum illi attribui. Quamobrem obiectum eius per se & adæquatum est res sensibilis externa, prout obiecta omnia, & sola exteriorum sensuum complectitur.

Verum

Verum pauca hic adnotari decet. *Primo*, quod iudicium illud quod ascribimus sensui communi, sic imperfectum quale descripsimus in Logica cap. 36. §. 1.

Secundo, quod illarum reflexiones supradictæ solum implicite, atque in actu exercito fiant, non explicitè, & in actu signato: hæc enim ratione pertinent ad potentiam rationalem, cuius etiam proprium est discernere notiones formales contrarietatis, differentie, comparationis, &c. quæ occurrunt inter obiecta similis, aut diuersæ rationis. Satisque est sensui communi posse discernere res ipsas diuersas, oppositas secundum esse materiale, quod habent à parte rei, non secundum esse formale, quod habere possunt ab animo.

Præter huiusmodi actus adhuc experimur alios interiùs apud nos P H A N - T A S I A . etiam ex parte corporis effici. *Primo*, postquam sensus communis perceptionem rei externæ una cum sensu externo peregit & complexit, huius intus in animo simulacrum aliquid efformatur, tanquam pictura domestica & interna, qua possit res eadem percipi sine sensu interno. *Secundo*, absentia representantur. *Tertio*, spectra rerum disparatarum, & sæpius repugnantium coniunguntur, ut contingit in somniantibus. *Quarto*, sensui communi exhibentur modo quædam horribilia; aliis facunda, &c. Quibus excitatur appetitus ad fugam, aut ad prosecutionem; aliquando etiam somnus interruptitur: & ita effectus alij multum consequuntur. Ea non modo in nobis, sed & in brutis euenire admodum credibile est, cum hæc tamen differentia; quod in brutis ea naturaliter ac necessario fiant, scilicet secundum occursum rerum improvisum, ac sæpe fortuitum. In nobis verò multa eiusmodi liberè contingunt: imaginamur enim multa pro libito: quando & eo modo, quo nobis placet: & in ordine ad intellectionem, &c.

Huiusmodi operationes attribuuntur *Phantasia*, vel *Imaginativa*, quæ inde sic vocantur, quod illa *φαντασμα*, id est, apparentias; ista imagines, siue species rerum sensu perceptarum efficiant, obiciantque.

Plato, ut supra vidimus, duplicem phantasiam admisit, *εἰκαστικήν*, id est, assimilatricem & *φανταστικήν* phantasticam, quibus duas eius functiones explicuit: *primam*, qua species internas fabricat. *Secundam*, qua facit apparere ea quæ non sunt. Adit verò iudicium illud, quod animus tacite apud se per cogitationem, siue rationem *διανοία* affirmando, vel negando profert, esse propriè opinionem: illud verò, quod ipse non per seipsum, sed per sensum elicit, esse phantasiam. Ita manifestè eam distinguit ab opinione propriè dicta: quemadmodum fecit Aristot. 2. de anima t. 157. ubi tamèn creditur impugnare Platonem, quasi ipse imaginationem cum opinione confudisset. Ipse interim Aristoteles Platonem mox amplexus, definit imaginationem *motum factum à sensu, qui est actus*. q. d. actio phantasie est iudicium præsupponens motionem factam ab obiectis externo aliquo sensu, & per sensum cōmunem iudicatis. Hoc autem nihil est aliud, quàm quod voluit Plato. Ideo phantasia definiri potest facultas interna, iudicans omnia obiecta sensuum, etiam

ÆSTIMA-
TIVA.

in eorum absentia, prout ipsi oblata fuerint per sensum communem. Insuper aliud genus actuum solet ab interiori sensu produci, etiam in brutis, nimirum ut quæ sunt noxia à iucundis & salubribus discernantur: & ipsa quodammodo inimicitiae, vel amicitiae ratio nullo sensu externo perceptibilis, diiudicetur: ut cum ovis videt lupum, statim fugit quasi hostem: secus canem amat, ut custodem. Huc reuocandi sunt omnes effectus sympathiae, vel antipathiae animalium, nec non instinctus admirabiles, quibus ea, quæ conseruationi, generationi, pullorum educationi, & aliis eiusmodi profunt, norunt sibi quærere, ac prouidere. Facultas ea peragens vocatur *æstimativa*.

MEMO-
RIA ET
REMINI-
SCENTIA.

In homine loco illius ponitur *cogitativa*. Quia propinquior est rationi, eique connexa.

Uterius opus est ut species, quibus hæc notitiæ sunt, in eodem sensu interno seruentur. Ex autem sunt duplicis generis: aliae dicuntur *sensatae*: nimirum, quæ res à sensu perceptas exhibent: aliae *insensatae*, quæ nimirum hæc rationes insensibiles amicitiae, inimicitiae, &c. repræsentant: utraque debent seruari, ut possint in absentia obiectorum aliquando interno sensui occurrere, ut reuera occurrunt: vis autem ea seruans à quibusdā dicitur *memoria*: ab alijs sic distinguitur, ut spec. *sensatae* retineantur in phantasia: *insensatae* verò in memoria: ab alijs memoria vocatur ea facultas, quæ his speciebus in recordando utitur: cum vero aliquid ratiocinationis miscetur memoriae, *reminiscentia* dicitur.

§. 2.

Quomodo differant.

VARIÆ sunt sententiæ. Alij volunt vnicum sufficere, qui diuersas exerceat functiones: alij duos solum admittunt scil. sensum communem, & imaginatiuum. Alij sensum communem, phantasiam, & memoriam. Alij 4. his tribus addentes æstimatiuam. Alij 5. addentes insuper imaginatiuam, quam distingui à phantasia contendunt.

CONCLUSIO PRIMA: probabile est esse quatuor re distinctos, ut voluit quarta sententia, quæ est S. Thomæ in 1. p. q. 78. a. 4. ubi legi poterit, cum commentarijs Bannesij. Addam solum, quod fere omnes antiqui, & ipse in primis Aristot. 3. de anima plures admittant sensus internos: hoc autem si semel concedatur, necesse erit, ut concedantur quatuor. Et quidem Aristoteles cit. t. 41. docet phantasiam ipso esse ab alijs distingui: Idque inde videtur comprobari, quod per somnum sensus communis priuetur propria sua functione, dum interim phantasia exercet suam. Aliunde etiam constat memoriam à sensu communi, & à phantasia distingui: quia sunt animantes, quæ carent memoria; & tamen sensu communi pollent. Item hominum multi valent memoria, qui tamen virtute imaginandi penitus destituuntur: alij contrà. Item, læsa sæpe memoria, phantasia manet incolumis: hæcque diuersa per se

temperamenta expetunt: nam memoria humido; phantasia siccio, gaudent, &c. Tandē non minor est ratio distinguendi æstimationē à phantasia, quam hanc à sensu communi: nam si phantasia distinguitur à sensu communi per hoc, quod ea cognoscat in absentia, quæ sensus communis solum in præsentia: quidni ab ea distinguetur æstimationē per hoc, quod hæc iudicet de his, quæ nequeunt per sensum communem iudicari? Ex his ergo potest probabiliter hoc formari argumentum: facultates quæ per se ordinantur ad actus, vel operationes diuersorum generum, imo & diuersi ordinis, per se ac realiter distinguuntur. Sed sensus interni ita se habent. Ergo distinguuntur.

Omitto hic argumentum, quod aliqui solent ab illis cerebri cellulis ducere, de quibus egimus suprā c. 9. §. 1. vbi cerebri fabricam descripsimus. ipsæ enim distincta organa sensuum internorum solent communiter existimari. Nam cum tres ventriculi sint in cerebro: vnus in anteriore parte; alter in posteriore: & tertius in medio: in primo, sensus communis: in secundo, phantasia: in tertio, memoria collocari dicuntur. Potestque hoc confirmari ex eo, quod Medici solent aliquando pro memoria solum occipiti; pro phantasia verò syncipiti applicare remedia; item quod læsis illis cellulis sensus duntaxat ille, qui læsæ adscribitur, lædatur: non verò alij. Hanc ergo conclusionem probabilem reor, cum ob prædicta, tum maximè propter authoritatem S. Thomæ. Eamque qui tueri voluerint, legere possunt optimè explicatam apud Bannez in 1. p. q. 78. & Complutenes hic. Fateor tamen in ea plenius stabilienda, atque in euellendis scrupulis, qui subinde in ea pullulant, prolixiorē dissertationem exigī, quam ne longior sum, malui omittere, vt breuiorem, ac faciliorem viam applanarem.

CONCLUSIO SECVNDA: Probabilius est hos sensus non distingui, sed vnicum sufficere ad apprehendendū, & iudicandum: ita multi recentiores. Probatur autem, quia nulla videtur necessitas hos sensus multiplicandi. Etenim quæ dicuntur de vno, possunt, imo debent de alio affirmari; neque vlli conuenit ratio quædam cognoscendi, quæ non competat etiam aliis: vnde sic argumentor: potentia per se cognoscitiua, quæ non distinguūtur essentialiter in ratione cognoscendi, non sunt realiter distinctæ: at sensus interni enumerati sunt eiusmodi. Probatur hoc: & primum de sensu communi, & phantasia: sic: potentia essentialiter, & specificè distinctæ in ratione cognoscendi, essentialiter exigunt species diuersæ rationis per quas, vel diuersa obiecta cognoscant, vel eadem diuerso modo: atqui phantasia, & sensus communis habent eandem species, eademque obiecta, & sub iisdem rationibus formalibus, & obiectiuis cognoscunt: vtrique enim obuersionatur omnia, & solæ sensata. Deinde tam bene sensus communis iudicat de obiectis sensatis: deque eorum differentiis, & conuenientiis, ac phantasia: quid ergo supererit?

Dices, Phantasia conseruat species: 2. cognoscit in absentia. Vtrumque non facit sensus communis. Ergo. *Contrā*; vtrumque hoc est quid

extrinsecum, ac per accidens respectu potentie cognoscitiue: quatenus talis: ergo hinc non debet peti discrimen essentialē. *Secundo*, conseruare speciem per se non respicit potentiam cognoscitiuam, neque vllum eius actum specificat: sed solum est aliqua dispositio subiecti, & consideratio solum materialis: veluti si daretur oculus, qui posset eandem speciem conseruare, an alterius esset visus ideo naturæ in ratione visus? *Tertio*, sensus communis per se etiam cognoscit in absentia, vt probat Bannes in 1. p. q. 78. a. 4. addens hanc esse opinionem discipulorum S. Thomæ præter Caietanum. Idque ex D. Th. eruitur 1. p. q. 84. a. 8. ad 2. vbi fatetur sensum communem aliquando in dormiente non ligari, sed circa similitudines rerum iudicare. An non hoc est recogitare absentia? & in quæst. 78. artic. 4. an non clarè ait visionem, quæ sit per similitudines in absentia corporum, communem esse omnibus interioribus apprehensionibus? *Dices*, tunc sensum communem cognoscere per species deriuatas à phantasia, non à rebus. Resp. id nobis fauere quia hinc patet: primo, species phantasiæ esse eiusdem rationis cum speciebus sensus communis, alioquin hic per illas non cognosceret. *Secundo*, ad specificationem potentie cognoscitiue, non referre, quòd cognoscat per species recenter haustas ab obiectis, aut per asseruatas in potentia: cum idem sensus communis cognoscat per vtrasque. Adde nihil posse per sensum communem effici, quod per phantasiam quoque non possit: cum species recipiat æque, ac ille; & ad præsentiam sensilium operetur: cur ergo præter illā dabitur alius sensus, qui nihil aliud faciat, quam quod illa? *Dices*, ita se habere phantasiam ad sensum communem, sicut hic ad sensus externos: nihil enim isti cognoscunt, quod non ille percipiat, & tamen non est frustra. *Contrà*, magna disparitas est, quia sensus externi necessario egent diuersis organis, cum diuersis immutationibus; ideo hi distinguuntur inter se: & consequenter à communi sensu, cui propterea vnum aliud organum assignatur; & alia immutatio pendens necessario ab organis & immutationibus sensuum externorum: nihil vero eiusmodi occurrit inter sensum communem & phantasiam.

Iam quòd phantasia non distinguatur ab æstimatoria, patet primo, quòd nihil apud Aristotelem sit, quo possit id confirmari: considerat quidem aliquando phantasiam sine ratione vt in homine ratiocinante: sed non propterea sequitur dari æstimatoriam, vel cogitatoriam distinctam à ratione, & à phantasia. *Secundo*, quidquid attribuitur æstimatoriæ, conuenit phantasiæ. Etenim duo potissimum sunt istius officia, *primum*, vt moueat appetitum, præsertim ad res illas mirabiles, in quibus videntur humanam artem æmulari: vt cum hirundo nidificat, &c. *Secundum*, vt species insensatas confingat, quibus ratio conuenientis, aut discrepantis iudicetur. Primum conuenit phantasiæ: ideo Aristot. in calce 2. de anima t. 162. ait iumenta, & feras per eam multa operari. *Deinde* opera illa mirabilia ex eod. Aristot. 2. Physic. t. 80. sunt instinctu naturæ, Quid autem ille sit, patet ex Physic. cap. 14. §. 3. nimirum interna quæ-

dam commotio, sequens phantasiam ex diuina prouidentia belluas eius-
modi ad suum finale bonum dirigente proueniens. An verò naturæ au-
thor inmediate per se talem instinctum ingeneret: an per spiritum quē-
dam communem: an per animas particulares horum animalium prædi-
ctas quibusdam viribus excitandis à tali, vel tali phantasia, ob natura-
lem sympathiam, vel antipathiam, cuius relinquo iudicandum ex his
quæ diximus citato c. 14. Phys. Cætera certè superfluum. Hisque positis
vanæ, atque inutiles erunt species insensatas. Et verò, si rationem
conuenientię, aut disconuenientię bellarum discernere valeant, quid-
ni conferre vnum cum altero, ratiocinari, & res incorporeas: atque ab-
stractas à materia sensibili poterunt? Denique autores oppositę senten-
tię fatentur sensum communem posse iudicare aliquid esse conueniens,
aut disconueniens, & ostendere appetitui bonum, aut malum, secundum
sensum, vt probat Bannez ex D. Thom. in 1. p. q. 78. a. 4. Cur ergo da-
bitur præterea sensus distinctus? *Dices*, sensu communi iudicari com-
moda, vel incommoda, quæ sensu exteriori percipiuntur, non verò,
quæ illo non percipiuntur. *Contrà*: repugnat quidquam ab animali pu-
rè sensitiuo percipi, quod non sit secundum se, ac purè sensibile: at omne
sensibile, vel est proprium, vel commune; vtrumque sensu externo per-
cipitur. Crediderim itaque in iis omnibus, propter quæ tales species
admittuntur, recurrendum esse ad sympathiam, vel antipathiam, cuius
vis excitatur per solam phantasiam.

Restat memoria: sed hæc vel sumitur pro facultate, qua possumus ite-
ratò percipere, quod iam perceperamus, vel pro ea, qua solum seruamus
species: vtrumque communiter attribuitur phantasie: & hoc secundum,
quod crediderim principalius solere nomine memorię intelligi, non si-
gnificat gradum potentię cognoscitiuę: sed potius principium, vt dixi-
mus suprâ. Quod verò aliqui aiunt memorię officium proprium esse vt
seruet species insensatas, refellitur: *primò*, quia hæc non dantur: *secundo*,
quia si facultas seruās species sensatas, non distinguitur à phantasia, quæ
illis vtitur; cur ea quæ seruat insensatas, distinguitur ab æstimatoria, quæ
illis etiam operatur? Secundum hæc itaque multò facilius erit defen-
dere vnicum sensum internum, quam plures: quamquam qui vo-
luerit S. Thomę sententiam propugnare, solidis quoque inniti queat
fundamentis, & his quæ modo retulimus, non sine seriis rationibus re-
spondere.

His ita constitutis: addendum est aduersas rationes posse item faci-
lius solui sic: Arist. distinguit phantasiam re ipsa à sensibus externis; of-
ficio verò à sensu communi. Ea enim prout motu externi sensus actu
percussa, reuera iudicat de eius obiecto secundum actusalem impressio-
nem, quam ab eo suscipit, vocatur sensus communis: quatenus per as-
seruatam speciem de eo lem iudicat, idque tãquam præsens offert, quod
non est, dicitur phantasia, quia facit apparere, quod non est, hæc autem
cognitio multò tenuior est, quam præcedens, & potest effici sine illa,
vt in somnio. Memoria distinguitur ratione eius virtutis, qua conser-

uantur species: hæc autem prouenit ex dispositione organi, atque per accidens se habet ad facultatem cognoscitiuam. Ea autem dispositio, quæ requiritur vt bene species conseruentur, distinguitur ab ea, quæ requiritur vt bene per ipsas objecta iudicentur, ideo concedi possunt omnia, quæ attulimus supra in prima conclusione. Quod verò de organis, aut ventriculis dicitur, facilius solui potest, quia solum sunt recrementa spirituum animalium.

§. 3.

*De speciebus sensus interni, vbi de memoria,
& reminiscencia.*

COMMUNE omnibus fere Philosophis est admittere in sensu interno imagines quasdam rerum externarum, quæ sensu perceptæ sunt. Aristoteles clarè loquitur: Oportet, inquit, intelligere talem aliquam factam per sensum in anima, & in parte corporis animata veluti picturam quādam, affectionem cuius dicimus memoriam habitum esse. Plato non minus clarè in Theæteto loquitur, cum ait, donum hoc esse dicamus *Ansærum matris memoria*, & in hoc quidquid eorum, quæ aut videmus, aut audimus, aut excogitamus, meminisse cupimus, insinuantes ipsum sensibus, intelligentisque, velut annulis signantes exprimimus; quodque signatum fuerit, meminimus nos, & scimus quoad figura permanet; at cum aboletur, vel inferibi nequit, obliuiscimur, atque nescimus. Et infra sepiùs repetit eius rei, quam quis extra percipit, seruari posthac in memoria monumentum, Inde Alcinoüs Platonis doctrinam explicans ait c. 4. quando verò in animo per sentiendi instrumenta rei species fuerit sentiendo impressa (nam in eo sensus est,) si eiusmodi species propter temporis diuturnitatem non euanescat, sed constans, & diuturna seruetur, eius conseruatio memoria nuncupatur. Ita communiter alij: at istud mirificè S. Augustinus describit his verbis: quia non potest secum introrsum tanquam in regionem incorporea nature ipsa corpora inferre, imagines eorum conuoluit, & rapit factas in semetipsa de semetipsa: das enim eis formandis quiddam substantia suæ; seruat autem aliquid quo liberè de specie talium imaginum indicet, &c. & mox: nam illas animæ partes, quæ corporum similitudinibus informantur, etiam cum bestiis nos communes habere sentimus. Ita dubitari non potest quin intrinsecus in animo quidam quasi typi, sine sigillationes obsectorum exteriorum imprimantur, actione sensus peracta remanentes; sed quid sint, haud ita certum est.

Qui species intentionales admittunt, facile sese expediunt, quāquam & aliz multæ hinc inter illos subnascantur dubietates, vt an species sensuum interiorum sint alterius rationis à speciebus sensuum exteriorum; & à quo fabricentur; item in quo subiecto sint; quomodo ab insensatis distinguantur, à quo item, in quo, & quales istæ sint: quoad hæc omnia prolixissimè texuntur disputationum telæ. Distingui enim etiam

videntur, eo quod diuersis sensibus ad diuersos actus seruiant. Hinc aliqui facultatem aliquam peculiarem admittunt, cuius hoc solum munus sit, vt illas producat: & eam vocant sensum agentem. Horum ratio est, quia nequeunt ab obiectis produci aliæ species, quam quæ sensibus externis ingeruntur: nec apparet à quo alio principio prodeant. Alij hoc reiciunt, & volunt species illas produci ab obiecto externo mediante ipsaensione externa: siue ab hoc obiecto vt cognito per sensum externum: an verò sensio hæc concurrat vt causa, an solum vt conditio, nouos hoc difficultatum scirpos profert: sicque vno aulso non deficit alter. At de speciebus insensatis adhuc multo maior est difficultas: si enim datur, à quo fient? ab obiecto externo? *Contrà*. Hoc nihil nisi sensibile parturit, neque nisi medianteensione externa: à quo ergo aliqui dicunt initio à Deo fuisse illas animantibus perfectis inditas. *Contrà*. Id parum Philosophicum est, & nusquam nisi cum alia reddi non potest ratio respondendum. Ideo secundum alios æstimatiua suas illas species fabricat, concurrente tamen operatione phantasie: sicut intellectus facit suas eiusdem quoque phantasie adminiculo roboratus: idque videtur insinuasle D. Thom. 1. p. q. 78. a. 4. ad 4. *Dicendum, quod licet intellectus operatio oriatur à sensu, tamen in re apprehensa per sensum intellectus multa cognoscit, quæ sensus percipere non potest, & similiter æstimatiua, licet inferiori modo. Hæc sane non possunt quin probabilia multum existimem, vel ob solam Angelici Doctoris auctoritatem: Cuius vt opinio videatur probabilior, solum addam, quod supposita sympathia, vel antipathia obiecti cum animalis natura: cum primum species sensata illius obiecti ferit phantasiam animalis, ipsi animali suppeditat vim & quasi semen speciei formandæ, quæ quod modo representatum fuit sub ratione talis colorati, ac talis figurati v. g. lupi; statim quoque representetur, vt quid malum, aut bonum: species enim illa sensata, cum vicem gerat obiecti; etiã virtualemente eius gerit antipathie, aut sympathie notionem; ideo illam quasi semen speciei insensatæ vocitavi; quo quasi facta bruti anima, de reliquo per vim naturalem sibi à Deo inditam, possit speciem illam insensatam parturire; quæ adeo necessaria est ad vitæ conseruationem: vt & consentanea querat; & fugiat aduersantia. Cætera vide apud Complutenses hic.*

At in quo subiecto sunt illæ species: neque enim in anima sunt, quia hæc saltem in nobis est incorporea; illæ vero corporeæ: aliunde pro memoria definitum temperamentum & in parte determinata capitis requiritur. Respondent ideo aliqui species recipi in organo animato; alij in spiritibus; alij in ambobus: sed tum multa suboriuntur dubia; *primum* est, quomodo si species sint in organo, cum huius partes fixæ sint, ac immotæ; specierum modo hæc, modo alia excitentur, & identidem moueant ipsam phantasiam: *secundum*, quomodo non elicietur sensio, vbi paratæ aderunt species? *tertium*, si sunt in spiritibus, cum hi semper diffuant, refluantque, ac ingi suo motu dissipentur, quomodo tandiu eadem species conseruabuntur? *quartum*, si sint in ambobus, quomodo

idem accidens in disparatis subiectis hærere potest?

Quomobrem tentandum est, an à Platoniorum fontibus hauriri quidpiam liceat, quòd magis delectet, ac recreet. Prænoto igitur duplicem posse concipi obiecti similitudinem, imaginemque: vnam impressam, alteram expressam. Impressa est illa, quam communiter Peripatetici vocant intentionalem, de qua egimus suprà c. 17. §. 3. Cuius loco Platonici admittunt in organo corporeo, siue potius spiritibus impressionem quandam virtutis obiecti, tanquam vestigium; ceu participatiunculam quandam qualitatis illius, qua hoc verè immutatur. Species expressa est actus potentie cognoscentis, quo cum hæc ante obiecto conformis esset in potentia, modo eidem actu fit similis: & ipsius forma modo quodam mirabiliore, puriore, & nobiliore, quam ipsa sit in ipso met obiecto, informatur, & actuatur. Ille actus vocatur sensio, estque vitalis: & secundum Platonem solùm à sensu communi elicitur proprie.

Iam prior illa virtus per spiritus impressa organo ab obiecto, tunc quando actu imprimitur viuax est, ipsumque cerebri centrum per eundem spiritus penetrat, quos etiam viuaciter, ac vehementer afficit, ac quodammodo figurat, & imprægnat. Finita verò actione obiecti, in ipsis spiritibus animalibus relinquitur vestigium quoddam, ceu leuis aliqua reliquia prædictæ impressionis, atque immutationis. At ex parte anime quemadmodum post actum scientificum relinquitur quidam habitus initio debilis; ac deinceps actuum repetitione perficiendus; ita post actum vitalem, qui fuit sensio, relinquitur in potentia, atque adeo in ipso organo animato, quidpiam quod se habet quasi habitus, seu facilitas, & propinquior dispositio ad eliciendum talem actum, & quia habitus, qui sequitur actum, est quædam eius participatio, & consequenter similitudo, eaque permanens, ideo quod relinquitur post actum internum sensationis vocari potest species, & habitus: quo utroque modo vocatur à D. Thoma in 1. 2. atque ita, quoties spiritus virtute alicuius obiecti eo modo, quod diximus sigillatus incurrerit organo sensus interni, atque phantasie, statim habitus illi respondens excitatur, atque in actum educitur: & ita fit recordatio: prout verò varij simul concurrunt, fit fictio, siue compositio illa phantastica chimærarum, &c.

Notandum est autem in homine distingui partem sensualem à rationali: illa est per quam anima spiritalis connectitur corpori, actumque illi communem, viuificum & substantificum contradit, ratione cuius ex anima & corpore resultat vnum animal, eiusdem generis cum ceteris animantibus, pars rationalis est, qua per rationes innatas apta est connecti cum Deo, eiusque ideis. In prima parte producit sensus cum phantasia: in secunda opinio cum intelligentia, siue diæmonia. Ideo phantasia naturaliter pendet ab organo corporeo, & à spiritibus ipsas obiectorum vires, siue simulacra deferentibus: opinio verò licet primum à phantasia pendeat, ut ab excitante; tamen cum solis rationibus innatis peragi potest.

Inde quedam alia discrimina suboriuntur: *primum* est, quod habitus emanans ab operatione sensuali, facile deleri possit, quia pendet à spiritibus, qui facile possunt dissipari, ut diximus: & licet species, siue vires obiectorum hærent in organo interno, tamen cum hoc sit corporeum, eius semper aliquid fluic, noua iugiter nutritione reparandum: habitus verò opinionis relictus in parte rationali iugiter manet. Ideo crediderim brutorum memoriam perbreuem esse: neque spiritibus animalibus diuturniorem.

Secundum discrimen est, quod brutorum memoria naturaliter excitetur, prout spiritus interni commouentur: commouentur autem, secundum quod vitales, qui ascendunt à corde, cum animalibus, qui à cerebro refluunt in corpus, vario modo concurrunt, ac conflantur: memoria verò hominum liberè, atque ad placitum exercetur, quatenus anima rationalis ob insitam libertatem, potest vires suas exercere, prout vult. Ideo modo habitum vnus opinionis excitat, modo alium: & tunc ob naturalem sympathiam excitatur similis phantasia: sicut & è contrariò, sæpe dum ab externis spectaculis phantasia mouetur, vel etiam incurrente intrinsecus agitatione spirituum, ipsa quodammodo ratio excitatur, ut fit in somniis.

Ex his optimè potest intelligi Plato, cum in Philebo comparat memoriam cum tabella, in qua sensus, tanquam scriba, signa quædam, siue monumenta rerum sensilium describit, quæ sunt quasi verba, siue characteres, quibus, imperfectè licet, forma rei externæ repræsentatur. Præter hanc verò, intellectum pictori comparat, qui rerum sensu perceptarum, multò clariiores imagines in animo pingit. Ita per scripturam intelligit species, habitusue phantasie: per picturam, notiones, easque habituales intellectus. Primæ ad memoriam; secundæ ad reminiscen-
tiam propriè pertinent.

Secundo, hinc etiam optimè declaratur, cur Arist. initio huius §. citatæ vocauerit similem affectionem, quæ fit in sensu interno, siue phantasia picturam: eiusque habitum, memoriam vocitauerit.

Tertio etiam constat, cur non semper actu recogitemus ea, quorum habemus species. Ratio est, quia spiritus, à quibus pendet excitatio sensus, non semper insunt organo.

Quarto quoque patet, cur alia sit pars capitis à qua pendet memoria; alia verò, à qua iudicium: quia seruari debent spiritus extra organum sensus, neis semper excitetur. Ideo q; diuersum temperamentum requiritur.

Quinto denique patet, cur modo vnus sensus externi notitia videatur renouari: modo illa alterius: quia scilicet dum spiritus, qui sunt imbuti simulacris vnus obiecti, v. g. saporis, impinguntur in radicem nervorum gustatoriorum, gustum reficiant, perinde ac si obiecta in illam affluerent: licet multò debilius ob rationem, quam supra assignauimus: & ideo non erit forte à re alienum, organum phantasie propriè in

ea parte cerebri collocare, inquam nervi omnes sensorij, tanquam in centrum desinunt.

§. 4.

De somno & insomniis.

QUæ hæcenus diximus de memoria, & de cognitione rerum absensientium, nec non phantasmatum fictione, videntur postulare, ut saltem pauca de insomniis explicemus, quæ quia supponunt somnum, ideo breviter, quid sit & quomodo fiat, expendendum est.

Somnus igitur est quies, siue cessatio sensuum exteriorum, itemque sensus communis, nec non appetitus, ob spirituum animalium impedimentum, ac cohibitionem: sit autem ex sententia Platonis in Timæo, quando spiritus cerebri offuscantur à vaporibus stomachi, unde organa sensuum deserit. Ita *sensuum*, ut ait Gal. *feriatio* contingit: & animalis facultas in cerebro consopitur.

Huius ulterior ratio est refrigeratio caloris interni ex vaporibus, siue exhalationibus cibi, quibus consumptis calor cordis iterum redintegratur, & sic exardescens quibusdam quasi stimulis corpus stimulat, & ita vigilia fit. Addit Galenus somni causam esse quoque humiditatem; vigilia vero siccitatem, & calorem.

Quamobrem primum sit cibi, potusque repletio; sanguis frigescit, & humectatur; hinc halitus frigidiores & humidiores ascendunt versus eor & cerebrum: hinc spiritus animales incrassantur, dissipantur, offuscantur, & prohibentur ne in organa sensuum defluant, quia nervorum orificia obstruantur, & oppilantur. Interim calor vocatur ad interiora, & cor calidis, & fuliginosis halitibus obsidetur, unde respiratio difficilius redditur, & aliquando rouschi ducuntur, quia ob copiosiores halitus aër naribus interceptus verberatur.

Somnus alius quietus; alius turbulentus. Ille fit ex vitiis, ac modico vapore, qui ex congruo alimento, & acriter concocto provenit. Ille secus ex halitibus, & fuliginibus crudis, & impuris.

Moderatus quietus est: secus immoderatus, ut enim per moderatam absumentur halitus, qui evaporaverant ex cibi reliquiis, sic per immoderatam alij halitus excrementitij attrahuntur in cerebrum, qui eius ventriculos inquinant, spiritibusque animalibus permiscuntur: unde memoria debilitatur, morbi que varij præparantur, idem quoque malum imminet iis, qui statim post prandium, aut cenam somno indulgent: tunc enim ex ventriculo halitus impuri elevantur in caput, &c.

Somnum conciliat aër tepidus: vel humiditate fuliginosa refectus; sic æstate in aprico; hyeme in vaporariis somnus lenius provocatur. Hæc faciunt noctium tepor, lenis frictio, cantilenæ, aquarum lenis murmur,

&c. Quia resoluunt leniter spiritus animales, & ad quietem blandè inducunt. Tenebræ quoque multum iuuant, quia lux proritat spiritus animales ad exercendū visionis ministerium, eosque siccant, extenuat, calefacit; stimulatque, &c. Medici alias causas procatarticas afferunt, vt succum papauerum, mandragoram; aliaque soporifera medicamina, quæ vaporum vim maximam exhalant ad humectandum, ac refrigerandum: vide Aristotelem de vigiliis, & somno, multa enim habet exquisita, & scitu digna.

Finis porro somni præcipuus est recreatio virium animalium, atque instauratio membrorum, & organorum, per quæ animal internos, & externos sensus exercet. Continua enim actione nimium defatigarentur: at somno paululum quiescunt, dum interim spiritus reficiuntur; aut noui procreantur; incallescunt enim agitatione: & absumentur; vnde breui exhaurirētur: ipsumque animal ardore nimio conficerent, nisi hoc natu. a remedium prouidisset: vide Tertul. l. de anima. Præterea utilis est etiam rationi, quia post somnum salutarem imaginatio serenior est: & mens ingeniosius meditatnr. Hinc aurora Musis amica dicitur.

Interim etsi circa omnia exteriora obiecta ferietur animus, non tamen otiosus omnino intus in corpore est: operationes vegetatiuis semper prosequitur: & identidem sensitiuas internas: quæ dicuntur insomnias: hoc est, phantasmata illa, quæ dormientis imaginationi obuersantur: de quibus sic loquitur Plato in Timæo: *Si profundus ob multam quietem motuum nos occupat sopor, exigua sequuntur insomnias: sin vehementiores aliqui motus, quasi vigiliarum reliquia relictis sunt, quales quidem, & qualibus ex locis hausta reliquia sunt, talia somniorum simulacra nascuntur, eorumque nobis experegestis restat memoria.* Quibus verbis ea fere omnia dicuntur, quæ de iis dici possunt. Hinc ita Aristot. l. de insomniis c. 3. Itaque post cibum, & admodum pueris, vt infantibus somnia non incidunt, quia multa fixum agitatio, vehemensque motus, propter eum calorem, quem cibus gignit. Quocirca quemadmodum aquam, aut alium humorem, si quis vehementer bacillo commoueat, interdum nullum simulacrum videtur, interdum videtur quidem, sed omnino inflexum, & deforme, vt aliud atque aliud esse videatur, sedata autem & tranquilla aqua purum, & illustre videtur: sic in somno visa, & motuum reliquia, quæ a sensibus eueniunt, nonnunquam à maiori motu quem dixi, omnino obruntur; interdum verò turbulenta quadam visa, & prodigiosa, & ingrata somnia videntur, vt furentibus, febre laborantibus, & ebriis. Hæ enim perturbationes, cum spiritus plena sint, magnum & motum & tumultum afferunt. Cum verò tranquillus est, & secretus sanguis in iis animalibus, quæ sanguinem habent, motiones perceptorum, quæ integra seruata sunt ab aliquo sensuum, quæta, & sedata somnia ita efficiunt, vt aliquid nobis appareat, videamurque ab iis quidem, quæ ad speculum delabuntur videre, ex iis autem quæ ab auditu, audire, &c.

Sed quid sibi vult illud, quales quidem, & qualibus ex locis hausta reliquia sunt, talia somniorum simulacra nascuntur? An non illud quod distin-

Atius postea Cicero dixit in l. de somn. Scip. *ut cogitationes, sermonesque nostri pariant aliquid in somno tale, quale de Homero scribit Ennius, de quo videlicet sepiissime vigilans solebat cogitare & loqui?* eorum enim quæ labenter ac læpe in ore, & animo verſamus, imagines, habitusque meliores, ac magis in promptu habemus, ideo & facilius inter somnium recurſant: ſed proſectò aliud voluit Plato: nimirum plerumque inſomnia ex prædominante humorum aſcendentium, vel deſcendentium temperiè fieri: quod ut intelligatur clariùs,

Notandum eſt inſomnia excitari, cum ſpiritus imbuti reliquiis, ſive ſpeciebus ſenſionum externarum, mouentur, & ad organum phantaſiæ, vel ſi mauis ad centrum neruorum ſenſiorum ingeruntur; hoc autem fit ex variis cauſis: nimirum vel ipſo impetu halituum è corde ad cerebrum aſcendentium; & inde rursus in communes meatus neruorum recedentium: vnde in cerebro ſuſcitatur commotio quædam & reciprocatio ſpirituum in eo contentorum: vel etiam ex quodam cordis affectu, quo animal ad dormiendum acceſſit, nempe triſtitia, lætitia, aliisque affectibus. Sympathia enim talis eſt inter phantaſiam & affectum, ut ſicut ad imaginationem is naturaliter comouetur ita & reciproce affectu aliquo præualente, ſpecies illi ſympathetica excitetur. Præterea temperies humorum prædominantium multum iuuat, quia cum halitus feriunt organum ſenſus interni, & ſpirituib⁹ animalib⁹ admixcetur, ſuas qualitates inſeminant, & ſi quidem dominatur melancholia, exſiccant & inſrigidant ſpiritus, ſive organum; hinc rerum triſtium imagines ingeruntur, ut ſuffocationis, ſtrangulationis, mortis, tenebrarum, &c. Si ſtagnabilis; rixæ, incendia, volatus ſomniantur: Si phlegma; immerſiones, pluuiæ, onera, vel impedimenta grefſum & fugam retardantia, &c. Si ſanguis; reſ lætæ, conuiuia, choreæ, roſæ puniceæ, cantus, &c. Ita quales ſunt vigiliarum reliquia, talia quoque ſunt ſomniorum ſimulacra. Sed inſuper etiam qualibus ex locis hauſta. Quia pro diuerſa quoque conſtitutione ventriculi, lienis, hepatis, & aliorum viſcerum diuerſæ aſcendunt exhalationes. Ultra huiusmodi cauſas, alia ſunt externæ nempe influxus ſyderum, quatenus hinc magna ex parte pendent humorum qualitas & temperies: aliquando Angelus ſive bonus, ſive malus, ut docet D. Th. 2. 2. q. 95. 2. 4.

Quamobrem oportet inſomnia diſtinguere hoc modo: alia ſunt merè naturalia: alia extraordinaria, ut quando à Deo per Angelos, vel à dæmone immittuntur.

Naturalium alia nihil omnino ſignificant, & ſunt merè fortuita: alia præſentem ſomniantis ſtatum, & conſtitutionem commonſtrant, ut ea quæ ſupra meminimus. Eaque ſunt, ex quibus medici perſæpe morborum cauſas inueſtigant. An verò ſint aliqua, quæ naturaliter futura præſagiāt, alia eſt difficultas. Stoici olim, & Pythagorei quos ſecutus eſt Artemidorus, & plures alij, cenſuerunt obſeruanda eſſe ſomnia, eo quòd iis aliquid diuinitatis ineſſet, vnde futura poſſent præſagiri, perin-

de ac si animus noster esset naturaliter futuri præsciis: ac tum præcipuè in illum exereret, cum à sensuum diuertiis legè gatus tranquilla quiete fruitur. Hinc Possidonius tria somniorum prælagentium genera recensuit; *primum*, cum animus perse diuina præuidet, quod diuinus ipse sit: & à corpore interdum feriat, excitet innatas intelligentias, per quas futura quædam ex parte, sicut præsentia cognoscit: *secundum*, quod à dæmonibus aëris: *tertium*, quod à Diis super cælestibus immititur. Istud etiam confirmasse videtur S. Greg. Nyss. de opific. hominis cap. 13. Sicut si *Musculus*, inquit, resoluta lyra chordas petro pulsauerit, haud competentem harmoniam elicit, sed sonus, vel nullus, vel incompositus audietur. Ita quoties per somnum laxata fuerint sensuum organa, vel prius quiescit artifex, velut cum ex nimia repletionem resoluta sunt sentiendi instrumenta, vel languidè, atque obscurè agit, cum accuratam mentis artem illa non capessunt: Idcirco memoria confusa, & vis præfagiendi ambiguis quibusdam velamentis obruta, præter studium quasdam speculatur imagines: & aliquid eorum quæ sunt euentura, interdum prænunciat. Nam ob naturæ suæ subtilitatem ultra corpoream crassitiem multa potest dispicere, ac præuidere. Neque tamen directè futura referat: obliquè tantum atque ambigè, perque modum enigmati: sic pincerna Pharaonis botrum premit in patera: sic Pistor canistrum sibi gestare videtur: uterque iuxta studium, quo se vigilans exercuerat, imagines sibi concinuat, &c. Hactenus ille, loquiturque de somniis naturalibus, quia subdit: *Quod autem Daniel, & Ioseph, & alij similes diuina virtute, nullisque turbatis sensibus futurorum scientiam adepti sint, nihil hoc ad præsentem questionem facit: quia non hac somniorum generibus possunt sapienter impetrari, sicut nec visiones Prophetis exhibita, &c.* Ita ergo videtur alludere ad antiquos illos somniorum obseruatores, qui volebant posse ex proportionem, siue similitudinem imaginis somniatæ ipsum euentum prælagiri: vt patet in exemplis pincernæ, ac Pistoris Pharaonis.

Hæc possent præterea confirmari experimentis eorum, quorum somnia tam frequenter de futuris euentibus explicantur. Addi posset ex *D. Th. 2. 2. qn. 95. art. 6.* aliquando ex impensione cælestis corporis imaginationem dormientis immutari, reddique conformem cælestium dispositioni. Cur non ergo inde aliquid futuri prælagiri poterit? Denique ordo cõmunis est, vt animus humanus ab Angelis instruatur: ergo quidni tunc temporis, cum animus quietior est, ab illis de futuris euentibus instruetur? Confirmatur, quia Iob 32. dicitur *per somnum in visionem moueruna, quando irruit sopor super homines, & dormiunt in lectulo; tunc aperit Deus aures virorum, & erudiens eos instruit disciplinam.*

Nihilominus CONCLYDENDUM est obseruationem somniorum, vt inde futura præfagiantur, esse illicitam, supersticiosam, & vanam. Deus enim illam prohibet multis in locis. Deuter. 18. *Non inueniatur in te qui obseruet somnia.* Leuit. 19. *non augurabimini, neque obseruabitis somnia.* Eccli. 34. *somnia malefacientium vanitas: & sicut parturientis, cor tuum*

*phantasia patitur, nisi ab altissimo fuerit emissa visitatio: ne dederis in illis cor-
num: multos enim errare fecerunt semina, & exciderunt sperantes in illis.*
Ratio autem est, quia futura nequeunt præcognosci certo à nobis, ne-
que in se, neque in causis, saltem sine reuelatione: non in se, quia sic non
sunt: non in causis: quia vel hæc adhuc indeterminatæ sunt: vel per nul-
lam speciem nobis innotescunt: Ergo, &c.

Quod ergo in contrarium à nobis obiectum est, sic soluitur. Quædam
sunt futura, quorum causæ determinatæ sunt in nobis, vel circa nos: à
quibus impressio quædam potest in phantasia fieri per spiritus animales:
& ea possunt aliquando somnari: sic morbus, vel sanitas ex tempera-
mento possunt præiudicari: sic etiam ex impressione cælestium potest
temporum mutatio proxima præsentiri: quia ær à cælo alteratur, alte-
rat spiritus, & ita intelligi debet S. Thomas in 2. 2. q. 95. præterea inest
nobis vis quædam prospiciendi futura, non per vaticinium, sed per ha-
bitum prudentiæ, aut per naturalem sagacitatē, qua ex nonnullis ante-
cedentibus futura præmeditamur: cum ergo in futuris præiudicandis nos
aliquando vigilantes exercuerimus, horum imagines dormiendo faci-
lius usurpamus: idque solum voluit S. Greg. Nyssenus. Verum quoniam
eam animi nostri partem quæ præterita, & futura meditamur, solet Deus
frequenter vel per se, vel sæpius per suos Angelos illustrare, ut quæ no-
bis agenda sunt præmeditemur: potest etiam aliquando sopitis sensibus
eamdem illam animi vim, non nouas infundendo species: sed eas quas
ille habet, per spiritus præparatos excitando instruere. Verum quia sæ-
pius dæmon solet sese in Angelos lucistransfigurare, ne locus detur ille-
sioni, iure præcipimur nulli somnio fidem adhibere.

Quod autem vltimò diximus aliquando à Deo per somnia mentem
hominis admoneri, patet ex illo textu Iob quem supra retulimus: quod
item Angeli siue boni, siue mali sese plerumque nostris in somniis mi-
sceant, copiosè probat S. August. lib. 12. de Genesi ad literam, ubi ait
cap. 13. quandoque à bono, aliquando à malo spiritu humanum spiri-
tum rapi in quædam visa, quibus futura prædicuntur: *Quid, inquit, cer-
te nescio, quia occulta mixtura eiusdem spiritus sit, ut tanquam vnus sit
patiens, atque vexantis spiritibus:* quibus verbis videtur insinuare spiri-
tus illos incorporeos, cum spiritu hominis non rationali, ut interpretor,
sed animali sese sic coaptare, ut vi cuiusdam sympathiæ in illa intelligen-
tiarum suarum vires infundant: ac tunc in mentes nostras illorum sic
habentur instinctus, ut à fidibus lyre in fides similiter temperatas, ut ait
Ficinns in d. 5. de legib. Aut aliter potest id declarari ex eo quod loquens
de visione illa interna, quæ sola in imaginatione peragitur, dicat eam
per species, similitudinesq; rerum corporalium fieri, quas ait factas esse
in spiritu. Hunc autem spiritum mouere, ac phantasiæ coaptare prout
voluerint, facile illis est. Sed neque debemus omittere quod ibidem do-
cet, arcanam sc. quandam esse inter animos humanos & angelicos com-
munionē, quæ sæpe ab his siue bonis, siue malis spiritibus homines tum
cum sopiti sunt sensus, de futuris, aut de remotis euentibus præmoneri

contingat, id quod pluribus exemplis demonstrat. Ex quo istud solum confici puto euidenter, quam plurimum solere dæmonas diuinatoria eiusmodi arte dormientibus illudere: vt merito non sine superstitione queat in somniis fides adh.beri.

Interim præstat audire Iamblicum somniorum huiusmodi, quæ à dæmonibus olim in mentes hominum Ethnicorum immittebantur, formas enarrantem: *Somnia, inquit, diuinitus missa, veniunt vel inter vigiliam, atque somnum: vel inter somnum, & vigiliam: vel in ipsa vigilia: tunc breues audiuntur voces, quid agendum sit admonentes; & aliquando spiritus quidam, non corpulentus, non tractabilis se iacentibus circumfundit. Qui tamen non perspicitur, sed alio quodam sensu, & animaduersione, quæ in consensu percipitur, imperiu quodam ingrediens, & se vndique circumfundens absque contactu, atque miracè passionis animi, corporisque expellit: aliquando verò lumen sincerum, quietumque fulget: sub quo visus clauditur, anima patet, &c.*

Simile quidpiam Eliphaz Themanites recenset Iob cap. 4. ipse enim assuetus gentium superstitionibus ita somnium suum exposuit, aut confinxit: *Porro ad me dictum est verbum absconditum: & quasi furtiue suscepi auris mea veni susurri eius: in horrere visionis nocturnæ, quando solis sopor occupare homines stetit quidam, cuius non agnoscebam vultum, imago coram oculis meis, & vocem quasi aura lenis audiri, &c.* Caterum hoc vnum maximè notari peruelim rarissimè contingere, vt præsaga eiusmodi somnia eueniant, nisi dæmonu instinctu, ac ludificatione: & si quando contingat vt à Deo, vel à bonis Angelis immittantur: præterquam, quòd semper hæc sunt ob insignem aliquam causam, vnde Ecclesie, ac Religionis honor, vel commodum magnopere commendatur: insuper ex miris quibusdam circumstantiis eorum Deus semper certitudinem facit.

QVÆRES, vnde provenire queat, vt sæpe homines somniantes ea faciant, quæ vigilantes non possent, vt qui noctu deambulant, per domorum fastigia exerrant; scandunt muros; artes exercent: & alia stupenda id genus multa faciunt. Resp. hosce eventus ita esse admirabiles, vt nisi experimentum quotidie id probaret, credi nusquam possent. Et quidem Galenus testatur seipsum dormientem integrum ferme stadium somniando confecisse. Causa obscura est: communiter tamen attribuitur subtilitati, claritati, & agilitati spirituum; qui clarissimas species viuacissimè obtrudunt imaginationi, eoque ordine, quo prædicti effectus exercentur. Cum ergo spiritus illi circa imaginationem (aliunde tenacissimam, & præsecam, qualis maximè melancholicorum est,) occupantur, agitantur, & incalescent: atque ita incensi ab internis repagulis, quibus nimium coactantur, perumpiunt in membra externa. Et licet sæpe tunc ventriculi cerebri, ac nervi maximè oppilati sine humore viscido, qui somnum efficit, & quidem profundissimum: tamen spiritus ignea sua subtilitate etiam per viscidos illos humores penetrant, nervosque ac musculos cient, prout imaginatio illos dirigit, aut emit.

lib. de motu musculi.

tic: unde quia hæc imaginatio minùs distrahitur, ideo rectius & fortius membra dirigit: atque ita securè per periculossima loca pererrant: neque enim apprehendunt pericula, ex quorum apprehensione communiter membra vacillant, & spiritus animales refugunt ad cor: præterea cum spiritus in noctambulationibus illis sint feruidissimi, miram quoque agilitatem, & leuitatem; imò & robur membris afferunt: nam & hinc quoque fit, ut phrænetici adeo robusti sint: quia scilicet, spiritus ferueant: & aliunde cum per humores crassiores, qui nervos ut plurimum occupant, (unde & sensuum externorum functiones impediuntur,) comprimantur: Hinc vires acquirunt: sicut vada, quæ in medio aluoe lentissimè fluunt, cum tamen per molendinariorum recipulorum angustias compressa delabuntur, insuperabili rapiditate currunt, & obuia quæque conuoluunt. Cæterum non exiguas ipsi gratiarum actiones debent angelis suis custodibus, quoties non miserè depereunt.

CAPVT XXIV.

DE APPETITV SENSITIVO.

§. I.

An sit, quid, & quæplex.

ESSe appetitum sensitivum in brutis, atque etiam in homine nemo est qui dubitet. Is enim debebatur animali, ut salubria querere, noxia item fugere posset. Quare ita potest definiiri appetitus: *ea vis animæ, quæ animal ad aliquid expectandum, fugiendumve impellit: prout a sensu dirigitur: siue inclinatio videntis ad suum bonum, determinata per sensum.* Duplex enim inclinatio rebus inesse omnibus conuincitur. Innata, & elicitæ: illa est vis quædam à Deo formis, siue naturis rerum singularum annexa: Et ea diuersa est pro varietate formarum, quibus innascitur: sic naturæ ad formam; elementis ad centra; mixtis ad suos fines; plantis ad competens alimentum inclinatio datur, cui pondus naturæ, quo ad ea bona sibi consentanea, quæ non norunt, iugiter tendunt, instigantur, ac impelluntur. Talis est etiam naturæ instigatus, quo animantes tam mira opera, & tam inerranter efficiunt. Appetitus elicitus est, quo quidpiam seipsum mouet ad aliquid expectandum, vel fugiendum vi & efficacitate cognitionis, quæ illud bonum, vel malum repræsentatum fuerit. Si cognitio hæc sensitua fuerit: nominatur appetitus sensitivus: sin verò intellectiua, intellectiuius: solet tamen appetitus huiusmodi non solum pro actu accipi; sed pro facultate, à qua immediatè produciuntur: de qua, primo, queritur quid sit; secundo, quæplex.

Quoad

Quoad primum, multa dicenda occurrerent si modernorum dicta vellemus perscrutari: sed præstat rem totam paucis perstringere, dicendo facultatem appetentem esse vim quandam à Deo animali concessam, qua sese sponte mouere possit ad bonum apprehensum, vel malum fugere. Hæc vis in omni animali est velut inclinatio quædam naturaliter fluens ab essentia animæ, eiusque proprietas est maxime essentialis: quippe cùm illa sit substantia perfecte sui met motiua, vt suprâ diximus. Quare si queratur vterius, quid sit illa inclinatio; queram ego quid sit pondus illud, quo graua deorsum tendunt: quid ille impetus, quo astra mouentur: quid denique grauitas; quam vel Epicuri negare non possunt in atomis.

Cæterum, vt grauitas rebus grauibz inditur à generante, vt diximus in Phys. cap. 48. §. 1. Sic ista inclinatio ex vi generationis, vel creationis inseritur: Sed discrimen maximum in eo est, quòd inclinatio rerum naturalium sit à natura determinata ad vnum quendam effectum, sicut ignis ad ascendendum, &c. inclinatio verò animalis indeterminata est ex se, & ad diuersam apprehensionem diuerso modo ab animali determinatur. Quod maxime aduertere velim.

Vnde patet primo, non satis exactam eiusce appetitus declarationem afferri ab his, qui eum volunt esse potentiam passiuam: licet enim eam sic vocet S. Th. 1. p. q. 80. a. 2. solum vult eatenus eam esse passiuam, quatenus per obiecta cognita excitari, ac determinari potest: licet principaliter sit vis actiua, qua possit animal se mouere ad hoc, vel ad hoc.

Patet secundo, eam distingui realiter ab anima, non minus quam grauitatem à terra; agibilitatem ab igni, &c.

Quoad secundum distinguunt omnes duos appetitus, quos iam suprâ memorauimus, intellectiuum scilicet, & sensitiuum. Ratioque manifesta est, quam tradit D. Th. mox cit. quia diuersa profecto inclinatio admitti debet ad diuersum bonum: vti ad diuersum finem diuersa tendentia. Atqui bonum creaturæ rationali, qua talis est, conueniens, toto genere diuersum est à bono animalis, vt est animal. Item inclinatio, quæ quoad exercitium pendet essentialiter ab apprehensione boni, vel mali, necessariò variatur, secundum quod illa boni vel mali apprehensio diuersa fuerit: sed apprehensio intellectiua boni intelligibilis perfecte, ac toto genere distinguitur à perceptione sensitua boni sensibilis: ergo. Maior est difficultas de appetitu sensitivo. Communiter enim solet distinguui in appetitum concupiscibilem, & in irascibilem: de quibus sat multa diximus in moralibus. Alij addunt vnum alium, quem cupiditatis naturalis nuncupant: qui contineat famem, sitim, & libidinem. Certum autem est aliqualem apparere distinctionem inter hosce omnes appetitus: sed incertum est qualis sit, realis, an non. Quare breuiter sic verum inquiramus.

Primo probabile sane est appetitum, à quo affectus emanant, distinguui ab eo, qui famem, sitim, & libidinem continet: quia iste purè naturalis videtur, neque vllò pacto spontaneus: secus appetitus affectiuus.

Hoc autem patet sic : quia quæ in brutis sunt spontanea, in homine ob consortium libertatis fiunt voluntaria : sed affectus omnes in homine sunt voluntarij : hoc est, possunt saltem cohiberi : at fames, & sitis cohiberi non possunt. Ergo, &c.

Verum ad hæc responderi potest in fame, siti, &c. distingui debere dolorem; appetitum naturalem; & appetitum sensitivum. Dolor est immutatio ex corrugatione, & constrictione ventriculi proveniens : siue potius vellicatio fibrarum stomachi ab acuta chyli suctione procedens. Membra enim succo alimentitio destituta, è venis sugunt sanguinem; hæ ab hepate; hoc à mesenterio; hoc ab intestinis : hæc denique à stomacho alliciunt quidquid humidi possunt, unde irrigari, ac refocillari valeat : Nam naturalis illis inest vis attrahendi ea quæ conveniunt sicut radici arborum inest quoque vis è terra sugendi humorem. Stomachus ergo sic exsuctus, dum non habet, quod humori attracto succedat, contrahit se, & corrugat : fibræque eius exsuguntur : unde primo titillatio quadam fit : deinde dolor, qui esturies. Si cibus solidus sit, & siccior, ita ut ob ariditatem coctio, siue evaporatio fieri non possit, exsiccantur eadè fibræ, alteraturque naturalis status ventriculi; unde fit dolor, qui sitis dicitur. Sentitur autem illa immutatio ab animali, quia hoc solum habet vim sentiendi, & organa : non verò plantæ.

Appetitus naturalis est vis, seu inclinatio naturæ vegetalis ad humidum, vel siccū; cuius ademptione vacuitas præternaturalis repleri queat : talis quoque inest plantis, & omni potentie imperfectæ ad obiectum, quo perfici potest.

Appetitus sensitivus est inclinatio ad expellendum dolorem eiusmodi apprehensum; & hic non distinguitur reuera ab appetitu, à quo affectus manant : quia ex quo dolor apprehenditur, excitatur eius fuga; & oppositum desideratur. Idem est de repletionem superflua, & de salubri evacuatione excrementorum : ut enim in illa quædam molestiæ species; ita ex ista, voluptas excitatur. Hinc naturalis innascitur appetitio evacuationis eiusmodi : hinc cupiditas somni; libido, &c. Cæterum propterea in huiusmodi evacuationibus, aut repletionibus apprehenditur per sensum aliquid voluptatis, vel doloris, excitantur affectus concupiscentiæ. Ita non oportet multiplicare entia sine necessitate.

Restant Concupiscibilis, & Irascibilis. Scotus in 2. d. 26. negat hos duos distingui : eo quod arduum nequeat esse obiectum appetitus, sed hoc iam refellimus in moral. cap. 17. §. 2. Gabriel, & alij censent sola eos ratione distingui, quod omnia alia distinctio sit superflua : sit tamen cum Thomistis

CONCLUSIO : Probabilius est appetitus concupiscendi, & irascendi reuera distingui. Ita D. Thomas 1. p. qu. 81. ar. 2. ubi legendus est. Ita quoque communiter Philosophi, & præsertim SS. PP. ut S. Gregor. Nyss. & Damasc. nec non alij, qui tres appetitus numerant in homine, rationalem, concupiscibilem, & irascibilem. Idem ex Platone tradidimus in moral. cap. 17. §. 2.

Ratio est, quia vires illæ, quæ per se ac essentialiter ordinantur ad diuersa obiecta, & per diuersos actus, sunt sine dubio reipsa distinctæ: atqui vires concupiscendi, & irascendi sunt eiusmodi. Ergo. Ma. patet ex se, neque à quoquam negatur. Min. probatur, quia bonum delectabile, quod est appetibile propter solam conuenientiam cum appetente reuera distinguitur à bono arduo, quod per se molestum est appetenti, & consequenter quod nullo modo est appetibile propter vllam conuenientiam, quam habeat cum appetente: sed solum propter adeptionem alterius boni, quod concupiscitur: sed prius est obiectum concupiscibilis; posterius, irascibilis: Hinc nascitur discrimen essentialē, ac genericum actuum vtriusque: quod tangit S. Thomas q. 25. de verit. a. 2. nimirum, quod actus concupiscibilis se habeat vt receptio; irascibilis verò, vt actio: non quodd concupiscere sit pati, hoc enim suprà reieci. nus; sed quia vi concupiscendi animal se mouet ad obiectum simplici quadam complacentia, qua sibi optat bonum, vel simplici displicentia, qua sibi non optat malum in quo se habet per modum recipientis, gustantis, & habere cupientis, aut simpliciter nolentis, &c. at per vim irascendi sese mouet conatu arduo, & generoso, vt vincat aliud, illudque destruat, aut longè arceat à se. Quare vis prior leniter & quietè fertur primariò, & immediatè in bonum delectabile acquirendum, & retrahit se à malo, quod displicet: posterior verò cum impetu, aggredditur aduersa: ferturque in rem arduam naturæ appetentis dissentaneam, vt pugnam, labores, &c. vt pereat vel maius malum euitetur; vel bonum quod simpliciter concupiscitur, obtineatur. Ideo hæc ardua solum habent rationem boni, quatenus asscutioni boni per se conuenientis seruiunt: non quod ipsa per se conuenientia sint: vel quatenus habent rationem magnifici, & generosi; non verò delectabilis: vide S. Thom. q. 25. de verit. a. 2. ad 2. Paucis irascibilis concupiscibili subordinatur: atque ita, vel ex hac parte distinguitur. Vide quæ diximus in moralibus. Interim si ea, quæ modo diximus rectè ponderentur, facile diluentur quæcumque à Suare, aut aliis recentioribus, tanta cum pompa obiciuntur: quorum præcipua subiciam sic.

Obiic. primo, appetitus intellectus non ita diuiditur in duos: Ergo neque sensitivus.

Secundo, vis vna exercetur circa obiecta alterius, vt irascibilis circa triuitia, itemque circa bona concupita iuxta illud vnde bella, & lites in vobis? nonne ex concupiscentiis vestris? Ergo frustra multiplicarentur.

Tertio, ea ipsa potentia, quæ appetit remouere impedimentum asscutionis: ipsam quoque asscutionem appetit: Atqui vis irascendi ea est, quæ appetit remouere impedimentum, & vis concupiscendi ea, quæ appetit asscutionem: Ergo. Ma. probatur à pari: lapis eodem pondere, quo sumpit obicem sui descendit, descendum prosequitur: & idem calor, qui calefacere appetit, etiam frigori resistit, &c. Atqui etiam secundum D. Th. in 1. parte ex proportionē virtutis, quæ inest rebus naturalibus ad appetenda sua bona, & fugienda mala, duci debet appeti-

tus sensitiui distinctio, &c.

Quarto, eadem potentia, quæ appetit conueniens, refugit noxium; quia contraria pertinent ad eandem facultatem: sed Concupisc. appetit bonum conueniens; Irasc. verò refugit noxium.

Quinto, actus harum viriū mutuò sunt inter sese impliciti, ira enim habet concupiscentiam vindictæ; & odium inimici.

Sexto, arduum non potest esse obiectum appetitus saltem distincti à concupiscente. Ergo non debent distingui duo hi appetitus. Ant. probatur, *primo*, quia arduum, vt arduum non habet rationem boni. *Secundo*, quia actus irascendi non est arduus: ergo neque eius obiectum. Etenim irasci nihil aliud est, quam appetere vindictam, at hoc minimè arduum est, sed dulce potiùs.

Ad primam Resp. Nego paritatem, quia voluntas habet per se obiectum vnum, quod ambit omnes rationes boni particularis, fertur enim in bonum secundum se: secus appetitus sensitiuus, quia limitatior est, debet habere obiectum limitatius, & sic alius ad delectabile, alius verò ad arduum. Ad hunc modum sufficit vnus intellectus, cum tamen sint multi sensus: & merito, quia ea debent in corporeis multiplicari ob eorum limitationem, & recessum à prima vnitatem, quæ Deus est, quæ in incorporeis propter oppositas rationes vniuntur.

Ad secundam Resp. negandum esse, quòd irascibilis tendat in obiecta concupiscibilis sub eadem ratione formali: vt supra diximus. Ad tristitia quidem fertur, non se ab his retrahendo, vt à displicentibus; sed ea potiùs aggrediendo, vt magnifica, atque vt vtilia bono delectabili, vel comparando, vel optatiùs stabiliendo: & hac solùm ratione dicitur appetere bona iam concupita, finaliter scilicet, non obiectiùs. Ita ergo verum est quòd *habere quandam altitudinem super bonum delectabile, & noxium tristabile, vt scilicet noxium possit superari, & delectabile cum securitate quadam possideri, ad irascibilem pertinet.* S. Th. quæst. 25. de verit. art. 2. ad 2.

Ad tertiam R. distingo Ma. potentia quæ appetit remouere tale impedimentum, aggrediendo scil. ardua, ipsam assecutionem appetit finaliter, videlicet propter illam animosè gignendam, *concedo*: & hæc est vis irascendi: talis autem non est vis concupiscibilis: ideo ad Minor. Resp. quòd ista sola sit vis concupiscendi; quæ simplici affectu boni delectabilis, & sensualis appetit remotionem impedimenti, quo retardatur ab assequendo illo suo bono sensibili: ad probationem Resp. ab eodem appetitu, à quo appetitur bonum delectabile, etiam appetit remotionem impedimenti, eodem genere actus, *concedo*: diuerso, *nego*: nam id affectu solùm simplicis concupiscentiæ appetit; non verò conatu & impetu excandescentiæ impugnantis; Et ita soluuntur instantiæ. Lapis rumpit obicem, quomodo? aggrauando: at & aggrauando descendit: calor resistit frigori, an non & calefaciendo? idem ergo his in vtroque agendi modus, cur vires agendi multiplicares? aliud hic occurrit: neganda igitur paritas.

Ad quartam R. quæ appetit conueniens, refugit noxium eodem genere actus, & sub eadem ratione obiectiua. *Concedo*; aliter, *Nego*. Concup. refugit noxium, sed sine aggressionē ardui, & per simplicem displicentiam; secus irascibilis.

Ad quintam. *Nego* quod ira concupiscentiæ, sibi contra distinctæ actus habeat: si concupiscere dicitur vindictam, hoc verbum simpliciter sumitur pro appetere, quod est commune utrique, ac neutri propriū: similiter in ea est odium: sed hoc pro impugnatione sumitur, quæ simplici odio maius est quidpiam.

Ad sextam denique R. patere iam ex Moral. c. 17. ex supradictis quomodo arduum rationem boni habeat, saltem est aliqua differentia boni: quod verò sit obiectum iræ, patet vel solo experimento. *Nego* ergo, quod actus ab ira progrediens, quo ardua impugnat, non sit etiam difficilis: actus verò ipse irascendi, quatenus fertur in finem aggressionis arduæ, quæ est vindicta, facilis est, & gratus, quia in ea est tota ratio bonitatis, quæ reddit arduum appetendum: sed quatenus ipsam aggressionem arduam continet, & ipse quoque arduus est: quia sic fertur in arduum, quatenus arduum.

§. 2.

Affectuum origo & causa physica declarantur.

IN moralibus moraliter illos considerauimus; hic quia versamur in physica, eos oportet physicè retractare. Sed prius audiamus, Platonem sublimi magnificentia, de his ita dissentem. *Ne diuinum* (i. partem hominis rationalem) *vlla mortalium* (id est, inferioris partis passionum) *contagione, nisi quantum summa necessitas cogeret, pollueretur, seorsum ab illo in alia corporis sede mortale collocauerunt: atque à pectore caput, ceruice & collo interiecto separauerunt. In pectore igitur, & thorace mortale genus anima posuerunt; cumque id naturaliter partim deterius esset, disposuerunt rursus thoracis capacitatem, discernensque sedem tanquam virorum alteram, alteram feminarum: cartilaginem enim quandam nomine diaphragma, quod etiam *oséras* vocant, inter hac mediam interiecerunt. Partem igitur anima fortitudinis, iracundiæque participem, contentiosamque capiti propinquiorē fecere inter diaphragma, cernicemque mediam, ut hac obediens rationi, una cum ipsa cupiditatum genus vi illata coërceat, si quando rationis in arte capitis habitantis, iussa cupiditas respuat. Cor verò venarum originem, fontemque sanguinis per omne corpus impetu quodam fluentis, in stipitorum regione suspendere voluerunt; ut quando ira vis exandescit, ratione nunciante, si quid extrinsecus iniuste fiat, vel intrinsecus aliqua concupiscentia turbet: tunc celeriter per angustos quoslibet meatus, quidquid in corpore sensus est particeps, iussa, minasque persentiat; atque ita obediat, obsequaturque omnino, toleretque in omnibus praestantissimi illius imperium.*

Hic quam multa dicenda occurrerent, scitu quidem dignissima: sed

quia hic non commentandi, sed breuissimè solùm philosophandi negotium suscepi: Ideo solùm hæc pauca notanda seligam. *Primo*, quòd tres hæc facultates, rationalem, irascibilem, & concupiscibilem re, organis, & functionibus distinguat.

Secundo, quòd cerebrum parti rationali attribuat ob eius cum sensu interno commercium: irascibili cor; & concupiscibili hepar: quòd quì possit intelligi, mox dicam.

Tertio, irascendi vim comparat viro, quia generosior: concupiscendi, fœminæ; quia mollior est appetitus.

Quarto, irascibilem facultatem in loco altiori collocat, quam concupiscibilem vt sit media inter hanc, & rationem: quod multis de causis verum est, 1. quia ille appetitus est generosior, quatenus *habes quãdam altitudinem super bonum delectabile*, vt docet D. Thom. supra cit. ideo eam Apuleius *animositatem* vocat, ferturque ad res magnificas, & generosas.

2. Quia minùs à ratione distat, quàm cupiditas sensualis: ideo illum leoni comparat, hanc verò belluæ varix, ac multiplici: tum quia ratio nos diuinos: ira homines; cupiditas voluptatum belluinos efficiunt: prima nobis cum diis: secunda cum brutis communis est: tertia nobis videtur propria: licet brutis quodammodo insit, sed degenerans. Hinc appetitus irascibilis à Platone consideratur potissimum vt minister rationis, ita vt si ratio concupiscentiæ cedat, huic quoque obediat irascibilis, sin resistat, ille quoque pro ratione agrediat ardua contra voluptates: vt sit, cum affectus reprimuntur per fortitudinem, temperantiam, &c. Hoc autem expresse docuit D. Thom. q. 25. de verit. 2. vbì comparat irascibilem æstimatiuæ, præfertim in eo quòd, sicut æstimatiua, prudentiæ, sic irascibilis quandam habeat rationis participationem, quatenus relicto delectabili appetit victoriam, ipsumque appetitum superiorem aliquàlter attingit; & ideo superior & dignior est concupiscibili, quia animæ sensitiuæ secundum propriam eius rationem competit, nec irrationalis naturæ terminos transcendit.

Quinto, cor esse sedem irascibilis; quia est caloris, & spirituum officina: multum enim his opus habent affectus iracundi: vt patet exiis, quæ diximus in Moral. c. 17. §. 4. At in hepate cur concupiscibilis? *R. primo*, quia, eòdem hic appetitus sit tranquillior, & effeminatior, eger quoque calore temperatiore, qualis in iecore: *secundo*, quia per concupiscibilem Plato præcipuè intellexit appetitum eorum delectabilem, quæ maximè animalia titillant, qualia circa alimenta, vel libidinosas voluptates maximè attenduntur. Horum enim cupiditas in ipsa vi sanguinis potissimùm consistit, vnde & sanguinea animalia ceteris appetentiora sunt: & sanguinei homines ardentius aliis concupiscunt: hoc autem Plato sic declarat: *eam animæ partem, quæ esculenta, & poculenta cupit, & reliqua omnino quibus corpus indiget, concupiscit, mediæ regioni inter diaphragma, & umbilicū applicuere: ubi quoddam quasi præsepe ad totius corporis alimoniam extare volebant: & ibidem illam vim animæ tanquam agreste animal alligauerunt.* In iecore porro creati sanguinem supra diximus. Ideo eius-

modi pars tota in alendo, pascendoque corpore intenta est, ut non immerito præsepi comparetur: inde sanguis in reliquum corpus incipit distribui, singulis membris congruam alimoniam ministraturus: inde quoque sanguis in renes defluens, tandem in semen vertitur, generatio aptum: Ob hæc ergo Plato illi vim concupiscendi potissimum adscripsit, quatenus hæc principaliter in obiectum habet delectationes, quæ in edendo, bibendo, gignendoque percipiuntur. Atque hæc pro Platone satis.

Alij sine discrimine volunt cor esse principale organum omnium affectuum, & spiritum vitalem esse eius in iis omnibus, excitandis instrumentum: accedit varia 4. humorum temperies: prout enim quisque interno temperamento affectus est, diverso quoque modo ad apprehensionem boni, aut mali commouetur. Hinc à frigida & sicca qualitate, quam sequitur phantasia, nascuntur communiter affectus tristes, quales sunt tristitia, motus, desperatio, &c. ut in melancholicis. A frigida, & humida leues & frigidi, quales sunt spes, metus, dolor, &c. ut in pituitosis. A calida & humida calidiores, quales sunt gaudium, voluptas, audacia, ira, &c. ut in sanguineis: A calida & sicca, ardentes, & concitati, quales sunt exandescencia, audacia, ira, æmulatio, &c. ut in biliosis. Præterea ex diverso temperamento provenit, ut alij aliis delectentur, aut offendantur. Nam quæ cuique conveniunt, delectant, quæ repugnant, offendunt. Hinc alij dulcia amant, alij acida, quibusdam frigida, calida aliis placent, &c. prout autem diversus est delectationis, aut molestiæ sensus, ita diversi affectus excitantur.

At quomodo ex phantasia, vel ex sensu movetur appetitus, Aristoteles l. de motu animalium c. 4. videtur insinuate obiectum à phantasia perceptum reales suas qualitates imprimere, atque hinc alterari cor: unde parva mutatio in ipso facta principio multas & magnas in extremo facit differentias, ut temone paululum translato, magna prope sit transpositio. Caliditate quin etiam, vel frigiditate, vel alia cuiusmodi affectione, cum in corde facta fuerit alteratio: etiamsi in exigua, & insensibili illius particula, multa sane in corpore sit differentia cum ruboribus, & palloribus, cum horroribus, & tremoribus. Principium igitur motionis in agendi genere id sane est, quod confestim, aut declinandum est. Calor autem, & frigus eorum cogitationem, & imaginationem necessario consequuntur. Tristificum namque declinandum, iucundum verò confestim: verum istud in exiguis valde est observandum. Sunt autem tristifica, & iucunda fere omnia cum frigiditate & caliditate, quod profecto ex affectionibus est manifestum. Verum cum experiamur nos sæpe sine vlla externi obiecti actione commoveri: & ad apprehensionem calidorum nos tritari, horrescere, vel non excitari: nec calefieri. Ideo malo simpliciter dicere moveri appetitum ex phantasia propter summam sympathiam, quæ inter huiusmodi facultates intercedit, utpote radicatas in eadem anima. Deinde recole idum est quod supra diximus, appetitum esse inclinationem quandam animæ, quæ ipsa sese ad bonum animalis per spiritum, quo cum corpore nequitur, movet

quamobrem prout ipsa per sensum de bono internis suis numeris, siue dispositioni congruente; vel de malo repugnante admonetur, statim sese per eundem spiritum mouet motu diffusiuo, & exhilaratio, si ad bonum; vel contractiuo & horresco, si ad malum. Ita quemadmodum stirpes salutaribus cœli, vel aëris influentiis irroratz, suos leniter laxant spiritus, & internus humor sese benignè diffundit per fibras, corticem, frondes & flores; vnde hilarescere videntur: è contrario verò si pruina, vel maligni cuiusdam astri ad spectu syderentur, sese in iis omnia contrahunt, corrugantur, horrescunt, &c. Idem propemodum fit in animali, motu autem illo diffusiuo rarefiunt sanguis & spiritus: motu contractiuo densantur. Illincque calor, hinc frigus augefcunt, &c.

Ex his patet, cur in moralibus c. 5. §. 1. sub finem dixerimus: voluptatem esse quandam appetitus assensionem in bonum apprehensum: ita vt in id effluat, seque diffundat, quasi gestiens in illud trāsfundi, & colligescere; ita dolor erit dissensio appetitus à malo præsentis, vel imminenti; ita vt ab eo sese omnino retrahat: & contra illud obfirmet, suas omnes in sese vires recolligans: denique vt per voluptatem motu naturali se dilatat & reficit; ita per dolorem motu præternaturali sese diueuat, angit, conficitque. Horum autem motuum necessarium tunc in corpore vestigia, & impressiones fieri necesse est ob arctissimam illam, qua colligantur ambo sympathiam. Iam ex voluptate amor; ex dolore odium, siue displicentia; ex his reliqui affectus commouentur.

Notandumque insuper est miram consensionem, & communionem omnium partium corporis interesse, adeo vt vnus actio statim ceteris communicari valeat, nimirum per spiritus celerimè quoque uersus emissos. Sed potissimum à cerebro ad cor, hepar, lienem, & cætera viscera per arcanas venulas, arteriolasque, continuè spiritus eiusmodi fluunt, ac refluunt: adeo eodem puncto temporis, quo per sensorios spiritus, obiecti alicuius impressio mouit animam, illico per spiritus citissimè accurrentes talis immutationis vis transigitur in cor, aliasque corporis partes, vbi humores sympathetici commouentur, v.g. cum apprehenditur malum, spiritus sensorij mala tali obiecti qualitate affecti prouocant melancholiam, bilem, aliosque humores; quibus tristitia, vel ira solent excitari: cum verò bonum percipitur, spiritus benigne obiecti, qualitate informati sanguinem recreant, &c. Aut si nolis spiritus animales ita discurrere, dic spiritum animalicum, & vitalem, quo anima conglutinatur corpori, diffusum esse per ipsum corpus vniuersum ac ita dum cerebrum obiectu alicuius rei gratz, vel ingratæ afficitur, vim huiusmodi affectionis per prædictum spiritum statim à cerebro ad cor deferri: quemadmodum naphtha in instanti recipit inflammationem ab igne paululū distante per halitum insensibilem, qui ab hac vsque ad ignem protenditur. Atque ita puto explicari posse Aristotelem supra cit. cum dixit ex apprehensione tristitiam excitari frigiditatem: ex iucundorum verò, caliditatem.

Sic igitur ad obiecti grati sensum spiritus, præcipuè cordiales, sese effundunt

effundunt, quasi ad occursum rei sympatheticæ ac amicæ prodituri: unde hominis lætabundi facies hilarior apparet, pulsus æqualis, sed paulò vegetior, oculi mediocriter lucidiores, serenior frons & genæ rubicundiores, quia tunc anima quasi suo sibi congaudens in corpore ipsum motu naturæ suæ magis consentaneo fouet, ac mouet; & spiritus cum purissima sanguinis portione sursum affluentius extolluntur. Hinc serena partium explicatio, tenor pulsus, rubor, &c.

E contrario ad obiecti antipathetici sensum, spiritus ad centrum suum, nempe cor, sese retrahunt. Hinc pallor, cutisque, & capillorum rigor, pulsus lentus, & debilis. gelidusque per artus humor fluit: quoniam anima male inde, ac contra inclinationē naturæ affecta, vis calorisifica, quæ corpus vegetatur debiliior fit: & aliunde humor melancholicus, aut pituitosus euocatus frigiditatem augent. Ita motus lætitiæ, vel mæroris excitantur, & ex his reliqui affectus, quorum omnium motus mixti sunt ex his duobus: ut ostendimus in morali c. 17. §. 5. & 6.

Ex his patet motus passionum, initio ut plurimum non subiaccere libero voluntatis imperio: quia spiritus per quos fiunt naturaliter communicantur, & agunt: potest tamen voluntas eas præuenire, vel diuertendo sensus à perceptione obiectorum, quæ naturaliter appetitum commouet, vel assuetudine domando corpus, atque ita illud sic disponendo, ut difficilius moueri queat: vel reformando iudicia sensuum; ita ut quæ sensui per se apparent delectabilia, representatis aliis bonis melioribus, iudicentur mala, vel indifferentia. Denique inceptos motus potest cohibere propter despoticum, quo in totum corpus pollet, imperium. Contrarium in brutis obtingit.

Secundo, patet posse etiam motus huiusmodi sine rei nouæ apprehensione excitari: nec non medicaminibus leniri, vel exasperari. v.g. tristitia sepe à melancholia prouenit; eum scilicet ad ventrem accutrens, mordicationem quandam gignit, quæ animali mærorem inducit: & quia frigida est, & sicca, dum plus æquo diffunditur, partes illas constringit, quæ prius calore distendebantur: spiritusque calidiores occurso contrariæ qualitatis diffugiunt in cor, ut suprà diximus. Ideo tunc commendatur vsus vini, aliarum rerum calidarum, & humectarum. Ita è contrario lætitia ex interna sæpe dispositione sanguinis; ira ex bilis incensione proueniunt; sæpe hi motus ex reminiscencia rerum tristem, vel iucundarum excitantur.

Ita origines, & causas physicas affectuum deduximus: paucis nunc eorum differentias explicemus. Suppono autem in primis affectuum differentias potissimum sumi oportere ex diuerso iudicio, quo res apprehenduntur, ut si bonæ, vel malæ; si præsentēs, aut absentes; si euitabiles, comparabiles sint, aut non, ut in Morali b. c. 17. §. 2. ex D. Th. deduximus.

Inde constat in concupiscibili ex opinione boni tres oriri, *amorem, desiderium, gaudium*, totidemque ex opinione mali, *odium, detestationem, tristitiam*. Amor sic in animum gliscit: res sympathetica, sensu percepta

imaginationem blandè afficit: inde ad eam sibi conciliandam determinatur inclinatio animalis. Interim hoc suauitate quadam ob hanc inclinationis suæ illecebram, quoad animam delinitum per spiritum, quo ipsa vegetat corpus, sympatheticam quoque in eo motionem excitat, quæ blandiùs, ac salubrius animetur. Tamen inclinatio illa mitiùs aut vehementiùs pro cuiusque corporis temperamento, vel natura stimulatürad bonum imaginatione perceptum: nam in calidis acrior; in frigidis mitior est. Hinc amor sic definitur, *affectus appetitus concupiscibilis, quo bonum aliquod suauiter imaginationem mouens expetitur, ab animali comparandum, instigante ad hoc cordis feruore.*

Si hoc absens iudicatur, tota inclinatio animalis, ab illo iam inescata, dudum in ipsum suspenditur, vnde sic ab anima mouentur spiritus, vt sint quasi parati ad id boni prosequendum, & attrahendum, & dicitur *desiderium*. In eo lætitia quædam gignitur, cum aliquali tamen tristitia ob absentiam boni amati.

At si præsens fuerit, tunc tota inclinatio conquiescit in eius possessione: vnde ingens oritur voluptatis sensus, qui *lætitia* nominatur.

Odium contrà ex offensione imaginat. onis proficiscitur: quæ naturali animæ inclinationi vis inferitur; vnde sequitur quædam inordinatio in functione vegetali: nutritionis opus impeditur, meatus & nerui. qui deferunt succum alimentitiù ad hepar, aut humores biliosos, & melancholicos ad splenem, contrahuntur: atque ita hi refunduntur circa cor: cuius proinde temperies alteratur, & pulsus: denique spiritus crassiores inæquali feruore conscendunt in cerebrum: ibique odiosa hæc phantasmata tenaciùs fouent. Hæc offensio non parum ab irascibili incitatur: iracundiores enim, & calidiores citissimè ob quancunque rem offenduntur: quia irascibilis vis in iis propter calorem concitator est, ac motu facilior. Contrà frigidi, humecti, & sicci ægrius offenduntur, & tolerantiores sunt. In vtrisque offensio æquè semper non durat. In iracundistum brevis esse solet, tum diuturna: in melancholicis diuturnior; in biliosis citior: sed & breuior. In pituitosis partim ob humiditatem facillè dissoluit; partim ob frigiditatem diuturna, minùs tamen, quam in melancholicis.

At cum hoc malum, quod imaginationem offendit præsens non est, sed apprehenditur, vt imminens, inclinatio animalis eò tendit, vt illud declinet: mouetque corpus contrario modo, quam dum ad prosecutionem boni desiderati hoc instigat: retrahendo scilicet spiritus, ac musculos comprimendo. Et ita fit *fuga*.

Dum verò id mali præsens est, tunc aggrauatur tristitia, quæ supra motum odij quendam excessum molestiæ addit ob actualem antipatheticæ mali oppositionem, & violentiam. Tali effectui nomen *tristitia* ascribitur; quatenus opponitur gaudio. Hæc verò etiam ab irascibili commouetur: quia cor propter tristitiam, quodammodo premitur, & contrahitur. Porro ad tristitiam reuocantur *inuidia, misericordia, penitudo, &c.* Sed videmus modo ipsas irascibilis passiones: si tamen priùs

supposuerimus, hunc appetitum ultra simplicem inclinationem addere quandam magnanimitatem, qua animal sese mouet ac stimulat ad superanda mala, quæ sui melioris boni assecutionem, vel possessionem impediunt.

Ex autem passiones quinque sunt: *Spes, desperatio, timor, audacia, ira*. Spes ex opinione boni euenturi oritur: dum ob id animal erigitur ad illud continuo exoptandum, seque disponit ad euincenda impedimenta illius. Ab audacia, & cordis laxatione adiuuatur, quod maiorem rei expectatæ firmitatem efficiat: quæ cùm in timidis, & frigidis esse nequeat; hi vel sperando magis vacillant; aut sperant nihil.

Desperatio ex opinione boni non assequendi nascitur, fitque ex causis contrariis, quam spes, quia ut feruor spirituum, spei, sic eorumdem refrigeratio, desperationi occasionem præbent.

Timor ex opinione mali euenturi oritur, cùm inde ob frigiditatem cor nimis constringitur. Ad hunc reuocantur *erubescencia, verecundia, terror*: Sunt enim timores quidam. Erubescencia est timor de concitij expectatione; verecundia, de turpitudine rei factæ; horror de malo euentu.

Audacia ex opinione boni potiundi cum fiducia proficiscitur: cùm ob fiduciam, & certam æstimationem de bono assequendo spiritus cordis intenduntur, ipsumque dilatatur: perinde ac si hostem imbecilliorē aggredi vellet: ita enim tunc sese animal commouet, incitatque ad superanda proposita impedimenta: Ideo ex maiore cordis feruore oritur. Cor tunc palpitat, quia magna sanguinis vis eò confluit, & calor cordis exardescit. Atque hinc fit, ut qui pallefcunt irati, fortiores indiciuntur iis, qui rubent irascendo, quia in illis maior sanguinis copia ex omnibus artubus vi cordis attrahitur. In his verò contra, cor languidius est, quam ut possit ita sanguinem in sese alligere.

Ira denique perturbatio est ex cupiditate vlciscendi proueniens: per hanc animal omnes suas vires commouet ad repellendam iniuriam. Ideoque in primis fellis humorem, siue bilem excitat: cuius vapor cor sollicitans inflammat sanguinem, & ac spiritus: vnde ira solet à quibusdam definiri *sanguinis feruor in corde ex euaporatione fellis oboritur*. Ob excessum ætus eiusmodi totum corpus contremiscit, actiones naturales impediuntur: vapores è corde in cerebrum attolluntur.

Ira tres species sunt, *fellex, biliosa, furor*. Prima diuturnior est ob maiore corporeæ concretionis caliditatem. Secunda, initio ardens est, & turbida, mitigabilis postea. Tertia, vindictæ insatiabiliter appetens. Ira tristitia communiter inest de offensione.

Ex his omnibus apparet omnes hos affectus præcisè non posse distinguui ex motibus, qui cientur in corpore, cum exceptis lætitiæ & tristitiæ motibus, ceteri vel ex his mixti sint, vel quandam solum intensiorem, vel remissionem adiungant: quamobrem ad distinctionem eorum asserendam oportet differentias illas boni, & mali, sub quibus appre-

henduntur, attendere, ut supra diximus.

Secundo, Apparet rectè dictum à Platone, quod voluptas & dolor sint fontes omnium perturbationum: quia omnes pendent ex præfatis duobus motibus.

Tertio, Constat huiusmodi passiones multò distinctius vigere in homine, quam in brutis, saltem quoad eas, quæ procedunt ex opinionione boni, vel mali futuri, aut absentis, quia hominis cogitativa multò perfectius futura & absentia prospicit, quam brutorum æstimatoria.

Quarto denique constat quænam sint causæ passionum. Efficiens enim est anima: nam sine illius impulsu commoueri corpus non potest tot, tamque diuersis motionibus, ut patet in cadauere. Quamobrem ridiculi videntur ij, qui per solum affluxum corpusculorum à foris incurrentium in cerebrum, sic volunt impelli spiritus in musculos, ac per eos agitari cætera membra, ut ab appetentibus, irascentibus, voluptate fruuentibus, &c. moueri cernimus; perinde ac si animæ virtus nulla intercederet; ut infra copiosius edisseremus.

Finalis causa est bonum salutis, conseruationis, & generationis animalium.

Formalis est ipsa inclinationis determinatio, per talem corporis motionem expressa.

Materialis circa quam, est obiectum bonum aut malum, quod causa quoque motiua dici potest.

Instrumentalis est spiritus, &c.

§. 3.

De vi motiua.

FRUSTRA datus esset animalibus appetitus, nisi simul haberent facultatem sese mouendi etiam localiter ad ea prosequenda, quæ cupiunt, & fugienda, quæ oderunt.

Est ergo ea facultas in anima propria quædam eius vis, gradum animæ necessariò consequens, ut vis vegetandi, sentiendi, & appetendi. Neque alia huius virtutis principia querenda sunt, quam natura, & excellentia essentia, à qua fluit: sicut si ab Epicureis quærerem, vnde proueniat in atomis vis grauitandi, quæ illis inest: aut talis vel talis figura, quid aliud respondebunt, quàm quòd hæc sit illarum natura; & talis proprietates? Idem nos hic dicimus: vim scilicet mouendi sese cum corpore peculiariter à Deo datam esse omni animæ: quemadmodum ab eodem talis concessa est Angelis, ut corpora, quæ non informant agitare, mouere, impellereque valeant.

Huic tamen idonea sunt à Deo suppeditata instrumenta, scilicet nervi, musculi, cum spiritibus animalibus: ut enim rectè Plato, *νευρονομ*,

*carnisque genus effinxit Deus, ut nervis quidem membrana reliqua vincientibus, intensis, remissisque circa cardines ipsos, corpus univ ersum ad flexionem; tensionemque promptum, & agile redderet in Timæo. Nervus sunt ipsi canales, per quos in totum corpus spiritus animalis influit: musculi sunt carnosâ quâdam substantia, quasi membranaceus follis carne infartus, qui nervos motui servientes vndique munit, & gubernat. Tales quodlibet membrum plurimos habet. Articuli sunt iuncturæ ossium. Cum enim ad liberum motum partium requiratur, ut ossa non continuentur, debuerit ipsa dissolari, iterumque colligari: quemadmodum in illis imagunculis, quibus circulatores ludos pueriles exhibent, videmus inesse partium flexuras, funiculosque, quibus partes ad motum coaptatæ colliguntur: sic in animali ossa discreta copulantur per tendines, qui nervosæ, & quasi semicartilagineæ substantiæ sunt: hi ossa inuicem commissa, & inserta vniunt, ita ut ab unius ossis capite excrecentes, & alterius ossis latus prætercurrentes, inferiori eiusdem rursum accrescât. Quid sit, ut ad huius tendinis attractionem, attrahatur sequens illud, ut se inflectat: ideo in medio habent musculos. Iuncturæ ossium vocantur vertebæ: suntque velut cardines motus. Denique his adueniens spiritus animalis, motum ciet. Quanta enim mouendi vi polleant spiritus, patet ex iis, quæ de terræ motu, & ventis diximus in meteoris: visque illorum augetur ex fervore, copia, & compressione, ut patet ex alibi dictis. Hi ergo dum pro phantasie impetu in huius, vel illius musculi ventrem sese effundunt, illum ceu follem distendunt, & oppositum constringunt: vnde sequitur membrorum flexio. Motus autem, quibus solent musculi moveri, sunt agitatio, expansio, contractio, impulsio, continuatio, &c. Quid autem plures sunt musculi, eò facilior, & multiplicator motus efficitur: quo etiam sunt maiores, eò motus fortior est. Hæc autem omnia indicantur ab Aristot. lib. de motu animal. c. 8. sic: *Quamobrem recta ratione constructa sunt, quæ intrinsecu iacent; & ad initia instrumentalium partium ut commutentur, & ex compactis mollia fiant; & ex mollibus compacta, &c. quæ cum hoc contingant modo, & cum actuum & patibile talem habeant naturam, qualem sæpe diximus, cum certè contigerit, ut aliud quidem patibile sit, aliud verò actuosum, nervique desit aliquid, quod ad eorum proportionem requiratur, confestim aliud quidem agit, aliud verò patitur.**

Quæritur modo, quodnam sit principium impulsivum & directivum spirituum in musculos. Sunt enim nonnulli, qui omnem animæ necessitatem volentes extinguere, asserunt sufficere corpuscula, quæ ab externis obiectis impinguntur in quandam cerebri glandem, ex qua per nervos inde procedentes movent reliquos spiritus in succedentes musculos pro diuersa scilicet ratione, qua cerebrum ab obiectis immutatur. Coguntur tamen vel inuiti (ne fidem videantur deseruisse,) concedere aliquando in nobis à voluntate cieri motus eiusmodi.

CONELVSTO: Principium primum efficiens, siue efficienter primo impellens, est anima non rationalis modo, sed & sensitiva. Ita omnes,

qui pro heteroclitis cluere noluerunt, & semper. Patet autem ex ipsa notione animæ, qua ipsi est ab omnibus semper vis mouendi se corpusque principaliter attributa. *Secundo*, cur saltem aliquando in recente caduere, vbi eadem seruantur machinamenta, nec desunt spiritus, ijque adhuc calidi, ab obiectis moueri membra non contingeret? *Tertiò*, videmus ab animalibus ad præsentiam eorundem obiectorum innumerabiles motus edi, & modo quiescere, modo currere; nunc huc: nunc illuc: huic modo blandiri: modo alteri, nec vnusmodi, &c. item dormiendo, & sopitis sensibus variè commouentur: atque alia similiter efficiunt, quæ impossibile est sine peculiari animæ influxu explicari. *Quarid*, vt sensus se habent ad suum principium: ita motus animales ad suum: sed sensus, siue liberè moueantur, vt in homine; siue necessariò, vt in brutis, semper ab iisdem principiis pendunt: vt & à similibus organis. Ergo etiam motus animales, siue liberè exercentur in homine: siue necessariò in brutis, ab eodem semper principio pendunt: atque constat (saltem apud omnes verè Catholicos,) spiritus animales nervosque, aut, musculos moueri sine appulsu nouarum specierum: itemque sæpius cum sensus internus, siue phantasia sic mouetur ab obiectis, vt naturaliter motus prohibitos debuissent excitare, sola vi animæ, voluntate iubente, vel nullos elici tunc motus, vel certè oppositos. Ergo inest animæ quatenus anima est, vis quædam per se mouendi spiritus animales, & nervos. Hinc rectè Aristoteles omnino inquantum animal appetituum est: sic sui ipsius motiuum est.

CONCLUSIO SECVNDA: Phantasia, siue æstimatiua est principium directiuum huiusmodi motuum. Hoc patet experimento, quia pro vt bonum, aut malum à nobis apprehenditur diuersi motus excitantur: bene ergo Aristoteles cit. *appetituum autem non sine imaginatione*: sed & rectius addit: *imaginatio autem omnis aut rationalis est, aut sensitiva*. Maior sane difficultas est in modo explicando, quo phantasia sic appetituum, seu facultatem motricem dirigit. Aristoteles in l. de anim. motu cap. 7. hæc ait: *cogitata species calidi, aut frigidi, aut suavis, aut formidabilis, quodammodo id existit, qualis vnaquæque est res: & idcirco sola cogitatione perhorrescunt, & expauescunt*; videtur ergo insinuare id quod suprà iam diximus, ab obiecto in phantasiam agente produci physicè in organis potentiz motricis qualitates consimiles: verum licet id aliquando contingere posse non disticeat: tamè cum oppositum sæpe contingat, arbitror standum esse in eo quod diximus, nimirum dirigi facultatem motricem ab æstimatiua propter sympathiam, & naturalem consensionem virium eiusdem animæ: facultas etenim motrix seruit inclinationi, eiusque velut pedissequa est: ei adiuncta vt ad bonum concupituum pertingere, vel malum declinare queat. Ideo eius exercitium, quo huc vel illuc, tale vel tale membrum actu moueatur, pendet à determinatione inclinationis: hæc autem à phantasia. Et ita hæc directrix inclinationis, vel appetitus merito dicitur; facultas verò motiua, executrix.

CONCLUSIO TERTIA: Hæc virtus mouet corpus mediante spiritu cum debito flexibilitatis instrumento. Hoc patet sensui: neque enim moueri possunt membra paralytica, quia carent spiritibus requisitis: neque possumus flectere cruris tibiam, neque curuare genu antroorsum, quia vertebra sursum deest; neque mouere auriculam, quia musculis caret. Ita de cæteris: & merito, quia non potest anima mouere corpus, nisi quatenus corpus est mobile. Sed quidni mouere potest anima musculos immediate sine spiritibus; sicut intelligentia mouet cælum immediate? Respondet Piccolominæus vim motricem in anima esse potentiam organicam; non verò in Angelo: ideo illam egere medio corporeo; non istam. *Contrà*, sic non soluitur quæstio, sed eluditur. *Quæritur* enim, cur saltem in homine, vis illa motrix corporis debeat esse organica? Resp. ergo minorem virtutem motricem requirere medium mobilius, & agilius, vt per illud moueat id, quod moueri difficilius potest: virtus autem motrix animæ multò tenuior est virtute intelligentiarum. Aliunde spiritus ex se maximè mobiles sunt, ita vt ad libitum appetitus vim suam executricem applicantis, illi confestim moueantur eo modo, quo appetitus concupierit. Ita proportionare Deus voluit vires animæ cum viribus corporis, vt infimas vires animæ præficeret immediatè subtilissimis & perfectissimis partibus corporis: quales sunt spiritus animales. Imo & iis quoque administris vtuntur Angeli, dum corpora nostra commouere volunt: præsertim, dum affectus nostros prouocare contendunt. Ad id quod de intelligentiis dicebatur. Resp. illarum virtutem esse præstantissimam; aliunde cælos esse subtilissimos, & summè mobiles naturâ suâ: denique figura motui aptissima, nempe orbiculari præditos, quæ vicem organi competentis, obtinet: vide Aristotelem 1. lib. de cælo text. 50.

Restat hic vnum, quod maximè aduertendum est. scil. in omni motu locali supponi semper aliquid immobile, vt iam in Physic. cap. 33. §. 5. prænotauimus: & sæpius Aristoteles repetit eum in lib. de motu animal. tum in 3. de anima text. 55. id patet inductione: homo non potest sese ex vno loco in alium traicere, nisi aliqua sui corporis parte incumbat priùs in aliquid immobile: sic auis eum incipit volare: nauita cum incipit nauem à portu soluere, &c. semper percussione, vel impactione aliqua in aliquod corpus quiescens promouere sese incipiunt. Et quamquam forte id non sit necessarium ad hoc vt quidpiam ab alio moueatur: (nā cur non posset lapis moueri vel in vacuo ab Angelo?) tamen necessarium id maximè arbitror, quoties siue Angelus, siue anima, siue corporea substantia corpus mouere incipiunt per corporea instrumenta: imo & in progressu motus eiusmodi hoc ipsum reperitur: ideo qui super arenam mobilem ambulant, difficillimè procedunt: aues subtiliori aëre volare non possunt, quia non satis resistit pennis à quibus verberatur, &c. densior verò, qua parte resistit, ea æquiualeat immobili.

Quatuor porro sunt res immobiles. super quibus motus animalium fit: duæ sunt externæ, quarum *prima* est obiectum, quod mouet appeti-

tum: hoc enim sine sui motu mouet. *Secunda* est solum, vel locus immobilis, in quo vel circa quod mouetur. Aliæ duæ sunt internæ, quarum prima est cor secundum Aristotelem; vel cerebrum secundum Galenum: est enim hoc primum principium immobile, à quo mittuntur spiritus, vel mediatè, vel immediatè. *Tertia* est iunctura ossium, siue articulus, in quo tanquam in cardine musculi laxantur, vel abducuntur. Et cum os vnum circa vel intra aliud voluitur, semper vnum quiescit, dum aliud vertitur.

In hac autem agitatione, os quod sustentat, comprimitur, dum interim aliud pellitur: musculi tum tenduntur, & retrahuntur, laxantur, densanturque. Quomobrem omnes hi motus sunt quodammodo violenti. Ideoque si motus diuturnior fuerit, nascitur fatigatio: quam auget spirituum consumptio.

CAPVT XXV.

DE INTELLECTV POSSIBILI.

§. I.

Quid sit, & cuius obiecti.

AB SOLVTIS iis, quæ ad sentientes facultates pertinebant, tandem ad intellectivas surrigimur: & primò quærimus quid sit, non an sit: quoniam de illius existentia nemo est, qui addubitet: quid autem sit, & quid speculetur, colligi potest ex iis quæ diximus cap. 2. Et clariùs elucidabitur ex iis, quæ sequuntur. Dicitur in primis intellectus *possibilis*, seu *passibilis*, (ita vocant Scholastici, minùs quidem eleganter,) potentia illa spiritalis, qua intelligimus verum immateriale: vel materiale modo spiritali. Sicque distinguitur ab intellectu agente, cuius nomine solet intelligi superior quædã facultas, qua sunt species illæ intelligibiles, de quibus infra.

De hoc ergo intellectu quæritur à Philosophis, an sit potentia passiva: & quo sensu. D. Th. 1. p. qu. 79. art. 2. explicans quid sit pati: ait communiter id illi attribui, quod è potentia exit in actum, atque adeo quidquid perfectionem aliquam non habet ex essentia: sed acquirit. Et subdit hoc modo solum intellectum diuinum respectu omnis veri esse semper in actu; & nunquam in potentia. Secus intellectum creatum, cum hoc tamen discrimine, quod intellectus Angelicus, sit in potentia, sed semper actuata respectu suorum intelligibilium propter propinquitatem ad intellectum primum, qui est actus purus: eo modo, quo cælum constat materia; sed semper actuata. Intellectus verò humanus sit in potentia, quæ paulatim & successiue in actum redigatur.

Quæritur

Quæritur tamen inter Thomistas, quomodo & in ordine ad quid intellectus patiens dici queat. Multi enim in hoc propositum multa congerunt. Henricus quodl. 4. putauit intellectum nullo modo pati, dum intelligit: quoniam existimauit eum intelligendo producere operationem, quæ solum terminetur ad obiectum, & nullo modo ab eo tanquam è principio pendeat: si quæras an intellectus recipiat species ab obiecto: id cum multis aliis negat: qui consequenter asserunt, eas vel non requiri, vel fluere ab ipsamet anima, vel à Deo immediatè infundi, vt videbimus inferius. Quamobrem ita nullo modo ab obiecto è potentia intelligendi reuocatur in actum intellectiōis.

Alij volebant intellectum nostrum nequidem intellectiōis suæ principium efficiens esse, sed subiectum duntaxat, quod eam ab obiecto, vel à Deo susciperet: sed hoc repugnat naturæ, ac notioni actus vitalis, cuiusmodi est intellectio. Is enim essentialiter exigit à viuente, cuius est actus, exire: Aut certè vitalis actus non erit. Alij aliter sentiunt.

Godofrid.
quodl. 9.
landun.
Exidius.

Thomistæ plura dicunt. *Primum*, quòd intellectus actiue in intellectiōem suam verè influat: propter rationē mox allatam, quæ sic confirmatur: actus secundus vitæ postulat essentialiter prodire à viuente secundum modum, quo viuens est, siue quò distinguitur à non viuente. At ille in eo formaliter positus est, vt viuens à seipso se moueat; non viuens vè. ò moueatur ab extrinseco: ergo actus secundus vitæ siue operatio ipsa vitalis, qua viuens denominatur viuere in actu secundo, ab ipso prodit, quatenus ab intrinseco trahit ita operandi principium. Atque intellectio est actus vitalis: imo primarius inter omnes actus secundos, &c.

Hinc merito inferunt etiam visionem beatificam effectiue ab intellectu beatilumine gloriæ subleuato exeri: & quoniam cauillis philosophicis aliqui propugnare student posse visionem in lapide, intellectiōem in trunco diuina virtute collocari, ad hoc Respondent, si posset hoc effici, quod multi iure negant, tunc actus illos vitales non fore, sed mortuas quasdam qualitates, & similitudines impressas, non expressas: ac per illas lapidem, truncumque nec videre, nec viuere: sicut si quis me cogeret mouere pedes eo modo, quo dum ambulo: ralem quidem in me motum efficeret; qualis in cadauere fieri posset: sed non propriè censeretur ambulare, neque certè propterea viuere.

Igitur intellectio sic effectiue prodit ab intellectu, vt in eo quoque recipiatur. Quomodo autè possit idem esse simul agens & patiens, haud difficulter intelligetur, si ponderaueris aliunde procedere vim agendi; aliunde vim patiendi: illam ex eo quòd in actu ponitur per speciem, aut per irradiationem: hanc verò ex eo quòd ex se solo in pura potentia intelligendi est.

Secundum, quòd Thomistæ dicunt est, quòd intellectus ab obiecto moueatur recipiendo nimirum species, vel determinationem, qua ipse hanc potius, quam illam similitudinem vitalem exprimat, quæ dicitur intellectio. Existimant enim cum D. Thoma species intellectiles dari,

casque neque innatas esse; neque à Deo immediatè infundi, sed mediante phantasmate ab objecto in intellectum corruari operâ intellectus agentis, ut dicemus postea: atque ita in suscipiendis speciebus, atque influxibus obiectorum passivum intellectum constitui.

Quoad obiectum verò. Notandum est quòd *obiectum intellectus est commune quoddam scilicet ens & verum, sub quo comprehenditur etiam ipse actus intelligendi*, ut ait S. Th. 1. p. q. 8. a. 3. ad 1. tamen in q. 84. probat ipse obiectum proprium intellectus nostri esse solam quidditatem materiale. Quocirca Thomistæ distinguunt duplex obiectum, vnum *motivum*, & alterum *terminativum*. Illud esse volunt quod habet vim excitandam, ac movendi intellectum: istud verò id quod præcisè secundum se dicitur intelligi, siue id ad quod virtus intelligendi extenditur, v. g. cum volo concipere Deum, priùs effectus divinitatis, vel imagines analogas eius in rebus corporeis effulgentes meditor: inde ad quidpiam omni ente corporeo sublimius intelligentiam extendo, quod primum meditatsum, *motivum*; quod deinceps, *terminativum*; illud ergo volunt esse quidditatem materiale. Istud verò non semper: sed iterum hoc dividunt in obiectum adæquatum, siue specificans; & in obiectum proportionatum intellectui nostro, quoad hic in terris unitus corpori manet: illud esse ens ut verum: quia omne ens intelligibile est: & omne intelligibile est ens: ergo convertuntur. Ratio autem formalis, qua ens spectatur ab intellectu, & fit intelligibile, est ratio veri: sicut ratio cur appetibile sit, est ratio boni: siquidem notione veri exprimitur relatio entis ad intellectum: ut notione boni, eiusdem relatio ad appetitum: quo fit, ut ipsum etiam ens rationis, privationes, &c. necessariò cognosci debeant per aliquod ens reale, ac verum.

Obiectum verò proportionatum volunt esse quidditatem materiale: vnicum fundamentum est id quod ex Aristotele desumitur: quòd scilicet omnis cognitio nostra intellectiva ortum ducat à sensu, & à rebus materialibus, & singularibus, ut ostendimus in Logica: unde sic argumentantur ex D. Th. super Baccium de Trin. q. 1. a. 3. illud est obiectum proprium, & connaturale intellectui nostro, quod fit intelligibile in actu per operationem intellectus agentis abstrahentis speciem ex phantasmate: atqui sola quidditas rei materialis est huiusmodi: ut ex sententia S. Thomæ ostendemus infra: volunt itaque omnem cognitionem intellectus nostri terminari, vel ad res materiales, vel ad immateriales mediantibus materialibus. Inde D. Th. 1. p. q. 87. docet animam non cognoscere seipsam, neque suos habitus, neque actus voluntatis immediate. per se, ac primo; sed solum *secundum quod hæc sunt actus per species à sensibilibus abstractas per lumen intellectus agentis*. Idemque docet q. seq. de Angelis ac de Deo: quòd scilicet hi à nobis modo cognosci non possint, nisi quatenus sunt intelligibiles actu per species à sensibilibus abstractas. Ista est doctrina sancti Thomæ, quam qui fusiùs disputatam legere voluerit, adeat Bannez in 1. p. q. 84. & seq. Complutenfes de anima disp. 17. qui addunt obiectum proportionatum intellectus humani

separati à corpore esse quidditatem rerum spiritualium, quæ sunt eiusdem immaterialitatis cum ipsamet anima rationali: cuiusmodi esse volunt reliquas omnes animas separatas: non verò Angelos. Idque ex D. Thomas desumunt 1. p. qu. 89. art. 2. Hæc sane doctrina multum est probabilis, quia plurimum congruit experimentis: quibus constat non modo vix quidquam posse contemplari, quin id prius aliquo sensu mentinunciatum fuerit; vel ex iis, quæ nunciata fuerunt, ratiocinando concludatur. Aliunde nulla potentia potest fieri in obiectum ordinis superioris, quam ipsa sit: aut seipsa immaterialius; nisi per aliquid sibi propinquius propriæ suæ concretioni quasi condescendat, ac contemperetur, vt patet in omnibus sensibus.

Dices, obiectum proportionatum idem est ac obiectum adæquatum: quia omnis potentia debet esse proportionata obiecto: ergo & contrà. Resp. negari posse Antec. vt patet in oculo nocturæ cuius specificatum est lumen vt sic: proportionatum verò lumen multis tenebris immixtum: proportionatur ergo potentia obiecto variè secundum varios status: sicut aliter vis gustatiua ægroti proportionatur vino; aliter sani. Ita & contrà, aliter & aliter ipsi proportionatur vinum: sic de intellectu differe.

Instabis, si quidditas materialis sit obiectum proportionatum: ergo, quo magis materialis fuerit, eò à nobis magis intelligibilis erit: ergo similiter quidditas illa singularis erit magis intelligibilis, quam vniuersalis: hæc autem omnia sunt contra D. Thomam. Respondent Thomistæ negando consequentiam, sicut non sequitur, si lumen obscurum est obiectum proportionatum nocturæ, ergo quò id obscurius fuerit, eò magis videri potest. Debet igitur seruari proportio in quodam gradu materialitatis, qui maximè congruat potentie intelligenti. Hæc autem in hoc sic existit dependenter à corpore, vt tamen secundum essentiam ab eo sit independens: sic obiectum exigit, quòd in existendo pendeat quidem à materia: quoad essentiam verò quodammodo ab ea præscindatur: talis autem est quidditas vniuersalis. Hæc enim & abstracta est, vt vniuersalis; & à materia nihilominus pender, vt existens.

Instabis, nulla potentia ferri potest ultra obiectum proportionatum pro statu in quo est: sed modo intellectus noster fertur ultra quidditatem materiale, dum scilicet rationes merè spirituales in sese versat, ac meditatur. Resp. sic modo intellectum ferri ultra huiusmodi quidditatem, sicut sensus fertur ultra sensibile proprium, dum commune percipit. Itaque potest intellectus ferri ultra obiectum proportionatum per modum sequelæ, vel illationis, aut per quandam actus extensionem; non verò per modum actus directi, & immediati, aut perse primò ab intellectu eliciti. Hæc modo sufficiant: donec inferius ista ex Platonis copiosius discutiantur.

De speciebus intelligibilibus secundum Peripateticos.

INFERIVS Platoniorum fontes aperiemus. Interim decuit Peripateticorum, ac præsertim Thomistarum sententias exponere.

Communior ergo inter Peripateticos opinio est, dari species intelligibiles. Solet id ex 3. de anima t. 3. 6. & 38. erui; ubi intellectum vocat *susceptivum, locum, speciemque, specierum*. Legendusque est D. Thomas ibidem.

Rationes verò alias alij referunt. Iandunus q. 17. l. 3. de anima vult speciem intellectualem esse apparatus quendam in ipsa mente ad actum intelligendi excipiendum; atque id eo esse principium patibile, siue dispositionem, qua mens præparetur ad suscipiendam intelligentiam.

Alij consent à specie intellectam solum determinari ad hoc, aut illud intelligendum; sicut materies aliunde recipiendis formis idonea in genere, debet nihilominus particulatim disponi, ut hanc potius, quam illam formam excipiat.

Scotus & alij duas rationes adhibent, alteram ut obiectum per vicariam sui similitudinem ponatur in conspectu mentis, eique coniungatur: alteram ut obiectum repræsentetur à materia individuali abstractum, ac denudatum.

D. Thomas & Zimara huiusmodi species inducunt, ut sint actus primi, ac rationes formales agens: ita ut quemadmodum calor in aqua est principium formale constituens illam in ratione principij ad calefaciendum; ita species eiusmodi addita intellectui, eum formaliter constituat in actu primo proximè valentem edere intellectionem. *Conferuntur*, quia sicut pater non potest concipere filium sibi similem, nisi virtute formæ, secundum quam ipse fit illi similis: sic intellectus non potest concipere aliquam intellectionem, seu verbum internum, nisi aliqua forma obiecti, cui verbum illud sit simile, imbuatur, eius virtute secundus euadat. Sed omnium potissima ratio potest in hanc formam redigi: obiectum movet potentiâ ad cognoscendum: ergo vel illi debet inmediate per se applicari; vel repræsentari per aliud: sæpe autem obiectum abest: ut quando concipio naturam leonis, aut plantæ, &c. ergo repræsentari debet per aliud, per quid autem, nisi per speciem? an verò phantasma sufficiet? at cum hoc singulare sit, & singularis corporis repræsentativum, quomodo repræsentare possit univertale, idque incorporeum? an intellectus? at si sufficit ipse, cur non semper ipse intelligit? His rationibus persuasi Thomistæ, nec non alij quam plurimi Philosophi admittunt species intellectuales, & immateriales in intellectu, quæ sint qualitates intentionales, ac similitudines formales obiectorum quemadmodum diximus suprâ de speciebus sensibilibus.

Præcipua autè difficultas, quæ adversus illa solet fieri, petitur ex parte principij, à quo ipsæ species fiunt, quod vocatur intellectus agens: sed de hoc infrâ.

Hinc multa mouentur quæstiones, quoad cuiusmodi species. **PRIMA** *Toletus. Torrez. Suarez. Rubio.*
est, quomodo ipsæ repræsentent obiecta formaliter, an solum efficienter
& virtualiter?

Recentiores communiter hoc secundum affirmant: considerant ei im
speciem sicut semen, vel habitum, quibus sola competit vis simile produ
cendi, non formalis repræsentatio: tum hoc probant, quia eo intellectus
fit actu intelligens: quo fit actu similis obiecto: ipsumque actu repræ
sentat: posita autem formali similitudine, vel repræsentatione, ipse
fit actu similis, &c. Ergo posita semel specie per eam præcisè intellectus
fieret intelligens in actu secundo, quod est falsum, quia per speciem so
lum ponitur in actu primo.

Thomistæ verò contra contendunt species esse similitudines forma
les, ita vt formaliter obiectum repræsentent: volunt enim id quod est
repræsentare obiectum esse illis propriam naturam: idq; illis ita cõpete
re, sicut luci competit ipsum *lucere*: tam ergo species formaliter repræ
sentat, quam lux formaliter lucet: eatenus autem illis per se hoc modo
repræsentandi actus conuenit, quatenus sunt similitudines intentiona
les, siue rationes formales obiectorum sub esse accidentis contentæ, cõ
sistuentes formale principium assimilationis in intellectu: in quo verè
cum semine merentur comparari: quia in semine continetur ipsa forma
lis ratio fructus; licet sub esse corporis ignobilioris. Ita, &c. Speciei au
tem sola receptio non est intellectio: quia duplex distinguitur formalis
repræsentatio: vna effectiua, quæ formale principium est similitudinis
actualis: altera vitalis, quæ proprie conceptio dicitur, & estque actus à
priorè prodians: illa impressa; hæc expressa similitudo dicitur. Denique
illa comparatur cõm ratione formali prolis gignendæ, quæ inest semini:
hæc cum prole ipsa. Ita vides non sufficere primam, vt intellectus sit in
telligens in actu secundo, sicut ratio seminalis sola non sufficeret, vt ge
nitor prolem ha'at. Sed requiritur præterea ipsa conceptio: quam ob
rem per primam intellectus solum in potentia proxima est res intelli
gibilis: per secundam ea fit actu.

SECUNDA QUÆSTIO est, an species intentionales sint eiuf
dem naturæ cum obiectis in esse intentionali: atque ad vtrum secun
dum illud facultas cognoscendi per identitatem fiat res cognita. Partem
negantem multi amplectuntur: quibus videtur accedere S. Thomas q
8. de verit. 2. 11. ad 3. *Constat*, inquit, *quòd species lapidis, in anima est lon*
gè alterius naturæ à lapide in materia: fundamentum præcipuum huius
sententiæ est: *primo*, quod species illæ sint accidentia; obiecta verò sæ
pe substantiæ: *secundo*, quòd obiectorum rationes sæpe sint contrariæ,
nec non repugnantes, quæ nequeant simul in eodem sese compati: secus
species: *tertio*, quòd species non percipiantur: secus obiecta, &c.

Nihilominus Thomistæ partem affirmantem amplectuntur: vt illud
D. Thomæ explicant quodl. 8. 2. 4. *Species intelligibilis est similitudo ip*
sius essentie rei, & est quodammodo ipsa quidditas, & natura rei, secundum
esse intelligibile: non secundum esse reale, prout est in rebus. Id quod sæpe

Tolet q 34.
Sub d. spec.
Fons. 2.
met
Molin 2. p.
q 12.
Vasq. ibid.

1. p. 2. 2. a. 2
q 14. a. 1.
2. cont. gent.
49. 2. de
anim. 7. de
mor. 6. 2.

alias habet. His tamen verbis nihil aliud videtur velle Sanctus ille Doctor, nisi quod per speciem eadem res, quæ in natura existit, repræsentetur, v.g. cum video solem: species solis quam oculis hauri, est sol secundum esse visibile, id est, repræsentans solem ipsum. Hinc Salmanticenses prolixissimas disceptationes extrahunt, quæ rebus Theologicis aliquoties sat arduis, magnam obscuritatem affundunt.

Vt tamen Thomistarum opinio explicetur, ac probabilior appareat. Notandum est naturas rerum posse sub esse multiplici existere, ut iam aliquoties diximus. Aliter enim sunt in diuinis ideis; aliter in imaginibus corporeis; aliter in propriis suppositis, &c. In propriis suppositis habent esse naturale; in cæteris verò habent esse repræsentatiuum, quia in sunt rebus, quæ naturâ suâ sunt earum repræsentatiuæ. Quoniam autem quidditas rei cuiuslibet secundum se una est; multiplicari quidem subiectis potest: secundum se verò non potest: sed eadem omnino est, quæ participatur à pluribus: participabilis autem est non solum à diuersis; sed etiam diuersimodè, secundum quod res à quibus participatur variè ad illam se habent. Ideo quæ illam participant ut eius supposita, eam sub esse naturali possident; quæ ut signa, sub esse intentionali, vel intelligibili: quæ ut conceptus vitales, & insubstantes: sub esse vitali, & intellectiuo, &c. Ita natura rei cognita secundum esse illud intentionale, vel cognitum dici potest eadem, ac illa, quæ aliud habet esse naturale: & hoc volunt Thomistæ, qui addunt res propriè dici substantias, vel accidentia, itemque exercere contrarietates, & repugnantias; Et quæcumque sunt eiusmodi. Secundum esse reale, quod participant in propriis suppositis, aut subiectis: non verò secundum esse intentionale, quod habent in signis aut conceptibus; quemadmodum neque in ideis. Nam quemadmodum non repugnat quidditates accidentium contineri sub esse substantiali diuinæ ideæ: nec quidditatem substantialem domus sub esse accidentali ideæ architecti: ita neque quidditates reliquas sub esse intentionali specierum.

TERTIA QUÆSTIO, Quid immediatè repræsentent species intelligibiles, singularia, an vniuersalia? Respondent Thomistæ, duo esse genera specierum intellectuum: alias enim esse primarias, alias secundarias: illas primò immediatè ab intellectu ad præsentiam phantasmatis exprimi; has verò post aliquam intellectionem ex prioribus speciebus editam, rursus ab eodem intellectu formari. Tum subdunt primarias species per se ac directè solum repræsentare quidditatem materiam, ut vniuersalem, seu ut abstractam à conditionibus indiuiduantibus; secundarias verò posse repræsentare indiuidua.

Primum desumunt ex Arist. qui 2. Phys. t. 20. ait *intellectum esse vniuersalium; sensum verò, singularium*. Et 3. de anima t. 11. saltem ut exponitur à S. Th. ibid. lect. 8. docet intellectum solam quidditatem carnis secundum se directè cognoscere; carnem verò hanc & in singulari reflexè. Arque hinc S. Thomas, Aristoteli quoad potuit addictissimus, eandem doctrinam perpetuò docuit, præsertim 1. p. q. 85. a. 1. *Primum*,

inquit, intellectus nostri est cognoscere formam in materia existentem; non tamen prout est in tali materia. Cognoscere verò quod est in materia indiuiduali, non prout est in tali materia, est abstrahere formam à materia indiuiduali, quam representant phantasmata. Et ideo necesse est dicere, quod intellectus noster intelligit materialia, abstrahendo à phantasmatibus: & per materialia sic considerata in immaterialium aliqualem cognitionem deuenimus: sicut è contrà Angeli, per immaterialia materialia cognoscunt. Hinc ad 3. subdit: virtute intellectus agentis resultat quadam similitudo in intellectu possibili ex conuerfione intellectus agentis super phantasmata: quæ quidem est representatiua eorum, quorum sunt phantasmata, solum quantum ad naturam speciei: & per hunc modum dicitur abstrahi species intelligibilis à phantasmatibus. Consequenter ergo q. 86. a. 1. concludit, quod intellectus noster directe non est cognoscitiuus nisi vniuersaliū. Indirectè autem & quasi per quandam reflectionem potest cognoscere singulare.

Ratio ergo hinc eiusmodi formatur: species quæ representat obiectum primariū, & per se primò proportionatū intellectui nostro, representat solum directè, ac per se quidditatem materialem vniuersalem. Sed prima species quam intellectus primo abstrahit à phantasmate, talis est. Ergo. Ma. patet ex iis quæ s. præced. diximus de obiecto proportionato intellectus: Mi. probatur sic: species quæ fit ab intellectu per virtutem abstractivam, quæ directè, & per se primò ipsi proportionata est, solum debet representare quidditatem abstractam à materia indiuiduali. Sed prima species quæ fit ab intellectu per huiusmodi virtutem fit. Ergo. Ma. explicatur. Intellectus habet vim abstractivam, quæ ipsi connaturalis est, ac propria; & qua differt à phantasia: eaque superior est, atque ea necessariò talis debet admitti, vt verè abstrahat speciem intelligibilem, ad intelligendum obiectum suum adequatum, quod est quidditas materialis à materia indiuiduali abstracta. Ergo vel neganda est virtus intellectus agentis, vel necessariò ea per se primò proportionari debet virtuti naturali, & adequatæ intellectus possibilis. Ergo primò, ac directè debet species eudere, quæ obiectum eius proprium per se representent.

Confirmatur, quia phantasma exhibet illam quidditatem, cum conditionibus indiuiduantibus: vt autem exhibet quidditatem, proportionatur intellectui; vt verò conditiones indiuiduantes, sensui. Ergo concurrere debet cum intellectu solum ratione primi. Hæc est itaque principalis ratio Thomistarum, quæ quidem, si agentem intellectum admiseris, videtur efficacissima. Nam reuera primariū eius, ac directum officium esse debebit, vt à phantasmate primo, & directè seligat id quod pertinet ad adequatum, & proprium obiectum intellectus possibilis.

His tamen sese opponunt Scotus, & Nominales cū alijs recentioribus, eo quod à phantasmate nequeat elici, nisi quod in eo est: At inest solum ratio naturæ singularis. Item, Angeli habent species intelligibiles singularium, cur non intellectus humanus? *tertio*, cognitio vniuersalium pendet à cognitione singularium. Ergo prius debent singularia cognosci, quam vniuersalia. Denique, si non darentur species, quæ directè sin-

gularia repræsentarent, ea non possent clarè ac distinctè cognosci: quia eatenus tantum cognoscerentur, quatenus repræsentarentur in communi: at hoc solum est cognosci confusè. Alia multa eiusdem ponderis in Thomistas, seu veriùs in Aristotelem vibrantur argumenta. Quibus tamen ut facilius respondeant,

Species secundarias, quæ directè ac distinctè indiuidua repræsentent, admittunt hoc modo: per species primarias intellectus vniuersale cognoscit: inde per illationem ratiocinandi extenditur ad singularia: quorum utique format conceptum distinctum, & proprium; ex quo deinceps species conficit, quæ eadem singularia per se, ac directè repræsentent. Ita non negant posse dari speciem intellectualem singularium: tales admittunt non modo in Angelis; sed etiam in nobis. Illisque sufficit, quòd non primum ab intellectu abstrahantur.

Quamobrem ad primum argumētum respondent in phantasmate subesse repræsentatio cōtineri naturam ut contractam: sed virtute luminis intellectui ex tali repræsentatione erui speciem sibi connaturalem, quæ eadem natura repræsentetur, ut non contracta. *Ad secundum* responsum est, quamquam est adhuc disparitas, quia in Angelis species à Deo: in nobis verò, ab intellectu agente procreantur. Deus autem illas omnibus modis dare potest: intellectus verò agens modo sibi connaturalis:

Ad tertium respondent sufficere, si cognitio quidditatis præcisè sumptæ supponat cognitionem sensuum: deinde duplex est vniuersale, fundamentale, & formale: illud naturæ secundum se competit; istud præterea denotat ordinem convenientiæ, quem habet ad singularia, quatenus reuera multis illa conuenit: ad cognitionem primi præsupponitur cognitio sensus: ad cognitionem secundi requiritur ulterius cognitio multorum singularium, siue reflexa, siue directæ; haud refert. *Ad quartum*, patet ex dictis.

Hinc Thomistæ inferunt primum cognitum intellectus esse vniuersale: in quo etiam impugnantur à recentioribus: verum istud clariùs, atque nō fallor, efficacius comprobabitur ex doctrina Platoniorum, de qua infrà. Interim sufficiat id posse manifestè confici ex iis, quæ dicta sunt. Adderetamen possumus, quod licet primum, quod sub aspectum mentis cadit, esset singulare corporeum: non tamen propterea id propriè dici oportere primum cognitum intellectus, ut intellectus est: Etenim tres gradus in eo sunt; vnus, quo Angelis affinis est; alter, quo sensibus: tertius, qui animæ rationali proprius est. Primo, aptus est sinceræ rerum rationes intueri: secundo, res externas & sensibiles: tertio, vniuersas naturas, & abstractas: quando ergo sensibilia cognoscit, ea solum infimo suo gradu attingit, & nondum ut intellectus: quin etiam necessitatem nullam video, cur hæc sensibilia cognosci debeant per intellectus: sufficiunt enim sensus: & abunde anima per phantasiam illa inuicem comparat, ut quòd desinit phantasia, inde incipiat prima operatio intellectus, quæ vniuersalis physici, & confusi notitia generetur: Ita verissimum erit primum cognitum intellectus propriè esse vniuersale hoc confusum

§. 3.

Sententia eorum, qui negant species intelligibiles.

QUAMQUAM defendi queat opinio mox explicata, tamen probabilior mihi semper ea visa est opinio, quæ species illas negat saltem quales solent communiter Philosophi admittere: ex ipsis nimirum phantasmatis abstractas. Alioquin per modum idealium illustrationum lubentissimè illas amplectemur: de quibus loquemur aliàs. Græcæ quoque auctores nobis patrocinantur: aliunde à gravissimis difficultatibus liberamur: superflua reiicimus, & omnia conuenientius explicamus.

Quod authoritates, possem omnes Platonicos in huius patrocinium adsciscere. Sed eorum omnium instar vnus mihi sufficiet August. qui 10. de Trinit. c. 5. ait *illæ animæ partes, quæ corporum similitudinibus informantur, etiam cum bestiis nos communes habere sentimus*. Idem profecto ex omnibus fere ipsius libris colligi potest, vbique enim supponit, aut probat nobis irradiare de super lumen æternæ veritatis, in quo rationes rerum abunde conspiciendæ exhibeantur, vti constat ex his quæ diximus in Logica. Quamobrem has rationes incommutabiles ex ideis diuinis irradiantes aliquando vocat species intelligibiles, vt quædo l. 11. de Ciuit. Dei c. 27. ait, *habemus enim alium interioris hominis sensum isto longe præstantiorem, quo iusta & iniusta sentimus: iusta per intelligibilem speciem: iniusta per eius priuationem*. Similiter alibi affirmat à Deo in animum nostrum emicare intelligibilem speciem, &c.

Ex Peripateticis hoc idem tenuere! *Themistius, Auempace Ep. de luce, Theophr. Priscian. Lydus, Zabarella, Piccolomin. Gianninius, ex Theologis Baco 1. sent. g. 2. prol. Durand. Gabriel, Ocham, &c.*

Rationes multæ possent adduci: sed præcipuæ sunt istæ, quod nimirum difficillimè possit ostendi, atque explicari, à quo ipsæ hant: Nam supponendum est speciē esse per se representatiuam proprii sui, ac formalis, necnon & specificatiui principij: v. g. species albi habet ipsum album pro principio formali, à quo exit, & à quo determinatam, & specificam rationem representandi hoc potius, quàm aliud acceperit; ita de cæteris. Quamobrem videndum est quodnam possit esse principium formale, ac specificatiuum speciei intelligibilis. Illud nequit esse, nisi vel Deus, vel intellectus, vel phantasma: non phantasma, quia hoc materialiter est; ac singulare, & essentialiter accidentis singularis & corporei representatiuum. Ergo non potest esse principium formale, & specificatiuum speciei immaterialis, rationem substantialem incorpoream, & vniuersalem representantis: quod enim est principium eiusmodi, debet ea forma esse præditum, quæ sit origo, mensura & exemplar primitiuum rationis participatæ ab illa specie, quia omne huiusmodi princi-

pium formale, ac specificatum semper tale est respectu sui effectus. At impossibile est, ut phantasma rei singularis, accidentariæ, & corporeæ sit origo, mensura & exemplar speciei, quæ participat rationem omnino illi oppositam, nempe quæ sit per se repræsentatrix quidditatis substantialis, incorporeæ, & vniuersalis. *Confirmatur*, quia etenus species dicitur repræsentatrix alicuius, quatenus eius rationem participat sub esse intentionali; sed species intelligibilis non participat rationem phantasmatis; utpote sibi oppositam. Ergo. Neque est quod hic ad cōcursum instrumentalem recurratur, quia non est quæstio de principio instrumentali: sed de principio formali & specificatiuo. Præterea, si phantasma sit instrumentum intellectus: species deberet potius assimilari intellectui, quam phantasmati, sicut pictura potius repræsentat ideam artis, quam formā penicilli. Si dixeris phantasma esse agens subordinatum intellectui. *Contrà*, effectus assimilatur causæ propinquiore, ut homo homini, non Soli.

Quod verò id non sit intellectus etiam probatur, quia principium eiusmodi debet continere sub esse reali, ac naturali rationem formalem rei per speciem repræsentandæ: atqui secundū Peripateticos mens nostra non continet rationes rerum per species intelligendarum. Ergo, &c. Ma. patet, quia omne principium formale sic continet rationem rei in effectu suo, ac per ipsum exprimendæ: tum quia non ob aliud requiritur species impressa, nisi ut per eam constituatur principium formale conceptionis: atque adeo intellectus impleatur forma, quæ mensura sit, & exemplar imaginis exprimendæ.

Confirmatur, si intellectus sine forma, vel sine ratione formali ipsius per se honestatis, v. g. vel animalis, vel lapidis, &c. possit ut causa principalis speciem impressam honestatis, vel animalis educere, cur sine specie impressa non poterit producere actum intellectionis, vel speciem expressam? Quod si supponas in intellectu rationes rerum omnium intelligendarum, cur cum illis solis non poterit ipse actuales notitias elicere, sicut per illas educeret species intentionales?

Restat ergo discutiendum, an à Deo esse valeant. Certè nihil hic repugantiæ video, quominus à Deo immitti quædam species à lumine intus animum illustrante distinctæ valeant, ut multi quoque Peripatetici profitentur, & diximus in Logica c. 53. Sed neque vllam discerno necessitatem. Quod enim à Deo queant effici possent inde ostendi, quod in eo sint idæ, in quibus ipsa rerum omnium ratio intelligibilis verè supersplendet. Ideo potest formulas quasdam siue species, tanquam formale ac specificatum principium procreare. At quod nulla sit necessitas, patet ex Logica c. 45. §. 3. & c. 53. §. 3. Item idæ diuinæ cum lumine intellectuâli, vel rationes innaræ possunt sufficere: nam vel cognoscuntur singularia corporea: & ad hoc sufficere possunt phantasmata, vel intelliguntur rationes rerum vniuersales, aut res incorporeæ, & tunc reuera sufficit lumen illud quod signauit Deus super nos: in quo vtrum omne intelligibiliter lucet, ut dicemus infrâ.

Aliz multarum rationes solent in eandem sententiam congeri: ut quod species intellectuales, si darentur, per se constituerent intellectum in actu primo proximè ad intelligendum expeditum: vnde sequi actualem notitiam oporteret: sicut posita specie in sensu necesse est sensatione sequi: ergo cum species illæ dicantur iugiter conservari: neque servari alibi queant quam in intellectu; certè iugiter intellectus in actum secundum speciebus illis debitum prorumperet: quod tamen est falsum. Item postquam species seniel educæ fuissent, quandiu conservarentur, posset mès per illas sine conuersione ad phantasmata speculari. At hoc est contra Arist. 3. de anima t. 30. *quapropter nunquam sine phantasmate intelligit anima*. Denique nulla potest adduci efficax ratio, qua suadeatur necessitas specierum. Ergo hæ non sunt admittendæ. Ant. patet soluendo rationes oppositas.

Præcipuas retulimus initio § secundi. In primis, quoad Aristotelem, Zabarella, Gianninus, & alij, cum explicant de ipso actu intelligendi, quem volunt vocari speciem, seu similitudinem, qua intellectus fit actu res ipsa, quæ intelligitur: non fit autem res illa secundum esse reale, quod in proprio supposito existit; sed solum secundum esse ideale quo id repræsentatur in animo: vnde ait in 3. de anima t. 38. *non enim lapis in anima, sed species, intelligitur*. quod autem id de actu intelligendi dictum sit, patet ex t. 14. vbi ait, quod *potentia quodammodo intellectibilis est intellectus, sed actu nullum, antequam intelligat*. Ita is inter intellectum omni specie denudatum, & ipsum actum nihil ponit medium, alioquin difficillimè posset defendi, quin per speciem impressam esset actu, secundum similitudinem & speciem: cum hæc actu contineret imaginem obiecti:

Ratio Ianduni profectò inanis est, quia quorsum ille apparatus ad suscipiendum actum vitalem?

Æquè inutilis est ratio aliorum, qui censent passivè determinari animum per speciem: cum enim intellectus concurret activè, cur opus illa determinatione passiva? an tale quid in phantasia, sensibusque externis? an in voluntate? nec valet exemplum materiæ primæ: dispositio enim in ea prærequisita peti debet potius ex natura formarum, quæ nequeunt esse sine quibusdam accidentibus sibi germanis, ac maximè propriis: tum etiam hæc dispositio facit ad expulsionem formarum antecedentium, quæ cum certo quodam apparatu cohabitare non possunt. At nihil tale in intellectu accidit.

Prima ratio Scoti, quæ cum secunda D. Thom. coincidit, scilicet, quod debeat obiectum sibi coram intellectu, eique connecti per speciem, facile soluitur, *primò*, secundum Peripateticos, dicendo sufficienter obiectum exhiberi præsens per phantasma, ut constabit ex iis, quæ modo subiiciemus. *Secundò*, adhuc faciliùs secundum Platonicos asserendo abunde id suppleri per rationes innatas.

Restat ergo vltima ratio, quæ secunda Scoti, & prima S. Thomæ est: quod scilicet intellectus debeat poni in actu primo per formam, cui conceptus assimilatur: non difficile soluitur: *primo* enim secundum Plato-

nicos dici posset animam ipsam per sensus cognoscere sensibilia: per rationes verò innatas incorporea: ac ita non opus esse, vt aliter ea constituentur animum in actu primo, quam vel per seipsa, vel per has rationes innatas: quòd si mens etiam cognoscat singularia rerum corporea, id modo spirituali & mentali fieri dicent, sicut eadem cognoscuntur ab Angelis, & seruata proportionem à Deo. Angeli autem corporea spiritualiter cognoscunt non per species inde haustas; sed sola diuinorum idearum, per quas vtique Deus omnia perspecta habet, irradiatione: vnde

Secundo, Responderi potest intellectum nostrum abunde in actu primo respectu cuiuscumque intellectionis constitui per lumen illud, quod fatetur D. Thomas 1. p. q. 84. a. 5. nobis à Deo iugiter irradiari, *esseque nihil aliud, quam participatam quandam similitudinem luminis increati, in quo continentur rationes aeternae*. Cur ergo, inquires, non semper actu intelligimus, si quidem ita semper essemus in actu primo? Resp. id regeri posse in auctoribus: si sint species in intellectu: ex semel acquisitæ, semper deinceps immanent: an non ipsæ constituunt intellectum in actu primo? cur ergo non semper intelligimus? quidquid responderis, notitrum erit. Dico igitur actum primum vel significare præcisè principium completum, eaque forma & virtute præditum, quibus oportet, vt talis, aut talis actus ab eo possit emanare, & est actus primus formalis: vel secundo significare omnes condiciones requisitas vt hic & nunc agat: est que actus primus causalis: primo modo potest esse actus primus sine effectu: non secundo. Quid ergo requiritur, vt intellectus hoc modo potius, quam illud cogitet? Resp. vt ab anima hic & nunc ad hoc, aut ad illud cogitandum applicetur? applicatur autem vel excitata per phantasma: vel cùm ex cogitatione vnius determinatur ad cogitandum aliud: sic ignis ex se in actu primo formali ad igniendum, calefaciendum, addensandum, & rarefaciendum per calorem semper constituitur: non tamen in actu primo causalis: quia requiritur applicatio. Et si faciem applies prismati crystallino, colores in eo multos hæc pariet, eosque varios, prout sub diuerso situ prisma illud ad faciem obuerteretur: & tamen fax ipsa per lucem in actu primo formali constituitur ad pariendas omnes has colorum apparitiones. Sic mens nostra per lumen diuini vultus signatum super se, constituitur in actu primo formali ad cognoscenda omnia, quæ rationibus æternis correspondent: sed debet nihilominus applicari, aut excitari: at quomodo excitabitur animus à sensibilibus, nisi habeat species spirituales, per quas sensibilia norit? Resp. ad hoc sensum sufficere: nam verè per hunc anima sentit corporea: ea autem sic sentiens ob sympathiam determinatur ad eliciendum actum intellectualem circa hæc; aut circa aliud inde connexum.

Tertio, sic potest responderi: tria sunt obiectorum genera, quæ possunt modo in nobis cognosci: *primum*, res sensibiles externæ: *secundum*, sincera rerum quidditas: *tertium*, vniuersale confusum & physicum. *Primi*, notitia gigni potest in mente, virtute animæ per sensu.

nem, & imaginationem determinatæ: quidni enim anima in præstantia suæ naturæ hanc perfectionem virtualem habeat, unde possit notitiam rei tantò inferioris gignere? *secundæ* notitia sit à rationibus æternis, ut tam sæpe dictum est: *tertium* denique potest mens colligere ratiocinando ex multis singularibus corporeis apprehensis, inuicemque collatis. Neque ad hoc requiruntur nouæ species; sed sola sagacitas naturalis, visque ipsa differendi.

CAPVT XXVI.

DE INTELLECTV AGENTE.

§. I.

Peripateticorum, ac præsertim Thomistarum opiniones recensentur.

DIXIMVS quid sit intellectus passiuus, siue possibilis, paucis expediamus quæstiones de intellectu agente. Est autem is virtus intellectiua, cuius efficacitate fit in intellectu possibili, vel actus intelligendi, vel species intelligibilis, vel utrumque.

Eum dari sic ex Arist. 3. de anima t. 17. D. Thomas ibidem lect. 10. probat: *Quia in omni natura, quæ est quandoque in potentia, & quandoque in actu, oportet ponere aliquid, quod est sicut materia in unoquoque genere, quod scilicet est in potentia ad omnia, quæ sunt illius generis; & aliud quod est sicut causa agens, & factiuum, quod ita se habet in faciendo omnia sicut ars ad materiam: sed anima secundum partem intellectiuam quandoque est in potentia, quandoque in actu. Necessæ est igitur in animæ intellectu esse has differentias, ut scilicet unus sit intellectus, in quo possint omnia intelligibilia fieri: & hic est intellectus possibilis: & alius intellectus sit ad hoc quod possit omnia intelligibilia facere in actu, qui vocatur intellectus agens.* In 1. p. q. 79. a. 3. idem confirmat his verbis: *forma in materia existentes, quæ intelligimus, non sunt intelligibiles actu: nihil autem reducitur de potentia in actum nisi per aliquod ens actu sicut sensus fit in actu per sensibile in actu. Oportet igitur ponere aliquam virtutem ex parte intellectus, quæ faciat intelligibilia in actu per abstractionem specierum à conditionibus materialibus: & hac est necessitas ponendi intellectum agentem.* Ex quibus vltimis verbis hoc infero, quòd D. Thomas potissimum inductus fuerit ad huiusmodi agentem intellectum admittendum, quia hoc docuerat Aristoteles 3. de anima t. 17. ubi omni passiuo voluit actiuum respondere, quod ad illud sese habeat uti ars. Ideoque est, inquit, intellectus hic quidem sensibilis, ut fiat omnia; ille verò ut omnia faciat. Præterea necessitatem huius intellectus agentis in eo præcisè stabilit, quòd debeant abstrahi species

universalium à phantasmatibus, ut ea quæ per hæc obiciuntur, fiant actu & proximè intelligibilia: quamobrem cum Angeli non debeant ita suas notitias ex sensuum simulacris educere, quippe quibus ab initio Deus species indiderit, ideo his negat intellectum agentem.

Maiores adhuc difficultates est, ut explicetur, quid sit, & quænam exerceat officia. Quoad primum, quæritur an sit pars animæ, necne; si primum, ulterius disputatur, utrum sit quid distinctum ab intellectu possibili, an idem. Si secundum, an sit intelligentia creata, an verò Deus. Hinc quatuor opiniones ortum ducunt.

Prima eorum est, qui sensere intellectum agentem solum dici principium effectuum intellectiōis. Hi consequenter tradunt eum non distingui ab intellectu passivo, nisi sola ratione, ita ut eadē omnino potentia, quatenus mouetur ab obiecto, & à phantasmate, dicatur patiens; quatenus verò intellectiōis actum parit, dicatur agens. Ita *Piccolomin. l. 1. de hum. mente.* & ante ipsum *Nyphus l. 1. de intellig. Maior in 2. dist. 16. &c.*

Secunda sententia eorum est, qui dicunt intellectum agentem esse vim quandam animæ realiter distinctam ab intellectu possibili. Ita *Albert. Mag. Scot. in 1. d. 3. D. Thomas* innumeris locis, & omnes eius discipuli.

Tertia eorum, qui crediderunt infimam quandam intelligentiam nobis singulis vnam in intellectum agentem assignari. Ita quidam Arabes, ut *Auicenna.*

Quarta fuit eorum, qui dixerunt Deum solum esse, qui munere intellectus agentis fungi queat: quam quidem opinionem explicabimus infra. Interim quænam ex tribus prioribus verosimilior sit, videamus. Sed prius decet officia mentis effectricis exponere. Quatuor opiniones principales circumferuntur.

Prima est, quæ vnicum hoc munus agnoscit, ut scilicet actum intelligendi effectivè parturiat: ita *Piccolominæ lib. 1. de humana mente:* sed ea inde refellitur, quod ita sensus omnis, quatenus actum sentiendi promit, debeat sensus agens nuncupari: ita visus agens; auditus agens, &c. quod inusitatum omnino, ac superfluum apud philosophos eluit: ut omittam quod operationes immanentes ab eodem principio recipi debeant, à quo fiunt: ergo idem intellectus, qui exerit intellectiōem, eandem suscipit: neque intelligit, ut alterum ex his duobus duntaxat exercet: si enim solum efficit, & non suscipit actum; ergo eum non habet in se: neque per hunc perficitur; neque ex eo quod potestate erat, fit actu: quæ tamen omnia in eo, qui actu intelligit evenire necesse erat. At si suscipit tantum, & nō efficit, quomodo vitalis, ac immanens actio erit? & cum visus videndo suam eliciat visionem, cur id intelligenti negabitur? ergo intellectus agens idem qui passivus vocaretur contrà *Aristotelem*, ut dicetur infra.

Secunda sententia vult totum officium intellectus agentis esse, ut illustret phantasmata: hæc autem variè solet à diversis explicari: *Alia,*

qui enim volunt nihil imprimi phantasmati: sed solum ex eo quod erat intelligibile potestate, fieri actu intelligibile ad solam presentiam intellectus agentis eo modo, quo ad solam luminis assistentiam colores sunt actu visibiles: ita intellectus agens nihil aliud, quam lumen quoddam intellectuale dici debet. Sic sensit Ioan. Bacco, in prol. 2. sent. Caietan in 1. p. q. 79. &c. sed tunc magna oritur disputandi seges: nam si phantasma nihil accipit, ita omnino se habet presente hoc lumine, ac absente: sed eo absente phantasma non potest mouere intellectum, neque est actu intelligibile; ergo neque eo presente: præterea sicut presente lumine nihil apparet in coloribus, nisi quod in iis inest: ita presente intellectu agente, nihil apparet in phantasmate, nisi ratio rei corporeæ & singularis. Alij volunt virtute intellectus agentis phantasma denudari conditionibus indiuiduantibus: ac ita reddi actu intelligibile: Sed tunc grauissima exurgit difficultas, quid possit detrahi phantasmati: neque enim, hoc commutatur in spirituale simulacrum. At si manet corporeum; necessario quoque manet singulare, & imago rei singularis: præsertim cum eodem phantasmate inter reminiscendum iterum imaginatio uti soleat. Alij dicunt imprimi actum quendam phantasmati, quo ipsum, valeat spiritualiter mouere intellectum: ita Ant. Montecassinus 3. de anima. At eritne is actus corporeus, an spiritualis? si corporeus; quomodo ab agente incorporeo deriuabitur? & quid proderit? si spiritualis, quomodo recipitur in phantasmate corporeo? sed esto, sit motio quædam spiritualis, qualem in voce admissus aliquando cum D. Thoma, ad conceptus animorum exprimendos: quid efficiet illa motio? eleuabit phantasma: sed ad quid? ad rationem aliquam intelligibilem actu exhibendam: sed quam? eamne, quam habet phantasma; an quam habet intellectus eleuans? at neutrum dici potest. Esto, possit phantasma corporeum motione spirituali ab agente spirituali moueri ad exprimendum aliquid intellectui: sed nunquid poterit aliud exprimere, quam quod vel habet in se; vel est in causa principali, virtute cuius agit. Atqui neque phantasma habet rationem vniuersalem; quia corporeum est. Neque intellectus agens habet illam, quia frustra hæc quereretur ex phantasmate. Ergo.

¶ Tertia sententia eorum est, qui dicunt intellectum agentem duo hæc officia exercere: primum, ut ex phantasmate eliciat speciem intelligibilem: secundum, ut constituat intellectum possibilem in actu primo, eumque compleat ad intelligendum, speciem scilicet imprimendo: ita D. Thomas, Zimara, Scor. in quolib. & certè hæc in doctrina Peripatetica videtur cæteris multò probabilior: quam D. Thomas sic explicat q. 10. de verit. a. 6. ad 7. In receptione, qua intellectus possibilis species recipit à phantasmatibus, se habent phantasmata, ut agens instrumentale, & secundarium: intellectus vero agens, ut agens principale, & primum: & ideo actionis effectus relinquitur in intellectu possibili secundum conditionem vtriusque, & non secundum conditionem alterius tantum, & ideo intellectus possibilis recipit formas, ut intelligibiles actu, ex virtute intellectus agentis,

sed ut similitudines determinatarum rerum ex cognitione phantasmatum.

Præcipuum fundamentum huius sententiæ desumitur ex arctissima illa dependentia intellectus à phantasia, quam Aristoteles experimento persuasus induxit: ex qua necessariò concluditur, quendam ordinem causæ inter utramque hanc potentiam intercedere oportere: nec potest aliter conuenientiùs phantasia in intellectu agere, nisi per phantasma concurrentiò instrumentalièr eo saltèr modo, quo mox dicemus. Neque enim quod corporeum est, potest principalitèr agere in spiritum, ut omnes fatentur. At si phantasma non potest agere, nisi ut instrumentum: debet assignari agens aliquod incorporeum, æquè vel magis perfectum, ac intellectus possibilis: quod tamen se solo non possit complere intellectuèr possibilem in ratione proprii intellectuèr eumque determinare loco phantasmatis: alioquin non opus esset ut intellectus, dum speculatur, semper conuerteretur ad phantasma. Ergo tale agens, neque Deus est, neque intelligentia vlla separata: sed virtus quædam intellectus, quæ huius sit efficaciz, ut ex phantasmate eliciat speciem intelligibilem: eamque producat in intellectu possibili, & ita eum in actu primo cõstituat. Si dixeris sufficere quod debeat intellectus sola phantasiæ operatione excitari, ut sæpe diximus in Logica. Resp. D. Thom. 1. p. q. 79. & 84. haud quaquam id sufficere: quoniam alioquin posset anima interdum ex inclinatione suæ naturæ, vel excitata per aliud sensum se conuertere ad intelligentiam separatam, à qua formaretur ad intelligendum: & sic cæcus natus posset habere scientiam de coloribus. At tamen maximè a difficultas est in explicando, quomodo phantasia moueatur ab hoc intellectu agente: siue quomodo illuminetur: nam non solum Thomistæ à ceteris, sed insuper ipsi met inter se plurimum dissentiunt, quorum disceptationes vide apud Bannez 1. p. q. 79. a. 3.

Dicam igitur sic posse rem explicari secundum mentem S. Thomæ: *Primo*, supponi debet in anima rationali virtus quædam incorporea, & omnino spiritualis, per se ordinata ad supplendam absentiam obiecti incorporei, & proportionati: cuius virtutis efficacia non sit intelligere, sed efficere, ac præsentare species intelligibiles, in quibus intelligibilia actu exhibeantur: *secundo*, hæc virtus agit ut subordinata animæ: nam sicut anima ipsa est, quæ per intellectum intelligit: per voluntatem operatur; per phantasiam imaginatur: ita eadem per hanc virtutem sibi cõfiscit species intelligibiles. Ergo eadem in se se sibi cõsociat, & amico iungit fœdere facultates omnes, cum sensitiuas, tum intellectuales, tanquam in communi radice: Hinc omnes hæc in homine mutua habent symmetriam, mirabilemque cõsensionem. Ita ut inferior superiori ancilletur, eique instrumentariam suam accommodet operam: quemadmodum calor naturalis subordinatur facultati nutritiæ; hæc generatrici, &c. & sicut calor natiuus ex coniunctione, quam habet per animam cum facultate nutritiua, deriuat naturalitèr, ac mutuatur vim quandam, quæ censetur semper quasi eleuatus, ut in genere causæ instrumentalis

mentalis concurrat ad introductionem animæ in alimentum: dum anima suam vim nutritivam adhibet. Ita phantasia, ex quo radicatur in anima, quæ pollet vi abstrahendi species rerum vniuersalium: censetur quasi naturaliter eleuata, vt concurrat instrumentaliter ad subministrandas eiusmodi species, cum anima suam, qua pollet, virtutem abstractivam exercet. 3. concursus iste adhuc facilius exponetur, si dixeris animam ipso phantasmate admonitam, & pulsatam, quadam similitudine formali rerum sensibus perceptum informari, quæ quoddam quasi semen cognitionis intellectualis est: quo anima fecundata per virtutem illam abstractivam, similitudinem superioris ordinis elicit, qua distinctè & actu representatur quod solum confusè, & potentialiter exhibebatur in phantasmatis semine: nam ratio speciei confusè, seminaliter, & inchoatinè, ac denique potentialiter representatur in quolibet individuo: & spirituale vmbrahter præcontinetur in corporeo. Hac itaque ratione phantasma concurret instrumentaliter: quia virtute quâ pulsatur, afficitque animam, coagit quoque intellectui agenti, dum extrahit speciem: Concurrit item materialiter, quia exhibet quodammodo quidditatem materialem, cuius est species, quæ extrahitur: exhibet, inquam, illam inuolutam proprietatum individualium notis: sine quibus representatur à specie, quæ illo succurrente extrahitur. Ita defendi potest opinio præcitata.

Ex his patet discrimen, quod est inter sensum, intellectum Angelicam, & nostrum: sensus habent obiecta eiusdem secum ordinis, à quo recipiant species, aut è potentia reducantur in actum: mentes Angelicæ initio constitutæ fuere in actu per species concreatas. Ideo nihil in his requiritur, quod munus intellectus agentis exerceat: & quia mentes humanæ à corpore separatæ non conuertentur ad phantasmata, sed more Angelorum intelligent, ideo otiaabitur in his tunc intellectus agens, seu vis illa specierum fabricatrix.

Patet secundo, eatenus phantasia concurrere ad productionem specierum, quatenus concurrat ad perficiendam animam, dum eam similitudine formali rei cognitæ afficit, signat & imprægnat: quod quæ fiat dictum est, cum de sensibus loqueremur, certum est tamen id fieri: Hinc autem anima ponitur in actu virtuali, vt possit speciem immaterialem esse seipsa educere. Hisque sic præsuppositis, non video quidquam posse iuxta doctrinam Peripateticam obici quod tantillum negotij facessat.

Restat modo quarta opinio, qua mentis agentis officium explicatur: estque Platoniorum, qui volunt ab ea intellectum nostrum, quem Peripatetici vocant possibilem perfici, ac notiones intelligibiles recipere; sed de ea fusiùs infra.

Concludamus igitur secundum doctrinam Peripateticam admitterendum esse intellectum; qui neque Deus sit, neque intelligentia separata ob rationes, quas suprà retulimus. Neque item sit ipsemet intellectus passivus: quia hi duo intellectus habent diuersos actus; diuersa obiecta;

diuersaque officia, vt patet ex dictis. Ergo, &c. Quamobrem sicut lux oculo innata, quæ visui adest ad eius species præparandas, est quid realiter distinctum à visu: sic, quod vocatur intellectus agens, cum non sit aliud, quàm lumen quoddam intellectuale, datū intellectui ad efformandas species conuenientissimè debet concedi distinctus ab intellectu, quo intelligimus. Aristoteles eum comparat cum *arte, lumine, habitu*: sed hæc tria sunt virtutes intellectiui intellectui contradicte ad ipsum corroborandum, illustrandum, determinandum: at non sunt ipsemet intellectus.

Nec tamen propterea putandum est intellectum agentem esse habitum primorum principiorum, vti sensisse videntur aliqui: nam secundum doctrinam Aristotelis, etiam prima principia debent addisci per abstractionem à phantasmatibus rerum singularium vt demonstrauimus in Logica c. 4. §. 3. Ergo ipsorum habitus præsupponit intellectum agentem: atque hæc ad intelligendam doctrinam S. Thomæ sufficiunt. Cætera poterunt apud Thomistas legi.

§. 2.

Opposita sententia, quæ nullum agnoscit intellectum agentem, præter Deum explicatur.

8. de anima
9. 18.

QUAMQVAM, quæ hætenus diximus de intellectu agente secundum doctrinam S. Thomæ probabilia debeant æstimari: tamen ob grauissimas difficultates, quæ vix dum ab vilo sufficienter potuerunt explicari, multi etiam ex Peripateticis opinati sunt intellectum agentem esse propriè Deum ipsum. Ita enim sensit *Alexander Aphrod. Zabarella, Gianninius, & alij multi*: Idem quoque docuit *Theophrastus* vt patet ex *Prisciano Lydo, & Marsilio Ficino* eius interprete l. de phantas. & intell. c. 4. Et reuera hæc videtur quoque fuisse sententia Aristot. cum loquens de intellectu agente hæc dicat: *Et est quidam intellectus, qui omnia facit; quidam verò, qui omnia facit vt habitus quidam, quale est lumen. Quodam enim modo & lumen facit, colores actui esse, qui solum erant tales potestate & hic intellectus separabilis est, & impermixtus, & impassibilis, substantia sua existens actio, &c.* Cuinam quæso, conuenire potest, quod sit suum operari, nisi Deo? Fuit tamen non parum hac in re perplexus Aristoteles: alibi enim affirmat felicitatem, quam voluit in contemplatione perfectissima consistere, à Deo missam non esse, neque Dei donum esse: aliunde in cit. t. 18. hos duos intellectus facit differentias animæ: itemque agentem vult esse quasi habitum, &c. Sed si habitus, aut potentia sit de genere accidentis, quomodo ait eum esse inuentem separabilem, quæ substantialiter sit actus, &c. Hæc ergo multa diuinanda relinquunt Peripateticis: Sed profecto sincerior eius interpretatio ea mihi videtur, quam *Anaxagoras & Avicenna* secuti sunt, vt scilicet, mens effatrix sit intelligentia quædam instar Dei simplex, & re-

rum omnium notitiis per essentiam plena.

Sed Platonici omnes hac in re consentiunt asserentes mentes omnes participatas non posse quidquam intelligere, nisi participatione luminis, & notionum à prima mente venientium. Quos secuti sunt communiter sancti Patres: ut patet ex S. Cyrillo, S. August. & Origen. quos citauimus in Log. c. 4. §. 5. Itemque ex D. Athanasio, qui orat. contra idol. à mentem nostram esse conditam, ut Deum spectet, & ab illo illustretur. Sanctus Augustinus nihil aliud spirat, ut iam innumeris locis diximus: nec potuit loqui clariùs. In Ioan. enim tract. 15. *Lux*, inquit, illa superior, quæ mens humana illuminatur, Deus est. Et l. 12. de Trinit. c. 15. Sed potius credendum est mentis intellectualis ita conditam esse naturam, ut rebus intelligibilibus naturali ordine disponente conditore subiuncta, sic ista videat in quadam luce sui generis incorporea, quemadmodum oculus carnis videt quæ in hac corporea luce circumiacent, cuius lucis capax, eique congruens est creatura. Denique cur de solis rebus intelligibilibus id fieri potest, ut bene interrogatus quisque respondeat (alludit ad puerum à Socrate interrogatum) quod ad quamque pertinet disciplinam, etiam si eius ignarus est? Cur hoc facere de rebus sensibilibus nullus potest, nisi quas isto vidit in corpore constitutis, aut eis, qui nouerant indicantibus credidit, seu literis cuiusque, seu verbis? Et l. 2. de serm. Domini in monte: omnis anima rationalis etiam cupiditate cæcæ, cum cogitat, & ratiocinatur quidquid in ea ratiocinatione verum est, non est tribuendum ei, sed luci ipsi veritatis, à qua vel tenuiter tangitur.

Rectè ergo Plato dixit in 6. de Rep. quoddam ipsa idea boni, quæ sine dubio Deus ipse est, solem hunc ad spectabilem, in hac secum genuit comparatione consimilem, ut quemadmodum ipse (Deus seu Dei Filius) in loco intelligibili ad intellectum, & ea quæ intelliguntur, se habet; sic iste (Soll) in loco visibili ad visum se habeat, & ad ea quæ videntur. Vnde inferiùs subdit: *Itud quod veritatem illis quæ intelliguntur, præbet (q. d. quod facit intelligibilia actu:)* & intelligenti vim porrigit, ideam boni esse, scientiæ ac veritatis intellecta causam.

Porro fundamenta huius doctrinæ possunt hæc adnotari: primum quod sic euitentur omnes difficultates, quæ singulis diebus crescunt in explicando, quomodo intellectus agens eruere possit species intelligibiles à phantasmatum inuolucris: & quomodo phantasma corporeum possit agere in intellectum: per quid eleuetur? Quæ virtute ex imagine corporea corporei acceditis, quod non modo singulare est, sed essentialiter nota singularitatis, possit extrahi ratio incorporea substantiæ, vel formæ spiritualis, vniuersalis & alia, quæ supra retulimus c. præced. §. 3. hæc sanè & similia possunt utcumque saltem voce tenus explicari: sed explicata nemini, nisi volenti, ac nimium credulo satisfacere possunt: alioquin non tot sectas peperissent.

Secundum, quod ille sit habendus intellectus agens, qui primùm, propriè, per se, ac suapte natura est actu intellectus, actuque ipsum intelligibile: sed Deus est eiusmodi. Ergo. Mi. est euidens. Ma. patet, vel ex

ipso Arist. 3. de anima t. 18 & confirmatur, quia in quolibet genere, quod est primū per se, atque actu tale, causa est cæterorum, quæ potestate, ac participatione sunt talia. Cum ergo intellectus noster solum sit in potentia intelligens, nec sit ipsum intelligibile, nisi quatenus potest tale per participationem euadere: neque aliud sit, quod sit tale actu nisi Deus, ut fateri conuincimur, sequitur solum Deum esse propriè intellectum agentem. Respondet D. Thom. species intelligibiles intellectus nostri reduci quidem ad Deum: sed mediantibus formis rerum sensibilium. At hoc difficultatem patitur, quia formæ illæ sunt minùs ipsa intelligibilia, quam ipsemet intellectus: quomodo ergo is accedet ad actualitatem primi intellectus, per id quod magis ab ea recedit? Addit D. Thomas intellectum agentem esse actu. Sed quomodo? neque enim est intelligens actu, quia nullo modo est intelligens: neque est ipsum intelligibile actu, quia non continet in se rationes intelligibilium, cum eas ex phantasmatis emendicet. Quid ergo? an fiet intelligibile actu, per phantasmata, quæ non sunt ipsa intelligibilia, nisi in potentia remotissima, & vmbrautiliter?

Tertium fundamentum est, quod ab eo infundi ac communicari debeant notiones intelligibiles, quod propria obiecta intellectus continet: sicut in sensibus, ab eo profluunt eorum notitiæ, in quo elucet obiecta ipsorum primitiua; & propria. Sed obiecta prima, & propria intellectus continentur in primo intellectu, ut ostendimus inferiùs. Ergo &c.

Quartum est, quod rectus ordo ex postulet, ut imperfectiora perficiantur à perfectioribus, non contrà. Ergo intellectus noster à Deo, non à sensu debet expoliri, & perfici. Vide quæ diximus de Moral. cap. 1. §. 3.

His adde nihil posse incongrui ex hac doctrina inferri; ut patet ex his, quæ in Log. diximus c. 41. 45. & 53. Neque potest quidquam obijci, quod ipsa adhuc Aristotelis auctoritate leuius non sit. Quod enim dici solet, fore ut si Deus sit intellectus agens, aliquando possemus aliqua per solam conuersionem ad Deum addiscere, sine vlla ad phantasmata conuersione. Resp. 1. non sequi hoc, quoniam excitari debet animus per sensum. Resp. 2. etiam aliquando id fieri: multa enim animus secum conferendo deprehendit, quæ omnium phantasmatum conditionem exuperant.

Dices, hinc ulterius sequi, quod animus non perficiatur ex vnione ad corpus. Imo potius contrà, animus enim obnubilaretur in corpore, nobiliorque foret extra corpus: ergo per vnionem ipsi adeo naturalem, à perfectione quæ naturaliter deberetur, omnino deficeret: atque inde impediretur agere, vnde initium sese perficiendi expectat. Resp. animus perfici in eo quod actuat, & complet speciem creaturæ rationalis: item in eo quod ad cognoscenda singularia, indiget sensibus: nec impeditur præcisè ab vnione: sed ob naturalem tenuitatem, qua deficit ab actualitate mentis Angelicæ. Adde quod occurrat plurimum fuisse

mentem hominum propter peccatum originale inficiari nequeamus, *diminuta enim sunt veritates à filiis hominum.*

Sed quæritur, quomodo possit intellectus excitari per sensum, ipsaque singularia corporea percipere? Respondet Marsil. Ficinus, quod quando phantasia in se simulacrum huius v.g. Socratis contuetur, mox lumen agentis illud simulacrum pullat, vt solis radius aquam, & repercussus generat speciem puriorem, &c. Perbella sanè sunt hæc: sed ad Philosophorum examen vocata, mox vt Chymicum aurum igne probatum, euanescent: quomodo enim lumen intellectuale ad phantasmæ corporeum reflectetur, repercutieturque? Dixeris ergo melius animam per quandam reflexionem ad vim, rationemve innatam, dum quodammodo pulsatur, & admonetur à phantasie actu, quasi apud se excutere quod latebat.

At potestne quod nobile est & spirituale ab ignobiliore, & materiali pulsari & affici? Resp. quidni vt ab excitante, atque vt à disponente, vt diximus supra c. 16. §. 1. Imo non video, cur potentia spiritualis non possit forte moueri obiectiue ab obiecto materiali: hoc enim cum sympathetica quadam communiõne, viribus quæ sunt in illa contemperetur, hoc ipso, quod præsens sit, potest virtute huius sympathie, proliferare, & excitare intelligentem, vt vim suam circa illud exerat: hæc motio non Physica, neque alteratiua est, sed Metaphorica & occasionalis: neque imperfectionem arguit in eo, quod sic mouetur: quoniam ita moueri, sese ad præsentiam alterius perficere est: & è potentia in actum reducere semetipsum. Sic quidni dicamus intellectum Angeli etiam moueri ab homine, cui cõminus adest, vt cum videat, potius quam Leonem?

CAPVT XXVII.

DE VERBO MENTIS.

§. I.

Quid sit, & quale.

NO MEN hoc verbi multifariam vsurpatur. Aliquando enim pro voce, quæ ore profertur: interdum pro vocis imaginatione, aliàs pro conceptu, quem apud nos cogitando formamus: & vocatur λόγος ἐνδιδύκτος, verbum internum. Hoc autem sensu diuersimodè quoque à S. August. in libris de Trinit. vsurpatur: nam aliquando pro simplici mentis notitia, qua rectè de aliqua sincera veritate iudicamus: Ideo, inquit, cum dubitamus, non est verbum de re, de qua dubitamus: sed de nostra dubitatione est verbum. Inde vocat verbū cogitationem.

formatam: vultq; è scientia id oriri, eiusq; velut expressam esse imaginè. *Neceffe est, cum verbum loquimur, id est, quod scimus loquimur, ex ipsa scientia, quam memoria tenemus, nascatur verbum, quod eiusmodi sit eiusmodi est illa scientia, de qua nascitur: Formata quippe cogitatio ab ea re, quam scimus, verbum est, quod in corde dicimus. 15. de Trin. c. 10. Hinc inferiùs explicàs, quid sit illa scientia, ex qua procedit verbũ: & vnde pendeat, subdit hæc: quid est hoc formabile, nondumque formatũ, nisi quiddam mentis nostra, quod hac atq; hac volubili quadã motione cogitationis iactamus, cum à nobis, nunc hoc, nunc illud sicut inuentum fuerit, vel occurrerit, cogitatur? Et tunc sit verbum verbum, quando illud, quod nos diximus volubili motione iactare, ad id quod scimus pervenerit, atque inde formatur, eius omnimodam similitudinem capiens, ut quomodo res quæque scitur, sic etiam cogitetur. Præterea ipse frequenter verbum accepit pro conceptu formato, & vero rei amatz. Verbum, inquit, amore concipitur, 9. de Trin. c. 7. nascitur verbum, cum cogitatum placet. Verbum ergo nostrum, & mentem, de qua gignitur, quasi medius amor coniungit. c. 8. verbum est cum amore notitia. cap. 10. &c. His positis.*

Quæritur modò quid sit verbum, & quomodo ad Intellectionem se habeat: Aliqui voluere verbum non esse aliud à re concepta, sic *Aureolus* apud *Capreolum*. Alij non distingui à specie impressa, sic *Egidius* apud *Scotum*. *Nominales* censent omnem intellectionem esse verbum: quatuor enim condiciones tantum ad verbi constitutionem desiderant. *Primam*, ut sit aliquid in intellectu: *secundam*, ut sit ab eo genitum: *tertiam*, ut sit imago rei cognita: *quartam*, ut sit expressivum rei cogitata, & conceptũs, quo cogitatur. Hæc verò competunt intellectioni, & sufficient. Ergo, &c.

Scotus in 1. sent. docet verbum esse intellectionem: non quidem omnem, sed perfectam duntaxat, siue distinctam. Negatque quidquam ipsa intellectione produci: eo quòd intellectio sit ultimus terminus, quo nulli alteri conferatur ut sit: siue quo quidpiam aliud gigni non possit.

Thomista verò docent verbum esse quidpiam verè ab intellectione distinctum; ab eaque genitum. Ut autem hæc sententia magis declaretur; Notandum est hanc esse vim intellectus, ut cogitando intrinsecus apud se sibi rei cogitata formet exemplar, ita ut eam sibi videatur cernere intus præsentem: in quo à sensu externo distinguitur; hoc enim res extra nos positas percipimus, sed ut absentes: & eo quod sunt intervallo à nobis separatas. Secus si animum à rebus extraneis auocantes, velimus intra nos v. g. cælum recogitare, illud quasi nobis intimè præsens, & ex re canis memoriz latebris erutum, necnon euolutum introspicimus: atque ut ante cogitationem nihil tale percipimus; sic ea finita id disperit, & evanescit. Vnde saltem tria hæc debent adesse, ut verbum eiusmodi concipiatur: *primum*, ut imago rei cogitata formetur, in qua, & per quam res ipsa, ut præsens videatur: *secundum*, ut cum ipsa cogitatione fiat: *tertium*, ut ab ipsa intellectione quatenus est actio vitalis, distinguaatur: itemque à specie impressa, ut constabit inferiùs. Duo priora certa sunt: tertium dubitatur: sit ergo

CONCLUSIO PRIMA: Per omnem intellectiōem distinctam & perfectam naturaliter producit verbum: Ita D. Thomas: patet autem ex Di. Augusti: *suprà cit.* item ex D. Fulgentio l. 3. ad Monimum. *Cum ergo, inquit, mens cogitat, & cogitando verbum intra se generat, de sua substantia generat verbum, & sic illud verbum generat de se, ut genitum habeat apud se.*

Ratio erui debet ex ipso experimento: cur enim intelligendo videmur videre intus rem cognitā, non verò sentiendo? Si sola vitalis perceptio sufficit, an non sensus vitalis est actus, æquē ac intellectio? quando ergo rem aliquā ut verò intus existentem attendimus, debet esse aliud respondens attentioni, quā externa percipimus, & hoc est ipsa intellectio: debet & esse aliud, quod vicem obiecti teneat, illudque quāsi præsens sistat animo: & est verbum: quā ob rem ratione illius intellectio vocatur conceptio: ac per illud expressam Dei Patris filium intelligendo apud se gignētis imaginem gerimus. Nihilque horum conuenit sensui: nam quis vnquam visionem expressit conceptionis nomine? quis illi verbum attribuit? & cum de intelligente qui conceptum apud se format, soleamus asserere, quod apud se tacitus loquatur, dicat, exprimat id quod cogitat, quis idem de visione vnquam affirmavit, quod videndo loquatur, conceptum formet, &c. Quod si dixeris non opus esse, vt formetur verbum, in quo res intellecta videatur vt præsens, cū ea sit semper præsens in rationibus æternis, siue ideis, quæ vbique sunt. Resp. neque id sufficere: quia cum hæc non possint videri per se immediate, debet formari earum similitudo, in qua *finis esse cognitum* habeant, vt dicitur inferiùs.

CONCLUSIO SECUNDA: Hocce verbum reuera distinguitur ab intellectu. Ita clarè D. Thom. de pot. q. 8. a. 1. *Intelligens, inquit, intelligendo ad tria potest habere ordinem: scilicet ad rem, quæ intelligitur; ad speciem intelligibilem, quæ sit intellectus in actu primo ad suum intelligere; & ad conceptionem intellectus:* & subdit hanc ab actione intellectus distinguui: quia consideratur, vt eius terminus, & quāsi quiddam per ipsam constitutum: q. 4. de verit. a. 2. ad 3. ait conceptionem intellectus, id est, verbum, esse mediam inter intellectum & rem intellectam. quia ea mediante operatio intellectus pertingit ad rem. Idem patet ex D. Aug. 9. de Trinit. c. 7. *In illa æterna veritate, ex qua temporalia facta sunt, formam secundum quam sumus, & secundū quam vel in nobis, vel in corporibus vera, & restā ratione operamur, visū mentis adspicimus, atq; inde conceptam veracem notitiam tamquam verbum apud nos habemus, & dicendo intus gignimus.* Ergo verbum est quāsi soboles illius actus, quo regulam idealem conspiciamus: ergo ab eo distinguitur: ille autem actus quis est, nisi intellectio? ex supradictis etiam constat, quod verbum non sit ipsa cogitatio simpliciter: sed vt *formata à re, quam scimus: formari autem eam, quando similitudinem omnimodam capit:* Ergo aliud est verbum: & aliud simplex intellectio.

Ratione probatur breuiter, quia quod per se terminat intellectiōem,

reuera distinguitur ab intellectu: sed verbum est id quod terminat intellectum. Ergo. Ma. patet in omnia alia cognitione: nam quod terminat visionem, non est visio: & ita de ceteris: vnde non minus est intelligere, & intelligi: illud actum, hoc obiectum designat: atque illius ad hoc relatio realis interuenit: ergo. realiter distinguitur. Mi. quoque patet ex dictis: quoniam nequit aliud assignari, quod terminet actum intellectus: non res, quæ foris est, quia videtur, vt exterior: non idea diuina secundum se: quia videtur quanta, & qualis est in se, sicut à beatis, quod falsum est: vnde ait S. August. l. 9. de Trinit. c. 11. *in quantum Deum cognoscimus, sumus similes: sed non ad aequalitatem similes; quia non tantum enim nominamus, quantum ipse est: & quemadmodum cum per sensum corporis discimus corpora, sit vtrum aliqua similitudo in animo nostro, qua phantasia memoria est illi. Ita cum Deum nominamus sit aliqua Dei similitudo illa notitia: tamen inferior est, quia in inferiore natura est.* Ex quibus collige, quod ita verbum ad simplicem intellectum se habeat, sicut phantasia memoria, ipso scilicet phantasmate informata, sese habet ad visum, vel auditum: ergo quomodo posset non esse distinctum?

Denique idem posset ex mysterio sanctissimæ Trinitatis confirmari: sed id relinquo Theologis: solum notauerim non immerito posse hinc deduci argumentum, quosiam cum mens creata gerat imaginem increatam, magna quoque actuum debet admitti proportio: saltem quantum creaturæ limitata capacitas ferre potest.

CONDEVSIO TERTIA: Verbum mentis distinguitur à specie impressa: patet ex dictis: vel enim non datur eiusmodi species, vel est prior intellectu, eiusque principium est: at verbum est posterius intellectu, & ab ea gignitur. Ergo. tum si species vlla eiusmodi occurrat, ea certe tunc est, & exercetur, quando visu mentis formam secundum quam de re vera iudicamus in ipsa æterna veritate conspiciamus. Atque ex D. August. verbum ex illo visu sequitur: eumque non præcedit. Ergo. Denique ex eod. August. *suprà: verbum ex ipsa scientia, quam memoria tenemus, nascitur.* Atque si quid est in nobis specierum impressarum, & intelligibilium, aut illis æquiualens id certe in memoria, & in illa scientia habituali, aut virtuali continetur: at verbum eo prorsus inferius est.

Notandum ergo formationem verbi, quæ conceptio dicitur: merito comparari conceptioni prolis animatæ: nam sicut debet esse mater grauida, vnde concipiat: sic mens debet quoddam in utero suæ memoriæ fouere, aut recipere semen verbi efformandi, quod vel species impressa est: vel forte melius sigillatio, & illapsus rationis idealis, vt dictum est *suprà.* Secundo, requiritur vis formatrix, & assimilatrix, qua factus conformetur parentibus: Ita in mente debet esse quædam vis assimilatrix, quæ conceptum perficiat, similemque omnino scientiæ, ex qua nascitur, reddat: & ea quæ in speciebus impressis, seu rationibus innatis, vel signatis, velut in seminario sunt occulta, in lucem prodat, euoluat, & perfectum in statum adducat. Tercio, vt præcipua vis agens venit à patre: cum

cùm mater præcipuè materiam suppeditet. Ita præcipua vis efficiendi verbum mentis à Deo pendet: estque *lumen illud vultus sui*, quod signavit super nos; quod *nihil est aliud, quam quedam participata similitudo luminis increati, in quo continentur actiones eterne.* 1 p. q. 84. a. 5. Ideo S. August. in illud Ioan. 4. *voca virum tuum*, ait Deum esse virum humanæ mentis. *Quarto*, sicut conceptio est fructus amoris. Ita ex D. August. 9. de Trinit. c. 2. *Partum mentis præcedit appetitus quidam, quod id quod nosse volumus, querendo & inveniundo, nascitur proles ipsa notitia Idemque appetitus quo inhiatur rei cognoscenda, fit amor cognita, dum tenet, atque amplectitur placitam prolem: id est, notitiam: gignenti que coniungit.*

§. 2.

Soluuntur quedam dubia.

SCOTVS, Durandus, Nominales, & alij, nonnulla obiiciunt, quæ hic solui oportet. *Primo*, ex Aristot. 9. met. operatio immanens à transeunte distinguitur, quòd illà nihil producat; secus ista. At intellectio est operatio immanens. Ergo. *Confirm.* Idcirco actio immanens dicitur esse id ultimum, quo potentia perficitur. Ergo non parit vllum terminum. Resp. *primum*, eo distingui operationem immanentem ab alia, quod ex suo genere non producat aliquid à se distinctum, quia potest esse aliqua, quæ nihil parturiat: cum tamen transiens ex sua propria differentia id habeat, ut semper opus à se distinctum relinquat. *Secundo*, distinguitur eo vel maximè, quod transiens effundat opus, aliquid in subiectum extraneum. Immanens verò nunquam, ad confirmationem Resp. actionem immanentem, quæ parit terminum, non censi vltimum potentia, nisi quatenus completa, formataque fuerit: sic autem intellectio complectitur verbum.

Secundo obiic. si per intellectionem producit verbum, necesse est id cognosci ab intellectu, quandoquidem non ponitur, nisi ut sit obiectum cogniti: atqui non cognoscitur, ut testatur experientia. Ergo. Resp. in eo dissidere Thomistas, an verbum cognoscatur: alij enim negant; affirmant verò alij eo quod D. Thom. q. 4. de veritate art. 2. ad 3. dicat *verbum non solum id esse quod intelligitur, sed etiam id in quo res intelligitur.* Qui negant, comparant verbum cum specie, quæ nobis in speculo nostram repræsentat imaginem; non enim videmus speciem, sed nos per illam; qui verò affirmant, comparant verbum cum pictura, quæ repræsentat v.g. hominem: sic enim in ea vides hominem, ut reuera picturam videas: Ita volunt res in verbo; verbumque ipsum cum rebus dispici; nec immeritò, quia id quod primi asserunt speciebus impressis, si dentur, potius competit, quam expressis, quæ verba sunt.

Confirmatur hoc ex Arist. 1. de mem. & reminisc. c. 1. dicente eundem esse motum ad imaginem, & ad rem cuius est imago, Caietanus verò in 1. p. q. 27. distribuit notiones verbi sic: *verbum inquit simul est*

imago, ceu *pictura*; & *qualitas*, neque enim potest ad aliud genus entis pertinere: videtur autem vt *imago*, non vt *qualitas*, nisi mens in illud reflectatur, eius genus inuestigans. quid plura? tale quid ipsum est, vt res cogitata in eo resplendeat: ipsumque *esse cognitum* rei cogitatæ, proprium quoque *esse verbi* est. Est enim id ipsum ens quoddam intelligibile in ratione talis, aut talis rei cogitatæ: quod in ipsa profecto anima resplendescit: atque ex eius substantia edueitur: vt patet ex D. August. suprâ. Nam anima cogitando sese vi luminis diuini, in illud esse intelligibile, ac sigillare rei cogitatæ transmutat, ac transfiguratur, sicut pupilla oculi tui respiciendo rosam, in esse rosæ visibilis, virtute luminis solaris, transformatur. Quamobrem si visus tuus ad illud esse visibile rosæ, quod reuera productum est in oculo tuo terminaretur, sicut mens ad illud terminatur, dum te respicio; certè rosam videres velut in oculo tuo existentem. Ita fit in animo.

Tertio obiicit D. August. cit. vocat verbum notitiam. Ergo non distinguitur ab intellectu. Resp. verbum dici notitiam, non qualemcumque, sed completam, & perfectam: siue cogitationem formatam: quia reuera non debet considerari seorsum à cognitione, cum totum eius esse, sit *esse cognitum*, cum intellectio ad eum statum peruenit, in quo perfectam similitudinem rei scitæ pepererit, ea simul conformatur & terminatur, & tum hæc intellectio sic formata, dici potest verbum: licet verbum non sit, nisi ratione huiusmodi termini.

Restant modo quædam alia dubia hic breuiter explicanda: *Primum* est, an mens nostra, dum seipsam contemplatur, itemque Angeli dum sese per suam essentiam intuentur, verbum pariant? Resp. in vtramque partem hoc agitari: sententia tamen affirmans videtur probabilior, & conformior S. Augustino. Is enim in 9. de Trinit. ait, *Cum se mens ipsa nouit, sic est eadem notitia verbum eius, vt ei sit par omnino, & æquale*: & mox: *Et imago, & verbum est, quia de illa scilicet mente exprimitur, cum cognoscendo eidem coæquatur; & est gignenti æquale, quod genitum est*. Idem ait D. Thomas 4. q. de verit. a. 2. *Etiamsi*, ait, *res cognoscatur per suam essentiam, in eius tamen cognitione producitur verbum*. Vide Ferrar. in 4. contra Gent. c. 11. & in 1. c. 31. Bannez & Caiet. in 1. p. q. 27. Ratio esse potest, quia hæc est virtus naturalis creatæ mentis, vt quoties sese applicat, ad perfectè quidpiam intelligendum, format conceptum quoque perfectum, quantum formabilis est. Quemadmodum & mens diuina, licet seipsam per essentiam suam comprehendat, verbum nihilominus gignit perfectissimum: quamobrem hanc infinitam intellectus diuini prærogatiuam mens creata finito tamen modulo æmulatur: tum quia mens creata sæpe se aliter nouit, quam in se sit: In se enim est singularis: se verò cognoscit aliquando in abstracto: fatendum ergo erit cum D. Thom. essentiam Angeli supplere quidem posse vicem impressæ speciei: at non expressæ. Contrarium tamen de verbo ipso dixerim, quando cognitione reflexa cogitatur, vt enim vna relatio refertur ad aliam per seipsam, sic verbum seipso sui cognitionem ter-

minat: alioquin daretur processus in infinitum.

Secundum dubium est, an aliquando separari possit verbum ab intellectu. Resp. *primo*, secundum D. August. non exprimi verbum quando intellectio est imperfecta, & dubia: *secundo*, in doctrina Thomistarum visio beatifica, est intellectio perfecta, quæ tamen verbum ab intellectu productum non habeat: eo quodd, inquit, formabile non est verbum ullum creatum, in quo videri Deus clarè, atque intuitivè sicut ipse in se est, valeat: Ideoque censent divinam essentiam immediatè per se ipsam fungi officio speciei impressæ, ac expressæ: quod quæ fiat, non est huius loci exponere: solum prænotaverim duplicè esse actionem; vnam quæ verè ad prædicamentum actionis pertinet; estque tendentia, siue via quædam ad novum effectum producendum: aut potius quædam effectus distincti progressio ab agente. Et hæc nequit esse sine suo termino: Alia est, quæ actus potius, quàm actio dici debet, & ad prædicamentum qualitatis merito reuocatur: actionis in eo specimen ferens, quodd sit actuale potentie actiue exercitium; seu actualitas vltima potentie operantis; vt visio, & ambulatio, &c. hæc non tam productiua, quam vniuiua, vel applicatiua, censenda est: Ex hac per se nullus emanat terminus, saltem ex suo genere: licet contingat aliquando talem, ac tam perfectam esse, vt ex speciali eius præminetia ipsummet sibi obiectum proximum cudad, cui vniat operantem: & in quo, ac per quod operans obiecto mediato, & vltimo vniatur. Talis autem est intellectio, quæ cùm perfecta est, exprimit conceptum, siue verbum sibi proportionatum: Hoc est finitum, ac limitatum. Quod tamen à Deo per se ipsum suppleri nihil vetat, non minus, quam hypostasin naturalem: Ideo licet productio substantie semper naturaliter exigat supposito naturali terminari; eoque limitato: si nihilominus voluerit Deus eam supposito infinito terminari, debuit loco creati, increatum suppositum sufficere. Ita de verbo differatur.

Interim ex his collige intellectionem per se non esse formalem representationem obiecti; sed causalem: ex se verò solùm esse operationem vitalem, qua percipitur vel ipsummet obiectum secundum se, vt in beatis; vel ipsius imago expressa, vt in cæteris. Et hæc perceptio non est aliud, quam adeptio, possessio, vniouque.

Tertium dubium, an phantasia simile quid intus producat? Resp. affirmatiuè, quia par est ratio. Experimur enim obiectum, quod aliàs sensimus, etiã vt præsens intus in animo representari: & quidem abstractum à loco, & tempore, licet non à cæteris conditionibus indiuiduantibus. Iam autem eiusmodi non verbum, sed phantasma nominatur.

CAPVT XXVIII. DE ACTIBVS INTELLECTVS.

§. I.

An intellectus plura simul possit intelligere.

NON est dubium, quin plura genera actuum possint ab intellectu elici: de quibus legendus est D. Thom. 1. p. q. 84. & 85. Potest enim vel simplici mentis intuitu ferri in obiectum, vel differendo: simplici rursus intuitu potest, vel rationes æternas, & vniuersales, vel res singulares & temporaneas contemplari: rursus differendo vel iudicat, vel concludit. Vtrumque vel opinando, vel sciendo, vel credendo facit: sed de his omnibus abunde in Logica diximus: quare restat modò solùm vt hæc explicemus; *primum*, an intellectus plura simul intelligere valeat: *secundum*, an quidquam hic speculari possit sine conuersione ad phantasmata: *tertium*, quid sit reminisci, & à quo hic actus procedat.

Quoad primum distrahuntur Doctores, *Scot. Greg. Lybets.* & *Nominales* in 1. d. 3. id affirmant: Hoc negat S. Thom. 1. p. q. 85. a. 4. cum suis affectis. Notandum ergo non hic esse quæstionem, an possint plures habitus perfecti scientiarum simul esse in eodem intellectu: item neque, an vna specie intelligibili, vel aliquo alio æquivalente possint plura representari: & ita simul cognosci: hoc enim posse cõcedit S. Thomas. Fatetur quoque multa confusè representata per modum vnius videri posse. Nimirum vel vt partes per modum vnius totius; vel vt mutuo coordinata, & collata per modum vnius comparisonis. Addunt Thomistæ per speciem simplicem debere à S. Thoma intelligi etiam species coordinatas sub aliqua ratione simplici: vt quando propositiones eiusdem demonstrationis simul proponuntur, licet diuersis speciebus obiciantur, censentur tamen vna simplici obici: Ideo possunt hæc simul cognosci.

CONCLVSIO. Sententia S. Thomæ sic explicata, valde probabilis est. Probat, quia magna certè proportio est animorum ad corpora; & alioquin constaret, quanta consensione intellectus cum vitæ congruatur: atqui videmus in vno corpore non posse simul plures actus eiusdem ordinis, disparatos tamen, imprimi: neque enim visus simul plura, sine villo conjunctionis ordine percipit: neque idem corpus simul diuersis coloribus; neque diuersis figuris actuat; quidni à pari dicemus non posse naturaliter intellectum simul à diuersis obiectis totalibus sine vlla subordinatione, ac sine villo vnitatis nexu moueri: Adde quod finita cum

sit vis animorum: quò pluribus in sese applicant, eò minùs singulis intendunt quò autem minùs, eò confusius. Ergo saltem distinctè atque perfectè non possunt applicari, nisi vni. Hinc fit, vt vnus cogitatio remittat, aut impediatur cogitationem alterius.

Hinc patet duobus modis posse defendi doctrinam S. Thomæ: *primo*, ita vt nullo modo possit intellectus plura discernere, nisi per modum vnus: *secundo*, ita vt perfectè, ac distinctè non possit plura intelligere; possit verò confusè, ac imperfectè. Prior modus est conformior menti S. Thomæ: secundus, quem sequitur Soto lib. 1. Post. videtur facilius: sed tamen non est necessarius: quin imò prior magis videtur congruere ordini diuinæ prouidentię in causis naturalibus elucenti: is enim exigit vt vires omnes naturales ordinatę sint, & ordinatę procedant in obiecta: ordo autem omnis est vnus in multa progressio sub ratione vnus. Ergo conuenientissimum quoque est, vt omnis potentia sub tali ratione vnus operetur quotiescumque operatur. Et quemadmodum quoties multa & diuersa agentia, vni principali subordinata, operantur, vel vnum efficiunt, vel multa ratione vnus, sicut cum multi artifices vnus directione ad vnum ædificium concurrunt: sic cum multę species eadem animę subordinatę simul mouent intellectum, solum eum mouent vel ad vnum quid intelligendum, vel ad multa sub ratione vnus.

Obiicies *primò*, potest visus plura cernere simul vt equum, hominem, pratum, &c. ergo & intellectus: *secundo*, possunt simul plures forme actuare eandem materiam: ergo similiter plures species possunt simul producere actus sibi proprios. Anteced. patet, quia color, & sapor actu simul afficiunt pomum: species albi & nigri simul sunt in aëre & in oculo, &c. 3. plures partes simul videntur: præmissę simul cum conclusionem percipiuntur, &c. 4. quando comparatur homo cum equo simul cerni debent: ergo.

Resp. ad primam obiectionem fateor à visu videri multa, sed per modum vnus: & per species coordinatas. Ita soluitur *tertia*: ad secundam nego Anteced. si formę sint eiusdem generis: ideo non valet exemplum coloris & saporis: species verò albi & nigri sunt simul, *distinguo*: vt agur actu *nego*: vt potentiã, *concedo*: tum ibi sunt coordinatę ad eliciendam vnica visionem à quolibet vno oculo: ad quartam Resp. videri hominem, & equum ratione communis comparisonis. Ita D. Thomas cit. sed *Dico*, non dantur species, nisi hominis, & equi. Ergo non possunt representari sub vlla alia ratione: atqui sub ratione hominis, & equi, non sunt quid vnum: *Confirm.* quia comparantur homo & equus secundum ea, quibus differunt: ergo etiam simul cognoscuntur vt multa. Resp. non esse quidem alias species: sed easdem sufficere, quatenus tamen ordinatę sunt ad formandum vnum iudicium, vel de conuenientia; vel de differentia.

Ad confirm. Resp. cognosci quidem posse multa, vt multa: id est, secundum differentias singulorum præcisè sine subordinatione ad superiorem aliquam rationem vnus, *nego*: cum subordinatione ad vnam

aliquam rationem, nempe aut conuenientię, aut differentię, vel alius, concedo.

§. 2.

*An possit intellectus aliquid cogitare sine conuersione
ad phantasmata.*

ARISTOT 3. de anima t. 39. definit, eum qui contemplatur, oportere phantasma quoddam contemplari. Propterea qui non sentit aliquid, nihil utique addiscere, neque intelligere. Plato uero contrā nihil quod sentiri possit, ab eo qui scire aliquid exoptet, cogitandum esse affirmauit. Si quis, inquit, sursum inhiat, nunquam conuersus, sensibile aliquid deorsum percipere studet, discere ipsum nequaquam assero: & infra, cum quis ad differendum se confert, absque sensibus ratione dumtaxat ad ipsum quod est, quodlibet, id est, rationē idealem, & incommutabilem, nititur. In Theteto. Queritur ergo, quis uero similius sit locutus? Multi multa hic dicunt. Auicēna censuit ad scientię vsum nequaquā prodesse phantasmata: Gręci quā plurimi contendunt eadem menti non adminiculari, cōmunia & in corporea speculanti: qui uero Aristotelem sequi desiderant, non omnes vno modo loquuntur: Aliqui contendunt nullam prorsus modo esse posse intellectiōē ab hac conuersione ad phantasmata independentem: alij solam extaticam contemplationem, quę diuinitus fit, excipiunt: alij aiunt mentē adhęc phantasmata necessariō debere conuerti, ut inde primū species intellectiles eliciat; tum ut primas cognitiones ab his dependentes exerceat. D. Thom. 1. p. q. 75. a. 6. ait intelligere cum phantasmate propriam esse operationem mentis vnitz corpori: at separata aliam fore, nimirum similem angelicę, ita ut species influxu diuini luminis sit acceptura, ut docet q. 89. a. 1. & 2. Scotus in 1. d. 3. vult modo quidem non aliter nos posse intelligere: sed hoc ex ipsa cęcitare prouenire, quam peccatum primi hominis induxit: verū prima eiusmodi dissensionis origo ducitur partim ex ipso experimento, quo phantasię necessitatem persentimus; partim ex ipsa ratione, quę suadet ratione posse à nobis concipi, quę phantasię captum transcendunt.

Nota duplicem posse sensum intelligi, cū dicitur mentem, dum contemplatur, ad phantasmata conuerti: primus est, quodd omnis mentis operatio abiis actu pendeat: secundus, quodd mentis operationem aliqua phantasię actio debuerit præcedere, vel concomitari.

CONCLUSIO: secundus iste sensus uerus est: primus probabiliter falsus. Primam partem probo ex duplici capite: *Primū*, quia mens nostra saltem secundum præsentem statum nullum singulare percipere potest independentem à phantasmate: hoc enim abunde constat propriis singulorum experiētiis: tum quia possemus alioquin naturaliter nosse absentiam panis in sacramento altaris, discernere habitus mentis, præ-

sentiam angeli custodis, &c. aliunde quoque non minùs certum est non posse nos de rerum communibus rationibus cogitare, nisi per aliquorum singularium inspectionē determinemur, vel excitemur: nam siue rationes rerum intus habeamus in anima, siue species rerum vniuersalium à Deo inditas, hæc certè causæ vniuersales sunt; perse nequiquā determinatæ, vt hic, & nunc agant: Ergo determinari debent per aliquid magis ex se determinatum: talis autem est inspectio singularium, quæ hic & nunc in phantasmate collucet animo. Idem dici debet, si admittamus à Deo tunc sigillari animum lumine ideali, quando speculatur: nam ipsemet Deus, prout nobiscum iuxta ordinem naturaleni operatur, semper vt causa quædam vniuersalis agit: ideo non sese determinat ad hic & nunc operandum hoc, vel illud, nisi quatenus hæc, vel illa causarum secundarum dispositio exigit. Quodd si species deberent è phantasmate abstrahi, nulla tunc ratio dubitandi occurreret: Cur verò voluerit Deus modo à nobis singulare nullum agnosci posse independentem à phantasmate, difficile scire possumus. Vel enim id sequitur ex imperfectione naturali animi nostri; vel ex sola conditione status presentis, qui debuit esse talis, vt fidei merito non obesset: obesset autem in rebus plurimis, si mens perse ipsam singularia quæuis discernere potuisset: vel forte etiam in pœnam peccati originalis id contigit.

Secundum caput, quo probatur hæc prima Conclusionis pars, est mira sympathia mentis cum corpore, & consequenter cum phantasia: vnde sit, vt nihil animus possit cogitare, quin phantasia simile quidpiam sibi fingat: Adde nimiam consuetudinē rebus corporeis adhærendi: vnde D. August. 8. de Trinit. cap. 2. *Noli querere, inquit, quid sit veritas, statim enim se opponunt caligines imaginum corporalium, & nebula phantasmatum, & perturbabunt serenitatem, qua primo ictu diluxit tibi, cum dicerem, veritas. Ecce in ipso primo ictu, quo velut cornuscatione perstringeris, cum dicitur veritas, mane si potes, sed non potes. Relaberis in ista solita, acque terrena: quo tandem pondere, quaeso, relaberis, nisi sordium contractarum cupiditatis visco, & peregrinationis erroribus?* Idem S. Greg. Naz. de Theol. orat. 2. egregiè confirmat dicens quod *quemadmodum nulla ratione fieri potest, vt quisquam qualibet incedat, umbram prætereat suam: sic etiam fieri non potest, vt qui corporibus inclusi sunt, sine corporearum, ac sensibilibus rerum adminiculo iis, qua animo & ratione intelliguntur, coniungantur: semper enim obiter sensibile aliquid incidit: quantumvis maximè nostra mens à rerum ad spectabilium contagione separatur, &c.*

Secunda pars quoque probatur, quia quæ superant omnes phantasmatum vires, ea nequeunt phantasmatum occursum dignosci, sed multa modo purâ intelligentiâ deprehenduntur, quæ superant omnes phantasmatum vires: Ergo, &c. deinde id confirmatur experientia: dum enim volumus profunda meditatione aliquid rimari, solemus quoad possumus ab omni sensibilibus turba, & attentione mentem auertere. Denique mens nostra *esse corporalium imaginum quasi quodam nullo sub-*

tenetur, non tamen inuoluitur, atque confunditur. Sed interest, verum ego sub illa, vel in illa caligine tanquam à cælo perspicuosæculari, an sicut in altissimis montibus accidere solet, inter vtrumque aëre libero fruens, & serenissimam lucem supra, & densissimas nebulas subitus aspiciam, inquit S. August. 9. de Trinit. cap. 9. Ideo ubi animus ea parte, qua rerum sensibilibus percipiendarum capax est, sufficienter informatus fuerit, tum altera, qua cum rationibus æternis connectitur, potest multò nobilius perfici: diuina, & non corporea meditando. Simile quid docet D. Dionys. ep. 9. *Par enim erat, ut ipsa vita humana que indiuisibilis simul est, & diuisibilis* (alludit ad dictum Platonis ex Timæo) *lucem diuina cognitionis, prout ipsi propriè competit, susceperet: & ea pars anime, que à passione libera est, (intellectiua) ad simplicia, intimaque sine penitissime indita deformium imaginum contemplamina dirigatur, atque intendat: ea verò que passionibus obnoxia sunt, curaretur: & modo naturæ illius consentaneo ad res diuinas per typica symbola artificiosè obducta pertraheretur: quippe cui huiusmodi opera cognata sint, & excitanda intelligentia idonea.*

Confirmatur ex D. August. qui 14. de ciuit. Dei, narrat Presbyterum quendam nomine Restitutum à sensibus sese abstrahere, quando ei alubefcebat, consueuisse: & 12. de gen. multa eiusmodi recitat, præsertim de puero, qui frequenter sopitis ob nimium dolorem sensibus, mira spiritu cernebat, atque cum Angelis loquebatur.

Hic tamen quædam cauenda subnoto: *primum*, quòd citra diuinam, angelicam, vel dæmoniacam operam nemo mortalium possit modo sic sese à sensibus abducere, ut sine operatione phantasie vel præiua, vel concomitante, res merè spirituales, ac præsertim singulares intuituè dispiciat: alioquin prophetiæ, ac raptus possent naturaliter accidere: atque adeo tam in vigilia, quam in somno, ut subditiè mentitus est A. uicenna In gratiam sectæ Mahumetis epileptici: & contrà dictum S. Petri, quòd *voluntate humana non est allata prophetia*. Ideo quod Restituto contingebat, forte Angeli; quod verò illi puero; dæmonis ope factum fuisse credendum est. Hinc tamen patet huiusmodi modum cognoscendi non esse omnino præternaturalem homini.

Secundum, quod notari velim est, quòd sine dubio in statu naturæ integre, ante corruptas naturæ vires, mens hominis multò liberius circa diuinam; atque etiam sincerius versari potuisset, quam modo, ait enim D. Augustinus 15. de Trinit. cap. 27. *Que causa, ut ipsam lucem fixa acie videre non possis, nisi infirmitas? & quis eam tibi fecit, nisi iniquitas?* hoc probari posset ex iis, quæ diximus in moral. cap. 1. §. 3. & cap. 11. §. 1. & 2. sed non vacat dicta repetere. Ita præter Scotum citatum sentit Gerson in centur. 6. partic. & alij.

De Reminiscencia.

IN Logica cap. ult. diximus quid secundum Platonicos sit reminiscencia: supra cap. 23. §. 1. etiam insinuauimus, quid à memoria hæc distinguatur. Quamquam autem ea possent sufficere, tamen ad ampliorum notitiam pauca hæc debui subdere: primo solere communiter menti attribui memoriam intellectuam, cuius primum officium sit seruare species intelligibiles; secundum verò, elicere actum reminiscencie. Et quia eiusdem est facultatis species recipere, seruare, & iis vti: inde non opus est memoriam eiusmodi ab intellectu distinguere. Si tamen loco specierum admittere velis rationes innatas, cum ex ab anima realiter distingui non soleant, sequeretur animam ipsam prout his rationibus factam, dici posse verum memoriæ: sed si cum Zabarella, Gianninio, & aliis dixeris nec rationes illas admitti, neque species intelligibiles permanentes, fatendum erit intellectum præditum habitu cognitionem semel exercitam iterandi, memoriam dici posse. Quare secundum diuersa principia, diuersa quoque est memoriæ acceptatio.

Secundo notare oportet memoriam intellectualem plurimum pendere à memoria sensitua: quam non arbitror posse germanius describi, quam hisce verbis Platonis in Theæteto: *Cum in alicuius animo, inquit Socrates, cerea effigies* (sic memoriæ organum vocat) *profunda, & multa, & lenis, ac probe subacta est, que per sensus insunt, in hoc insculpta, quod Homerus animi cor vocauit, cera hanc similitudinem indicans, ut pote pura signacula, & funditus insidentia, diuturna sunt; ac primo homines sic instituti dociles sunt, & acuti; deinde etiam memores: postremò simulacra sensuum non committant, vnde vera nimirum operantur. Nam cum sint ea perlucida, & ampla in regione, velociter distribuunt, diuiduntque in propriam effigiem singula, que quidem existentia, veraque dicuntur: virique tales sapientes in re nuncupantur. Quando igitur densum alicuius est cor, quod sapientissimus poeta laudauit; vel cum lulentum est, neque ex defecata cera, vel molle nimis, aut durum non rectè omnino se habet. Nam mollis nimirum cera, celeres quidem ad percipiendum efficit: sed eosdem obliuiosos: dura verò contrà, diu memores. sed ineproptarsoque ad percipiendum: & qui densam & asperam, lapideamve, vel terream, vel sæculentiam habent, obscura simulacra continent; obscura quoque qui duram: profunditas quippe non adest. Obscura præterea, qui molliorem: nam ex confusione facile euanescent. Quod si præter hæc, inuicem quoque congesta sint, ob sedis angustiam, siquidem exigua sit anima, obscuriora quoque illis simulacra fient. Homines ergo huiusmodi omnes, quales descripsimus, ad opinionem falsam proni redduntur: nam cum quid vident, aut cogitant, quia singula singulis reddere nequeunt, tardi sunt, & præuaricantur: peruersè enim vident plurima, audiunt, & aliud sepe pro alio cogitando concipiunt. Ita Plato sub cærx comparatione organum*

memoriæ sensitiuæ optimè describit: videtur illud in corde constituere, vt aliàs diximus: licet explicari sic possit, vt metaphoricè ipsum cecerebrum cor animæ vocare voluerit.

Porro in memoria intellectiua conseruari dicimus prima principia, cùm speculatiua; tum practica rerum sciendarum ab homine, aut agentum. Illa sub habitu intelligentiæ, vel primorum principiorum communiter indicantur: ista sub nomine iuris naturalis primarij. Vtraque naturaliter nota sunt, nec possunt ignorari, vt diximus partim in Logica cap. 52. partim in moral. cap. 12. vbi diximus non posse inculpabilem accidere ignorationem iuris naturalis, nimirū primarij, quod in his primis principiis practicis consistit: alioquin enim ius naturale secundarium, quod vel ius gentium dicitur; vel quidpiam ex primis illatum, inculpate ignorari posse nihil vetat.

De voluntate nihil hic subdemus: sat enim multa de hac in moral. cap. 14. vsque ad 17. diximus. Et quod hic solet queri, an ipsa realiter à libertate distinguatur, sufficienter inde solui potest: voluntas enim primum ex natura ordinatur necessariò ad finem, siue ad bonum vt sic: & sic dicitur voluntas vt natura: deinde eadem ordinatur ex seipsa, non necessariò ad media; seu ad hunc vel illum actum: & vocatur vis electiua, siue liberum arbitrium, siue libertas, quæ in indifferentia quidem actiua consistit, sed negatiua, vt volunt Thomistæ, quemadmodum diximus in moral. cap. 14. nec opus est hic plura subdere. Ergo eadem omnino facultas est, quæ & natura, & libertas consideratur. Hac itaque prærogatiua suam Deus in nobis insigniuit imaginem, liberos nos primum efficiens, vt tamen in cælo faceret deiformes. Vtinam hac sic vtamur, vt Deo in æternum fruamur, cui gloria in secula seculorum. Amen.

C A P V T XXIX.

DE PRIMO COGNITO intellectus.

DISSERTATIO PLATONICA.

§. I.

Peripateticorum diffensiones.

PRIMUM cognitum potest tripliciter intelligi: quod enim potest
 ab intellectu percipi, est primum vel dignitate, vel specificatione,
 vel origine: primum dignitate sine dubio est Deus. Primum spe-
 cificatione est id quod alioquin vocatur obiectum adæquatum, à quo

vtique primò, ac præcipuè specificatur potentia intellectiua: & tale
communiter dicitur eas vt sic, quatenus verum. Primum origine est id,
quod primo loco ab intellectu percipitur: antequam illud comprehen-
dat: De hoc solo digladiantur Peripatetici.

Scotus, Gregor. Arim. &c. volunt primum, quod actu cognoscitur
ab intellectu esse speciem infusam: imò & singulare, quia nimirum id
videtur esse primum, quod in phantasmate exhibetur & ex eo excerp-
tur: adde, id esse primò cognitum, quod fortius mouet animum: tale au-
tem est singulare, quia magis est actu.

Ex opposito stant S. Thomas in præem. phys. 1. p. qu. 85. art. 1. Alb.
Magn. Themist. &c. qui volunt ens vniuersale ac maximè indetermi-
natum esse primò cognitum. Ratio huius opinionis est *primo*, quia om-
ne agens ducens aliquid ex potentia ad actum, prius origine producit
actum imperfectum, mox perfectum. At notio vniuersalioris est imper-
fectior. Ergo. *Secundo*, illa notio, quæ pauciora includit actu; quæ est
simplicior; cuius accidentia efficacius, & per maiorem distantiam mo-
uent sensum; quæ est magis totum & confusum: cuius singulæ facilius
apprehenduntur; quæ ex pluribus potest elici; quæ supponitur aliis; &
supponit nihil: huiusmodi notio facilius abstrahi, ac nosci potest, estq;
ideo prima. Sed notio cõmunior est eiusmodi: nam experimur, quòd li-
ceminus prospicimus Alcibiadem, primò noscimus eũ esse corpus; dein-
de animal, tum hominem, &c. Quòd si gradus corporis longinquus
mouet sensum, certè etiam cominus mouebit vehementius: tum is est,
qui vim habet primò & facilius determinandi iudicium mentis: simili-
ter si viridarium ingreditur, primò discerno plantas esse, tum herbas, ac
deinceps tales aut tales species, &c. Ex his patet falsum esse, quod aiunt
Scotistæ, singulare fortius mouere sensum. Contrarium enim patet ex
dictis. Ad illud verò, quòd notio rei singularis facilius, & prius excerna-
tur à phantasmate, Respondent Thomistæ id falsum esse, vt suprà vidi-
mus: vide D. Thomam 1. p. q. 85. a. 3.

Ex hac doctrina Henricus Gandau. aliud assurgit, & concludit Deum
ipsum esse primum cognitum nostri intellectus. Ideo supponit duplicem
esse Dei noticiam, vnã naturalem; alteram rationalem: prima est quæ-
dã notio Dei contenta in primis, & naturalibus notionibus conceptuum
communiorum entis: cuiusmodi sunt, quando concipio quidpiam sub
ratione entis vt sic; aut vt bonum, iustum, viuens, &c. hienim conce-
ptus Deum saltem implicite repræsentant & cognitione simplici, & in
communi, ac sine reflexione quòd cognoscatur Deus: notitia rationalis
ea est, qua ex rebus creatis mens nostra distinctam Dei cognitionem ra-
tiocinando venatur. Hac cognoscitur Deus sub propria, & distincta no-
tione Dei; & cum reflexione, quòd ipse cognoscatur.

Secundo supponit duplicem esse indeterminationem formæ vniuer-
salis: primam priuatiuã vocat, qua quidita commune est, vt sit aptum
determinari ad hoc aut illud quemadmodum diximus in Logica de vni-
uersali Physico. Secundam vocat negatiuam, qua forma à multis parti-

- „ cipabilis, consideratur vt per se existens: sicut ipsum bonum, ipsum ve-
 „ rum, &c. & hoc respondet vniuersali metaphysico Platónico, vt dixi-
 „ mus in Log. cap. 10. §. 3. Indeterminatum primo modo est quid confu-
 „ sum, in multis dispersum, vel per ordinem ad multa cognitum: inde-
 „ terminatum secundo modo est quid distinctum, ac maxime vnum, mul-
 „ torum tamē participandorum principium: ideo huius conceptus aptum
 „ Dei repræsentandi characterem gerit. Hoc posito
 „ Sic probatur Henrici opinio: vt sensus, ita & intellectus naturali co-
 „ gnitione semper inchoatur à magis indeterminato, vt probatum est su-
 „ præ ex S. Thoma: & licet simul tempore gradus determinati cum inde-
 „ terminatis cognoscantur; tamē prius naturā hi occurrunt animo, quā
 „ illi. Ita de quoquoque mens prius intelligit, quod sit ens, quā quod
 „ sit hoc, vel illud ens: quod sit bonum, quā quod tale, aut tale bonum.
 „ Ergo conceptus simplices primarum notionum entis, quibus vera Dei
 „ notitia continetur, prius naturaliter formantur ab animo, quā magis
 „ compositi, & determinati: illisque repræsentantur simpliciter gradus
 „ diuini, nimirum cum indeterminatione negatiua, quia dum notionem
 „ entis format vt sic: illud non considerat, vt est commune multis.
 „ Ita nihil in rebus creatis concipere potest mens humana, vt bonum,
 „ vt verum, vt iustum, vt pulchrum, vt ens, &c. nisi naturaliter prius, li-
 „ cet quandoque simul tempore, cognoscatur id, quod est perse, ac sim-
 „ pliciter bonum, verum, iustum, pulchrum, ens, &c. *vt in ipso Deo sit prin-*
 „ *cipium, & finis nostra cognitionis: principium quoad eius notionem genera-*
 „ *lissimam; finis quoad eius nudam visionem particularem: atque ita sit prin-*
 „ *cipium, & finis verum omnium in esse cognoscitino. sicut est principium & finis*
 „ *earum in esse nature.*
 „ Præterea non potest de creaturis cognosci id quod earū est proprium,
 „ nisi prius cognoscatur, quod est proprium Dei: etenim iam constitit
 „ non posse elici conceptum rei singularis, nisi prius naturā formetur
 „ conceptus rei vniuersalis, siue re, siue ratione distinctus: non potest au-
 „ tem formari conceptus rei vniuersalis, quatenus is est proprius creatu-
 „ ræ, nisi formetur eadem de re conceptus proprius Dei: etenim con-
 „ ceptus rei vniuersalis, quatenus est proprius creaturæ, in eam rem fer-
 „ tur, quatenus ea forma quædam est apta esse in hoc, & in illo supposito:
 „ conceptus verò proprius Dei est, qui fertur in ideam huiuscemodi rei:
 „ nam hæc Deus est: fertur autem in eam, quatenus concipitur forma se-
 „ cundum se, v. g. ipsa bonitas; ipsa humanitas, &c. atqui non possumus
 „ concipere aliquid cum ordine ad aliud, nempe vt aptum esse in hoc vel
 „ in illo, &c. nisi prius concipiatur secundum suum esse absolutum, seu
 „ quatenus ipsum. Ergo conceptus Dei semper naturā prior est conceptu
 „ reliquorum.
 „ Confirmatur, quia vel notiones intellectus nostri veniunt immediatè
 „ à Deo per irradiationem idearum, vt volunt Platonici; vel per quandam
 „ eliquationem, & sublimationem phantasmatis, vt volunt Peripatetici,
 „ Si primum, certè conueniens est, vt id à quo mens nostra incipit illumi-

nari, sic quoque primum nostræ illuminationis obiectum. Si secundum, et etiam debet id primum per intellectum ex phantasmate excerni, quod per ipsum adumbratur minus contrahit; quodque in eo indeterminatius, atque abstractius intermicat: sed quod eiusmodi est, Dei notio est: ergo. Ita species hinc abstracta prius naturâ conceptum parit entis, vel boni, vel vnius ut sic, &c. quam conceptum quidditatis specificæ, ut hominis, temperantiz, &c.

Uterius. sicut dum lucem videmus coloribus mixtam, lux prius natura percipitur à visu, & per eam iudicamus de coloribus: ita tamen ut propter densitatem, & corpulentiam subiecti colorati, quæ lucem contegit, distinctius de coloribus, quam de luce iudicemus: sic intellectus in rebus participatis, lucem formæ participabilis primo videt, quamquam videre eam se non aduertat. Videt confusè, ac in actu exercito ipsius per se entis, per se boni, &c. ideas, & rationes: ac per eas de quolibet ente, de bono, &c. iudicat: illas interim non videt in actu signato, seu reflexo ob illarum subtilitatem, simplicitatem, ac sublimitatem: secus solùm nobis videmur percipere res creatas, utpote crassiores, obscuriores, atque tenui nostro intellectui affiniores, &c.

Ita verissimum est quod ait tam sæpe D. August. non posse quidquam veri verè cognosci, nisi in prima veritate: *Bonum hoc, & bonum illud. Tolle hoc & illud & vide ipsum bonum, si potes, ita Deum videbis, non alio bono bonum; sed bonum omnis boni: Neque enim in his omnibus bonis, vel quæ commemoravi, vel quæ alia cernuntur, siue cogitantur, diceremus aliud alio melius, cum verè iudicamus, nisi esset nobis impressa notio ipsius boni, secundum quod & probaremus aliquid, & aliud aliq. proponeremus.* 3. de Trinit. c. 3.

§. 2.

Quod rationes æternæ, siue ideæ sint proprium, & adequatum obiectum intellectus nostri.

HACTENUS vidimus Deum esse primum cognitum dignitate, & origine; nunc paucis perscrutemur, an dici queat saltem ratione idearum, quas continet, primum cognitum in genere obiecti specificatiui.

Affirmant profecto Platonici omnes, & vel solus Plato hic sufficiet. In 6. enim de Rep. duplex intelligibile memorat: vnum primum, & alterum secundum: hoc potissimum in rationibus mathematicis constituit; de quibus longa posset texti oratio, sed tota extra positum excurreret. Ideo his omisissis, ad primum intelligibile redeo, quod Plato dixit ideas omnes in diuina mente resplendescentes continere: Ideo ibidem docet mentem primam, siue Deum ipsum omnis veritatis, & scientiæ autorem esse: in eo veritatem, & ens intelligibile emanare, à quo rebus intelligendis esse, atque essentia impertuntur.

mus, inquit, quando illi inhaeret, in quo VERITAS, ET ENS emicat; intel-
 ligit illud, cognoscitque, & intellectum habere videtur. Sed cum ad id fertur,
 quod tenebris est permixtum, quod videlicet generatur, atque corrumpitur,
 eius obtunditur acies: opinionisque varias varias, ac mentis expertus esse vide-
 tur. Illud igitur quod veritatem illis qua intelliguntur praeberet, & intelligen-
 ti vim ad intelligendum porrigit, ideam boni dicite, scientia, & veritatis in-
 tellecta causam. Cum verò adeo pulchra haec duo sint, & veritas: si boni istud
 aliud, quam ista, & pulchrius aestimabitis, restèpntabis. Et quemadmodum lu-
 men ac visum solis speciem quandam habere decet credere: esse verò solem ip-
 sum nequaquam: Ita cognitionem, & veritatem boni ipsius speciem quidem
 aliquam; esse verò ipsum minimè. Legantur cetera cum iis quae diximus
 in Log.c. 17. §. 1. c. 41. 45. 53. & in Moral.c. 7. §. 2. & aliàs

Sed age videamus modo, an rationibus suaderi id valeat. Certè om-
 nia mihi videntur in hanc sententiam mixtum in modum conspirare.
 Sed tamen prius notari peruelim dupliciter considerari posse hominem:
 Primo, Secundum statum in quo modo versatur: & respectu eorum,
 quae communiter contingunt: Secundo, Secundum speciem suam, &
 respectu eorum, quae propriè debentur naturae rationali, quatenus tal-
 lis est: Si primo modo sumatur, admittenda erit sententia D. Tho-
 mae dicentis primum obiectum intellectus, iprout communiter ipsum
 pro statu corruptelae, in qua degimus, mouere solet, eiusque commu-
 niores notiones terminat, esse quidditatem rerum, quatenus ex reflex-
 xione super phantasmata mens aliquid simile, ipsumque, adeo vniuersale
 physicum sibi format & concipit: at si primo modo sumatur, obiectum
 primum dicendum erit id, ad quod primariò, principaliter & per se
 cognoscendum ordinatur facultas intellectiua hominis: non solum vl-
 timò pro statu beatitudinis acquisitae: sed etiam in praesentia pro statu
 beatitudinis obtinendae. De hoc ergo veram esse Platoniorum senten-
 tiam arbitror, ad quam probandam paucae ex multis rationes eli-
 gam.

PRIMA RATIO ducetur ex ipsa perillustri hominis praerogati-
 ua, qua ipse fulgentem in se Dei gerit imaginem. Hinc sic liceat argu-
 mentari, vt ad imaginem Dei compositi verè simus, oportet vt ipsi se-
 cundum expressam similitudinem conformemur. Sed nusquam melius:
 imò vix aliter possumus diuino verbo conformari, quam per solam
 idearum cognitionem. Ergo, &c. Ma. explicatur aureo discursu D.
 Thomae q. 10 de verit. art. 7. Dicendum, inquit, quod rationem imaginis
 similitudo perficit, non tamen qualibet similitudo ad rationem imaginis suffi-
 ciens inuenitur, sed expressissima similitudo per quam aliquid representatur
 secundum rationem speciei suae, & ideo in corporalibus imagines rerum atten-
 duntur magis secundum figuras, quae sunt specierum propria signa, quam se-
 cundum colores, & alia accidentia. Inuenitur autem in anima nostra aliqua
 similitudo Trinitatis increata, secundum quamlibet sui cognitionem, non so-
 lum mentis, sed etiam sensus, vt patet per August. 11. de Trinit. sed in illa
 tantum Dei cognitione mentis, imago Dei reperitur, secundum quam in vien-

re nostra expressio Dei similitudo inuenitur: ut ergo cognitionem mentis secundum obiecta distinguamus, triplex cognitio in mente nostra inuenitur. Cognitio scilicet, qua mens cognoscit Deum, & qua cognoscit seipsam; & qua cognoscit temporalia: In illa cognitione, qua mens temporalia cognoscit, non inuenitur expressa similitudo Trinitatis increata, neque secundum conformationem, quia res materiales sunt magis Deo dissimiles, quam ipsa mens: unde per hoc quod mens earum scientia informetur, non efficitur magis Deo conformis. Similiter neque secundum analogiam: eo quod res temporalis, quæ sui notitiam parit in anima, vel intelligentiam actualem, non est eiusdem substantia cum mente; sed extraneum à natura eius: & sic non potest per hoc increate Trinitatis consubstantialitas representari: sed in cognitione, qua mens nostra seipsam cognoscit, est representatio Trinitatis increate secundum analogiam, in quantum hoc modo mens cognoscens seipsam, verbum sui gignit, & ex utroque procedit amor, sicut Pater seipsum dicens, verbum suum genuit ab aeterno, & ex utroque procedit Spiritus Sanctus: sed in cognitione ipsa, qua mens ipsum Deum cognoscit, mens ipsa Deo conformatur, sicut omne cognoscens, in quantum huiusmodi assimilatur cognito. Maior autem est similitudo, quæ est per conformitatem, ut visus ad colorem, quam quæ est per analogiam, ut visus ad intellectum, qui similiter ad sua obiecta comparatur: unde expressio similitudo Trinitatis est in mente, secundum quod cognoscit Deum, quam secundum quod cognoscit seipsam. Et ideo propriè imago Trinitatis est in mente, secundum quod cognoscit Deum primò, & principaliter.

Haftenus D. Thomas.

Ex his euidenter, nec non efficacissimè hoc saltem conuincitur, quod mens quæ germanam Dei gerit, exprimitque imaginem, debeat iis ipsis adherere, quæ vel Deus ipse sunt; vel in Deo: iisque conformis euadere per actualem, vitalemque, & notionalem expressionem, conformitatem, similitudinemque, sicut oculus per visionem conformatur coloribus. Hæc enim similitudo omnium nobilissima expressissimaque est, cum per illam, cognoscens, rationem ipsam, veritatemque obiecti per quandam notionalem identitatem omni materiali vnione longemaiorem intimè hauriat, possideat, in eam transformetur, idemque quod illa euadat iuxta illud Apostoli, *gloriam Domini speculantes in eadem imaginem transformamur*.

Quod autem talis conformatio non fiat per qualemcumque notitiam; sed per immediatam Dei, vel rationum incomutabilem, quæ in Deo sunt, perceptionem, quæ videlicet ea ipsa, quæ in diuino verbo sunt, immediate, & ratione sui conceptionem mentis nostræ terminant: patet quia illi soli obiecto per cognitionem assimilamur, cuius similitudinem formamus, illud intelligendo: atqui formamus imaginem eius tantum rei, quam immediatè cognoscimus, & quæ immediatè terminat conceptum nostrum: ut si lapidem cognoscimus, ei similitudine vitali conformamur, quatenus expressionem eius speciem intus gignimus, quæ is immediatè representatur. Non ergo sufficit Deum nosse per creaturas, quæ ipsius gerunt imaginem, ut ei dicamur instar imaginis conformari: alio-

„quin bellua euaderet deiformis, cum videt solem, qui splendidissima ima-
 „go Dei est: & Angelus videndo solam hominis mentem, Deo euaderet
 „similis, quia videret aliquid, per quod, & in quo aliquis Dei similitu-
 „do refulget. Igitur, ut Deo proprie per modum imaginis, & non per mo-
 „dum vestigij, aut umbræ conformemur, debemus immediatè Deum
 „posse cognoscere, vel ea quæ in Deo comprehenduntur.

„Hinc S. Augustinus in 12. de Trinit. c. 7. exponens illud D. Pauli col.
 „3. *Induite nouum hominem, qui renouatur in agnitione Dei, secundum ima-*
 „*ginem eius, qui creauit illum;* subdit hæc verba: Si ergo Spiritu mentis no-
 „stra renouamur: & ipse est nouus homo, qui renouatur in agnitione Dei se-
 „cundum imaginem eius, qui creauit eum, nulli dubium est, non secundum
 „corpus, neque secundum quamlibet animi partem; sed secundum rationalem
 „mentem, ubi potest esse agnitio Dei, hominem factum ad imaginem eius, qui
 „creauit eum: & paulò post, ut non maneat imago Dei, nisi ex qua parte
 „mens hominis æternis rationibus conspiciendis, vel consulendis adhaeret. Sed
 „adhuc clariùs qq. 33. q. 51. Cum homo possit particeps esse sapientia secundum
 „interiorem hominem: secundum seipsum, ita est ad imaginem Dei, ut nulla
 „creatura interposita formetur. Et paulò post: Ergo iste etiam spiritus ad
 „imaginem Dei nullo dubitante factus accipitur, in quo est intelligentia verita-
 „tis, heret enim veritati nulla interposita creatura. Ex quibus verbis inferre
 „oportet: primo, quòd ipsa substantialis, seu habitualis imago Dei, quæ à
 „creatura rationali separari non potest, consistit in eo, quòd possit ipsa
 „Deum, siue incommutabiles eius rationes immediatè cernere, consulere,
 „&c. secundo, quòd huic habituali imagini debeat, ceu proprius eius
 „actus, ipsa actualis Dei, siue rationum illarum contemplatio: tertio,
 „quòd actualis huius imaginis prerogatiua concessa olim Adamo fuerit;
 „& modo à Christo Domino per gratiam in multis renouata. Hæc sanè
 „conuincuntur ex dictis D. Pauli, & D. Augustini sententiis: vnde faten-
 „dum quoque est, quòd per sanctum Augustinum modo videri queant
 „rationes æternæ à mentibus nondum gloriæ vestibulum ingressis. Imo
 „in multis locis fatetur ipse, quòd mentibus impiorum aliquando, licet
 „rard, lumen suum Diuinus ille Sol, ac misericors Dominus oriri faciat
 „vti notauimus in Log. c. 45. §. 3. & supra c. 26. §. 2. Nec immeritò, quia si
 „ea homo per naturam prerogatiua donatus sit, ut possit etiam hic in via
 „diuina secundum se contemplari, diuinæ sapientiæ videbitur maximè
 „consentaneum, si saltem aliquando actum Deus indulerit huic poten-
 „tiæ competentem. Et inhaerenter affirmare poterimus rationes illas ita
 „percipere, non esse omnino præter ordinem naturalem. Possem istud ex
 „eoroborare, quòd multi locupletissimi Doctores velint horum verbo-
 „rum *creauit Deus hominem ad imaginem suam*: sensum esse, quòd Deus
 „hominem formauerit iuxta verbum suum, quòd ipsa est prima, & per-
 „sonalis imago Dei. Ita Eugub. in Cosmop. citatque Philonem, & ad-
 „dit hanc fuisse communem Græcorum sententiam *εικὼν θεῶν λόγος ὁ βίους,*
 „*εἰκὼν δὲ εἰκότος ἀνθρώπων οὗτος*: *imago Dei verbum Diuinum; imago verò*
 „*imaginis humana mens*: perinde ac si homo eatenus fuisset ad imaginem
 „Dei

Dei confectus, quatenus verbo diuino conformari ipsisque rationibus æternis, quæ in eo sunt adhærere, connectique per immediatam conuersionem poterat. Huc accedit quod ait S. Aug. q. 83. q. 51. *Sunt etiam qui nō frustra intelligant duo dicta esse: ad imaginem, & similitudinem, cū si una res esset, unum nomen sufficere potuisse asserant, sed ad imaginem mentem factam volunt, quæ nulla interposita substantia, ab ipsa veritate (quæ appropriatur Verbo diuino) formetur.* Huc congere quæ suprà c. 2. §. 2. arg. 4. Denique hinc Gerson serm. in cœna Dom. pro humil. conclafit, quod cum ab esse ideali prodierit quidquid extrinsecus sit in esse reali, solitamen creaturæ rationali ad illud redire per intelligentiam ac rationem datum sit, atque hinc ad imaginem Dei, & similitudinem facta esse affirmetur.

SECUNDA RATIO desumitur ex natura verbi, quod intelligendo intus apud nos producimus: vidimus suprà in eo præcipuè veram, genuinam, ac vitalem expressionem, similitudinemve contineri, vt autem vera sit similitudo, debet obiectum, cuius similitudo est, reuera tale assignari, quale repræsentatur, alioquin esset fallax, & mendax. Quamobrem debet semper omni vero verbo aliquid respondere, quod sit ab ipso distinctum, & per se, ac secundum naturam tale, quale repræsentatur: si quid autem sit quod huic imagini tanquam proprium & reale exemplar responderit: certe id immediatè cognitum esse dicitur.

Hinc ita liceat argumentari, quoties rationes rerum distinctè, atque sincerè in abstracto concipimus, ita vt eas tanquam per se subsistentes conspiciamus, atque adeo sine vlllo finito, ac numeratili supposito; toties verba interna producimus, quæ similitudinem idearum, quasi animò intimè præsentium gerunt, ac repræsentant. Ergo ideæ tunc verè & immediatè secundū se cognoscuntur. Antecedens vix poterit in dubium reuocari, si nite ponderetur, v.g. cogites ipsum per se hominem; ita cogitando, verbum paris, quod sit imago, atque similitudo viuax, & expressa ipsius puræ, sinceræque rationis hominis, prout ab omnibus, quæ non sunt hominis, præcisā est, omniaque quæ sunt hominis complectitur, & per se intelligibilis est. Ergo debet esse quædā talis ratio realis, ac realiter à verbo tuo distincta, quæ sit propriū, ac genuinum illius conceptus obiectum sine vlla fictione, aut falsitate: atqui nihil potest tale constitui præter ideam diuinam: ea enim vere est ipsa pura, & sincera hominis ratio, per se ab omnibus conditionibus indiuiduantibus hominis præcisā, realis, ac per se intelligibilis, &c. neque vlll alteri tota hæc descriptio competit.

Rursus obiectum talium abstractionum, est obiectum proprium & adæquatam intellectus, quia cum sit potentia immaterialis, exinde habet, vt naturā suā capax sit percipiendi ea, quæ à materiali quauis conditione, atque limitatione abstracta sunt, nimirum à proprietatibus indiuiduantibus, à loco, tempore, &c. Sed nihil potest verè huiusmodi esse, præter rationes ideales. Possumus sanè cōcipere naturas sic abstractas: sed vt conceptus ille verus sit, id quod concipitur, debet esse à conceptu

- „ distinctum, & independens, eoque prius ac perennius: id autem quid nisi idea?
- „ *Confirmatur*, quia cognitioni perfectissimæ mētis non debet minor veritas ex parte obiecti adesse, quam cui libet cognitioni sensus: sed cognitioni sensus respondet obiectum per se subsistens. Ergo. Certè alioquin
- „ omnis perfecta mentis intelligentia, qua ratio rei cuiusque vt per se subsistens comprehenditur, similis esset cognitioni phantasticæ, quæ spectra inania sensibus supponuntur.
- „ Ita ergo verissimum est quod perpetuo D. Augustinus inculcat. *In Dto*, inquit, *conspicimus incommutabilem formam iustitiæ, secundum quam hominem vivere oportere iudicamus.* Item, neque oculis corporeis multas mentes videndo per similitudinem colligimus generalem, vel specialem mentis humanæ notitiam: sed intuemur inuiolabilem veritatem, ex qua perfectè, quantum possumus, definiamus non qualis sit, &c. tandem paulo post explicans, quænam sit hæc notitia, subdit: *In illa igitur æterna veritate, ex qua temporalia facta sunt omnia, formam, secundum quam sumus, & secundum quam vel in nobis, vel in corporibus vera, & recta ratione aliquid operamur, visæ mentis adspicimus, atque inde conceptam rerum veracem notitiam tanquam verbum apud nos habemus.*
- „ TERTIA RATIO desumetur ex natura veri vniuersalis. Suppono autem primò, obiectum proprium intellectus esse *verum ens vniuersale*, eo enim distinguitur à sensu, vt diximus suprâ c. 25. §. 1. Et patet ex D. Th. 1. p. q. 84. dixi *verum ens vniuersale*, vt insinuem non satis esse, si vniuersale fuerit, & ab omni conditione materiali detersum: sed debet esse *verum ens*. Atqui ostendimus in Log. c. 37. §. 1. vera entia in solis ideis reperiri, vbi nimirum omnem habent integritatem, puritatem, & luminositatem.
- „ Suppono secundo, ipsam propriè rei sic vniuersalis quidditatem esse obiectum primum & specificatum intellectus. Hinc D. Thom. q. 10. de veritate 2. 4. ad 1. distinguit intellectum à sensu, quòd *obiecta imaginationis, & sensus sunt quedam accidentia, ex quibus quedam rei figura, vel imago constituitur: Sed obiectum intellectus est ipsa rei essentia, quamvis essentiam rei cognoscat per eius similitudinem, sicut per medium cognoscendis, non sicut per obiectum in quo primo fertur eius visio.* Et paulò pòst: *similiter intellectus visio in hoc transcendit imaginationem, & sensum, quod ad illa se extendit, quæ per essentiam suam sunt intelligibilia: & ideo hoc ei attribuit*
- „ *August.* *quasi proprium.* Hactenus ille: vnde sic liceat argumentari: obiectum proprium & primò intellectus nostri est ens verum, reale, vniuersale, quidditatum, ac denique per essentiam suam intelligibile. Sed tale solum est ens ideale. Ergo hoc solum est obiectum proprium, & primum intellectus. Ma. patet ex præsuppositis. Mi. etiam pluries probata manet ex iis quæ diximus in Logica c. 37. §. 1. & 41. §. 5. &c. Et paucis modo sic confirmatur: tria sunt, quibus hæc omnes conditiones competere possunt: primum, quidditas rerum inelusa materialibus singularem suppositorum inuolueris: secundum, eadem vt ab intellectu cogni-

ta: tertium, ratio idealis. Quidditas in primo statu, est quid contractum, & indiuiduatum, corporis inuolucris obiectum, veritatem non participans, nisi secundario & improprie, nihil denique habens lucis intellectus. In secundo statu nihil noui & excellentioris acquirit: solumque deponit inuolucra. Quod si ab intellectu concipiatur, ut quid vniuersale & materiale: quod obiectiue obuiatur animo id cogitanti, cum debeat esse aliquid distinctum à conceptu & ab ipso animo, qui concipit, vel est id ipsum, quod latet sub conditionibus indiuiduantibus; vel quod fulget in ideis. Si primum: ergo conceptus ille falsus erit, quia quod est in re, non adæquat id quod in animo est. Si secundum, ergo proprium vniuersale, quod est obiectum talis conceptus abstractiui, est ens ideale.

Confirmatur primò, quia, cum quidditas rerum præsertim materialium, ex se, ut est sub esse naturali, non participet intrinsece lucem veritatis incorporeæ, qua fiat per se intelligibilis, nec totalitatem essentia, qua sit verè vniuersalis: ab intellectu primò & principaliter ea participare non potest. Lucem quidem ab eo forte aliquam posset mutuari: sed externa hæc est; à diuina derivata; & qua videri non possunt, nisi quæ luce interna per se se intelligibilia sunt: Est enim lumen intellectus sicut lumen oculorum, quo videri nihil potest, nisi quod proprio suo lumine per se visibile supponitur: at totalitatem essentia, quæ ab intellectu ea carente desumet? Restat ergo eiusmodi quidditatem per simplicem abstractionem non posse fieri verum ens vniuersale, per essentiam intelligibile, &c. Quamobrem solum id ideis competat, necesse est.

Et verò quidni verum vniuersale in ideis constitui asseremus? Neque enim id cogitatu difficile apparebit, si definitionem veri vniuersalis velimus exactius ponderare. Cum dicitur *unum aptum inesse multis*, duobus modis potest id intelligi: primo ut sit vnum aptum inesse multis per identitatem: *secundo*, ut sit vnum aptum inesse multis per participationem: primum repugnat esse verum: quia repugnat in creaturis vnum identificari cum multis re ipsa distinctis, quin suam perdat vnitatem, & evadat multiplex: secundum repugnat non esse verum: quia repugnat aliquid posse participari à multis, quin sit in se aliquid vnum, & communicabile multis, & quin contineat in se totalitatem omnium participabilium proprietatum. Ergo vniuersale primo modo falsum simpliciter, imò per essentiam falsum, & impossibile: secundo modo per essentiam verum, & necessarium. At solæ ideæ sunt vniuersales hoc secundo modo, ut ex se constat.

Confirmatur, Vniuersale dicitur fieri ab homine, quatenus is concipit v. g. rationem hominis secundum se, & deinde in ea fingit relationem ad multa: sed nihil est in eo conceptu, quod non multo verius, & efficacius reperitur in conceptu, quo Deus eandem rationem hominis sic præcisam contemplatur. Conceptus autem is, Idea est. Ergo quidni tam verè, actam proprie vniuersale in idea erit? Ma. certa est. Mi.

19 probatur primo, homo sic præciscindens facit ens rationis, imo falsum,
 20 nisi supponatur concipere ideam ipsam: concipit enim naturam
 21 secundum se, ac præcisam quæ nullquam sic est, nisi in ideis: *secundò*,
 22 affingit relationem, quam omnes fatentur esse fictitiam: *tertiò*, talis na-
 23 tura dicitur esse mensura omnium singularium: *quartò*: dicitur esse
 24 immutabilis, æterna, &c. Hæc duo postrema facile probaremus falsa
 25 esse omnino, nisi de ideis intelligantur: sed quia hoc cuique sat potest
 26 esse in promptu: ideo hic omittimus.

27 Ratio verò hominis prout à Deo concipitur, primum est vera homi-
 28 nis essentia: quia *secundum positionem fidei*, res verius sunt in verbo
 29 quam in seipsis, ex D. Thom. de verbo a. 6. *Secundò*, præcisio ab om-
 30 nibus indiuiduantibus materiæ conditionibus verissima est. *Tertiò*, re-
 31 latio communicabilitatis non solum ad multa, sed ad omnia indivi-
 32 dua maximè realis est, siue formaliter, siue eminenter. *Quartò*, est
 33 verè mensura cæterorum. *Similitudinem* enim rerum in verbo existen-
 34 tes sunt mensura veritatis in rebus omnibus, D. Thom. cit. Denique æ-
 35 ternam eam esse, & incommutabilem quis negabit, nisi Atheus? Quid
 36 restat itaque? vide quæ diximus in Logica cap. 8. §. 4. sub finem.
 37 Deus ergo merito ens entium appellatur, comprehendens incircumscrip-
 38 tè in seipso, ac superapprehendens omne omnino velut pelagus substantia in-
 39 finitum & immensum. Atque hinc est, quodd D. Dionys. rerum quæ
 40 in Deo, vel per Deum subsistunt, quinque ordines numerat, cum ait:

S. Dionys.
 1. de Div.
 Nom.
 D. Da-
 mas. l. de
 fide c. 12

41 Deum ipse bonum ipsorum quoque primorum consistunt ut omnes prædicatur
 42 deinde ipsorum vniuersorum: subinde ipsorum particularium: deinde
 43 eorum quæ vniuersa participant: deinde eorum quæ particularia participant,
 44 Quibus verbis, quid sibi velit, non satis vidi ab eius interpretibus ex-
 45 pensum: cùm enim nihil reale sit extra Deum, quod particeps diuini
 46 alicuius muneris non sit, cur vniuersa, & particularia ab iis distinxit,
 47 quæ illa participant? Dico tamen breuiter verissimum sensum esse,
 48 quod omnia in eo verè præsentia à primis ad vltima: per prima verò in-
 49 telligit ideas communissimas, vt ipsam vitam, ipsum bonum, &c. per
 50 vniuersa, ideas generum & specierum: per particularia, ideas singu-
 51 lorum, per ea quæ participant vniuersa, multitudines rerum creatu-
 52 rum sub aliquo vno genere contentas: per ea quæ participant ipsa par-
 53 ticularia, res singulas. Tria prima vult in Deo subsistere verè secundum
 54 esse ideale indistinctum per exemplarem formationem: duo postrema
 55 secundum esse naturale distinctum, per ideatam creationem, quatenus
 56 ammirum ea iugiter quasi creando sustentat, & continet.

57 Ita ergo in Deo vera vniuersalia debemus admittere. Neque profe-
 58 ctò quidquam valet, quodd nonnulli obiciunt, ideas in Deo esse sicut fi-
 59 guras in sigillo, quæ profectò singulares quoque sint in essendo. Licet
 60 vim habeant lures imprimendi, exprimendive. Item quæ id omne sin-
 61 gulare in essendo euadere, quod idem est eum singulari. Quamobrem
 62 cum Deus si singularis, & ideæ sint ipse Deus, inferunt non esse ideas in
 63 essendo vniuersales. Sed falluntur profectò illi grauissimè, quodd Deum

conciant, velut suppositum aliquod ultimo limitationis gradu finitum, cuius circumscriptione etiā ad pares limitationis angustias finiantur quæcumque in eo verè inexistunt. Negatur ergo paritas: figura sigilli, quia recepta in subiecto limitata & actione singulari edita, singularis quoque est, sicut illa vel illæ quas imprimit: secus idæ. Ea quoque quæ cum singulari eiusmodi finito sunt idem, vt natura corporis, viuents, animalis, &c. indiuiduantur: at quæ cum vniuersalissimo, & omnium vniuersalium fonte conspirant, certè vniuersalia esse oportet. Maneat ergo fixum, ac ratum, vera entia vniuersalia, solum contineri in ideis: atque ideo eas esse verum proprium, atque adæquatum obiectum intellectus.

Sed restat vulgaris & communis interrogatio, quomodo videri à nobis idæ valeant, quin Deus ipse videatur? Respondetur id quod iam in Log. cap. 9. §. 3. diximus. Quod ne repetam, solum hic breuiter addam cognosci quidem diuinum, id est, quod D. Dionys. cap. 5. de diuin. nom. vocat *θεῖον ὁσιον*, quasi speciem, siue lucidissimum quoddam speculum suarum rationum incommutabilium: at non essentiam ipsam diuinam. His consentit D. Cyrillus Alexand. in cap. 9. Ioan. cum ait à Deo ineffabilis sui splendoris lucidos veluti quosdam vapores animo nostro immitti: vel cognosci rationes illas æternas in verbo, quod est species expressa, speculumque ænigmaticum, & consequenter non immediatè, hoc est, videtur mediante alio tanquam medio: non mediante alio tanquam obiecto prius ac per se cognito: ex cuius cognitione per rationationem coniectentur ipsæ idæ. Sicque puto intelligendum Diuum Augustinum, dum toties ait à nobis in æterna veritate formam, secundum quam sumus, visu mentis adspici, & clare de super iudicium veritatis. sui iuris incorruptissimis regulis firmum: item id solum verè esse, atque id solum vere percipi posse, quod incommutabile, atque sempiternum est: percipi autem sola intelligentia. Ep. ad Diosc. item quod nulla certa, & infallibilis notitia veritatis sincera à quocumque potest haberi, nisi adspiciendo exemplar lucis, & veritatis increata. 3. contr. Academ. &c. Quibus omnibus licet agnoscat videri per se rationem idealem, in ratione obiecti, eamque in luce veritatis æternæ exhiberi: non tamen vult eam videri sine medio, in quo adhuc tanquam in speculo, atque ænigmate percipitur: vnde in lib. 11. de ciuit. videtur beatis Angelis id in prærogatiuam beatitudinis adiudicare, vt rationes ideales immediatè per se ipsas inspiciant, Ipsi sancti Angeli, inquit, per præsentiam incommutabilis veritatis ipsam creaturam melius ibi, tanquam in arte, qua facta est, quam in ea ipsa sciunt: & 9. de Tripit. cap. 11. quemadmodum cum per sensum corporis discimus corpora, sic eorum aliqua similitudo in animo nostro, quæ phantasia memorie est, . . . melior est tamen imaginatio corporis in animo, quam illa species corporis, in quamque hæc in meliore natura est: id est, in substantia vitali: ita cum Deum noscimus, licet meliores efficiamur, quam eramus, antequam noscimus, maximeque cum eandem notitia etiam placita, dignèque amata verum est, siquæ aliqua Dei similitudo illa potest: tamen inferior est, quia in

22 inferiora natura est. Creatura quippe animus, creator autem Deus.
 23 Aliam quoque restricti onem sapē adhibuimus, quam & hic omitte-
 24 re non decet: nimirum quòd huiuscemodi contemplatio veritatis pau-
 25 cis modo concessa sit: ac non nisi iis qui animum purgatissimum adhi-
 26 buerint æternis illis rationibus contemplandis, ut seq. §. ex multis S.
 27 August. sententiis ostendimus. V. Log. c. 45. §. 5. sub finem. Ideo Hen-
 28 ricus Gandau in summa sua docet beatīs solū mentibus, vel etiam
 29 sanctis viris supernaturaliter illustratis concedi, ut rationes æternas per
 30 modum obiecti cogniti attingant, licet alij multi ad eas conuerti queant
 31 uti ad rationem cognoscendi duntaxat. Hinc S. Augustinus quorun-
 32 dam philosophorum sibi de suæ sublimitate scientiæ blandientium ar-
 33 rogantiam confundit in 4. de Trinit. cap. 15. Sunt autem quidam, qui se
 34 putant ad contemplandum Deum, & inherendum Deo virtute propria posse
 35 purgari, quos ipsa superbia maxime maculas: quasi verò, quia præcelsam, in-
 36 commutabilemque substantiam per illa, quæ facta sunt intelligere poterunt;
 37 propterea de conuerſione rerum mutabilium, aut de contextu seculorum ordi-
 38 ne consulendi sunt. Nunquid enim quia verissime disputant, & documentis
 39 certissimis persuadent æternis rationibus omnia temporalia fieri, propterea
 40 poterunt in ipsi rationibus æternis perspicere, vel ex ipsi colligere, quæ sint
 41 animalium genera; quæ semina singulorum in exordijs, qui modus in incre-
 42 mentis; qui numeri per conceptus, per ortus, per ætates, per occasus, &c. non-
 43 ne ista non per incommutabilem sapientiam: sed per locorum historiam qua-
 44 ſerunt, & alijs experta, atque conscripta crediderunt?
 45 Patet ergo paucissimis, ac paucissimarum rerum notitiam ex ideis af-
 46 fulſiſſe, sed hoc nihil aliud probat, nisi quòd ob communem corruptio-
 47 nem generis humani, rarè hunc illud attingatur, quod primarium, ac
 48 principale obiectum est humanæ mentis, non secundum statum in quo
 49 nunc est, sed secundum naturæ suæ puritatem consideratæ. Idque ve-
 50 rissimum est.

§. 3.

Quædam corollaria inferuntur.

20 EX dictis inferri potest multiplici modo humanas mentes à Deo per-
 21 fici. Est enim Deus respectu earum lux purificans; forma assimilans;
 22 obiectum terminans; Regula dirigens; Magister instituens. Purificat
 23 ut idea boni: assimilat ut veritas: terminat ut speculum: dirigit ut lex;
 24 instituit ut verbum: Primum efficit ut efficiens; secundum ut formas;
 25 tertium ut exemplar; quartum ut iudex; quintum ut Doctor.
 26 Primum enim nobis est lux purificans; iuxta illud signatum est super nos
 27 lumen vultus tui Domine. Item, ipse est lux verà, quæ illuminat omnem ho-
 28 minem venientem in hunc mundum: vide quæ diximus in Log. cap. 41.
 29 §. 5. Ita ergo Deus intelligibilis lux est, in quo, & à quo, & per quem in-
 30 telligibiliter lucent, quæ intelligibiliter lucent omnia: S. Aug. solil. 1. est-

que intellectu, quod sol oculo. Quamobrem nobilissima illuminatio
fit virtute perfectissimi luminosi: Ita perfectissima hominis speculatio
humanæ menti debita, fieri nequit nisi virtute lucis increatæ.

Lucis autem solaris tria sunt officia: primò, reddit obiecta visibilia:
secundò, roborat oculum ad videndum: tertio, purgat oculi aciem.
Hæc tria facit Deus in animo: beneficio enim luminis, quod signavit
in mentibus nostris, verè animo intelligibilia fiunt, quæcumque actu in-
telliguntur: deinde ab eodem procedit quæcumque perspicacitas ani-
morum. Atque hinc omnis nostra est vera sapientia; omnisque scientia-
rum certitudo, vt ex D. Thoma tradidimus in Logica cap. 32. & constat
ex Eccli. 1. *Fons sapientia verbum Dei: & omnis sapientia à Domino Deo*
est: tertio, purgari debet animus: sed nec potest sine radiis eiusdem pu-
rissimæ, atque inuiolabilis veritatis. Inest enim naturaliter mentibus
nostris hebetudo quædam, quasi crassities omnem earum perspicacita-
tem opprimens, & obtundens: inde orta, quòd materiæ nimis immersæ
sint, animosque affectu nimium sensuali rebus corporeis totus fere ad-
hæreseat: sed vt solaris radius aëris crassitiem sæpe discutit: ita lux illa
incommutabilis Dei hebetudinem mentis fugat, animosque sibi magis
peruios, perspicuosque reddit. Hoc verò mirificè S. Augustinus ex-
ponit, cum ait non inconuenienter dicitur sic illuminari animus luce incorpo-
rea simplicis sapientia Dei: sicut illuminatur aëris corpus luce corporea: & si-
cut tenebrescit aër iste desertus luce: ita tenebrescere animam lucè sapientia
prinatam. lib. 11. de ciuit. cap. 10. Item in lib. 10. de Trinit. cap. 8. *Quia*
mens in ijs est, qua cum amore cogitat: sensibilibus autem, id est, corporalibus
cum amore affectata est, non valet sine imaginibus eorum esse in semetipsa.
Hinc oboritur erroris dedecus, dum rerum sensarum imagines secernere à
se non potest, vt se solam videat: coheserant enim mirabiliter glutino amoris:
& hæc est eius immunditia. in qq. autem 83. & 46. sic ait anima verò
negatur ideam intueri posse, nisi rationalis, ea sui parte, qua excellit, id est,
mente Et ea quidem non omnis & qualibet, sed que sancta, & pura
fuerit, hæc asseritur illi visioni esse idonea, id est, qua ipsum oculum, quo vi-
dentur ista sancti, & sincerum, & serenum, & similem ijs rebus, quas videre
intendis habuerit. Ita innumeris aliis in locis. vide moral. cap. 3. §. 1. &
3. & cap. 9. §. 1. & c.

Notandum autem hic est, non ita Deum suam omnibus lucem exhi-
bere, sicut sol omnibus offert suam: iste enim necessarid; Deus verè li-
berè: vnde D. August. de videndo Deo ait si vult videtur, si non vult non
videtur. Hinc illud Iob 36. in manibus abscondit lucem, & præcepit ei, vt
rursus adueniat: & annuntiabit amico suo de ea, quòd possessio eius sit, &c.
à multis exponitur de luce spiritali, & intelligibili, quam Deus quibus
vult subtrahit, præsertimque impijs, vt insinuat ab eodem Iob c. 38.
auferetur ab impijs lux sua. Amicis verò suis vltro offert, quamquam &
aliquando impius eam non denegat, cum & de quibusdā Ethnicis di-
cat D. Augustinus, quòd potuerunt aciem mentis vltra omnem creaturam
transmittere, & lucem incommutabilis veritatis quantumcumque ex parte

contingere, quod Christianos multos ex fide interim sola viuentes, nondum potuisse deident. 4. de Trinit.

Ex quibus constat eiusmodi lucem distinctam esse realiter ab intellectu: cum is illa possit affici, vel orbari. At distinguitur à Deo ipso? Respondeo, hic opus esse distinctione. *In primis* luminis intellectualis nomine possumus intelligere naturalem perspicacitatem, qua rerum rationes discernere, ac diiudicare valeamus: *Secundo*, habitum primorum principiorum, siue habituales notitias principalium quarundam veritatum, quæ primæ regulæ sunt omnium actuum cum intellectus, tum voluntatis dirigendorum. *Tertio*, etiam actuales notitias, quatenus principia sunt aliarum cognitionum. *Primo* modo forte non distinguitur ab intellectu. *Secundo*, id distingui probauimus in Log. cap. 52. *Tertio*, id etiam distingui constat apud omnes. Ita quoque triplex illud lumen à Deo distingui certum est. Nam quod naturalis animorum perspicacitas: & ipsa eorum actualis notitia, non sic Deus, fatentur omnes, nisi qui vellent impiè delirare. Quod etiam habitus primorum ab eo differat, patet ex eo quod ab omnibus soleat admitti tanquam quidpiam à Deo animæ nostræ infixum, insemينatum, inditum, &c. vt diximus in Log. cap. 52. & certè hic nihil aliud videtur esse, quam typi quidam, characteres & sigillationes rationum æternarum, in quibus illæ principales veritates continentur, vt mox dicemus apertius: verum præter hæc tria opus adhuc alio lumine opus est, vt ad cognoscendas veritates alias peculiari, de quibus hætenus loquuti sumus, etiam ad naturam pertinentes: quo nimirum Deus, modo hunc, modo illum, magisque, aut minus illuminet: & reuera quæcumque hætenus ex D. Augustino retulimus, probant quoties sincerè ex veritate iudicium fertur, id semper peculiari beneficio lucis increatæ, & consequenter à nostro lumine naturali distinctæ, fieri. Ideo docens inquirere notitiam sinceræ veritatis, dicit lib. de vera relig. *Noli formi ire, in te ipsum redi: ratiocinantem animam transcendere: illic ergo tendere: unde ipsum lumen rationis accenditur:* aliud igitur de super lumen à Deo accendi debet, sine quo informis omnis nostra notitia & imperfecta, dubiaque sit, oportet: vt sæpius in Logica monstratum est.

Hoc ergo lumen quid est, Deus ne, an qualitas? Respondeo id esse Deum ipsum, non absolute, sed quatenus actû quodam intellectuali (fluente quidem instar simplicis motionis; & non inhzrente instar qualitatis) intellectum nostrum perficit, & perspicacitatem reddit ad intelligendam sinceram veritatem de rebus propositis. Quamobrem ipsemet Deus, vt manifestans veritatem & intimè illapsus animo lux ipsa est, quæ nos illuminat: actus ille se habet vt radius, quo intimè perfusus animus vitaliter videt, tanquam per seipsum: ita Deus se se habet, vt sol: radius ille, vt lumen, quo roboratur oculus noster ad videndum: Quamobrem sicut, cum videmus colores obliquo solis lumine illustratos: licet ille nobis suppeditet lumen, quo videmus; & coloribus, quo videntur: tamen neque solem ipsum, neque lumen eius, sed eo solum colores perspicimus: & licet

& licet perspicuitate animi pernoscamus, quacumque pernoscinus; ipsam tamen non videmus: Ita licet luce increata veras rerum rationes discernamus; ipsam tamen non videmus, ut in seest: sitque nobis tunc ratio cognoscendi, non obiectum cognitum: quia ut ait D. August. lib. de Trinit. cap. 2. modo est acies mentis nostra inualida: nec in tam excellenti luce figitur, nisi per virtutem fidei nutrita vegetetur: ut ad perceptionem incommutabilis veritatis imbecillem mentem observata pietas sanet. Et in ep. ad Italiam: erit ergo tunc mens idonea, qua illum lucem videat, qua nunc nondum est. Hoc itaque verissimum est de diuina luce, quatenus secundum substantiam suam, quæ Deus est, sumitur: & in hoc sensu verissimum est, quod docet D. Thom. 1. p. qu. 84. a. 5. omnia cognosci in rationibus æternis, ut in cognitionis principio: quia per sigillationem diuini luminis in nobis omnia demonstrantur: non verò sicut in obiecto cognito: quia reuera paucis, & respectu paucorum huiusmodi sinceræ cognitionis priuilegium conceditur: quia tamen non est negatū omnibus: & sincera ratio, quæ tunc manifestatur, tota lumen est. Ideo D. August. in Epist. ad Consentium ait inuisibili mentis, & rationis intentione conspiciamus ipsam quoque lumen, quo cuncta ista cernimus, quod tam nobis certum est, quam nobis efficit certa: quæ secundum ipsum xernimus: vel dic, quod lumen illud videmus ut quo; non ut quod. Ita cum D. Thoma omnino consentiens.

Secundo Deus est FORMA ASSIMILANS, SPECIES DISTINGVENS; CHARACTER DETERMINANS, &c. ut enim intellectus determinatam specialis cuiusdam veritatis potius, quam alterius notitiam parere valeat, debet peculiari quodam principio formali ætuari: à quo indifferens eius concipiendi facultas determinetur ad hunc potius, quam ad illum conceptum: sic ut tellus alioquin ferox triticum potius, quam vinum ferat, debet fecundari peculiari aliquo semine: & verò cum intellectio sit actio vitalis, certè debet à principio intrinsecè fecundo, non minùs quam viuientium generatio, prodire. Deus ergo suarum idearum quandam quasi sigillationem imprimat animis: ac per eam illos determinat ad conceptus his similes enitendos. Id quod optimè Henricus Gandau. ita exposuit: proxima, & perfecta ratio cognoscendi sinceram veritatem de quacumque perfecta, & determinata cognitione, est diuina essentia: in qua uim est ars, siue exemplar rerum, imprimens ipsi menti uerbum simillimum ueritati rei extra: per hoc quod ipsa continens est in se ideas, & regulas, & expressas omnium rerum similitudines, quas imprimis conceptibus mentis: per quod etiam sigillat, & characterizat ipsam mentem imagine sua expressa: Sicut anulus cære: quæ non migrando; sed tanquam imprimendo transferuntur. Rationem deinde affert his uerbis: Si enim uerbum ueritatis in mente de re quacumque, est formata cogitatio ab eare, quam scimus, ut dicit S. August. 11. de Trinit. cap. 9. & ueritas est adequatio rei & intellectus: uerbum perfectum ueritatis debet esse formata cogitatio secundum supremam, & perfectam similitudinem ad ipsam rem, quæ non potest esse nisi exemplar illud æternum, quod perfectam & expressissimam similitudinem rei in

- 20 se continet, nulla ex parte dissimilem: ut dicit August. in fine de vera relig.
 21 Puto autem id intelligi à D. August. cum toties ait mentem nostram
 22 formari ab ipsa veritate; coaptarique incommutabilibus regulis, luminibusque,
 23 &c. Nam illa formatio seu coaptatio potest considerari vel secundum esse
 24 completum ac terminatum: vel secundum principium formale, quo id
 25 fit: primo modo est ipsa noticia actualis: secundo est aliquid quod per
 26 modum actus primi complet potentiam animæ, ut possit parere verbum
 27 de veritate aliqua speciali; quod sit eiusdem similitudo expressa: ergo
 28 ut prius natura, quam animus hoc verbū pariat, suscipere aliquid debuit
 29 à Deo ideam veritatis gerente: unde ponatur in actu primo: illudque pu-
 30 tauerim posse exprimi per analogiam ad characteres, siue figuras, & si-
 31 gillationes, quæ corporibus imprimuntur: neque enim aliter possumus
 32 res spirituales exprimere. Neque etiam Deus in variandis, multiplican-
 33 dis, disponendis, ac determinandis rerum corporearum generibus, mo-
 34 dis, ac mensuris minus admirabilem sese exhibuit, quam in rerum cor-
 35 porearum. Concipiendum ergo est in animis aliquid analogicum figu-
 36 rationibus, siue notis similitudinum, quæ sunt in materia. Et tales lice-
 37 bit appellitare species, siue formulas participatas, siue determinationes
 38 formales. Earumque alie possunt esse habituales, & in animo permanen-
 39 tes: alie sunt velut simplices dispositiones quæ non habent esse ratum,
 40 instar sigillationis, quam annulus in aqua imprimeret. Talis characteri-
 41 zatio vix distinguenda est à noticia, quæ gignitur: vel non aliter quam
 42 motio, qua causa prima secundā mouet, distinguitur ab eius effectu: aut
 43 potius ita se habet, sicut dispositio vocalis arteriæ, ac lingue à variis con-
 44 ceptibus determinata se habet ad vocē, articulatam, quæ inde formatur;
 45 & quæ characterem conceptus gerit: eiusque vim exprimit. Sic dum
 46 animus verbum interius parit quod sinceræ veritatis in idea diuini con-
 47 ceptus præcontentæ similitudinem exprimit, prius ab eodem conceptu
 48 diuino formatur animus, ut hoc potius quam aliud verbum exprimat:
 49 & quemadmodum illa dispositio arteriæ non solet notari, ut distincta,
 50 vel ab animo formante vocē: vel à voce formata: sic illa figuratio animi
 51 subintelligi debet sub vocabulo vel Dei formantis; vel notitiæ formatæ.
 52 Priori modo arbitror in animis nostris à rationibus æternis imprimi
 53 characteres intelligibiles veritatum omnium communium, quæ prima
 54 principia omnium scientiarum, ac virtutum complectuntur: quos sole-
 55 mus vocare habitus principiorum: habituales notitias iniunctas à Deo men-
 56 tibus nostris inditas: prænotiones, anticipationesque primigenias, &c.
 57 ut constat ex Log. cap. 45. & 52. itemque ex morali cap. 11. & alibi. Hæ
 58 certè non aliud sunt, quam species concreatæ.
 59 Posteriori verò modo tunc solum animus ab ideis sigillatur, cum pri-
 60 mum sincerum fert iudicium de veritate aliqua speciali: cum enim in
 61 rebus creatis præsertim corporeis veritas non insit nisi imperfectè ac se-
 62 cundariò ut dictum est in Log. cap. 37. §. 1. ideo inde nequit deriuari
 63 character perfectæ, ac sinceræ veritatis: sed solum ex Deo, in quo pri-
 64 mitus fulget; ad reliqua verò cognoscenda, vel sufficiunt phantasmata;

vel rationes rerum eminenter, ac virtualiter in animi essentia comprehenditur: ut dictum est suprâ. Quamobrem iuxta hunc loquendi modum optimè possumus affirmare ideam diuinam esse intelligibilem illâ speciem, per quam sincerum verum conspiciat, quemadmodum ait D. Greg. in illud Iob 4. stetit quidam: *Quisquis inde aliquid apprehendit per coeternam eius speciem conspiciat*: & D. August. lib. 17. de Ciuit. c. 27. vult iusta per intelligibilem speciem: iniusta verò per eius priuationem videri secundum interiorem hominem: quomodo certe ideam intelligit sese in animo figurantem. Denique secundum diuersam hanc configurationis rationem modulus nostræ cognitionis attenditur, certa quoque limitatio: ut nimirum clariùs, aut obscuriùs sincera ratio peruideatur: non verò vniuersa id ex vis, ac essentia.

Tertio Deus est **OBIECTVM TERMINANS**: ut enim quæcumque luceant, ea nisi terminentur, videri non possunt: quia finita visio nequit in infinitum tendere: sic in vanum animo lux idealis affulgeret, nisi simul obiceretur aliquid, quod intelligentis intuitum terminaret, quodque ipsa faciat apparere, ac dispici. Id autem quod sic terminare potest mentis obtutum, ad tria genera obiectorum potest reuocari: vel enim est natura singularis: vel vniuersale Physicum, & confusum: vel ratio sincera æterna cuiusdam veritatis: primum est in phantasmate: secundum in viribus animæ: tertium in ideis: quæ quatenus terminant intellectum eo modo, quo suprâ diximus, eò distinguuntur à seipsis, quatenus characterizant, quod ut terminantes habeant rationem obiecti: quatenus verò characterizant, rationem principij: ut obiectum, terminant similitudinem: ut species, eam fundant.

Quarto est **REGULA DIRIGENS**: enim uerò quisquis indagat veritatem, bonitatem, honestatem, &c. quomodo ea quæreret si non aliquam horum notionem haberet? aut quæsitâ quomodo inuenisse se sciret? Quemadmodum, possetne Alcibiadè quærere: aut occurrentem agnoscere: si nullam eius in animo regulam te dirigentem, siue eius prænotionem aliquam habuisset? Quotus autem quisque est, qui naturaliter, & sine magistro non quærat bonitatem, honestatem, & cætera multa eiusmodi?

2. Quisquis aliquem amicum sibi, vel inimicum, honestum, vel inhonestum iudicat, an non oportet, ut quid sit amicitia; vel quid honestas præcognoscat? quomodo ergo rectè cætera bona, malaue, vera vel falsa diiudicem, nisi prius inspecta mihi, atque indita sit notitia veritatis? An poterit iudex aliquis æquum de duobus contendentibus iudicium ferre, nisi æquitatis in animo priùs infixam regulam habeat, secundum quam rectè iudicet: quid quisque iustum, vel iniustum obtendat? At quæ multa sunt, quæ omnes naturaliter iusta esse rectissimè iudicamus; eaque ab iniustis solo rationis dictamine probè discernimus: horum ergo infixam animo regulam gerimus: at unde acceptam? unde ergo nonis animus, quid sit iustus, qui nondum est, atque ut sit, diligite iustum? an signa quadam per motum corporis emicant, quibus ille, aut ille homo iustus apparet? sed unde nonis illa signa esse animi iusti, nesciens quid

omnino sit insus? non ita ergo: sed ubi nouimus, quid sit insus, etiam cum insi-
 nondum sumus? si extra nos nouimus, in corpore aliquo nouimus: sed non est
 ista res corporis. In nobis igitur nouimus, quid sit insus, &c. An illud quod
 videt animus, veritas est interior præsens animo, qui eam valet intueri? ne-
 que omnes valent? & qui intueri valent, hoc etiam, quod intuentur, non om-
 nes sunt, &c. August. 8. de Trinit. cap. 6.

Tertio, sicut nullus potest iudicare Xenocratem esse similiorem Pla-
 toni, quam Speucippum, si Platonis ignoret effigiem: ita neque in om-
 nibus bonis diceremus aliud alio melius, cum verè indicamus, nisi esset nobis
 impressa notio ipsius boni, secundum quod & probaremus aliquid, & aliud
 ali praponeremus. ibid. c. 3.

Quarto, ea quæ sunt structuræ, musicæ ac similia, multi rudes & inscijs
 persæpe rectissimè iudicant: vnde? Cum arcum pulchrè, atque equaliter
 iutorum, quem vidi, animo reuoluo, res quedam menti nunciata per oculos,
 memoriaque transfusa imaginarium conspectum facit: sed aliud mente con-
 spicio, secundum quod mihi opus illud placet: vnde etià si displiceret, corrigere,
 &c. vide alia multa in Log. ubi de Criterio 41. & de Remin. c. 53. §. 3.

Denique ipse est MAGISTER INSTITVENS: ille enim solus magister
 meretur appellari: qui solus illuminare sic potest intellectum, vt percipiat
 quæ latebant, & ex eo quod actu nesciret, fiat actu sciens: quique speciem
 intelligibilem verè imperitur; ac tandem qui per se ducit ad sinceræ ve-
 ritatis noticiam: sed solus Deus hoc facit. Homo hominem instruit so-
 lum per accidens: solis enim signis ad placitum significantibus excitat
 notiones quodammodo consopitas, aut ordiat: & qui audit docentem
 similis est ei, qui iam inuenit, quod quærebat: quare quemadmodum
 nemo verè dicendus esset inuenisse, quod quæsisset, nisi id priùs quodam-
 modo cognouisset. Ita qui discit, quomodo sciret se discere, nisi priùs
 eius, quod inquirebat, notionem concepisset? sane dum puero propo-
 nis signa, quorum significata non tenet, docere eum non poteris. Ergo
 quem docet, ipse iam, quodammodo callet, quod differis: alioquin pue-
 ro cur non intelligentiam confers? cur non mentis hebetudinem tollis?
 non ergo immeritò quidam magistrum hominem hoc exemplo describi-
 bunt; si Iouis Planetam noctu in stellato cælo quæritares, nescius ubi
 esset: ac tum Astrologus erecto in Iouem digito, aspectum tuum in illum
 duceret: digitus ille an tibi videndi Iouis author erit? an visui tuo quid-
 quam addidit, quo eum videres? an non potius claritas huius astri effi-
 ceret, vt videres? ecquid aliud, quæso, magistri exteriores faciunt? signis
 quibusdam analogis, sæpe æquiuiocis; semper umbraticis mentem suo
 aliunde lumine perspicacem modo in hoc, modo in alio figunt, quod ta-
 men ab ea per se nosci supponunt, non faciunt: VNVS EST ERGO MA-
 GISTER NOSTER, isque qui scientiarum Dominus meritissimè appellatur;
 quæ cum iita sint, nonne verissimè Plato docuit nec mente carere Deum,
 neque naturam humani generis ignorare: Scit enim inquit, SE DOCENTEM
 ita secuturos homines, vt quæ docentur, perdiscant: in Epinom. legatur
 porro libellus D. August. de Magistro.

BREVIS ANALYSIS METAPHYSICÆ.

ABSOLVTIS Logicæ, Moralis, & vniuersæ Physicæ libris; Videretur adhuc de Metaphysicis agendum: verùm ea quæ in his libris continentur, sparsim in cæteris Philosophiæ partibus; è re nata examinari debuerunt. Quamobrem nihil propemodum superest, quod vltius morari nos debeat: quod vt euidentius appareat, constitui librorum Metaphysicæ, & quæstionum, quæ in iis discutiantur, perbreuem Indicem proponere: vt hinc, quid ad hanc Philosophiæ partem pertineat, exploratum habeatur: & continuò pateat, quo in loco reliquæ Philosophiæ à nobis iam pertractatæ, agitatae fuerint.

Suppono autem in primis nomen hoc *μεταφυσικῆς*, solum ea indicare, quæ post Physicæ supersunt disputanda: solet tamen hæc pars sæpè prima Philosophia nuncupari; seu sapientia: quod in ea de primis scientiarum principiis agi soleat; rerumque communiores notiones exprimantur, vt quid sit ens, quid vnum, verum, bonum, quid idem, diuersum, actus, potentia, &c. Item de principiis rerum, de ideis, de intelligentiis multa quærantur. Cæterum de multis retractatur, quæ iam explicata fuerant in aliis libris, vt de prædicamentis, de materia, de forma; de causis, de motoribus cælorum, &c. Nec ordo satis exactus est: adeo vt videatur potius esse collectio conscribendorum, quam conscriptus liber. Hinc multi negant, hunc librum ab Aristotele fuisse confectum: sed à Theophrasto eius discipulo, ex iis quæ præceptor parauerat morti proximus; moriensque reliquerat indigesta, confarcinatum fuisse opus hoc, quod modo præ manibus habemus. Hinc præterea oritur, vt varij variè Metaphysicam tradant: multi nihil de ipsa effutiant; alij vniuersam Philosophiam hac vna Philosophiæ parte complectuntur.

Nec minor est de obiecto illius, authorum dissensio: 15. enim diuersæ sententiæ numerantur. Præcipuæ sunt *prima*, quod Deus vt naturaliter demonstrandus, sit obiectum: *secunda*, quod substantia separata: *tertia*, quod substantia, vt sic: *quarta*, quod eadem vt composita: *quinta*, quod ens, & hæc in totidem sectas diuiditur, quot excogitari poterunt communes entis notiones, vel diuisiones. Communis tamen opinio est *Ens vt ens*, id est, vt nulla determinati generis differentia contrahatur, esse obiectum Metaphysicæ: quia sic supergreditur naturales omnes disciplinas: & communia omnium tradit principia: atque hoc cla-

rè docet Aristot. 4. Met. c. 1. & 2. item 6. c. 1. Vide quæ de Metaphysica diximus in *Logica* c. 47. §. 3. & 4. Veniamus ergo ad ordinem horum librorum, qui quatuordecim sunt.

IN PRIMO.

Post laudatum horum librorum scopum, & commendatam sapientiam, opiniones veterum de principiis recitat, ac refutat: *De his allum est in Phys. c. 1. 2. & 3.*

IN SECUNDO.

Agit de veri speculandi difficultate: *vide Log. c. 37. 41. 45.*

Non dari pocessum in infinitum: *Vide Phys. c. 18. §. 3. Axiom. 1.*

Quales esse oporteat veritatis auditores: *vide pulchriora ex Platone in typō Philosophiæ p. 7.*

IN TERTIO.

Multa quæ ad methodum sciendi pertinent, disquirunt: *Sed sufficiunt, quæ in Log. de demonstratione: & in Phys. in præmio §. 3. & 4. diximus.*

De scientiarum distinctione, vel vnitatem, *vide Log. c. 47.*

De generibus, & vniuersalibus, *vide Logicam c. 8. 9. 10. & c.*

De principiis demonstrationis, *vide Log. c. 42. 43. 45.*

Multa eiusmodi alia in eo proponuntur, quæ in *Logica* fuisse soluta, ut antè præter substantias naturales, & sensibiles sint aliæ.

Resp. affirmatiuè, quia sunt Deus, Angeli, & idee. Item an res Mathematicæ sint essentia, & substantia. R. eas ut existunt in materia esse accidentia; ut in ideis esse rationes & essentias abstractas, purè intelligibiles: & cum substantia diuina identificatas.

Item an corruptibilem & incorruptibilem eadem sint principia. *Resp. negatiuè ut constat ex Log. c. 23.*

IN QUARTO.

Ens ut ens facit obiectum primæ Philosophiæ.

Ens dici analogicè, *vide Log. c. 19.*

Ens & vnum conuerti, *de hoc iterum infra.*

Hoc communissimum axioma probat: impossibile est idem esse simul & non esse. Sed præcipua demonstratio ducenda est ex lumine naturali rationis, à Deo nobis indito, quo, etiam naturaliter docemur, falsum esse, quòd res sint semper tales in seipsis, quales nobis apparent, Ita ut nulla ipsis realitas in se præter apparentiam. Hinc autem faciunt ea quæ de criterio diximus in *Logica* c. 41.

IN QUINTO.

Explicat quid sint principium, & causa, Elementum, natura: necessarium, vnum, ens, substantia, prædicamenta & post prædicamenta; quid item pars, & totum, & genus, de quibus affatim suis locis in *Logica*, & in *Physica* egimus. Addit quid sit perfectum, imminutum, falsum accidentis.

NOTA, solere præsertim in *Metaph.* super hæc aliquot agitari quæstiones, nempe quomodo essentia distinguatur ab existentia: qualis sit diuisionis: quid sint, & quot summa genera, &c. quæ omnia in *Logica* fusè satis sumus prosequuti. Item an natura distinguatur à sup-

posito; & quodnam sit indiuiduationis principium: sed de his actum est in Phys. c. 8. & 9.

Præterea quaeritur, an ens & vnum conuertantur, & quomodo hæc tria sese ad ens habeant; an addant aliquid, & quid illud sit, positium, an negatiuum. Ideo, vt breuiter ista hic expendamus, sequentes propositiones subiicimus.

PROPOSITIO PRIMA.

Hæc tria sumi possunt duobus modis: substantiue, vel denominatiue. Primo modo soli primo omnium principio per se competunt: & conceptu omnium simplicissimo constant. Ideoque neque definiri; neque intelligi possunt: suntque ipso conceptu entis priora, & superiora. Hæc propositio est Platonica: & quæ ad ipsum vnum declarata fuit in *Log. c. 21. §. 2. & in Phys. c. 3. §. 2.* Quoad verum, in *Logica c. 37. §. 1.* Quoad bonum in *Moral. c. 2. §. 2.* Et certè quod ipsi primo omnium principio conueniant, patet: quia vnum est principium omnis multitudinis: & omnia pendent ab vno: quia sine vnus participatione: nec vnum ens potest intelligi, nec multa: quia multa nequeunt esse, nisi componantur ex vnis. Deniq; primum principium, vel est ipsum vnum per essentiam, & imparticipate: vel denominatiue, & participatè: non secundum, quia diceretur vnum participatione ipsius vnus, & consequenter ab eo penderet, eoque esset inferius, quod repugnat primo principio. Ergo primum. Hæc ratio probat quod sit etiam ipsum verum, & ipsum bonum: quoniã alioquin esset tale participatione. At quidquid est participatiue, & denominatiue verum, id inde tale est, quo eius principis adæquetur, vt constat ex *Logica cit.* Similiter quod est participatiue bonum, non est bonum à seipso, sed ab alio. Hæc autem repugnant primo omnium principio. Ergo. &c.

Quod omnium simplicissimo conceptu consent: patet quia principium est, ex quo cætera, ipsum autem ex nullo. Ergo si vel minima compositione constarent, non essent primum principium.

Quod definiri nequeant, patet quia omnis definitio habet partes.

Quod item intelligi non possint, patet quia quidquid cognoscitur ab intellectu creato, cognoscitur sub aliqua notione entis creati, & determinati: at omne tale ens creatum est quid compositum ex eo quod est, & quo est; item ex gradu determinabili & determinante, &c. Adde quod sicut à potentia corporea diuisibili, nequit quidquam corporeum indiuisibile percipi: ita neque quod simplicissimum est, cognosci potest à mente Metaphysicè saltē diuisibili, & composita. Rursus, sicut pura materia, & simplex forma nequeunt cadere sub actionem naturæ: ita neque pura potentialitas entis: neque purissimus actus sub actionem mentis. Item nihil cognoscitur, nisi cuius similitudo per notitiam exprimitur ab animo: at nulla potest ab eo formari similitudo; quæ sit eo simplicior. Ita innumera possent addi, quæ tamen prosequi modo non vacat. Satis sit notasse proportionē, quæ intelligentem inter & intelligibile debet intercedere. Solum istud ex Plotino subdam, *Enn. 6. l. 9. c.*

4. Accidit dubitatio, defectusque in nobis circa Deum cognoscendum præcipuè, quia neque per quandam scientiam, neque per intelligentiam ullam cognoscimus illum, sicut alia solemus, quia intelligibilia nuncupantur: sed per præsentiam quandam scientia meliorem. Anima verò proculquavis ab uno, neque est penitus unum, quando scientiam alicuius assumit. Scientia enim ratio quaedam est; ratio verò multa: unum ergo transgreditur, in numerum, multitudinemque prolapsa, &c. Item omnium absolute primum principium est prius, & superius omni gradu participabili: quia semper im-
participatum præcedit participabile, estque huius principium. Sed tria illa sunt ipsum primum principium, quod est per se imparticipatum. Ens verò est primum participabile. Ergo. vide qua diximus in Logica c. 19. §. 2. Hæc carprim diximus: qui plura volet, legat P. Dorgeuillæum exam. doctr. Platon.

Interim nota hæc et tribus optimè nobis adumbrari diuinam essentiam: atque ex his posse facillimè omnia Dei attributa mirabili consecutione deduci: quod forte aliàs, si Deus dederit, poterimus exhibere.

PROPOSITIO SECUNDA.

Vnum, verum & bonum denominatiuè sumpta, sunt veluti proprietates entis: cum eo conuertuntur: nec ab eo conceptu absoluto differunt, sed relatiuo duntaxat: quòd sint proprietates entis, & cum ente conuertantur, fatentur omnes Peripatetici post Aristot. hic. Etenim concipitur ens per modum primi subiecti, de quo denominatiuè prædicatur vñ, verum, bonum: & nullum est ens, de quo hæc non prædicentur: & de nullo prædicantur denominatiuè, quod non sit ens, nam ens homo, & vnus homo idem sunt: sicque de cæteris: quod autem sic de aliquo prædicatur ad conuertentiam, eius proprietas dicitur, & cum eo conuertitur.

Quod ab ente non differant conceptu absoluto, sed solum respectiuo, patet; quoad primam partem, quia quæ differunt conceptu absoluto, saltem formalitates, & notiones absolutas, ita distinctas significant, vt vna intrinsecè alteram non includat: sed repugnat esse vel concipi ens sine his tribus: neque vllum ex his sine ente; etiam in abstracto: nam entitas est quid vnum, verum, & bonum: & vnitas est quidpiam, ergo ens. Ita de exteris. Sunt enim primi & essentialiter characteres primi principij, qui essentialiter in quolibet eius effectu fulgent: seu vires primordiales, eiusdem primi principij, quibus omne ens essentialiter continetur, ornatur, & perficitur: suntque hæc tria velut *modus, species & ordo*, sine quibus repugnat quidquam à Deo fieri, & conseruari, (quod autem à Deo nec sic, nec conseruatur, nihil est;) Modus, quo vnumquodque in se finitur, ab vnitate: species, qua formatur, ab vnitate; quæ est adequatio ad ideam: ordo denique, quo quidque propter quid expediens, vel expetibile est, à bonitate procedunt. Ideo ab vnitate, terminatum, siue perfectum: à veritate, speciosum, siue pulchrum: à bonitate iucundum, siue ordinatum est, quidquid est.

Ex his patet, hæc tria non distingui ab ente sicut reales proprietates à subiecto

subiecto, à quo sunt separabiles, vt calorem ab igni, frigus ab aqua; imò neque sicut differentiam à genere: nam licet differentia in concreto contineat genus: neque enim potest esse rationale, quin sit animal: tamen in abstracto neutrum intrinsecè in neutro continetur. Ipsa enim animalitas sine rationalitate, & rationalitas sine animalitate completæ quædam formalitates sunt, completis, & absolutis conceptibus exprimendæ: secus de entitate, & vnitate, veritate, &c. vt diximus. Quin etiam neque ab ente differunt, sicut modi illi intrinseci, de quibus egimus in Logica c. 20. nimirum *esse à se: esse ab alio: esse per se: esse in alio*. Hi enim sic cum ente idem sunt, vt non omnes cum omni ente semper coeant: sed sine quolibet disunctim esse potest ens: nam ens quod est creatura, non est ens *à se*: quod est accidens, non ens *per se*, &c. At nullum esse, aut fingi potest ens, quod non sit; aut non fingatur vnum, verum, bonum. Quamobrem nescio, an non fortè rectius hæc tria dici debeant: ipsa prima, & essentialia entis principia: quæ mutuo inter se nexu insolubili implicata omnem entis rationem constituent, determinent, ordinentque: licet in modo prædicandi sic exprimantur, vt exprimi solent proprietates. Quidquid sit, certè, nec verè proprietates reales, neque modi entis sunt ob huiusmodi indistinctionem: sed solum improprie, & quoad solum modum concipiendi, & prædicandi.

Distinguuntur autem conceptu respectiuo: quia diuersæ super his relationes fundantur, vt constabit ex notionibus singulorum mox explicandis. Id enim quod est, diuersis modis quibus est, & quasi secundum diuersos adfectus, quibus cognoscibile est, designant. Vt *vnum* enim, constituitur quidpiam in se perfectum, ab aliis discretum, in se simul totum; nec vlla sui diuisione distractum, aut imminutum. Vt *verum*, constituitur tale quid, secundum æternæ alicuius rationis exemplar formatum, essentia cuiusdam particeps, & sincerum. Denique *vt bonum*, est aliquid illecebrosum, ex se appetitum alliciens: vtile ac iucundum.

Hæc tamen notiones inuicem ita intra sese complicantur, vt quælibet in cæteris: & cæteræ in qualibet, omnesque in ente: & hoc in omnibus, singulisque inseparabiliter, atque indiseretè continentur. Solis hisce respectibus distinguendæ. Simile quid ex Platone citauimus in Log. c. 13. §. 3. de identitate & diuersitate, quæ sic à se differunt, vt tamen intrinsecè mutuo se includant.

PROPOSITIO TERTIA.

Hæc tria non negatiuum quid per se adiiciunt enti: sed totum id quod significant, aliquid positiuum est, ac perfectum: hoc patet ex dictis; quia quæ immediatè ante diximus, significant certè aliquid perfecti, ac positiui.

Dices, vnum definitur per aliquid negatiuum, nempe per indiuisiorem: dicitur enim *id quod indiuisum est in se, & diuisum à quocumque alio*. Item vnum definitur per negationem multitudinis: multitudo autem, est aliquid positiuum. Respondeo indiuisum esse quid negatiuum solum nomine tenus; vt *infinisum, immensum*, &c. At quoad rem esse

quid affirmatiuum: diuisio enim negatio potius est, qua vnum non est aliud: quæue integritas, plenitudo, perfectio, & simplicitas de aliquo negantur. Ideo diuisio corruptioni; indiuisio constitutioni entis æquipollent: corrumpitur enim quidlibet, cum diuisionem admittit: constituitur, cum diuisa in vnum conciliantur. Ideo multitudo est quid positium secundum ea ex quibus constat, quorum vnum quodq; est aliquid vnum: est verò quid negatiuum secundum ipsam diuisionem, quæ unitati opponitur. Iam vnum describitur per negationem multitudinis, secundum quod diuisionem habet: non secundum quod plures unitates.

Redeamus nunc ad Aristotelem.

IN SEXTO LIBRO.

Rursus de Metaphysica disciplina disputat, quænam à cæteris distinguatur, *v. Log. c. 47.*

IN SEPTIMO:

De substantia & accidente: *de his in Log. de prædic.*

De vniuersalibus & ideis: *vide Log. c. 7. & 8. & Physic. c. 28. & 29.*

IN OCTAVO.

De materia, & forma: nos de his in Physicæ cap. 4. vsque ad 11.

IN NONO.

De potentia & actu, quod modis dicantur multum certè ambigua sunt ista nomina. Potentia enim vel sumitur pro possibili, & huic respondet actus essendi, vel existentia, *de quibus in Log. c. 18.* vel pro principio transmutandi alius, & huic respondet operatio, & *de his vide Log. c. 32. §. 1. Physic. c. 21. §. 2. & de anima c. 11.* vel sumitur pro subiecto transmutando, huic pro potentia passiuæ recipiendæ formæ substantialis, & est materia, cuius actus est forma: *de quibus supra:* vel pro potentia passiuæ recipiendæ accidentis: & de hac quæri potest quid sit, & ad quod genus reuocanda. Resp. eam aliud nihil esse, quam aptitudinem quandam proximam, qua substantia & talis aut talis apta est ad tale, aut tale accedens recipiendum: & hæc cum non in omni substantia corporea: neque in ordine ad omnes formas inueniatur equaliter, oportet, vt sit quidpiam à potentia substantiali distinctum, quod reduci cōsequenter debeat ad genus actus, cuius est aptitudo, vt verum sit quod ait Arist. actum & potentiam semper in eodem genere coordinari.

IN DECIMO.

Rursus de vno, & comparatur ad multitudinem: sed de hac oppositum eorum, quæ de vno superius dicta sunt asserere oportet. Præcipue tamen de vno, & multo quantitatiuo hic disputat: aitque maximè proprium esse vnius quantitatiui, vt sit mensura prima in quolibet genere rerum corporearum: quod sic intellige, vt id quo metimur reliqua, sub forma rei indiuisibilis vsurpetur: quia quod simpliciter est semper assumitur ad quantitatem compositoris dignoscendam. *vide Log. c. 24. §. 1.* Hinc rectè supra diximus primam mensurandi, ac definiendi omnia regulam ab ipso vno omnium principio desumi oportere.

Item hic de oppositione, & contrarietate multa disputat de quibus, v. *Log. c. 3. 4. 5. 1*

IN VNDICESIMO.

Multa repetit quæ proposuerat in tertio, tum sternit iter ad disputationem de intelligentiis. *IN 12.*

De intelligentiis agit, quas ex solo motu cælorum colligit: totidemque inducit, quot orbis cælestes, computando excentricos, & concentricos, epicyclos; omnesque ex æquo facit actus puros, æque etiam necessarias, æternas, & beatas, ac primam, v. *Phys. c. 50.*

IN 13. & 14.

Ideas Platonis exagitat: hoc est, etiam eas quas Theologi admittunt in Deo. Has enim solas admisit Plato, ut iam toties demonsttrauimus; & has verè noluit admittere Aristoteles: vide *Phys. c. 1. 4. 28.*

Multa porro hic de intelligentiis, ac de Deo Optimo Maximo dicenda occurrerent, præsertim ex sententia Platonis; sed ea forte limites Philosophiæ naturalis excederent: vix enim quidquam in Theologia de Deo, eiusque attributis dici consuevit, quod profundissimè non possit ex illius monumentis erui, ut quasi per transennam indigitauimus, in *Phys. c. 1. 14. 20. 8. 29. 31. 30. & de Cælo c. 1. & 2* In his enim & alijs ostendimus Deum esse necessariò: esse vnum: ens à se: æternum: immensum: curam habere omnium: causam primam, cuius ope agant cæteræ: finem vltimum, cuius gratia sint omnia: Creatorem vniuersi: omnium ideas in mente gerere: lucem esse mentium: liberrimum, imò omni libertate superiorem: summum bonum; eius visione ac fruitione beari animos immortales, &c.

Neque pauciora de Angelis possemus eiungere. Nam sub prima mente, quæ vnica est, quia imparticipata, plures mentes participatas esse oportere demonstratur: idque confirmatur ex motu cælorum, ut probauimus in *ll. de Cælo c. 11.* Item ex apparitionibus dæmoniorum, incubis, aliisque huiusmodi, de quibus in *ll. de Anima.*

Angelos autem esse Dei ministros, non in creando; neque in gignendo; sed in regendo, à Deo illos esse præpositos mouendis cælis; gubernandis imperiis; hominibus custodiendis; diuini fati legibus exequendis, & quæ sunt generis eiusdem vidimus in *Phys. c. 16. 28. & 29. l. de Cælo c. 5. & 11.* An autem compositi sint; corporeique, an verò materia spiritali induantur, necne, diximus *ll. de Anima c. 2. & 3.*

Ista porro in Philosophia, vel indicasse satis esse putauimus, forte alias de his copiosius acturi. Theologis interim ea copiosè tractanda relinquentes Faxit tamen Deus, ut ab ipso, apud sum, & in ipso hæc omnia, vel potiùs horum omnium stabiles æternæque rationes, discussis mortalitatis nostræ tenebris contemplari: ipsique primo, & superambienti omnia principio, æterni amoris glutino, & beatificæ comprehensionis amplexu coherere valeamus. Cui honor, & gloria in secula seculorum, Amen

INDEX CAPITVM ET QVÆSTIONVM.

PROÆMIUM.

Caput Primum. De essentia Animæ.

- | | | |
|-------|---|----|
| §. 1. | Quid sit anima in genere. | 1 |
| §. 2. | Quid sit anima rationalis secundum substantiam. | 3 |
| §. 3. | Quomodo componatur anima ex numeris harmonicis. | 11 |

Caput II. De Animæ humanæ immortalitate.

- | | | |
|-------|-----------------------------------|----|
| §. 1. | Errores veterum excluduntur. | 18 |
| §. 2. | Rationes pro immortalitate animæ. | 21 |
| §. 3. | Soluntur argumenta opposita. | 22 |

Caput III. De Animæ rationalis origine.

- | | | |
|-------|--|----|
| §. 1. | Errores veterum notantur. | 31 |
| §. 2. | Refutatio prædictorum errorum. | 38 |
| §. 3. | Ultimus error de propagatione animarum discutitur. | 41 |
| §. 4. | Obiecta soluntur. | 46 |
| §. 5. | De primo momento animationis. | 49 |

Caput IV. De multitudine Animarum.

- | | | |
|-------|--|----|
| §. 1. | An sit unica solum in omnibus hominibus. | 51 |
| §. 2. | An præter intellectum sit alia in homine mortali & corporea. | 53 |
| §. 3. | An saltem successive sint plures in eodem. | 58 |

Caput V. De vniõne Animæ rationalis cum corpore.

- | | | |
|-------|--|----|
| §. 1. | Difficultas exponitur: quid sint vehicula Platonis. | 60 |
| §. 2. | Quid secundum veritatem tenendum sit. | 64 |
| §. 3. | Quæstiones aliquot expediuntur. | 68 |
| §. 4. | Utrum animarum inequalitas ex vniõne ad corpora oriatur. | 72 |

Caput VI. De Animis Brutorum.

- | | | |
|-------|---------------------|----|
| §. 1. | Quid sint. | 74 |
| §. 2. | An sint immortales. | 75 |

Caput VII. De indiuisibilitate Animarum.

- | | | |
|-------|--|----|
| §. 1. | Quidam monita præmittuntur. | 78 |
| §. 2. | Discernitur quæstio. | 81 |
| §. 3. | Obiiciuntur ac diluuntur aduersæ partis argumenta. | 83 |

Caput VIII. De diuisione viuientium animarum.

- | | | |
|-------|--|----|
| §. 1. | Tria esse animarum genera. | 87 |
| §. 2. | Esse 5. potentias, & 4. genera viuientium. | 90 |
| §. 3. | De diuisionibus viuientium in particulari. | 91 |
| §. 4. | De stirpibus, earumque partibus. | 93 |

Caput IX. De partibus corporis animati.




Index Capitum, & Quaestionum.

§. 1. Anatomica, & brevis humani corporis partium descriptio.	95
§. 2. Quanam partes animantur.	103
Caput X. De principia sede animæ.	
§. 1. Explicatur questio.	106
§. 2. Viriusque partis argumenta ponderantur.	109
§. 3. Conclusio.	111
Caput XI. De potentiis animæ.	
§. 1. Exponitur questio de earum distinctione & soluitur.	113
§. 2. Rationes opposita diluuntur.	110
§. 3. An potentia distinguantur per ordinem ad actus & obiecta.	117
§. 4. In quo subiecto sint.	122
Caput XII. De formatione corporis.	
§. 1. De principio materiali, formali & effectivo corporis vini.	124
§. 2. An semen sit animatum.	126
§. 3. Unde promeniatur.	130
§. 4. Quomodo uterque parens concurrat.	132
§. 5. Unde promeniatur similitudo filiorum.	135
Caput XIII. De Vita.	
§. 1. Quid sit vita, quidve calidum innatum.	136
§. 2. De affectibus vita.	140
§. 3. De pulsu.	142
§. 4. De respiratione.	145
Caput XIV. De augmento & nutritione viventium.	
§. 1. Quid accretio, nutritio, & aggeneratio.	151
§. 2. Quale sit alimentum, & quam necessarium.	156
Caput XV. De augmentatione secundum quas partes fiat.	
§. 1. Explicatur & soluitur questio.	160
§. 2. Quomodo sese habeas ad nutritionem.	165
Caput XVI. De sensu eiusque operatione.	
§. 1. Quid sit actus sentiendi, an passio.	164
§. 2. Cuius sit, sine de obiecto sensus in genere.	167
§. 3. In quo fiat, siue de organo.	172
Caput XVII. De speciebus intentionalibus.	
§. 1. An sint admittenda, & quid senserint authores.	174
§. 2. De praedictis fertur iudicium.	176
§. 3. Quid sint & quibus modis explicari queant.	180
Caput XVIII. De Visu.	
§. 1. Quodnam eius organum.	186
§. 2. De obiecto visus, siue de coloribus.	191
§. 3. Divisio colorum.	196
§. 4. De modo quo fit visio.	196
§. 5. Quadam quaestiones ad visum pertinentes coniunguntur.	203
Caput XIX. De Auditui.	
§. 1. De ipsius organo.	211
§. 2. De sono ac praesertim de voce.	215

Index Capitulorum & Quaestionum.

§. 1. <i>Aliquot quaestiones ad sonum spectantes solvuntur.</i>	116
Caput XX. De Olfactu.	
§. 1. <i>Eius organum describitur.</i>	120
§. 2. <i>De odoribus.</i>	121
§. 3. <i>Aliquot quaestiones explicantur.</i>	125
Caput XXI. De Gustu.	
§. 1. <i>Quod eius organum.</i>	118
§. 2. <i>De saporibus.</i>	130
Caput XXII. De Tactu.	
§. 1. <i>Quid sit & cuius.</i>	134
§. 2. <i>Aliquot quaestiones ad eum spectantes expenduntur.</i>	136
Caput XXIII. De sensibus internis.	
§. 1. <i>Quid sint, & qui eorum actus precipui.</i>	139
§. 2. <i>Quomodo differant.</i>	141
§. 3. <i>De speciebus sensus interni.</i>	146
§. 4. <i>De somno & insomniis.</i>	150
Caput XXIV. De appetitu sensitivo.	
§. 1. <i>An sit, quid & quotuplex.</i>	156
§. 2. <i>Affectuum origo, & causa Physica declarantur.</i>	161
§. 3. <i>De vi motiva.</i>	168
Caput XXV. De intellectu possibili.	
§. 1. <i>Quid sit, & cuius obiecti.</i>	171
§. 2. <i>De speciebus intelligibilibus secundum Peripateticos.</i>	176
§. 3. <i>Sententia eorum qui negant species intelligibiles.</i>	181
Caput XXVI. De intellectu agente.	
§. 1. <i>Peripateticorum, ac praesertim Thomistarum opiniones recensentur.</i>	185
§. 2. <i>Opposita sententia, quae nullum agnoscit intellectum agentem, prae- ter Deum explicatur.</i>	190
Caput XXVII. De verbo mentis.	
§. 1. <i>Quid sit, & quale.</i>	194
§. 2. <i>Solvuntur quaedam dubia.</i>	197
Caput XXVIII. De actibus intellectus.	
§. 1. <i>An intellectus plura simul possit intelligere.</i>	200
§. 2. <i>An possit aliquid cogitare, seu conversione ad phantasmata.</i>	202
§. 3. <i>De reminiscencia.</i>	205
Caput XXIX. De primo cognito intellectu secundum Pla- tonicos, & S. August.	
§. 1. <i>Peripateticorum diffensiones.</i>	206
§. 2. <i>Quid idea sit proprium & adequatum obiectum nostri intellectus.</i>	209
§. 3. <i>Quaedam corollaria inferuntur.</i>	218
BREVIS ANALYSIS METAPHYSICAE.	225



FINIS.



Errata praeipua.

Pag 7. li. 33. idemus, *pro* videmus
 20. li. 22. iandudum, *pro* iandunum
 24. li. 31. incommutabile, *pro* incommutabili
 83. li. 25. diuisibiles, *pro* indiuisibiles
 111. li. 11. maneat, *pro* manent
 131. li. 25. quæ *pro* quàm
 144. li. 25. dolori, *pro* doloris
 161. li. 34. aulos, *pro* aulos sine accètu,
 165. li. 18. attentiori, *pro* attentior
 166. li. 12. perfectio, *pro* imperfecto
 198. li. 43. formali, *pro* formale
 174. li. 11. duo, *pro* plura
 185. li. 1. ipsa, *pro* ipsomet
 188. li. 38. pultridam, *pro* putridam
 188. li. 43. reliquos, *pro* reliquos
 192. li. 35. efficietur, *pro* efficitur
 206. li. 19. tanginus, *pro* tangimus
 207. li. 8. minorem, *pro* maiorem
 208. li. 24. roborentur, *pro* roboretur
 221. li. 16. parte, *pro* partes
 221. li. 19. circa, *pro* circa cor
 232. li. 16. amariorem, *pro* amarorem
 238. li. 38. subitis, *pro* & subitis
 240. li. 6. mutuantis, *pro* mutuantem
 li. 11. quam, *pro* quæ

Pag. 141. li. 16. interno, *pro* externo
 150. li. 13. deserit, *pro* deserunt
 254. li. 13. spiritibus, *pro* spiritus
 li. 35. in illa, *pro* in illo
 261. li. 6. post verbum, adde non
 262. li. 8. *pro* secunda, lege tertia, & contra
 263. li. 15. motus, *pro* metus
 264. li. 34. benigne, *pro* benigna, & dele, sequentem
 275. li. 4. Thomas, *pro* Thoma
 276. li. 29. eius, *pro* & eius
 280. li. 8. ratiocinandi, *pro* ratiocinando
 281. li. 13. vnus, *pro* vnus
 287. li. 20. Montecinus, *pro* Montecatinus
 294. li. 3. eiusmodi, *pro* cuiusmodi
 298. li. 13. videres, *pro* viderem
 300. li. 45. fuordinatione, *pro* subordinatione
 309. li. 40. continere, *pro* contineri
 316. li. 15. similitudinem, *pro* similitudines
 322. li. 9. vt prius, dele vt
 328. li. 40. vnitate, *pro* veritate

Amice Lector, ineuitabilis hac mendorum Typographicorum fors, quæ vix exactissimis parcit, erga me verò nescio unde iniquior, errata quam plurima tibi in 6. istis Tomis exhibebit, nec tamen omnia: multa adhuc oculos legentium subterfugerunt. Ideo quod relectioni defuit, tua quæso sedulitate, ac beneuolentia supple & excusa: occurrent aliquando nonnulla quæ contrarium sensum eius, quem oportet, continent: sed ex iis quæ antecedunt, vel subsequuntur corrigenda cuique per se, si modo attentus esse velit, apparebunt: vt v. g. cum in Log. p. 104. li. 32. diuersas pro eisdem: & in Phys. p. 131. li. 22. tollit necessitatem pro libertatem: & similia leges, de quibus monitum te volui, ne si quando errata eiusmodi sensum reddiderint obscuriorem, ne hasites id mendos adscribere, quod coherenti intelligentia obuiabit: neque putes non erratum, quia in emendatum repereris.

Handwritten text, mostly illegible due to fading and bleed-through. The text appears to be organized into several paragraphs, with some lines indented. The ink is dark, and the paper is aged and discolored.

FIVE